

六十種曲





荆



釵





674  
25 V.  
目錄

- |      |    |
|------|----|
| 第一齣  | 家門 |
| 第二齣  | 會講 |
| 第三齣  | 慶誕 |
| 第四齣  | 堂試 |
| 第五齣  | 啓媒 |
| 第六齣  | 議親 |
| 第七齣  | 退契 |
| 第八齣  | 受釵 |
| 第九齣  | 繡房 |
| 第十齣  | 逼嫁 |
| 第十一齣 | 辭靈 |

第十二齣 合巹

第十三齣 遣僕

第十四齣 迎請

第十五齣 分別

第十六齣 赴試

第十七齣 春科

第十八齣 閨念

第十九齣 參相

第二十齣 傳魚

第二十一齣 套書

第二十二齣 獲報

第二十三齣 覓真

第二十四齣 大逼

第二十五齣 發水

第二十六齣 投江

第二十七齣 憶母

第二十八齣 哭鞋

第二十九齣 搶親

第三十齣 祭江

第三十一齣 見母

第三十二齣 遣音

第三十三齣 赴任

第三十四齣 誤計

第三十五齣 時祀

第三十六齣 夜香

第三十七齣 民戴

第三十八齣 意旨

第三十九齣 就祿

第四十齣 奸詰

第四十一齣 晤壻

第四十二齣 親敘

第四十三齣 執柯

第四十四齣 續姻

第四十五齣 薦亡

第四十六齣 責婢

第四十七齣 疑會



第四十八齣

團圓



荆釵記 目錄

六一開明書店



# 荆釵記

明朱權箸

## 第一齣 家門

〔臨江僊〕〔末上〕一段新奇真故事。須教兩極馳名。三千今古腹中存。開言驚四座。打動五靈神。六府齊才並七步。八方豪氣凌雲。歌聲遏住九霄雲。十分全會者。少不得仁義禮先行。〔問答照常〕

〔沁園春〕才子王生。佳人錢氏。賢孝溫良。以荆釵爲聘。配爲夫婦。春闈催試。拆散鸞凰。獨步蟾宮。高攀仙桂。一舉鰲頭。姓字香。因參相。不從招贅。改調潮陽。修書遠報萱堂。中道奸謀變禍殃。岳母生嗔。逼凌改嫁。山妻守節。潛地去投江。幸神道匡扶撈救。同赴瓜期。往異鄉。吉安會。義夫節婦。千古永傳揚。

王狀元不就東牀壻。

万俟相改調朝陽地。

孫汝權套寫假書歸。

錢玉蓮守節荆釵記。

第一齣 會講

〔滿庭芳〕〔生上〕樂守清貧。恭承嚴訓。十年燈火相親。胸藏星斗。筆陣掃千軍。如遇桃花浪煖。定還我一躍龍門。親年邁。且自溫衾扇枕。隨分度朝昏。〔古風〕

越中古郡誇永嘉。城池闐闐人奢華。思遠樓前景無限。畫船歌妓顏如花。詩禮傳家忝儒裔。先君不幸早傾逝。奈何家業漸凋零。報効劬勞未如意。儘交彈鋏歎無魚。甘守齏鹽樂有餘。萱堂淑賢齊孟母。諄諄教子讀詩書。刺股懸頭曾努力。引光夜鑿匡衡壁。胸中拍塞書五車。舌底瀾翻浪千尺。嗟呀歲月不我留。親年老邁喜復憂。甘旨奈何缺奉養。功名況且志未酬。一躍龍門從所欲。麻衣換卻荷衣綠。丹墀拜舞受皇恩。管取全家食天祿。小生姓王名十朋。表字龜齡。温州在城居住。不幸椿庭早逝。惟賴母親訓育成人。家無囊橐。忝列庠生之數。學有淵源。慚無驛宰之榮。明日府尊堂試。他時大比。未知若何。此乃天命所賦。亦非人意所期也。日昨已曾相約朋友們講學。以明經史。在此等候。

〔水底魚〕〔末上〕白屋書生。胸中醉六經。蛟騰鳳起。管登科。爲上卿。自家府學生

員王士宏。明日府尊堂試。已約朋友會講。不免到梅溪家去。迤邐行來。此間就是。梅溪有麼。〔生〕四

明請了。〔末〕請了。〔生〕半州爲何不至。〔末〕隨後來了。

〔前腔〕〔淨上〕白面兒郎。學疎才不廣。粗豪狂放。指銀瓶。索酒嘗。自家孫汝權。府

尊堂試。來到梅溪家會講。迤邐行來。梅溪有麼。〔生見介〕明日本府堂試。我等各把本經講習一篇。

〔淨末〕君子講學。以文會友。有何不可。〔生〕如此。先把四書講一講。〔淨〕講甚麼書。〔末〕若講四書。

先講論語。梅溪學而時習之。不亦悅乎。半州有朋自遠方來。〔生〕學生亂道了。〔淨〕願聞。〔生〕學之

爲言效也。人性皆善。而覺有先後。後覺者必效先覺之所爲。乃可以明善而復其初也。習鳥數飛也。

學之不已。如鳥飛也。管見如此。望二位改教。〔末〕講得有理。〔生〕四明。不亦悅乎。怎麼講。〔末〕學生

亂道。〔生〕願聞。〔末〕既學矣。而又時習之。則所學者熟而中心喜悅。其進自不能已矣。請二位改教。

〔生〕講得有理。〔末〕半州。有朋自遠方來。不亦樂乎。怎麼講。〔淨〕我也要講。免了罷。〔末〕這個如何

免得。〔淨〕鵬。大鳥也。一飛九萬里。果是遠方之外落者。是調也。那大鵬在遠方之外飛來。不想飛得

羽垂翅折。在半空中停翅而想。說道。我有些吃力了。莫不要調下去。說言未盡。蹶躓。此乃不亦樂乎。

〔末〕半州差了。你我同心爲友。合志爲朋。怎麼到說了飛禽。〔淨〕二位滿腹文章。無忝同類。我學生

不通古今。一味粗俗。誠所謂馬牛而襟裾。飛禽與走獸。正是同類。〔末〕休要取笑。

〔玉芙蓉〕〔生〕書堂隱相儒。朝野開賢路。喜明年春闈已招科舉。窗前歲月莫虛度。燈下簡篇可卷舒。〔合〕時不遇。且藏諸韞匱。際會風雲。那時求價待沽諸。〔前腔〕〔末〕懸頭及刺股。掛角並投斧。歎先賢曾受許多勤苦。六經三史靡溫故。諸子四書可誦讀。〔合前〕

〔前腔〕〔淨〕家私雖富足。心性忒愚魯。向書齋剛學得者也之乎。無才學休想學干祿。有才的便能身掛綠。〔合前〕

〔生〕聖朝天子重英豪。

〔末〕常把文章教爾曹。

〔淨〕世上萬般皆下品。

〔合〕思量惟有讀書高。

### 第二齣 慶誕

〔高陽臺〕〔外上〕兔走烏飛。星移物換。看看鬢髮皤然。嗣息無緣。幸生一女芳年。溫衣飽食堪過遣。賴祖宗遺下田園。喜一家老幼平安。謝天週全。〔鷓鴣天〕

華髮蕭蕭鬢若霜。老來無子實堪傷。箕裘事業誰承繼。詩禮傳家孰紹芳。閒議論。細思量。欲將一女贅賢良。流行坎壈皆前定。只把丹心托上蒼。老夫姓錢名流行。溫城人也。昔在鴻門。忝考貢元。衣冠世裔。時乖難顯於宗風。閱閱名家。學淺粗知乎禮義。不幸先妻早逝。只存一女。年方二八。欲招王十朋爲婿。以繼百年。自愧再婚姚氏。幸喜此女能侍父母。正是子孝雙親樂。家和萬事成。今日是老夫賤誕。聊備蔬酒。少展良辰。李成那裏。〔末上〕一點祥光現紫薇。匆匆瑞氣藹庭幃。齊簪翠竹生春意。共飲瑤卮介壽眉。老員外有何鈞旨。〔外〕請老安人出來。〔末〕老安人有請。

〔臘梅花〕〔淨上〕年華老大雙鬢皤。胭脂膩粉時丟抹。市人都道我。道奴相像夜叉婆。〔末〕牛頭獄卒做渾家。此不是夜叉婆。〔淨〕老員外萬福。

〔前腔〕〔丑上〕奴奴體兒多嫵娜。嫦娥也賽奴不過。市人都道我。道奴相像緊那羅。〔末〕小心金鼓手。此不是緊拿鑼。〔丑見介〕願嫂嫂千年朱頂鶴。願哥哥萬代綠毛龜。〔外〕甚

麼說話。〔淨〕姑娘。今日是你哥哥生日。爲何來得能遲。〔丑〕在家整備些薄禮。因此來遲。〔外〕妹子自家。如何送許多禮。〔丑〕沒有什麼。牽得一隻黃狗。與哥哥慶壽。〔外〕狗慶得壽的。〔丑〕黃耆無疆。

願哥哥受天之慶。〔淨〕每年間是你把盞。今年你姪女長成了。該他把盞。學些禮體。待我去叫他出來。孩兒那裏。

〔珍珠簾〕〔旦上〕南極耿耿祥光燦。明星爛。慶老圃黃花娛晚。〔衆〕去了青春不再返。且暫把身心遊翫。〔旦〕疎散喜團圓歡會。慶生華誕。〔外〕紛紛紅紫競芳塵。

日永風和已暮春。〔旦〕但願年年當此日。一杯壽酒慶生辰。〔外〕雖然如此。一則以喜。一則以憂。〔淨〕所喜者何也。〔外〕所喜者家庭溫厚。骨肉團圓。〔丑〕所憂者〔外〕所憂者奈我女兒姻親未遂。若得了汝終身。永無掛念。〔旦〕告爹爹知道。念玉蓮溫清之禮尙缺。蘋蘩之事未諳。且自開懷暢飲。不必掛念。〔淨〕我兒說得有理。今日是壽日。說什麼招女婿。有了這等如花似玉的女兒。怕無門當戶對的女婿。〔丑〕自古道腰間有貨不愁窮。取酒來該你把盞。

〔錦堂月〕〔旦〕華髮斑斑韶光荏苒。雙親幸喜平安。慶此良辰。人人對景歡顏。畫堂中寶篆香銷。玉盞內流霞光泛。〔合〕齊祝贊。願福如東海。壽比南山。

〔前腔〕〔丑〕筵間繡幙圍環。奇珍擺列。渾如洞府仙寰。美食嘉穀。堪並鳳髓龍



肝。簪翠竹同樂同歡。飲綠醕齊歌齊唱。〔合前〕

〔前腔〕〔淨〕堪歎。雪染雲鬢。霞綃杏臉。朱顏去不回還。椿老萱衰。只恐雨憇風  
儻。但只願無損無傷。咱共你何憂何患。〔合前〕

〔前腔〕〔外〕幽閒。食可加餐。官無事擾。情懷並沒愁煩。人老花殘。於心尙有相  
關。待招贅百歲姻親。承繼我一脈根蔓。〔合前淨〕李成收了罷。〔外〕媽媽。還不會喫得酒。  
就收拾了。你這等慳吝。〔淨〕老兒。

〔醉翁子〕非慳。論治家千難萬難。休只管喫得甕盡杯乾。〔丑〕今番慶生席面。  
難做尋常一例看。〔合〕重換盞。直飲到月轉花梢。影上闌杆。

〔前腔〕〔外〕神僊。滿座間人間事減。慶眉壽。樽前席上。正宜疎散。〔衆〕歡宴樂。  
人祇應品竹彈絲敲象板。〔合前〕

〔僥僥令〕〔衆〕銀臺燒絳蠟。寶鼎噴沈檀。望乞蒼穹從人願。〔合〕骨肉永團圓。  
保歲寒。

〔前腔〕炎涼多反覆。日月易循環。但願歲歲年年人康健。〔合前〕

〔尾〕玉人彈唱聲聲謾。露春纖把錦箏低按。曲罷酒闌人散。

四時光景疾如梭。

堪嘆人生能幾何。

遇飲酒時須飲酒。

得高歌處且高歌。

### 第四齣 堂試

〔謁金門〕〔小外雜從上〕簡命分專邦甸。報國存心文獻。蒲鞭枉昭公椽。三載民

無怨。千里承恩秉郡旄。矢心曾不染秋毫。公門既許清如水。吏筆何須利似刀。無德政。起童謠。聿修

文事讚皇朝。願將廉范襲黃意。布政歐城教爾曹。自家温州府太守吉天祥是也。卽今賓興之秋。又

當堂試之日。下官今日考試諸生。左右喚秀才進來。

〔轉山子〕〔末扮學官上〕六經慚負管窺天。可信燈氈恁有緣。士子作章編。爭望

登高選。送生員手本。〔外〕趨生員進來。教官出去罷。〔末應下〕

〔水底魚〕〔生上〕仰之彌高。鑽之彌堅。忽焉在後。瞻之忽在前。

〔前腔〕〔末上〕學問無邊。如人臨廣淵。意深趣遠。玄玄復又玄。

〔前腔〕〔淨上〕身似神僊。金銀積萬千。無心向學。終朝只愛眠。〔衆見介外〕衆生

員起來作揖。〔衆應介淨〕學生皆庸見之學。望大人賜淺些題目。〔外〕衆秀才。今日考試汝等。不意分巡大人報到。將就考一道策罷。起來聽題。

〔紅衲襖〕〔外〕問古人君所以賢。古人臣所可言。聖王汲汲思爲善。爲善還當何者先。子輩燈窗已有年。所得經書學問淵。悉心爲我敷陳也。毋視庸常泛泛然。〔衆遞卷介外〕叫左右。拿那生員背起來打。〔淨〕老大夫何以賜責。〔外〕我什麼衙門。令人代作文字。〔淨〕怎麼代作文字。〔外〕這卷與這卷明明是一個人寫的字。若肺腑流出。必然成誦。衆生員始初送卷的。各背爾所作上來。

〔前腔〕〔生〕對古明君在重賢。古良臣貢舉先。巫咸傳說初皆賤。伊尹曾耕莘上田。臯陶既舉不仁遠。四皓出而漢祚安。恭承執事詢愚見。敢不諄諄露膽肝。

〔外〕此篇以薦賢立論。是知國家之首務者。宜取以冠首。

〔前腔〕〔末〕對古賢王在獵畋。古賢臣開墾先。孟軻十一言猶善。八口同耕井字田。庸言民乃國之本。故曰食爲民所天。躬承執事詢愚見。敢不精心進數言。  
〔外〕此篇以井田十一立意。足見其有憂國憂民之意。可喜。可喜。

〔前腔〕〔淨〕對古剛明須積錢。臣奉行須聚斂。治財理賦稱劉晏。功數蕭何餽餉先。徵糧要他加二三。糧完時賞他一個錢。若今府庫充盈也。大敵聞之不敢言。〔外〕此篇陳辭未純。立論不正。宜加刻苦之功。須革富貴之相。方免馬牛襟裾之誚。庸勉庸勉。諸生過來。先遞卷的甚麼名字。〔生〕生員王十朋。

〔外〕今朝堂試汝魁名。

他日須知作上卿。

〔衆〕大惠及民誇德政。

又將文字數書生。

### 第五齣 啓媒

〔荷葉魚兒〕〔外上〕春雨新收。喜見山明水秀。萬花深處有鳴鳩。軟紅泥踏青時候。試躡青鞋。慢拖斑竹。去尋良友。自分老林丘。詩酒朋儔。昔年壁水壯遨遊。學冠同流。嗟

吁獨負鄧攸憂。一子難留。且求佳婿續箕裘。是亦良謀。老夫昔在太學會試貢元。人故以貢元呼之。至親三口。繼室小女而已。田園足以供衣食。廬舍足以蔽風雨。中郎有女傳書業。伯道無兒嗣世家。老夫聞得王景春之子王十朋。近日堂試魁名。欲挽將仕郎南陽郡許文通爲媒。求作小女之婿。故此扶筇而來。不免到他門首。且咳嗽一聲。老將仕在家麼。

〔前腔〕〔末上〕靜把詩書閒究。竹扉上是誰頻扣。呀。原來是老貢元請了。〔外〕過竹方通徑。穿雲始見山。〔末〕家因貧故靜。人爲老而閒。連日少會。今日下顧。必有佳教。〔外〕只因小女未有佳配。昨聞故人王景春之子。堂試魁名。去後必有好處。敢煩將仕作伐。往彼一說。成此姻緣。但恐輕瀆。有屈神勞。〔末〕鄙夫卽當往議此親。諒此富彼貧。必無辭。且請一茶。〔外〕不勞賜茶。但得早爲玉成。多幸。

〔二學士〕弱息及笄。姻未偶。故來拜屈同遊。書生已露魁人手。山老因營繼嗣謀。〔合〕若得良媒開笑口。這求親願必酬。

〔前腔〕〔末〕解綬歸來爲至友。果然同氣相求。爾玉人窈窕鍾閨秀。那君子慤

勤須好求。〔合〕管取兩門開笑口。這求婚願必酬。

〔前腔〕〔外〕人世姻緣天所授。惟媒妁得預其謀。籛瓢兀自浮仙澗。紅葉猶能上泝流。〔合前〕若得

〔前腔〕〔末〕謹領尊言求鳳偶。管教配合鸞儔。雲英志不存田玉。織女期嘗訂斗牛。〔合前〕管取

〔外〕釐降篇成事豈虛。

〔末〕詩言夫婦首關雎。

〔外〕人間未結前生契。

〔合〕天上先成月下書。

### 第六齣 議親

〔遶地遊〕〔老旦上〕桑榆暮景。將往事空思省。家貧窘。悶懷耿耿。共姜誓盟。慕貞潔甘守孤零。喜一子學問有成。老身柏舟誓守。自甘半世居孀。榆景身安。惟愛一經教子。

雖有破茅之地。儘可容身。囊無挑藥之資。旋謀糊口。翦髮常思侃母。斷機每念軻親。正是不求金玉貴。惟願子孫賢。老身張氏。少適王門。自從丈夫亡後。不幸祖業凋零。止生一子。名十朋。雖喜聰慧。才

學有成。奈緣時乖運蹇。功名未遂。今乃大比之年。且訓誨一番。十朋那裏。

〔風入松〕〔生上〕青霄萬里未鵬搏。淹我儒冠。布袍雖擬藍袍換。榮枯事皆由天斷。且自存心奉母。何須着意求官。母親拜揖。〔老旦〕春榜動。選場開。收拾行李。上京科舉。

〔生〕母親。事業要當窮萬卷。人生須是惜分陰。正是學成文武藝。貨與帝王家。孩兒只爲家貧親老。不敢遠離。〔老旦〕孩兒。豈不聞孝經云。始于事親。終于事君。君親一體。若得你一官半職回來。也顯做娘的訓子之功。〔生〕敢不遵命。〔老旦〕兒。還有一件事。前日雙門巷錢貢元央許將仕議親。無物爲聘。以此不敢應承。只恐今日又來。如何是好。〔生〕母親。豈不聞古人云。娶妻莫恨無良媒。書中有女顏如玉。孩兒只慮功名未遂。何慮無妻。〔老旦〕兒。你也說得有理。自從你父親亡後。做娘的呵。

〔黃鶯兒〕半世守孤燈。鎮朝昏幾淚零。到今猶在淒涼景。寒門似冰。衰鬢似星。〔生〕母親爲何調淚。〔老旦〕爲只爲早年不幸鸞分影。〔合〕細評論。黃金滿籩。不如教子一經。

〔前腔〕〔生〕父喪母勞形。論孩兒當報恩。奈何人事不相稱。〔老旦〕只怕你學未成。

〔生〕非學未成。〔老旦〕只怕你己未能。〔生〕非己未能。爲只爲五行不順男兒命。〔合前〕

〔簇御林〕〔老旦〕親師範。近友朋。把詩書勤講明。聚螢鑿壁真堪敬。他們都顯父母揚名姓。〔合〕奮鵬程。名題雁塔。白屋顯公卿。

〔前腔〕〔生〕親年邁。家勢傾。恨腴甘。缺奉承。臥冰泣竹真堪並。他們都感天地。登臺省。〔合前末上〕受人之託。必當終人之事。錢貢元央老夫到王宅議親。此間有人麼。〔老旦〕兒

有人在外。你去看。〔生〕待孩兒去看。呀。老將仕。失迎了。〔末〕令堂有麼。〔生〕家母有。〔末〕老夫求見。

〔生〕少待。母親許將仕在外。〔老旦〕請進來。〔見介〕許大人請。重蒙貴步到寒家。有何見諭。〔末〕老夫非爲別事。只因錢貢元前番央老夫來說令郎親事。老安人不允。近聞得賢郎堂試魁名。貢元不勝之喜。今着老夫送吉帖到宅。望乞安人允就。不必推辭。〔老旦〕多蒙貢元見愛。又蒙將仕週全。只是家窮。不敢應承。〔末〕貢元說道。不問人家貧富。只要女婿賢良。聘禮不拘輕重。隨意下些。便可成親。〔老旦〕貢元乃豐衣足食之家。老身乃裙布荆釵之婦。惟恐見誚。〔末〕安人何必太謙。



〔桂枝香〕〔老旦〕年華衰邁。家私窮敗。要成就小兒姻親。全賴高賢擔帶。論才難佈擺。錢難揭債。物無借貸。〔拔釵介〕兒。自你父親亡後之時。再無所遺。止有這荆釵。權把他爲財禮。只愁事不諧。

〔前腔〕〔生〕萱親寧耐。冰人休怪。小生呵。貧居陋室多年。惟苦志寒窗十載。倘時運到來。功名可待。姻親還在。母親。這荆釵又不是金銀造。如何做聘財。

〔前腔〕〔末〕安人容拜。秀才聽解。那貢元呵。不嫌你禮物輕微。偏喜愛熟油苦菜。但心無忌猜。物無妨礙。人無雜壞。方纔聘禮取過來一觀。〔生〕請觀。〔末〕昔日漢梁鴻聘孟光。荆釵遺下。豈不是達古之家。這荆釵雖不是金銀造。非是老夫面奉。管取門闌喜事

諧。〔老旦〕將仕回見貢元。只說禮物輕微。表情而已。〔末〕謹領。謹領。

〔生〕寒家乏聘自傷情。

〔老〕權把荆釵表寸心。

〔末〕着意種花花不發。

〔合〕等閒插柳柳成陰。

## 第七齣 遐契

〔秋夜月〕〔淨上〕家富豪。少甚財和寶。未畢姻親。縈牽懷抱。思量命犯孤星照。沒一個老瓢。自家號做孫汝權。牛羊無數廣田園。無瑕美玉白似雪。沒孔珍珠大似拳。白銀積下如土塊。黃金堆垛似方磚。温州城裏第一個財主。件件稱心。樣樣如意。說也惶恐。夜夜縮脚眠。前日學中回來。偶見一家門徑裏面。四個大字。爲善最樂。正看之際。閃出二八佳人。生得描不成畫不就。十分美貌。若得此女爲妻。不枉了今生一世。

〔駐雲飛〕思憶多嬌。想他十指纖纖一捻腰。兩瓣金蓮小。賽過西施貌。妖。其實。是俊多嬌。想他身材小巧。教我日夜相思。時刻縈懷抱。若得成親。我也不枉了。

吓。想他也沒用。我家裏有個才六才七。只好管些家事。有個朱吉能言語。我未曾說起。他就曉得我心事。叫他出來商議。朱吉那裏。〔末上〕聽得叫朱吉。慌忙走來立。大膽寸難行。小心儘去得。官人有何分付。〔淨〕朱吉。前日我在學中回來。打從雙門巷裏經過。一家門前寫着爲善最樂。你曉得是那一家。〔末〕是錢貢元家裏。〔淨〕你怎麼認得。〔末〕小人常在他門首經過。認得。〔淨〕他家好個女兒。

〔末〕官人怎麼曉得。〔淨〕我在學中回來。偶見此女。生得十分美貌。我要取他爲妻。沒個人去說合。

〔末〕他家對門賣燒餅的張媽媽。是錢貢元的妹子。姑娘說姪女。有何不可。〔淨〕我兒好聰明。姑娘說姪女。有何不依。小厮取文房四寶過來。〔末〕要文房四寶何用。〔淨〕寫個票兒拿他來。〔末〕這就不是求親。猶如告債。須是登門相請纔可。〔淨〕你不知道。這媽媽聞得他嘴頭子極快。他問道官人多少年紀。方纔娶親。教我怎麼回他。〔末〕只說高來不成。低來不就。蹉跎了歲月。少說些年紀便了。〔淨〕你分付家裏。只說我學中去了。〔末叫後科淨〕出得家門口。此間已是大街坊。〔末〕待我去請他。〔淨〕有理。〔末叫〕張媽在家麼。〔丑上〕來了。

〔秋夜月〕蒙見招。打扮十分俏。走到門前人都道。道奴奴臉上胭脂少。搽些三叉好。抹些三叉俏。〔末〕搽多了。好與關大王作對。〔丑〕你來我家何幹。〔末〕孫官人要見。〔丑〕呀。相公請了。〔淨〕媽媽請了。〔丑〕看茶。〔淨〕媽媽請。〔丑〕相公接待不周。春牛上宅。並無災厄。〔淨〕我今閒走了。特來看你這母狗。〔末〕出言太毒。將人比畜。〔淨〕怎麼屎口傷人。〔丑〕慣有這毛病。〔淨〕茶來。〔丑〕免茶。〔淨〕免茶不是你說的。〔丑〕討茶也不是你說的。〔淨〕我在家裏討慣了。〔丑〕相公。今日到此貴幹。〔淨〕他問我貴幹。我怎麼回他。〔末〕便說煩媽媽爲媒。〔淨〕特煩媽媽爲媒。〔丑〕不知取與第

幾位令郎〔淨〕小兒尙未有母。就是這小花男子〔丑〕相公今年高壽了。〔淨〕一百八十歲。〔末〕一十八歲。〔淨〕看一十八歲。〔丑〕好少年老成。要取那家女兒。〔淨〕朱吉。怎麼回他。〔末〕便說令兄宅上有個令愛。要娶他做娘子。〔淨〕媽媽。聞知令愛宅上。有個令兄。取他做個掌家娘子。〔丑〕我哥哥六十歲了。還饒他不過。〔淨〕都是你只管令令令。都令差了。巧言不如直道。便說你哥哥家裏有個丫頭。我要討他做老婆便了。〔末〕是令兄宅上有個令愛。財主取他做掌家娘子。〔丑〕若說我姪女兒。只教你雪獅子向火。酥了一半。看我姪女兒。長不料料窈窕。短不跣跣促促。他眉灣新月。髻挽烏雲。臉襯朝霞。肌凝瑞雪。有沈魚落鴈之容。閉月羞花之貌。秋波滴瀝。雲鬢輕盈。淡掃蛾眉。薄施脂粉。舒翠袖。露玉指。春筍纖纖。下香塔。顯弓鞋。金蓮窄窄。這雙小脚。剛剛三寸三分。〔淨〕好。連夜就成。朱吉。這媽媽說小姐的脚剛剛三寸三分。這是賣美金蓮。就值一千兩。請問媽媽要多少價錢。〔末〕這就差了。買牛馬便說價錢。親事只說財禮。〔淨〕你曉得我的。我若過一兩遭。便曉得苦惱。小花男子那裏曉得。你教我便好。〔末〕請問媽媽要多少財禮。〔丑〕相公。我哥哥是詩禮之家。出得你的門。進得我哥戶。樣樣成雙。件件成百。〔淨〕有。大人家幹事不小。小人家幹事不大。只管出得我家門。進得

你令兄家戶。媽媽成親之後。自有禮物登門謝媒。花紅羊酒。錦段贈之。朱吉。今日是個好日。你連忙回去。取金釵一對。壓釵銀四十兩。相煩媽媽就去。

〔豹子令〕聞說佳人多嬈娜。多嬈娜。端的容貌賽嫦娥。賽嫦娥。此親若得週全我。酬勞財禮敢虛過。〔合〕花紅羊酒謝媒婆。〔丑〕成親之後。就是姑婆。〔淨〕朱吉。你牽羊担酒謝姑婆。

〔前腔〕〔丑〕非是冰人說強呵。說強呵。成敗都是女蕭何。女蕭何。若是才郎拚財禮。管教織女渡銀河。〔合前〕

〔淨〕爲媒作伐莫因循。

〔丑〕管取教君成此親。

〔末〕匹配姻緣憑月老。

〔合〕調和風月仗冰人。

## 第八齣 受釵

〔似娘兒〕〔外上〕一女貌天然。緣分淺。親事遷延。願天早與人方便。絲蘿共結。蒹葭可倚。桑梓相聯。男子生而願爲之有室。女子生而願爲之有家。老夫昨央將仕王宅議親。回

來便知端的。〔末上〕仗托荆釵成好事。何須紅葉作良媒。昨蒙貢元央我王宅議親。不免回覆。有人  
麼。〔外〕將仕。有勞動問。親事如何。〔末〕老夫初到王宅。說起親事。王老安人再三推辭。已後將尊言  
說明。纔得允從。〔外〕將何物爲聘。〔末〕聘物雖有。只是輕微將不出。〔外〕老夫有言在先。不拘輕重。  
只要成其姻事。〔末〕聘物在此。請收。〔外〕好罕物。昔日漢梁鴻聘孟光荆釵。至今遺下。豈不是達古  
之家。老安人那裏。〔淨上〕姻緣本是前生定。曾向蟠桃會裏來。那個在此。〔外〕是將仕。〔淨〕不是來  
說我兒親事麼。〔外〕正是。〔淨〕李成看茶來。將仕公。外日多蒙厚禮。我說李成去請將仕公來吃些  
壽麵。說你不在家。一鉢頭麵。放了三日。把與狗喫了。〔外末〕這什麼說話。〔淨〕敢問將仕。說我女兒  
親事怎麼了。〔末外〕親事已成了。〔淨〕既成了。幾時下盒子。〔末外〕就是今日。〔淨〕今日教我怎麼  
安排得酒與來人喫。〔末〕都是乾折。袖裏來。袖裏去。〔淨〕看雞鵝污屎。壞了衣服。〔末〕不是這個乾  
折。〔淨〕小厮討天平來。〔外〕要天平做什麼。〔淨〕要他兌銀子。〔外〕銀子希什麼罕。〔淨〕銀子不希  
罕。什麼希罕。〔外〕一股荆釵。只怕你不曉得。〔淨〕你拿來我看。多少年紀。不曉得這是什麼東西。聞  
又不香。拿在手又不重。待我磨一磨。〔外〕這是寶貝。擦不得的。〔淨〕人到禁擦。他到不禁擦。〔外末〕

什麼說話。〔淨〕這木頭簪子。一分銀子買了十根。討得十個媳婦。〔外〕不要多說。〔淨〕我曉得。當初漢梁鴻。仗他討了個娘子。如今又將來討我女兒。是二婚人了。〔末〕休得取笑。〔淨〕你便說何人置造。甚人遺下的。

〔奈花子〕〔末〕論荆釵名本輕微。漢梁鴻已仗得妻。芳名至今留傳於世。老安人。休將他恁般輕視。聽啓。明說道表情而已。

〔前腔〕〔淨〕雖然是我女低微。他將我恁般輕覷。一城中豈無風流佳婿。老員外。偏只要嫁着窮鬼。老許。你做媒氏。疾忙與我送還他的財禮。

〔前腔〕〔外〕這財禮雖是輕微。你爲何講是說非。婆子。你不曉得。那王秀才。是個讀書人。一朝顯達。名登高第。那其間夫榮妻貴。這財禮呵。縱輕微。既來之且宜安之。

〔前腔〕〔丑〕富家郎。我爲媒。要娶我姪女爲妻。說開說合。非通容易也。全憑虛心冷氣。匹配端的是老娘爲最。〔淨〕姑娘那裏來。〔丑〕我在家裏來。特來與女兒說親。

〔淨〕不要說這親事。我老員外。憑了那老許。把女兒許與王什麼朋。〔丑〕不是王景春的儿子。王十

朋。娘兒兩個過活的。〔淨〕正是他家。不知富貴發跡何如。〔丑〕就是孤老院裏趕出陀子來。窮斷了他的脊筋。風掃地。月點燈。〔淨〕你說的是誰家。〔丑〕我說的是孫半州孫官人。名頭也有。十七八個金銀使秤稱。珠子使斗量。先將金釵一對。壓釵銀四十兩。交了年庚吉帖。就有禮物登門。〔淨〕如此只許他家罷。姑娘。只說我不曾見你進來。你就說退了王家。我就說嫁了孫家。〔丑〕正是。〔淨〕只是老許在裏面。不好說得。〔丑〕自古道男不作媒。女不保債。若是老許搶我這媒做了。汗都弄他的出來。嫂嫂你先進去。〔淨〕老許還不去。〔丑〕哥哥嫂嫂。此是那個。狗也不養出我來。我到人一般敬他。他到驢了眼看我。我到深深拜一拜。他到直了腰哈人。〔末〕老人家曲不倒腰。只是這等。〔丑淨〕老人家曲不倒腰。彭祖公公不唱喏的。男有男行。女有女伴。請出去。待我們說幾句家常話。哥哥。特來與我姪女說頭親事。〔外〕妹子來遲了。女兒許了王秀才。聘禮受了。就是王景春之子王十朋。〔丑〕那個做媒的。千百担柴煮不爛的老狗。這是女人家勾當。那王家朝無呼雞之食。夜無引鼠之糧。若是嫁了他。餓斷了絲腸。若餓死我家女兒。要與老許討命。〔外〕什麼說話。〔淨〕姑娘。你說的是那家。〔丑〕我說的是孫半州。前門進去一百條水牛。有老許大。〔淨〕就嫁這水牛。〔丑〕後門進去一百條



黃牛。不要說他珍珠財寶。只這象牙屏風底下。冰乾也有一千担。〔淨外〕冰見了日頭就洋了。怎麼晒得冰乾。〔丑〕各天一方。有這等天晒得這冰乾。嫂嫂。生藥鋪裏賣的是什麼。〔淨〕這是冰片。〔丑〕正是。正是。退了王家。嫁那孫家。〔外〕你不曉得。就是那孫汝權極奸詐。我也配他不來。還了他聘禮。〔淨〕這等人家不與他。如今退了王家。許了孫家。〔外〕你那婆子。曉得什麼。一家女子百家求。求了一家便罷休。〔淨〕啞了嘴。一家女子百家求。九十九家不罷休。〔丑〕只有一家不求得。扒在屋上打甄頭。一失手打了老許的頭。

〔駐馬聽〕〔外〕巧語花言。竟不顧男女婚姻當遴選。此子才堪梁棟。貌比璠璵。學有淵源。我孩兒非比孟光賢。那書生亦遂梁鴻願。這親事也由我不得。也由你不得。

〔合〕萬事由天。一朝契合。做了百年姻眷。

〔前腔〕〔淨〕才貌兼全。親老家貧囊又艱。羞殺荆釵裙布。繡褥金屏。綺席華筵。好姻緣番做惡姻緣。富親眷強似窮親眷。〔合前〕

〔前腔〕〔丑〕四遠名傳。那個不識孫汝權。他貌如潘岳。富比石崇。德並顏淵。輕

裘肥馬錦雕鞍。重裊列鼎珍羞饌。〔合前〕

〔前腔〕〔末〕五百年前。月老曾將足繫纏。不用詩題紅葉。書附青鸞。玉種藍田。瑤池曾結並頭蓮。畫堂中已配豪家眷。〔合前〕

〔外〕今日未可便相從。

〔淨〕須信豪家意頗濃。

〔末〕有緣千里能相會。

〔丑〕無緣對面不相逢。

〔外〕怎成得人家。一個客在此。也沒茶水。到有許多不賢之處。〔淨〕還不跪。〔丑〕跪了嫂嫂。〔外〕妹子。一家好人家。是你攪壞了。我也做不得主。我兒在繡房中。你將兩家聘禮問女兒。願嫁金釵。就是孫家。願嫁荆釵。就是王家。〔淨丑〕正是。〔外〕只說王家是詩禮之家。那孫家一味村濁。〔淨〕再說一個大巴掌。〔外〕罷罷。我再不管了。〔先下丑〕世間無難事。只怕歪絲纏。一個老官人。被你一纏就纏壞了。玉蓮就比我小時節。只要有得喫有得着。這等人家不嫁。倒去嫁窮鬼。好計。計就月中擒玉兔。謀成日裏捉金烏。〔下〕

第九齣 繡房

〔戀芳春〕〔旦上〕寶篆香消。繡窗日永。又還節近朱明。暗裏時更換。月老逼椿庭。惟願雙親福壽康寧。鏡中常自歎嬋娟。生長閨門二八年。惟喜椿庭身在室。何堪萱室魄歸天。工德悉兼全。玉質無瑕賽月圓。春去秋來多世事。金蓮那肯出房前。奴家侍奉早膳已畢。且向繡房做些針指。

〔一江風〕繡房中。裊裊香烟噴。翦翦輕風送。但晨昏問寢高堂。須把椿萱奉。忙梳早整容。忙梳早整容。惟勤針指功。怕牕外花影日移動。

〔前腔〕聽鶻鴉。噪得我心驚怕。有甚吉凶話。念奴家不出閨門。莫把情懷掛。依然繡幾朵花。依然繡幾朵花。天生怎比他。再繡出薔薇架。

〔青哥兒〕〔丑上〕豪門議親。哥哥嫂嫂已許諧秦晉。未審玉蓮肯從順。且向繡房詢問。開門。〔旦〕是誰。〔丑〕是你姑娘。〔旦〕姑娘那裏來。〔丑〕我兒。這就不是了。怎麼攔門拜。詩禮人家。只象小家子出身。好歹等姑娘坐定了拜纔是。〔旦〕多謝姑娘指教。〔丑〕這纔是我兒坐了。〔旦〕姑娘。告坐了。〔丑〕你在這裏做什麼。〔旦〕這是枕方。〔丑〕這是什麼花。〔旦〕並頭蓮。〔丑〕這是

做親的意思了。〔旦〕姑娘休要取笑。〔丑〕下面是鴨是鵝哺雞。〔旦〕鴛鴦。〔丑〕鴛鴦嘴長了七八針。這是什麼書。〔旦〕是烈女傳。〔丑〕我兒。這書且放過一邊。我要說正經。我兒。特來與你說一頭親事。〔旦〕不是爹爹許那王。〔丑〕虧你不羞。不出閨門的女兒。曉什麼王白。好歹等姑娘說出來。你爹爹許了王家。母親見他艱難。將你許了孫半州。他是溫州城裏第一個財主。我兒若嫁了他。一生受用不盡。這是王家的聘禮。這是孫家的聘禮。〔旦〕姑娘。他乃豪家富貴。玉蓮乃家寒貌醜。不敢應承孫家。〔丑〕嫁孫家是。聽我說他富貴。

〔梁州序〕他家私迭等。良田千頃。富豪聲振歐城。他又不曾婚聘。專浼我來求親。〔旦〕他恁的錢物昌盛。愧我家寒貌醜難廝稱。〔丑〕這段姻緣料想是前定。入境緣何不順情。休得要恁執性。

〔前腔〕〔旦〕他有雕鞍金凳。重裊列鼎。肯娶我裙布荆釵。我須房奩不整。反被那人相輕。〔丑〕雖是你房奩不整。他見你恭容自然相欽敬。〔旦〕嚴父將奴先已許書生。君子一言怎變更。實不敢奉尊命。

〔前腔〕〔丑〕你爹娘俱已應承。問姪女緣何不肯。恁推三阻四。莫不是行濁言清。〔旦〕枉了將人凌併。便刎下頭來。斷然不依允。〔丑〕論我作伐。宅第盡聞名。十處說親九處成。誰學你假惺惺。

〔前腔〕〔旦〕做媒的。〔丑〕做媒的不是做賊的。〔旦〕做媒的。個個誇能。也多。有言不相應。信着你都被誤了終身。〔丑〕合窮合苦。沒福分。丫頭強廝挺。令人怒憎。〔旦〕出語傷人。你好不三省。榮枯事總由命。

〔尾〕〔丑〕這段姻緣非廝逞。少什麼花紅送迎。〔旦〕誰想番成作畫餅。

〔旦〕姻緣自是不和同。

〔丑〕無分榮華合受窮。

〔旦〕雪裏紅梅甘冷淡。

〔合〕羞隨紅葉嫁東風。

### 第十齣 逼嫁

〔福青歌〕〔淨上〕只因我女嬌媚。富家郎要結姻契。姑娘在此作良媒。尋思道理。強如嫁着窮鬼。常言道。會嫁嫁田莊。不會嫁。嫁才郎。好笑我老兒將女兒許嫁王十朋。姑娘來

說的温州城內第一個財主孫汝權。如今姑娘繡房中與女兒議親。待姑娘來便知端的。

〔前腔〕〔丑上〕玉蓮賤人無理。激得我怒從心起。腌臢蠢物太無知。千推萬阻。

教我受了這場嘔氣。〔淨〕姑娘。爲何這般氣。〔丑〕嫂嫂。只說人家養女兒。你當初把他如金寶。

如今把你當蒿草。我便領你的命。到繡房中去。他便閉着門兒。我便叫開門。他便不該就是攔門拜。

我該奉承他一分便好。我不合教道他。他便怪我搶白了。心裏有些不自在我。我便說特來與你做

媒。他到噙了這張嘴。說道姑娘莫不是爹爹說王。我就說不出閨門的女兒。曉得什麼王白好歹。等

姑娘說出來。又說爹是親的。娘是繼母。不知是那一個養漢老淫婦。不知他是那裏來的。便是這等

跟我爹的。還要拿他到稅課司去稅他一稅。羞也羞殺了他。〔淨〕他是這等無理。七歲無了母。是我

扶養長成。說我做主不得。我且喚他出來。肯嫁孫家。我有一處。要嫁王家。也有一處。〔丑〕嫂嫂不要

說我說的。〔淨〕玉蓮那裏。

〔七娘子〕〔旦上〕芳心未許春搬弄。傍紗牕繡鸞刺鳳。〔淨〕玉蓮。〔旦〕母命傳呼。

奴當趨奉。金蓮輕舉湘裙動。〔旦〕母親。〔淨〕撒開。不是你娘。〔旦〕姑娘。〔丑〕不是你姑娘。〔淨〕

你好欺心。雖無十月懷胎。且有三年乳哺。怎麼得你長大嫁老公。姑娘與你說親。肯不肯好好回他。怎麼說爹是親的。娘是繼母。做主不得。罵我許多。〔旦〕是那個來說的。〔淨〕姑娘說的。〔旦〕姑娘會在那裏罵。〔丑〕你罵來。〔淨〕賤人罵得好。

〔鎖南枝〕〔旦〕休發怒。免性焦。一言望乞聽奴告。這聘禮荆釵。休恁看得小。〔淨〕是金的。〔旦〕非是金。〔丑〕敢是寶。〔旦〕非是寶。〔淨〕非金非寶。要他何用。〔旦〕將來聘奴家。一似孟德耀。

〔前腔〕〔淨丑〕聽他道。越氣惱。無知賤人不聽教。因甚苦死執迷。惹得娘焦燥。他禮物有甚好。比着玉鏡臺。羞殺晉溫嶠。〔旦〕母親。豈不聞商相埋名。版築巖前曾避世。阿衡遯跡。躬耕莘野未逢時。買臣見棄於其妻。季子不禮於其嫂。先朝蒙正運未通。破窳困苦。昔日韓信時不遇。當道餓寒。王秀才雖窮。乃才學之士。孫汝權縱富。乃奸詐之徒。才學之士。不難于富貴。奸詐之徒。必易于貧窮。王秀才一朝風雲際會。發跡何難。〔淨〕姑娘。丫頭雖小。且是識人多矣。不知那裏尋許多苦堆一處。

〔四換頭〕賊潑賤閉嘴。數黑論黃講甚的。我是你什麼人。〔旦〕是娘。〔淨〕恰又來。娘言語怎違。那裏是順父母顏情。卻是你。〔旦〕順父母顏情。人之大禮。話不投機。教人怎隨。富豪戀貪。貧窮見棄。惹得傍人講是非。

〔前腔〕〔丑〕呆蠢丫頭。出語污人耳。恁推三阻四。話不投機。豪家求汝効于飛。他有甚相虧。出言抵撞。你好沒尊卑。

〔前腔〕〔旦〕非奴失禮儀。望停嗔。聽拜啓。婚姻事有之。恐誤了終身難改移。〔淨〕嫁去好。多住幾日。不好。回來再嫁。〔旦〕怕一時貪富侈。恐船到江心補漏遲。

〔前腔〕〔淨丑〕好言勸你。再三阻推。娘是何人。你是誰。〔旦〕母親暫息雷電威。休恁自羞池。今日裏緣何將我苦禁持。〔淨〕自今和你做頭敵。〔旦〕謾威逼。斷然不與孫氏做夫妻。〔旦下外上〕自不整衣毛。何須夜夜嚎。爲何在此喧嚷。〔淨〕老賊養得好女

兒。把我一頓打。若無姑娘勸。幾乎打死。〔外〕媽媽。玉蓮最孝順。敢不是他。〔淨〕且住。待我思想。我扯住他衣服。他洒調跑了去。方纔打姑娘。是你打的。〔外〕妹子回來一次。惹得他母子鬧吵。今後再不



要你回來。〔丑〕我爲你女兒親事。今後再不回來了。〔淨哭〕我的姑娘。〔丑哭〕我的嫂嫂。〔外〕吓。好人好家哭怎麼的。〔丑〕耍戲有哭有笑。〔淨〕依我嫁孫家。多與他房奩首飾。若不肯嫁孫家。剝得赤條條。揀個十惡大敗日。一乘破轎子。送到王家。房奩首飾。一些沒有。再不管他。〔外〕將機就機。明日乃是一好日。只說不好。媽媽。十惡大敗之日。就是明日送去。〔淨〕也罷。就是明日。〔外〕媽媽。你送去。〔淨〕我不去。〔外〕妹子。你送去。〔丑〕嫂嫂。一個泥人。送到廟裏去。看個下落。就是我去。

〔外〕不貪富貴自甘貧。

〔淨〕叵耐無知小賤人。

〔丑〕惟有感恩並積恨。

〔合〕萬年千載不成塵。

## 第十一齣 辭靈

〔破陣子〕〔旦上〕翠黛深籠寶鏡。蛾眉懶畫春山。絲蘿雖喜依喬木。椿樹還憐老歲寒。偷將珠淚彈。我生胡不辰。襤褸失慈母。鞠育賴椿庭。成立多艱楚。此日遣于歸。父命曷敢阻。進退心自傷。有淚出肺腑。奴家被繼母逼嫁孫郎。我爹爹不允。將機就機。只說今日是十惡大敗之日。匆遽之間。將奴出配王家。首飾衣服。並無一件。苦呵。若是親娘在日。豈忍如此骯髒。不免到祠

堂中拜別親娘神主。此間已是祠堂中了。這一位是我親娘呵。一入祠堂心慘悽。百年香火嘆無兒。涓埃未報母恩德。返哺忍聞烏夜啼。

〔玉交枝〕〔旦〕音容不見。望冥中聽奴訴言。甫離懷抱娘恩斷。日應怎暝黃泉。誰知繼母心太偏。逼奴改嫁相凌賤。我那親娘。孩兒今日出嫁。本待做一碗羹飯與你。料他決不相容。苦莫說羹飯。我要痛哭一場。〔合〕怕他們聞之見嫌。只得且吞聲。泪痕如線。我的親娘在日。豈是今日。

〔前腔〕不能光顯。嘆資裝十無一完。爹爹母親。荆釵裙布奴情願。只是我爹爹年老在堂。奴家去後。嘆無人膝下承顏。我的親娘。七歲拋離了你。受他折磨難盡言。孩兒倘有一些差處。非打即罵。他全無骨肉親相眷。〔合前外上〕荆釵與裙布。隨時逼婚嫁。〔丑上〕三夜不息燭。相思何日罷。〔外〕我兒哭得這等模樣。你在此怎麼。〔旦〕我在此別母親神主。〔外〕我的兒。

〔憶多嬌〕你且開鏡奩。整翠鈿。休得界破殘裝玉筋懸。今日我做爹爹的骯髒了你。

首飾全無真可憐。〔合〕休得愁煩。喜嫁個讀書大賢。

〔前腔〕〔旦〕愁只愁你子嗣慳。爹老年。何忍教兒離膝前。爹爹。你與母親不諧。孩兒去了。凡事忍耐些罷。莫惹閒非免掛牽。〔合前丑〕我兒。你若依了我。嫁了孫家。大樣粧奩。十分富貴。今日什麼來由。到嫁這個窮鬼。〔外〕你好胡說。

〔鬪黑麻〕自古姻緣事非偶然。五百年來赤繩繫牽。兒今去。聽教言。我的兒。你到王門做媳婦。勿慢勿驕。必欽必敬。孝順姑嫜。數問寒暄。〔合〕燈前淚漣。生離各一天。它有日歸寧。吾心始安。我兒。上轎去罷。〔旦〕待孩兒請母親出來拜辭。〔外〕孩兒。那老潑賤。你去拜別他怎麼。〔旦〕爹爹。天下無有不是的父母。孩兒何忍不辭而去。〔丑〕姪女言之有禮。待我去請他來。嫂嫂。女兒請你出來拜別。〔淨在內說〕不出來。一似張果老倒騎驢。永遠不要見這畜生的面。〔丑〕姪女兒。你母親不肯出來受你的拜別。〔旦〕既不肯出來。待奴自去請。母親。開門。開門。〔淨在內說〕不開。不開。〔旦〕母親既不開門。不免就此房門前拜別。我的娘。孩兒呵。

〔前腔〕蒙教養成。人恩同昊天。〔淨在內應〕我又不是你親娘。說什麼昊天。〔旦〕我的娘。雖不

是你親生。多蒙保全。兒別去。免憂煎。娘。你是個年老之人。休惹閒氣。倘爹爹有些不是處。忍耐些罷。努力加餐。望把愁顏變笑顏。〔合〕燈前淚漣。生離真可憐。〔外〕我兒。他衣飾也無一件與你。哭他怎麼。〔旦〕裙布荆釵。奴身自便。〔丑〕姪女兒。拜了爹爹。上轎去罷。〔外〕不要拜了。

〔臨江僊〕〔旦〕百拜哀哀辭膝下。及門無母施鞶。未知何日返家園。出門銀燭闇。白日照魚軒。〔旦丑吹打下外弔場〕

〔前腔〕半壁孤燈相弔影。蕭蕭白髮盈顛。那堪弱息離身邊。叮嚀辭別去。情痛不成乾。

第十二齣 合卷

〔風馬兒〕〔老旦上〕株守蝸居事桑麻。形憔悴。鬢藍參。〔生上〕家寒世薄精神減。淒涼一擔。母憂愁。子羞慚。〔老旦〕孩兒。姻緣之事非偶然。前番許將仕來說親事。我因將荆釵爲定。此人一去許久。不見回報。敢是不成了。〔生〕母親。姻緣前生分定。苦苦掛懷則甚。

〔瑣寒牕〕〔老旦〕這門親非是我貪婪。無奈人來說再三。送荆釵只愁富室褒談。良媒竟沒一言回俺。反教娘掛腸懸胆。〔合〕早間只聞得鵲噪牕南。有何親舊相探。

〔前腔〕〔生〕嘆連年貧苦多諳。尤在淒涼一擔擔。事萱親朝夕愧缺腴甘。劬勞未答。常懷悽慘。議姻親斷然不敢。〔合前〕

〔前腔〕〔末淨上〕論人生嫁女婚男。不是姻緣怎妄貪。謾誇他豪門首飾衣衫。此嬌娥志潔。甘居清淡。那聽他巧言啜賺。這姑姑因此臉羞慚。此來必定喃喃。此間已是有人麼。〔老旦〕有人在外。出去看來。〔生〕待孩兒去看。〔末〕老夫要見令堂。〔生〕請將仕少待。〔老旦〕請見。〔末〕老安人賀喜。〔老旦〕寒門似水。喜從何來。〔末〕錢老員外送小姐過門。以此賀喜。〔老旦〕倉卒之間。諸事不曾整備。怎生是好。〔末〕不費老安人的心。錢宅也沒有人來。止有張姑媽送親。他恰有些絮聒。不要聽他。〔淨〕只要對了新官人。諸事不要管。張老安人出轎。華堂今夜喜筵開。拂拂香風次第來。畫鼓頻敲龍笛響。新人挪步出庭階。

〔寶鼎兒〕〔丑上〕親送姪女臨門。管取今朝沈醉。〔淨〕請老安人迎接姑婆。〔老旦〕姑婆請。〔丑〕親家請。〔淨〕請行禮。再行禮。〔老旦丑行禮丑〕此間是那個。〔末〕就是新官人。〔丑〕你不曉得。這是瓊林之瓊。親家面上爲何能黃。〔老旦〕生成的。〔丑〕這房子爲何都是曲的。〔老旦〕這是舊房。〔丑〕不是舊房。正是喬木之家。〔末淨〕這話纔說得好。〔丑〕親家裏面有什麼冰窖。〔老旦〕沒有什麼冰窖。〔丑〕爲何冷氣直冲。親家夜來我哥哥嫂嫂分顏。如今送姪女臨門。首飾房匳。諸事不曾完備。望親家包荒。〔老旦〕家下倉卒之間。諸事不曾整備。望姑婆包荒。〔丑〕實不相瞞。親家說。沒有喜娘。還要我一身充兩役。扶我姪女出轎。酒是好歹兩桌。都是我的了。〔末〕且不要多說。扶持新人出轎。〔淨〕伏以身騎白馬搖金凳。曾向歌樓列管絃。醉後不知明月上。笙歌引入畫堂前。

〔花心動〕〔旦上〕適遣匆匆。奈眉峯慵畫。鬢雲羞籠。〔淨〕一對新人請上花毯。齊眉並立。一派笙歌列綺羅。女郎今夜渡銀河。羞聞織女笑呵呵。今夜斷然饒不過。〔老旦〕請受禮。〔丑〕同受禮。〔淨〕老安人請訓事。〔老旦〕姑婆請訓事。〔丑〕親家請。〔老旦〕占了。夫妻交拜。相敬如賓。務要上和下睦。夫唱婦隨。常如鸞鳳之和鳴。早叶麒麟之應瑞。姑婆請。〔丑〕勤事桑麻。織紬做布。莫學自

己。嫁了這個窮酸餓醋。喜筵獨桌。擺在那裏。〔老旦〕姑婆倉卒之間。諸事不曾整備。

〔惜奴嬌〕只爲家道貧窮。守荆釵裙布。謹身節用。今爲姻眷。惟恐玷辱親家門風。〔旦〕空空。愧乏房奩來陪奉。望高堂垂憐寵。〔合〕喜氣濃。悄似僊郎僊女會合僊宮。

〔前腔〕〔丑〕忻逢夫婿寬洪。可留心遵守四德三從。〔末〕勤攻詩賦。休得要效學飄蓬。〔生〕重重命蹇時乖長如夢。〔老旦〕謝良言。開愚懞。〔合前〕

〔鬪黑麻〕〔旦〕家中雖忝儒宗。論蘋蘩箕帚。尙未諳通。愧無能。豈宜適事英雄。〔老旦〕融融非獨外有容。必然內有功。〔合前〕

〔前腔〕〔生〕愚懞欲步蟾宮。奈才疎學淺。未得飛冲。愧無能。豈宜先自乘龍。〔丑〕雍雍才郎但顯功。嬌妻擬贈封。〔合前〕

〔錦衣香〕〔末〕夫性聰。才堪重。婦有容。德堪重。天生美質奇。才彩鸞鳳。〔生〕自慚非是漢梁鴻。何當富室。配着孤窮。〔旦〕念妾非孟光。奉親命遣侍明公。今日

同歡共。想也曾脩種。夫和婦睦。琴調瑟弄。

〔漿水令〕〔老旦〕恕貧無香醪泛鍾。恕貧無美食獻供。〔丑〕又無些湯水飲喉

嚨。粧甚麼大媒。做什麼親送。〔末〕休相笑。莫妄衝。惟恐外人相譏諷。〔老旦〕非

缺禮。非缺禮。只爲窘中。凡百事。凡百事。望乞包籠。

〔尾〕〔衆〕佳人才子德堪重。更人才又兼出衆。夫妻到老和同。

〔生〕合巹交歡喜頗濃。

〔老〕琴調瑟弄兩和同。

〔丑〕今宵賸把銀缸照。

〔合〕猶恐相逢在夢中。

### 第十三齣 遣僕

〔出隊子〕〔外上〕追思前事。追思前事。心下如同理亂絲。雖然頗頗有家私。爭

奈年高無後嗣。怎不教人怨咨。萬般皆是命。半點不由人。當初招王十朋爲婿。誰知我那婆

子嫌貧愛富。定要嫁孫家。我女不從。因此變作參商。番成仇怨。是我一時將機就機。將孩兒送過王

門。如今赴京科舉。思慮他家無人。意欲整西邊書房。去請親家女兒同居住。早晚也好看顧。李成那



裏〔末上〕水將杖探知深淺。人聽言詞見腹心。員外有何分付。〔外〕李成。王官人往京求取功名。我思量他家無人。欲將西首書房。去請老安人小姐到家居住。早晚也好看顧。〔末〕如此甚好。只怕老安人不容。〔外〕有我在此。不妨。〔末〕小人就去。

〔好姐姐〕〔外〕聽吾一言說與。那王秀才欲求科舉。他若去時。必定家空虛。〔合〕堪憂慮。形隻影單添悽楚。暮想朝思愈困苦。

〔前腔〕〔末〕解元爲功名利祿。他應難免分開鴛侶。妻孤母獨。怎不愁滿腹。〔合前〕

〔前腔〕〔外〕我欲把西邊空屋。相請他萱親荆婦。移來並居。早晚堪照顧。〔合〕親骨肉。及早取來同居住。彼此心歡意滿足。

〔前腔〕〔末〕小僕蒙東人付囑。到彼處傳說衷曲。他聞此語。擬定無間阻。〔合前〕〔外〕不忍他家受慘悽。〔末〕恩東惜樹更連枝。

〔外〕黃河尙有澄清日。〔末〕豈可人無得運時。

第十四齣 迎請

〔掛真兒〕〔老旦上〕天付姻緣事諧矣。夫和婦如魚似水。〔生上〕貧處蝸居。羞婚燕爾。惟恐傍人談恥。〔旦上〕菽水承歡勝甘旨。親中饋未能週備。〔生〕慈母心歡。賢妻意美。深喜一家和氣。母親癩癩已喜承宗嗣。功名未遂平生意。黃榜正招賢。囊空無一錢。〔老旦〕孩兒家寒難幹運。謾自心頭悶。〔旦〕今舉若蹉跎。光陰能幾何。〔生〕母親孩兒自與娘子成親之後。不覺半載。即日黃榜動。選場開。郡中刻限十五日起程。爭奈缺少盤纏。如何是好。〔老旦〕孩兒自你父親亡後。家私日漸凋零。你今缺少盤費。教娘實難措辦。〔旦〕官人。此係是前程之事。況兼官府催行。雖則家道艱難。如何辭免。可容奴家回去。懇及爹娘。或錢或鈔。借些與官人路上盤纏。不知尊意如何。〔生〕如此卻好。只恐岳丈不從。〔旦〕這個不妨。〔末上〕若無漁父引。怎得見波濤。自家蒙老員外着我到王秀才家去請取。這裏便是。有人在此麼。〔老旦〕孩兒是誰在門首。〔生〕待孩兒去看。〔生〕足下何來。〔末〕小人是錢宅來的。〔生〕少待。母親。元來岳丈家裏來的人。〔老旦〕媳婦。你去看是誰。〔旦〕待奴家去看。元來是李成。〔末〕是小人。〔旦〕一向爹媽好麼。〔末〕俱

各平安。〔旦〕今日着你來。有何話說。〔末〕老員外聞知秀才官人上京應舉。思慮宅上無人。着小人打點空房一所。特着小人來請老安人小姐同家另住。〔旦〕這是貧人遇寶。有何不可。你進來見了婆婆。須要下禮。〔末〕大人家兒女曉得。〔老旦〕媳婦是誰。〔旦〕婆婆。是奴家裏使喚的李成。〔老旦〕元來是李成舅。請他進來。〔旦〕李成進來。〔末〕老安人拜揖。〔老旦〕李成舅萬福。二位親家安否。〔末〕托賴俱各平安。〔老旦〕如今親家着你來有何幹。〔末〕老安人請坐。待小人說。

〔宜春令〕恩東命。遣僕來上覆。近聞說官人赴都。解元出路。人去家空。必定添淒楚。意欲把西首房屋。待相邀安人居住。爲此特令男女到宅傳語。

〔前腔〕〔老旦〕蒙錯愛。爲眷屬。這恩德深銘肺腑。奈緣艱苦。迤邐不能勾。參岳父。到如今又蒙相呼。頓教娘心中猶豫。試問我孩兒媳婦。怎生區處。

〔前腔〕〔生〕因科舉。欲赴都。免不得拋妻棄母。千思百慮。母老妻嬌。卻教誰爲主。既岳翁惜寡憐孤。這分明連枝惜樹。且自隨機應變。慎勿推阻。

〔前腔〕〔旦〕夫出路。百事無。況家中前空後虛。晨昏朝暮。慮恐他人。生疾妬。既

相招共處同居。暫幽棲。華門蓬戶。未審婆婆。婆夫主。意中何如。〔末〕安人。且聽小人告稟。俺老員外說得好。解元赴選。家中惟有女流。外無老僕。內無小僮。俺小姐既受蘋蘩之托。恐缺甘旨之奉。爲此將西邊空屋。請安人小姐另處。父子又得相親。婦姑況得其所。安人。以爲半世尙守孤燈。今而有婦。不肯因人而熱。辭之固當矣。據小人愚見。早晚仰賴無人。倘有不測。何以堪處。我家空屋。固非廣廈高堂。亦有重疊門戶。不使雀穿牖。毋使犬吠室。實爲有托。可保無虞。解元衣錦榮歸。不惟壯觀老員外之門楣。抑且增益老安人之福履。休得三思。幸垂一諾。〔旦〕婆婆。李成之言有理。請問去否。〔老旦〕兒。你道怎麼不去。

〔老〕家寒羞往見新親。

〔生〕世務艱難莫認真。

〔旦〕此去料應無改易。

〔末〕逕傳消息報東人。

〔繡衣郎〕〔老旦生日吊場〕半生在陋巷幽棲。樂守清貧。苟度時。重蒙不棄。大廈千間。相週庇。望孩兒異日榮貴。報岳翁今日恩義。〔合〕願從今奮前程。萬里。願從今奮鵬程。萬里。

〔前腔〕〔生〕自歷學十載書幃。黃卷青燈不暫離。春闈催試。鏖戰功名在科場內。金鸞殿擬着荷衣。廣寒宮必攀僊桂。〔合前〕

〔前腔〕〔旦〕想蒼天不負男兒。一舉成名天下知。倘登高第。雁塔題名身榮貴。若能勾贈母封妻。也不枉了爭名奪利。〔合前〕

〔前腔〕〔老旦〕黃河尚有澄清日。豈可人無得運時。皇都得意。那時好個風流婿。〔生〕我寒儒顯赫門楣。太岳翁傳揚名譽。〔合前〕

〔生〕春闈催試迫違期。

〔旦〕但願皇都得意回。

〔老〕躍過禹門三級浪。

〔合〕管教平地一聲雷。

### 第十五齣 分別

〔卜算子〕〔外上〕從別女孩兒。心下常縈繫。昨日令人去請歸。彼此心歡喜。雪

隱鷺鷥飛始見。柳藏鸚鵡語方知。昨日着李成去搬取王親媽秀才與我女孩兒同家另居。待李成回來。便知分曉。

〔疎影〕〔老旦上〕韶光荏苒。嘆桑榆暮景。貧困相兼。〔旦上〕半載憂愁。一家艱苦。未知何日回甜。〔生上〕粗衣糲食。心無歉。爲親老常懷悽慘。〔末上〕安人賢會。秀才儒雅。小姐貞潔。老安人這裏正是本宅門首。待小人進去通報。老員外。老安人。秀才官人小姐都來了。〔外〕在那裏。〔末〕都在門首。〔外〕看坐來。親家請裏面相見。〔老旦〕老親家先請。〔外〕親家。老夫接待不周。勿令見罪。〔老旦〕親家。老身貧乏。無一絲爲聘。遣荆釵言之可羞。〔外〕小女愧無百輛迎門。奉蘋蘩惟恐有失。〔老旦〕未遑造謝。反蒙寵招。〔外〕重荷輝臨。不勝忻羨。〔老旦〕老親家。親母如何不見。〔外〕老荆有些小恙。不及侍陪。容日再拜。乞恕。乞恕。〔老旦〕孩兒過來。見了老親家。〔生〕念十朋一介寒儒。三尺童稚。忝居半子之情。托在萬間之庇。有違參拜。無任戰兢。〔外〕好賢壻。〔旦〕爹爹。久別尊顏。且喜無恙。〔外〕孩兒起來。親家母。我聞知令郎起程。慮恐親家宅上無人。老夫如今打點西邊空房屋一所。請親姆到來。與我孩兒同住。未知尊意如何。〔老旦〕老身來此叨擾尊府。〔外〕賢壻幾時起程。〔生〕小生就是今日起程。〔外〕李成看酒來。〔末〕酒在此。〔外〕此一杯酒。一來與老親家接風。二來與我賢壻餞行。酒三巡。權爲餞行之禮。親家。我家中沒有高堂大廈。

〔降黃龍〕草舍茅簷蓬華塵蒙。網羅風颭。尊親到此。但有無一一望親遮掩。〔老旦〕恩沾萬間週庇。悄似寒灰撥焰。使窮親歡生愁腹。喜生愁臉。

〔前腔〕〔旦〕安然同效鸚鵡。爲取功名。反成拋閃。君今此行。又恐怕貪富別取房廩。〔生〕休言我守忠信。自古道貧而無諂。肯貪榮忘恩失義。附熱趨炎。

〔前腔〕〔老旦〕淹淹貧守齋鹽。常慮衣單。每憂食缺。今爲眷屬。尤恐將宅第門風辱玷。〔外〕休謙。旣成姻眷。又何故相棄相嫌。敢攀尊親寵臨。老夫過僭。

〔前腔〕〔生〕叨忝母訓師嚴。三史諳通。九經博覽。今承召舉。到試闈定有朱衣頭點。〔旦〕春纜捧觴低勸。好將心事拘拊。到京師閒花野草。慎勿沾染。

〔黃龍袞〕〔生〕休將別泪彈。休將別泪彈。且把愁眉展。背井離鄉。誰敢胡沾染。〔老旦〕路途迢遞。不無危險。纔日暮。問路程。尋旅店。

〔前腔〕〔生〕萱親免愁煩。萱親免愁煩。岳丈休憶念。〔老旦〕記取叮嚀。客邸當勤儉。〔外〕此行只願鰲頭高占。功名遂。姓字香。門楣顯。

〔尾聲〕〔生〕隨身不慮無琴劍。慮只慮行囊缺欠。〔外〕些少白金相助添。〔生〕多謝岳父厚意。〔外〕你去路上要小心。早去早回。〔老旦〕孩兒。你過來。我分付你幾句。〔生〕母親有何分付。〔老旦〕你未晚先投宿。雞鳴起看天。逢橋須下馬。過渡莫爭先。古來冤枉事。皆在路途間。做娘的。就比樹頭上黃葉。荷葉上水珠。朝不保暮了。我的兒呵。

〔臨江僊〕渡水登山須仔細。〔外〕朝行須聽曉雞啼。〔旦〕成名先寄好音回。〔末〕藍袍將掛體。及第便回歸。〔生〕重荷萱親勤訓誨。感蒙岳丈提攜。娘子。好生侍奉我親幃。李成。在家勤照顧。〔末〕及第便回歸。〔旦扯生介〕半載夫妻成拆散。婆婆年老怎支持。成名思故里。切莫學王魁。〔生〕你不須多囑付。我及第便回歸。〔生先下衆弔場〕正是流洟眼觀流洟眼。斷腸人送斷腸人。〔外〕孩兒。你夫婿上京取應。好把婆婆恭敬。〔旦〕甘旨一一趨承。謹依爹爹嚴命。〔老旦〕多幸多幸。骨肉團圓歡慶。

〔園林好〕深感得親家見憐。助白銀恩德萬千。更廣廈容留。貧賤得所。賜喜綿綿。蒙所庇。意拳拳。



〔沈醉東風〕〔外〕我孩兒三生有緣。與才郎忝爲姻眷。今日赴春闈。程途遙遠。助盤費尙憂輕鮮。〔旦〕婆當暮年。父當老年。只願我兒夫榮歸故苑。

〔川撥棹〕〔老旦〕他憑取才學上京赴選。又恐怕他功名緣分淺。〔末〕老安人且莫縈牽。那秀才文章燦然。管登科。作狀元。管登科。作狀元。

〔紅繡鞋〕〔老旦〕旦夕祝告蒼天。週全願他獨占魁選。榮顯。母妻封贈受皇宣。門楣顯。姓名傳。得魚後。怎忘筌。得魚後。怎忘筌。

〔尾〕從今且把眉舒展。遇良辰自宜消遣。骨肉永遠團圓。

〔外〕舉子紛紛爭策藝。

〔老〕此行願取登高第。

〔旦〕馬前喝道狀元來。

〔合〕這回好個風流壻。

### 第十六齣 赴試

〔水底魚〕〔生上〕天下賢良。赴選臨帝鄉。白衣卿相。暮登天子堂。

〔前腔〕〔末上〕爲功名紙半張。引得吾輩忙。人人都想。要登龍虎榜。

〔前腔〕〔淨上〕有等魍魎。本是田舍郎。妝模作樣。也來入試場。〔生〕三年大比選場開。滿腹文章特地來。爭看世人增價買。信知吾輩是英才。〔淨〕梅溪。我和你一學朋友。不須通名。趨行則個。

〔甘州歌〕〔生〕自離故里。謾回首家鄉極目何處。萱親年老。一喜又還一懼。晨昏幸託年少妻。深感岳丈相憐一處居。〔合〕蒙囑付。牢記取。教我成名先寄數行書。休悒快。莫嘆嗟。白衣換卻錦衣歸。

〔前腔〕〔末〕芳春景最奇。正可人不暖不寒天氣。千紅萬紫。開遍滿日芳菲。香車寶馬逐隊隨。不見來往遊人渾似蟻。〔合〕爭如我折桂枝。十年身到鳳凰池。身榮貴。回故里。人人都道狀元歸。

〔前腔〕〔淨〕迤邐松篁逕裏。見野塘溶溶水沒沙嘴。鷗鳧往來。出沒又還驚飛。危橋跨澗人過稀。只見漠漠平沙接遠堤。〔合〕途中趣。真是奇。綠楊枝上轉黃鸝。難禁受。聞子規。聲聲叫道不如歸。

〔前腔〕〔衆〕聞知皇都近矣。尙還隔幾重烟水。餐風宿水。豈憚路途迢遞。一心指望入試闈。恨不得脅生雙翅飛。〔合〕尋宿處。莫待遲。竹籬茅舍掩柴扉。天將暮。日墜西。漁翁江上釣魚歸。

〔尾〕問牧童。歸村市。香醪同飲典春衣。圖得今宵沈醉歸。

〔生〕琢磨成器待春闈。

〔末〕此去前程唾手回。

〔淨〕青雲有路終須到。

〔丑〕金榜無名誓不歸。

## 第十七齣 春科

〔末上〕欽奉朝廷命。敷施雨露恩。魚龍皆變化。一躍盡朝天。自家不是別人。禮部伺候的便是。往來聽候。侍奉官員。今乃大比貢舉之年。正當設科取士之際。國朝委請試官。已在貢院之內。府縣郡召舉子。俱列棘闈之前。如今將次考試。只得在此伺候。怎見得設科取士。但見開設着茂才科。賢良科。方正科。齊齊整整。印卷所。彌封所。對讀所。謄錄所。密密嚴嚴。委請有總考官。同考官。易考官。書考官。詩考官。春秋考官。禮記考官。人人飽學。提調官。供給官。巡綽官。受卷官。彌封官。總監臨官。都幹辦官。

個個清廉。但是天下才子。先到禮部報名。第一場以四書擬題。內選程文四書三篇。五經四篇。務要文章峻潔。第二場以性理羣書擬題。內選程論詔誥一篇。表判一篇。俱用禮義精純。第三場策問五道。無非曉達時務。何必經史辨疑。中式舉人。定爲三甲。授官進士。分作九階。第一甲賜進士及第。官授從六品。第二甲賜進士出身。官授正七品。第三甲賜同進士出身。官授從七品。廷策一道。列名狀元榜眼探花。遊街三日。賜宴瓊林。鹿鳴鹵簿。正是一封纔下興賢詔。四海應無遺棄才。道猶未了。試官早到。

〔夜遊朝〕〔外雜從上〕錦袍銀綬掌春宮。輔佐承明一統。聖主求賢心重。網羅

天下英雄。烏紗玉帶紫金魚。出入千人擁一車。若問榮華何自至。少年曾讀五車書。下官蒙差考試。爲天子之輔臣。係文章之司命。榮身食祿。豈容尸位素餐。報主匡時。敢不矢心殫力。今當會試之春。命主禮闈。天下英才。雲屯蟻聚。左右舉子入試者。用意搜檢。以防懷挾。着他魚貫而進。

〔水底魚〕〔生上〕天降皇恩。詔我衆書生。魚龍變化。直上九霄雲。

〔前腔〕〔末上〕慈親衰倦。弟兄無一人。無人奉養。時刻常掛心。

〔前腔〕〔淨上〕我是文人。聲名天下聞。若還高中。管取第一名。〔衆見外〕衆舉子。我奉九重之命。掄四海之才。每歲考試。不過經書詩對。盡是俗套虛文。我今奏准裁革。第一場各把本經做一篇。第二場破題。第三場作詩。天地人三號。各歸號房。挨次呈來。無得錯亂。取責不便。〔雜〕生員領題。〔外〕天字號就把本經做一篇來。

〔黃鶯兒〕〔生〕魯史紀周正。〔外〕正名之實。何者爲先。〔生〕重明倫。先正名。先明王霸之分。尊王賤霸。功難泯。〔外〕五霸桓文爲盛。事業如何。〔生〕齊桓公會諸侯于葵丘。次師召陵以伐楚。晉文公會諸侯踐土。天王狩于河陽。葵丘序盟。召陵誓兵。河陽踐土。誠陵分。〔外〕春秋以賞罰爲事。無乃爲僭乎。〔生〕春秋天子之事也。故仲尼曰。罪我者其惟春秋乎。知我者其惟春秋乎。細推評。刑誅爵賞。誰識素王情。〔外〕此篇深得春秋賞罰之旨。真內聖外王之學也。可喜可喜。地字號把你本經做一篇來。

〔前腔〕〔末〕五典與三墳。見重華。思放勳。〔外〕昔左史倚相能讀墳典。丘索之書。子亦能是乎。〔末〕不敢。此分內事也。九丘八索。吾能省。〔外〕旣然讀上古書。且說欲爲君盡君道。欲

爲臣盡臣道。二者當法何人。〔末〕君人之道。至文武而盡。人臣之義。當以伊周爲法。文謨克勤。武烈繼明。商衡周鼎輝相映。〔外〕如或知汝。則何以哉。〔末〕有用我者。務引君當道而已。際風雲。鹽梅舟楫。一德務臣君。〔外〕此篇深有宰輔器量。深爲朝廷得人賀也。人字號把你本經做一篇來看。

〔前腔〕〔淨〕四聖首彌綸。道陰陽。說鬼神。〔外〕易主卜筮者說。可信麼。〔淨〕聖人作易。神以知來。知以藏往。是故知幽明之故。知來藏往。昭無朕。天根杳冥。月窟渾淪。〔外〕何爲天根。何爲月窟。〔淨〕堯夫云。乾遇巽時觀月窟。地逢雷處見天根。〔外〕夏商之時。易有何名。〔淨〕夏易首艮。是曰連山。商易首坤。是曰歸藏。皆無足傳者。連山雲斷歸藏隱。〔外〕此子年齒雖逾。學識頗到。〔淨〕不敢。我學生八八六十四卦。三百八十四爻。無不精曉。〔外笑〕可知你日親筆硯。〔淨〕惶恐。且休聾。韋編三絕。觀國利王賓。〔外〕此篇易學頗精。非研窮義理。不能到也。〔生〕生員領題。〔外〕第二場我出個破題與你做。臣事君以忠。〔生〕論輔乎君者。當盡忠于君也。〔末〕生員領題。〔外〕第二場我出破題與你做。其爲人也孝悌。〔末〕性稟天地之貴。道尊日月之長。

〔淨〕生員領題。〔外〕第二場我出破題與你做。學而第一。學而時習之。不亦說乎。有朋自遠方來。不亦樂乎。人不知而不慍。不亦君子乎。〔淨〕小人不是這學。乃是鶴兒第一。鶴乃是鶴之子。時乃時時之習也。蓋鶴有千歲。得爲有壽之禽。小鳥朔飛。漸漸飛高飛遠。其母豈不說乎。忽一日飛在青田之內。赤壁之間。同類見他飛得高遠。也飛來做了一處。此乃同類相從。豈不樂乎。雄鶴見了雌鶴。就欺心起來。一飛飛起來。站在雌鶴身上。牢牢立定。而不滾也。雌鶴把頭來對了雄鶴。雄鶴。你爲何欺心。雄鶴答曰。人不知而不慍。不亦君子乎。〔外〕天字號第三場。就把桂花爲題。光香郎韻。作詩一首。〔生〕花如金粟占秋光。月殿移來萬斛香。試問嫦娥仙子道。一枝留與狀元郎。〔外〕地字號第三場。就把梅花爲題。光香郎韻。作詩一首。〔末〕橫斜疎影透波光。玉骨冰肌分外香。昨夜前村雪初霽。今朝應有探花郎。〔外〕人字號第三場。就把橘子爲題。光香郎韻。作詩一首。〔淨〕橘子生來耀日光。又酸又澀又馨香。後來結成一個大疙瘡。剖開來到有七八囊。〔外〕郎字韻怎麼囊。〔淨〕大人囊得過就罷了。〔外〕學問粗疎。回去用心讀書。留在下科。〔淨〕三場文字不得中。六個饅頭落得吞。〔外〕這幾篇皆通。獨有天字號爲最。天字號那方人氏。姓甚名誰。〔生〕温州府永嘉縣人氏。姓王。名十朋。

〔外〕去秋解元是你。今科會元又是你。我把你文字封上御前親閱定奪。

〔風檢才〕〔衆上〕舉子讀書大賢。錦繡文章可觀。象簡羅袍恁作穿。宮花插帽

簷偏。〔合〕頭名是王狀元。〔小生〕聖旨下。奉聖旨。策三道詞理平順。條對詳明。宜居第一甲第

一名王十朋。第二甲第一名王士宏。第三甲第一名周璧。各賜袍服冠帶。整備鼓樂。迎送狀元及第。

遊街畢日。卽赴翰林謝恩。〔衆〕萬歲。萬歲。萬萬歲。

〔外〕五百名中第一人。

〔生〕烏靴紗帽綠袍新。

〔末〕明朝早赴瓊林宴。

〔衆〕斜插宮花謁至尊。

### 第十八齣 閨念

〔破陣子〕〔旦上〕燈燦金花無寐。塵生錦瑟消魂。鳳管臺空鸞箋信杳。孤幃不

斷離情。巫山夢斷銀缸雨。繡閣香消玉鏡蒙。十朋。休怨懷想人。妾慚非淑女。父命嫁

洪儒。矢心共貧素。布荆樂有餘。旦夕侍巾櫛。齊眉愧不如。兩情正歡洽。一旦赴徵書。折此藍田玉。分

我合浦珠。翠鈿空零落。綠鬢漸蕭疎。登樓試晚粧。鏡破意躊躇。羞看舞雙燕。交彩入空虛。況有高堂



親。憂懷日倚閭。願言遠游子。及早賦歸歟。奴家自從才郎別後。每日雞鳴而起。敬奉姑嫜。勤事父母。如今天尚未明。意欲對鏡梳粧。爭奈離愁千種。想起別時。不覺垂泪。

春風吹柳拂行旌。

憶別河橋萬種情。

天上杏花開欲遍。

才郎從此步雲程。

〔四朝元〕雲程思奮。迢迢赴玉京。爲策名僊籍。獻賦金門。一旦成孤另。自驪駒唱斷。自驪駒唱斷。空憶草碧河梁。柳綠長亭。一騎天涯。正是百花風景。到此春將盡。嗟。寂寞度芳辰。鳳帳鴛衾。翠減蘭香冷。君行萬里程。妾懷萬般恨。別離太急。思思念念。是奴薄命。

薄命佳人多苦辛。

通宵不寐聽雞鳴。

高堂侍奉三親老。

要使晨昏婦道行。

〔前腔〕婦儀當盡。昏問寢興。聽譙樓更漏。紫陌雞聲。忙把衣衫整。要殷勤定省。要殷勤定省。自覩堂上姑嫜。萱草椿庭。白髮三親也。索一般恭敬。不敢辭勞頓。

嚙。端不爲家貧。欲盡奴情。願采蘋蘩進。兒夫事遠征。親年當暮景。孝思力罄。行行步步。是奴常分。

事親一一體天心。

無暇重調綠綺琴。

憔悴容顏愁裏變。

粧臺從此懶相臨。

〔前腔〕慵臨粧鏡。菱花暗瑣塵。自由江人去。鳳折鸞分。羞覩孤飛影。漸脂憔悴。漸脂憔悴。說甚眉掃青山。鬢挽烏雲。玉筯痕多。只爲荆釵情分。腸斷當年聘。嚙。欲照又還停。只見貌減容消。展轉添愁悶。團團寶鑑明。蕭蕭翠環冷。爲思結髮。絲絲縷縷。萬千愁病。

愁病懨懨瘦損神。

只因夫壻寓瑤京。

那堪雁帛魚書杳。

腸斷香閨獨宿人。

〔前腔〕從離鄉郡。皇都覓利名。想龍門求變。豹文思炳。鳳閣圖衣錦。奈歸期未定。奈歸期未定。便做折桂蟾宮。賜宴瓊林。須念蘭房。有奴孤形獨影。莫向紅樓

凭。嗟。獨坐暗傷神。雁杳魚沉。教奴望斷衡湘信。長安紅杏深。家山白雲隱。早祈歸省。孜孜翕翕。舉家歡慶。

〔尾聲〕時光似箭如梭擲。勤把萱親奉侍。專等兒夫返故里。

只爲求名豈顧親。

兒夫必定離京城。

真個路遙知馬力。

果然日久見人心。

### 第十九齣 參相

〔末上〕碧玉堂前列管絃。珍珠簾捲裊沈煙。不聞關外將軍令。只聽朝中天子宣。自家不是別人。乃是萬俟丞相府中堂候官的是也。且說我那丞相。真個官高極品。累代名家。身居八座之尊。班列羣僚之上。論文呵。對先聖夜讀詩書。論武呵。總元戎時觀韜略。巍巍駕海紫金梁。兀兀擎天碧玉柱。休說官高極品。先誇相府軒昂。泥金樓閣。重簷疊棟。直起上一千層。碾玉欄杆。傍水臨塔。斜連着十二曲。窗橫面面碧琉璃。磚砌行行紅瑪瑙。屏開翡翠。獸爐中噴幾陣香風。簾捲蝦鬚。仙仗間會三千朱履。門排畫戟。坐擁金釵。響噹噹的是玉珮聲搖。明晃晃的是珠簾色耀。後堂中安一張影玲瓏光燦。

欄數十層雕花刻草八柱象牙牀。正廳上閒放着四圍香散漫色鮮妍。幾多樣描鸞畫鳳九鼎蓮花帳。金間玉。玉間金。雕鞍寶凳紅映紫。紫映紅。繡褥花裯。人人道是玉橋邊開着兩扇慷慨孟嘗門。鳳城中蓋着一所異樣神僊窟。道猶未了。丞相早到。

〔賀聖朝〕〔淨上〕幾年職掌朝綱。四時變理陰陽。一人有慶壽無疆。兆民賴之安康。爵尊一品。爲天子之股肱。位總百官。乃朝廷之耳目。廟堂寵任。朝野馳名。正是一片丹心能貫

日。四方志氣可凌雲。自家万俟丞相是也。吾有一女。小字多嬌。雖年及笄。爭奈姻緣未遂。今年狀元。乃是温州人氏。姓王名十朋。此人才貌兼全。俺要招他爲婿。不知緣分如何。他今日必來參拜。且叫堂候官分付。堂候官那裏。〔末〕珍珠簾下忽傳聲。碧玉堂前聽使令。覆丞相。有何鈞旨。〔淨〕堂候官。今年狀元乃是温州人氏。姓王名十朋。此人才貌雙全。欲要招他爲婿。只今便要成親。你怎麼說。〔末〕告丞相。小姐是瑤池閩苑神仙。狀元是天祿石渠貴客。若成了姻緣。不枉天生一對。〔淨〕正是。他今日必來參拜。你在衙門首。來時節須先露其意。〔末〕暫辭恩相去。專等狀元來。

〔菊花新〕〔生上〕十年身到鳳凰池。一舉成名天下知。脫白掛荷衣。功名遂少

年豪氣。引領神仙下翠微。雲間相逐步相隨。桃花已透三千丈。月桂高攀第一枝。閨苑應無先去客。杏園惟有後題詩。男兒志氣當如此。金榜題名天下知。小生得了頭名狀元。深蒙聖恩。除授饒州僉判。方已朝回。必須參見万俟丞相。〔末見介〕狀元賀喜。〔生〕何喜可賀。〔末〕丞相有一多嬌小姐。欲招狀元爲婿。只今便要成親。〔生〕小生自有寒荆在家。焉敢望此。煩請通報。〔末〕少待。〔介〕告丞相。狀元已在門首。〔淨〕着他進來見我。〔末〕請狀元進去相見。〔生見拜介〕小生一介寒儒。久困山澤。郡乏賢才。勉使來試。忝蒙天眷。皆賴丞相提攜之賜。謹造鈞墀參拜。不勝愧感之至。〔淨〕狀元且休閒說。休閒講。我有一事與你說。男子生而願爲之有室。女子生而願爲之有家。我有一女。小字多嬌。欲招你爲婿。只今就要成親。你心下如何。〔生〕深蒙不棄微賤。感德多矣。奈小生已有寒荆在家。不敢奉命。〔淨〕你是讀書之人。何故見疑。自古道。富易交。貴易妻。此乃人情也。〔生〕丞相豈不聞宋弘有云。糟糠之妻不下堂。貧賤之交不可忘。小生不敢違例。〔淨怒〕我到違例。

〔入聲甘州歌〕窮酸魍魎。對我行輒敢數黑論黃。耕模作樣。惱得我氣滿胸膛。〔生〕平生頗讀書幾行。豈敢紊亂三綱並五常。〔末〕斟量。不如且順從何妨。

〔前腔〕〔淨〕端詳。這搗搜伎倆。怎做得潭潭相府東牀。出言挺撞。那些個謙讓溫良。〔生〕微名忝登龍虎榜。肯做棄舊憐新薄倖郎。望參詳。料烏鴉怎配鸞凰。〔解二醒〕〔末〕狀元你且休閒講。這姻事果是無雙。當朝宰相爲岳丈。論門戶。正相當。〔生〕寒儒怎敢過望想。自古道糟糠妻不下堂。〔淨〕忒無狀。把花言巧語。一趙胡謊。

〔前腔〕〔末〕你千推萬阻。靡恃己長。只怕你舌劍唇鎗。反受殃。〔生〕謾自相勞讓。停妻再娶誰承望。又何苦。恁相當。〔淨〕朝綱選法。咱把掌。使不得禍到臨頭。燒好香。不輕放。定改除遠方。休想還鄉。〔淨〕堂候官。與我趕出去。

〔淨〕叵耐窮酸太不良。

〔生〕有妻焉敢贅高堂。

〔末〕大佳飛上梧桐樹。

〔合〕自有傍人說短長。

〔淨弔〕這畜生無理。我招他爲婿。到有許多推故。堂候官。他除授那裏做官。〔末〕除授江西饒州僉判。〔淨〕第二名王士宏。除授那裏。〔末〕他在廣東潮陽僉判。〔淨〕西江是魚米之地。廣東潮陽是烟

瘡地面。有何難處。眉頭一蹙。計上心來。卻將第二名王士宏除授饒州僉判。將王十朋改調潮陽。絕他歸計。明日張榜示衆。〔末〕是好計。

〔淨〕改調潮陽禍必侵。

〔末〕教他必定喪殘生。

〔淨〕平生不作皺眉事。

〔末〕世上應無切齒人。

## 第二十齣 傳魚

〔醉落魄〕〔生上〕鄉關久別應多慮。幸登高第得銓除。修書欲寄報平安。洵承局帶回歸。虧心折盡平生福。行短天教一世貧。念小生貧寒之際。以荆釵爲聘。遂結姻親。臨行又蒙岳丈接取母親妻子一同居住。仍贈盤纏赴京。得了頭名狀元。深蒙聖恩。除授饒州僉判。本欲回鄉視親。不合參見万俟丞相。反要招我爲婿。只因不從。被他拘留聽候。不得回鄉。只得寫封家書回去。通報母親妻子知道。我昨日在省門外。有一承局差往温州下文書。與他說了。約我今日來取書。待我寫完。在此等他。

〔一封書〕男百拜拜覆。母親尊前妻父母。離膝下到都。一舉成名身掛綠。蒙除

授饒州僉判府。待家眷臨京往任所。寄家書。附承局。草草不恭兒拜覆。書已寫完。在此等待承局到來。〔末上〕傳遞急如火。官差不自由。自家承局的是也。公差到浙江遞送公文。昨日王狀元與我說要寄家書回去。不免到下處取書。〔生〕承局起動你來了。〔末〕狀元寫完在此未曾。〔生〕寫完在此了。〔末〕既完了。送在那裏去。〔生〕此書煩附與溫州在城雙門巷裏錢貢元家下。〔末〕狀元姓王。爲何到錢宅。〔生〕是我岳丈家中。

〔懶畫眉〕煩伊傳遞彩雲箋。你到吾家可代言。因參相府被留連。不能勾歸庭院。傳與我萱親莫掛牽。

〔前腔〕〔末〕狀元深念北堂萱。料想尊堂憶狀元。泥金先把好音傳。他必定生歡忭。正是一紙家書抵萬錢。

〔生〕平安一紙喜重重。

〔末〕闔宅投呈喜信通。

〔生〕只恐匆匆說不盡。

〔末〕行人臨發又開封。

第二十一齣 套書



〔雙勸酒〕〔淨上〕儒冠誤身。一言難盡。爲玉蓮可人。常懷方寸。若得他配合秦晉。那其間燕爾新婚。凡人不可貌相。海水不可斗量。誰想王十朋得了頭名狀元。除授饒州僉判。見說万俟丞相招他爲婿。推阻不從。打聽得承局到温州公幹。王十朋教他寄書。我不免在門首等承局來。也教他寄一封回去。

〔前腔〕〔末上〕官差限緊。心中愁悶。途路上苦辛。怎辭勞頓。只恐怕誤了公文。那其間有口難分。〔淨〕足下莫不是承局哥麼。〔末〕小子正是承局。〔淨〕你認得我麼。〔末〕有些面善。不知官人上姓。〔淨〕我是温州五馬坊大門樓孫半州便是。〔末〕孫官人也是温州。與王狀元同鄉。〔淨〕正是。〔末〕王狀元有書在此。教我稍回去。我纔在他下處取得書在此。〔淨〕元來如此。〔末〕官人你在此貴幹。〔淨〕說不得。〔末〕爲什麼說不得。

〔劉潑帽〕〔淨〕念我到此求科舉。因不第羞回鄉里。修書欲報娘和父。待喚承局。只怕相推阻。

〔前腔〕〔末〕自家雖在京城住。溫台路來往極熟。官人若有家書附。休得要躑

踏。咱與你稍回去。〔淨〕承局哥。既蒙允肯。同到下處寫書與你。〔末〕如此同行。〔淨〕這裏便是下處。請坐。〔末〕不敢。〔淨〕承局哥。我本待留你喫一杯淡酒。一來沒人在此不便當。送一錢銀子與你。自去酒肆中去喫三杯。待我寫完了書。你來取。〔末〕多謝。無功蒙厚祿。不敢受。〔淨〕褻瀆尊前。請收了。〔末〕如此受了。我去喫了酒。官人你寫完了。我就來取。〔淨〕我就寫在此。〔末下淨叫介〕孫官人。怎麼又叫我。〔淨〕我與你說。這個包兒。倘若到酒肆中喫醉了。這包兒放在那裏。不如放在此。喫了酒。一發來取。〔末〕我曉得。你說道我拿了一錢銀子去了。不來取書。拿我包在此做當頭。〔介〕我便放在此。你不要動。裏面有王狀元的書在裏面。〔淨〕我生疔瘡也不動。〔淨末〕自沽三酌酒。早寫萬金書。〔末下淨弔場〕不施心上無窮計。怎得他人一紙書。想承局去遠了。我把包袱開將起來。且喜王狀元書已在。待我讀一遍。

〔一封書〕男百拜拜覆。母親尊前妻父母。離膝下到都。一舉成名身掛綠。蒙除授饒州僉判府。待家小臨京往任所。寄家書。附承局。草草不恭男拜覆。寫得好。我與他同學。況字跡與我相同。他寫家書。我寫休書。一句改一句。專怪錢貢元不肯將女兒嫁我。今改

休書一封回去。且待我改起來。〔改介〕男百拜拜覆。母親尊前妻父母。正是才人。一句包  
了一家門。〔改〕男八拜拜覆。媽媽萱親想萬福。離膝下到都。一舉成名身掛綠。  
〔改〕孩兒已掛綠。蒙除授饒州僉判府。〔改〕僉判饒州爲郡牧。待家小同臨往  
任所。若不改傷情。怎得玉蓮到手。〔改〕我取了万俟丞相女。可使前妻別嫁夫。寄家書。  
免嗟吁。草草不恭兒拜覆。〔改〕我到饒州來取汝。丈二的和尚。只教摸我的頭不着。且放  
他在包袱裏。如今寫我的。

〔清江引〕求名未遂。羞歸鄉里。淹滯在京都地。拜覆我爹娘。休把兒牽繫。指日  
間到家庭重賀喜。〔末上〕折梅逢驛使。寄與隴頭人。〔淨〕我在這裏等你。書已寫完了。你包袱原  
封不動。這是我的家書。煩老兄帶到五馬坊開典當的才六七開拆。〔末〕不須分付。〔淨〕聊奉白金  
一兩。以爲路費。〔末〕多謝厚賜。

〔朱奴兒〕〔淨〕因科舉離鄉半春。從別後斷羽絕鱗。今日天教遇你們。趁良使  
附歸音信。〔合〕還歷盡山郭水村。指日到東甌郡。

〔前腔〕〔末〕是則是公文限緊。蒙相委怎敢不允。拚十朝與半旬。到宅上備說元因。〔合前〕

〔淨〕休憚山高與路長。

〔末〕此書管取到華堂。

〔淨〕不是一番寒徹骨。

〔合〕爭得梅花撲鼻香。

第二十二齣 獲報

〔臨江僊〕〔老旦上〕凭欄極目天涯遠。那人去遠如天。〔旦上〕鱗鴻無事竟茫

然。今春纔又過。何日是歸年。〔老旦〕春闈催試怕違期。一紙音書絕雁魚。〔旦〕此去定應攀月

桂。拜恩衣錦聽榮除。〔老旦〕自從你丈夫去後。杳無音信回來。〔旦〕婆婆想沒有使人。〔老旦〕我與

你倚門而望。〔旦〕婆婆請先行。奴家隨後。

〔傍粧臺〕〔老旦〕意懸懸倚門終日。望得眼兒穿。自他去京歷鏖戰。杳無一紙

信音傳。〔旦〕多應他在京得中選。因此上無暇修書寄故園。〔老旦〕他既登金

榜。怎不錦旋。越教娘心下轉縈牽。

〔前腔〕〔旦〕何勞憂慮恁拳拳。且自把愁眉暫展。閒消遣。雖眼下人不見。終有日再團圓。〔老旦〕愁只愁他命乖福分淺。又恐怕客邸淹留疾病纏。〔旦〕死生有命。富貴在天。不須憂慮。淚漣漣。

〔不是路〕〔末上〕渡口離船。早來到錢家宅院前。咱不免偷閒先下彩雲箋。〔老旦〕甚人言。因何直入咱庭院。〔末〕爲一舉登科王狀元。〔老旦〕那個王狀元。〔末〕就是王十朋狀元。〔老旦旦〕可有書麼。因來便。特令稍帶家書轉。〔老旦旦〕喜從人願。喜從人願。

〔前腔〕〔旦〕先生他爲何不整歸鞭。付與你書時說甚言。〔末〕教傳語道因參丞相被留連。〔旦〕婆婆留連不得回來了。〔老旦〕媳婦且省憂煎。可備些薄禮酬勞倦。〔旦〕就把銀釵當酒錢。〔老旦〕物輕鮮。權充支費休辭免。〔末〕小人公文緊急。不敢久稽。多謝了。去心如箭。去心如箭。〔下〕

〔皂角兒〕〔老旦〕想連年時乖運蹇。喜今日姓揚名顯。步蟾宮高攀桂枝。跳龍

門首登金殿。繡宮花斜插戴。帽簷偏瓊林宴。勝似登僊。〔合〕早辭帝輦。榮歸故苑。那時節。夫妻母子。大家歡忭。

〔前腔〕〔旦〕想前生曾結分緣。與才郎共成姻眷。喜得他脫白掛綠。怕嫌奴體微名賤。若得他貧相守。富相連。心不變。死而無怨。〔合前〕

〔尾〕〔外淨上〕鵲聲喧。燈花豔。〔末上〕老員外。老安人。姐夫中了狀元。有書回來了。〔外淨〕果

然。今有信音傳。整備華堂開玳筵。親家且喜。我兒且喜。〔老旦〕小兒有書回來。正欲着令愛

來請親家看書。〔旦〕正要來請爹爹。〔淨〕親家請坐。連日有慢。聞得小官人有家書來。我們兩老口

特來看書。〔老旦〕送上去令尊看。〔旦〕爹爹。書在此。〔外〕還送與婆婆開拆。〔淨〕老員外。你看封皮

上寫那個開拆就是了。〔外〕此書煩附岳父大人親手開拆。

〔一封書〕男八拜上覆。媽媽萱親想萬福。〔旦〕此書起句就差了。兒子寫書與母親。頓首

百拜須是。怎麼只寫八拜。〔外〕便是孩兒。〔淨〕不差。正是八拜。親家兩拜。我也是兩拜。夫妻之情。也

是兩拜。湊成八拜。〔旦〕此書不是有才學人寫的。既稱媽媽。又是萱親。萱親就是媽媽。媽媽就是萱

親。一人到有兩樣稱呼。〔淨〕正是有才學人寫的。媽媽是我。萱親是你的婆婆。〔外〕孩兒已掛綠。僉判饒州爲郡牧。〔淨〕怎麼便叫掛綠。〔外〕做了官。便是掛綠。親家。且喜賢婿做了官了。〔淨〕親家。我這兩隻眼。就是識寶的回回。我說道王官人兩耳垂肩。定做朝官。鼻如截筒。一世不窮。我說也不會說。〔外〕說來說來。〔淨〕說我親家醜醜醜醜。定做奶奶。看我女兒媳娜娉婷。定做夫人。我說也不會說。〔外〕說來說來。〔旦〕爹爹。僉判是佐貳官。郡牧是正堂官。如何一人到做兩樣官。〔淨〕我兒你不曉得。這是饒的。〔外〕官也有得饒。〔淨〕你再念。〔外〕僉判饒。〔淨〕恰又來。僉判是饒。〔外〕饒州是地方。〔淨〕你不曾說出州字來。〔外〕不要多說。待我再念。我娶了万俟丞相女。可使前妻別嫁夫。〔旦〕爹爹。這書有頭無尾。不要看了。〔外〕這是沒志氣人寫的。不要看了。〔淨〕大凡幹事都要幹了。若不了當。你也不快活。我也不快活。〔外〕也罷。待我看了。寄休書。免嗟吁。我到饒州來取汝。〔淨〕老賊招得好女婿。賤人嫁得好老公。我一了說他娘兒兩個。腦後見腮。定是無義之人。可我的信了我的嘴。〔外〕初起說他許多好。如今又說他不好。〔淨〕我要他好便好。要他不好便不好。〔外〕我這賢婿。決無此情。〔老旦〕親家媽。我孩兒不是忘恩負義的人。〔淨〕窮了八萬

年的王敗落。快走出去。

〔別銀燈〕〔老旦〕親家母不須怒起。容老身一言咨啓。我孩兒頗頗識法理。肯貪榮忘恩失義。須知天不可欺。決不肯停妻娶妻。

〔前腔〕〔淨〕忘恩義窮酸餓鬼。纔及第輒敢無理。只因我賤人不度己。教娘受腌臢惡氣。他今日卻元來負你。啞羞殺了丫頭面皮。

〔前腔〕〔旦〕書中句句全無禮體。竟不審其中詳細。葫蘆提便說他不是。罵得我無言抵對娘。休疑說閒是非。決不肯將奴負虧。

〔前腔〕〔外〕媽媽且回嗔做喜。我孩兒不須垂泪。終不然爲着家書至。將好意番成惡意。娘兒休辯是非。眞和假三日後便知。

〔外〕一紙家書未必眞。

〔淨〕思量情理轉生嗔。

〔老〕霸王空有重瞳目。

〔合〕有眼何曾識好人。

〔淨弔〕李成那裏。你來。你來。〔末上〕老安人爲何嚷亂。〔淨〕不好了。你姐夫贅在万俟丞相府中做



了女婿了。〔末〕敢沒有此事。〔淨〕怎麼沒有此事。休書寫了家來了。〔末〕老安人不要惱。待我與老員外同到街坊上問個實信。〔淨〕你同老員外打聽消息。沒有這樣的事情便好。你若不打聽得真信回來。不要見我的面。

## 第二十二齣 覓真

〔末上〕萬事不由人計較。一生都是命安排。王秀才把荆釵爲定。如何便得成親。只因小娘子不從孫宅。老安人忿性。把他嫁了王秀才。結親之後。上京應舉。至今不回來。說道得了頭名狀元。入贅萬俟丞相府中。教娘離了媳婦。因此傷懣攪惱。今日老員外出去。體問虛實。未知若何。只得在此等候。

〔普賢歌〕〔外〕書中語句有差訛。致使娘兒絮刮多。真僞怎定奪。是非爭奈何。

尺水番成一丈波。〔末〕老員外回來了。〔外〕李成。我今日出去體問王秀才消息。未知端的。我與你同行到妹子家去走一遭。〔末〕小人同去。轉灣抹角。此間便是。〔叫介〕

〔前腔〕〔丑上〕奴奴方始念彌陀。忽聽堂前誰叫我。偷睛把眼睜。卻是我哥哥。

阿三。快把柴來燒燄火。〔末〕媽媽。燒焰火怎麼。〔丑〕你不曉得。客來看火色。沒茶也過得。〔末〕

這等雖無焰頭。且是熱鬧。〔丑〕哥哥。入門不問榮枯事。觀察容顏便得知。哥哥有何緣故。眉頭不展。面帶憂愁。〔外〕妹子。說不得。〔丑〕哥哥但說不妨。

〔蠻牌令〕〔外〕兒婿往京畿。前日附書回。道重婚丞相女。使母棄前妻。我兒道非夫寫的。你嫂嫂怒從心起。真和假俱未知。爲此特來詢問詳細。

〔前腔〕〔丑〕哥哥聽咨啓。不必恁憂慮。我隣居孫官人。赴選近回歸。他在京必知事體。問他音信。便知端的。〔外〕無由去他宅裏。你可令人請來問個詳細。〔淨〕

〔上〕日裏莫說人。夜裏莫說鬼。方纔說小子。小子便來至。〔末〕未相請。誰來報你。〔淨〕我在戲房中聽得。〔末〕這科諱休要提。且與東人相見施禮。〔淨見介〕媽媽。此位是誰。〔丑〕這是

我的哥哥。〔淨〕元來是你令兄。正是有眼不識泰山。小子前番求親。不蒙允肯。〔外〕非是不從。乃是

姻緣不到。〔淨〕令婿得了頭名狀元。除授饒州僉判。曾有書回麼。〔外背云〕且住。我只說道沒有書

回。〔介〕不曾有書回來。〔淨背云〕怎麼沒有書回來。且將錯就錯。且說與他知道。〔介〕可知道沒有書回來。他在萬俟丞相府中做了女婿了。〔外〕足下如何知道。〔淨〕我與他赴試。如何不知。〔丑〕此

事實麼。〔淨〕小子親眼見他。如何不實。〔丑〕實不相瞞。前日有一個承局遞書回來。〔淨〕怎麼說的。〔丑〕哥哥正在狐疑之間。足下親見。此事實了。〔淨〕可知道小子最老實的。不敢說謊。〔丑〕王十朋負義的賊。〔淨〕我說道被他負了。

〔川撥棹〕我當初問親。你們不聽允。到今日被他負恩。〔外〕當初是我忒好意。誰想他們忘了本。

〔前腔〕〔淨〕咱心裏願續此親。〔外〕貧窮老漢。沒福分攀豪俊。〔淨〕休恁言辭謙遜。我先拜了尊丈人。〔末插科〕正是不來親者強來親。〔丑〕若不嫌棄。仍舊妙員作媒。〔淨〕

如蒙允肯。事不宜遲。小子今日送財禮。明日就要成親。〔丑〕孫官人。你送什麼財禮。〔淨〕我送黃金一百兩。段子一百疋。胡羊寶鈔好酒都是一般送。〔丑〕既停當了。便回去安排禮物送來。〔淨〕如此。小人告退。貌兒光光。好做新郎。分付鄰舍。與我暖房。〔末〕便見熱鬧。〔淨〕正是人心金石堅相似。花有重開月有圓。〔先下外弔〕妹子。雖然如此。不知我的婆婆意下如何。〔丑〕不妨。待我去與嫂嫂說。

〔生姜芽〕〔外〕從他往京畿。兩月餘。一心指望登科第。回鄉里。忍捨得輕辜負。

相門重贅多嬌女。不思量撇下荆釵婦。〔合〕棄舊憐新小人儒。虧心折盡平生福。

〔前腔〕〔丑〕畜生反面目。太心毒。辜恩負義難容恕。真堪惡。且放懷。休疑慮。他既貪圖榮貴重婚娶。咱這裏別選收花主。〔合前〕

〔前腔〕〔末〕恩東免嗟吁。且聽覆。言清行濁心貪污。違法度。恩和義。都不顧。半載夫妻曾廝聚。一時間卻把嬋娟誤。〔合前〕

〔外〕骨肉參商淚滿襟。

〔丑〕哥哥不必再沈吟。

〔末〕人情若比初相識。

〔合〕到老終無怨恨心。

### 第二十四齣 大逼

〔字字雙〕〔淨上〕試官沒眼他及第。得志戀着相府多榮貴。入贅不思貧窘棄。前妻忘義。叵耐窮酸太無知。嘔氣。黃柏肚皮甘草口。才人相貌畜生心。叵耐辜恩負義賊。棄

舊憐新。入贅萬俟丞相府中了。前日寄書回來。教母親離了媳婦。這氣如何忍得。我家老賊兒今早

出去。體問消息。未知若何。待他回來。便知分曉。

〔玉胞肚〕〔外上〕讀書豪俊。忍撇下歐城故人。〔丑上〕負心賊有才實無信。纔及第。棄舊憐新。〔合〕他貪奢戀侈。實不不使不仁。行短天教一世貧。〔外〕只因差一着。滿盤都是空。〔淨〕老兒。體問消息如何了。〔外〕一言難盡。〔淨〕怎麼說。〔丑〕好教嫂嫂知道。恰纔哥哥到我家中。說那王秀才的情節未盡。恰好孫官人近日在京回來。正好到我家中探望。我將此事問他。真個贅在万俟丞相府中了。言語並不差池。〔淨〕實也不實。〔丑〕怎麼不實。〔淨〕我說道老賊不聽我說。你做得好事。

〔漿水令〕你當初不由我們。卻元來被他負恩。〔外〕世間誰是預知人。何須鬪口與我相爭。〔丑〕都忍耐。莫解分家。必自毀令人哂。〔合〕尋思起。尋思起。教人氣忿。誰知道。誰知道。恁般不仁。

〔前腔〕〔丑〕那孫官人來說事因。他依然要願續此親。〔淨〕那人果不棄寒門。教他選日下定成親。〔外〕聽伊言。心自忖。只恐我兒不從順。〔合前淨〕姑娘。既然孫

小官人果有此心事。不宜遲。〔丑〕便是。他今日送財禮。明日就成親。〔淨〕若如此甚好。〔丑〕我便去報與他知道。教哥哥便去對玉蓮說。教他整備成親。〔外〕我難對他說。你們自去與他說。〔淨〕姑娘。待我自與玉蓮說。你二人自回去。〔介〕情到不堪回首處。一齊分付與東風。〔外丑先下淨〕且叫玉蓮與他說。肯嫁孫家。房奩首飾。件件與他。若不肯時。頭上剝到腳下。打他半死。不怕不從。玉蓮。

〔金蕉葉〕〔旦上〕奈何奈何信讒言。母親怪我。尺水番成一丈波。天那。是何人暗地裏調唆。〔見介淨〕孩兒。早知今日。悔不當初。早依我說。不見如此。你爹爹出去體問你丈夫。

消息。委實贅在萬俟丞相府中了。你爹爹說道。他那裏重婚。我這裏改嫁。因此將你許了孫家了。你可梳粧整備。〔旦〕母親差矣。王秀才是賢良儒士。未必辜恩負義。玉蓮是貞潔婦人。焉敢再嫁。他果然重婚相府。奴家情願在家守節。〔淨〕什麼守節。要知山下路。須問過來人。我當時若守得定時。爲何又嫁你老子。守節二字。只好口說。一個時辰也熬不得的。〔旦〕母親。此乃傷風化之言。不須提起。〔淨〕我兒。今番斷不由你了。依了娘說。我與你母子相親。再若不從。朝一頓。暮一頓。打得你黃腫成病。教你湯不得喫。水不得進。嫁不嫁。今日還我個明白。

〔孝順歌〕孫員外家富足。他們有的是金共玉。你一心嫁寒儒。緣何棄撇汝。  
〔旦〕容奴稟覆。未必兒夫將奴辜負。那一個橫死賊徒。忒兀自生疾妬。  
〔淨〕這紙書你重看取。明寫着贅相府。

〔前腔〕〔旦〕書中句都是虛。沒來由認真閒氣蠱。他曾讀聖賢書。如何損名譽。  
〔淨〕你這腌臢蠢物。他棄舊憐新。情如朝露。你原自不改前非。又敢來胡推  
阻。〔旦〕富與貴人所欲。論人倫焉敢把名污。

〔前腔〕〔淨〕他登高第身掛綠。侯門贅居諧鳳侶。〔旦〕他爲官理民庶。必然守法度。豈肯停妻再娶。  
〔淨〕他負義辜恩。一籌不數。你因甚苦死執迷。不聽娘言語。  
〔旦〕空自說要改嫁奴。寧可翦下髮做尼姑。  
〔淨打旦介〕

〔前腔〕賊潑賤敢抵觸。告官司拷打你不孝婦。〔旦〕官司要厚風俗。終不然勒  
奴再嫁夫。  
〔淨〕抵觸得我好。  
〔旦〕非奴抵觸。  
〔淨〕惱得娘心頭騰騰發怒。便打死你  
這丫頭。罪不及重婚母。  
〔旦〕打死了奴。做個節孝婦。若要奴再招夫。直待石爛

與海枯〔淨〕賤人石頭怎得爛。江水怎得枯。你敢說三個不嫁麼。〔旦〕不嫁。不嫁。只是不嫁。〔淨〕好回得停當。我要你嫁孫家。一片好心。你到反爲不美。罷罷。自從今日。脫下衣服首飾還我。與你三條門路。刀上死也得。水裏死也得。繩上死也得。只憑你肯嫁孫家。進我門來。不肯嫁。好好走出去。

〔旦〕萱親息怒且相容。

〔淨〕母命如何不聽從。

〔旦〕休想門闌多喜慶。

〔淨〕管教女婿近乘龍。

〔旦弔〕自古道忠臣不事二君。烈女不更二夫。焉肯再事他人。母親逼奴改嫁。不容推阻。如之奈何。千休萬休。不如死休。倘若落在他圈套。不如將身喪于江中。免得玷辱此身。以表貞潔。

〔五更轉〕心痛苦。難分訴。丈夫。一從往帝都。終朝望你諧夫婦。誰想今朝拆散中途。我母親信讒言。將奴誤。娘呵。你一心貪戀。貪戀他豪富。把禮義綱常全然不顧。母親。你今日聽信假書。逼奴改嫁。此事決然不可。

〔前腔〕奴哽咽。難移步。不想堂前有老姑。婆婆。奴家今日撇了你去。千愁萬怨。休怨兒媳婦。也不是你孩兒將奴辜負。婆婆。奴家若不改嫁。又不投江。恐母親逼勒奴生



嗔怒。罷罷。賢愚壽夭天之數。拚死黃泉。丈夫不把你清名辱污。

〔滿江紅〕拚此身來。早去跳江心。撈明月。〔下〕

## 第二十五齣 發水

〔末上〕溫州棠樹綠陰濃。今佐閒優鎮國東。海甸圻牆千里外。蓬萊官賜五雲中。春回畫省苗陰合。雨過青林荔子紅。莫倚凡情宮內重。回來方岳拜三公。吾乃錢安撫衙裏親隨。我本官前任是溫州府太守。今蒙聖恩除授福建安撫。欲去之任。今日就在此江心渡口上船。明日侵早開港出洋。行李俱已完備。夫人與家眷都上舟了。惟我相公府裏辭官便來。恐有分付。男女只得在此等候。

〔粉蝶兒〕〔外上〕一片襟期。清似五湖秋水。喜聲名上達丹墀。感皇恩。蒙聖寵。遷除福地。秉忠心肅清奸弊。下官遠離北地。來任東歐。紫綬金章。官閒五馬。擢居太守之尊。朱旛皂蓋。守鎮三山。陞爲安撫之職。才兼文武雙全。德化軍民兩益。行李未曾離浙左。聲名先已到閩南。〔淨上〕永嘉縣縣丞遞人夫手本。〔外〕取上來。多了。〔淨〕不多。兩隻船。一百七十人夫。不多。〔外〕起去伺候。左右何在。〔末〕頻聽指揮黃閣下。忽聞呼喚畫堂前。覆相公。有何使令。〔外〕與我喚船家

來分付他。〔末叫介〕

〔山歌〕〔丑上〕做稍公。做稍公。起樁開船便拔篷。相公要往福州去。願天起陣

好順風。〔末〕好好說得利市。〔外〕稍子。明日開船。〔丑〕明早賽神好開船。〔外〕合用物件說將來。〔丑〕

道介外你且聽我說。夜來寢睡之間。忽有神人囑付言語。說有節婦投江。使吾撈救。又道此婦人

與吾有義女之分。汝等駕幾隻小船。沿江巡哨。不拘男婦。撈救得時。重重賞你。〔衆〕領鈞旨。

〔鏢鏹兒〕〔外〕乘桴浮海非吾願。算來人被利名牽。登舟過福建。須要防危慮險。〔合〕明早動船。開洋過淺。願陣好風。吉去善轉。

〔前腔〕〔丑〕撐船道業雖微賤。水晶宮裏活神仙。鋪蓋且柔軟。蓑衣篔簹眠。〔合前〕

〔外〕今朝船上且淹宵。〔末〕來早江頭看落潮。

〔丑〕撐駕小舟歸大海。〔合〕這回不怕浪頭高。

第二十六齣 投江

〔梧葉兒〕〔旦上〕遭折挫。受禁持。不由人不淚垂。無由洗恨。無由遠恥。事臨危。

拚死在黃泉作怨鬼。自古道河狹水緊。人急計生。來到江頭了也。天那。夫承寵渥。九重仙闕拜龍顏。妾受淒涼。一紙詐書分鳳侶。富宰強謀娶婦。惑亂人倫。萱堂怒逼成親。毀傷風化。妾豈肯從新而棄舊。焉能反正以從邪。爭如就死忘生。不可辜恩負義。一怕損夫之行。二恐誤妾之名。三慮玷辱宗風。四恐乖違婦道。惟存節志。不爲邀名。捨原聘之荆釵。永隨身伴。脫所穿之繡履。遺棄江邊。妾雖不能效引刀斷鼻朱妙英。卻慕取抱石投江浣紗女。

〔香羅帶〕一從別了夫。朝思暮苦。寄來書道贅居丞相府。母親和姑媽逼勒奴也。改嫁孫郎婦。奴豈肯再招夫。萱堂苦苦責打奴。只得拚死在黃泉路。免得把清名來辱污。

〔胡搗練〕傷風化。亂綱常。萱親逼嫁富家郎。若把身名辱污了。不如一命喪長江。〔投江介丑上救旦下〕

〔五供養〕〔外上〕餐風宿水。海舟中多少憂危。終宵魂夢裏。似神迷。披衣強起。玉宇清高如洗。江風緊。海潮回。側聽隣岸曉雞啼。人平不語。水平不流。叫稍水。什麼人。

〔山歌〕〔丑上〕夜行船裏撈救一枝花。五更轉說天淨紗。脫布衫跳下江兒水。一隻紅繡鞋。失落在浣溪沙。稟老爹。夜至五更前後。有一婦人投水。小的撈救在船。〔外〕果有一婦人。寧可信其有。不可信其無。快請夫人出來。一壁廂把投水婦人換了衣服。帶過來。

〔菊花新〕〔貼旦上〕日上二三竿猶未起。聞呼未審何因。〔外〕夜來有一婦人投江。稍手救得在小船上。夫人。你把些乾衣服與他換了溼的。來見我。

〔糖多令〕〔旦上〕無奈禍臨頭。今朝拚死休。如癡似醉任飄流。不想舟人撈救。我身出醜。臉慚羞。〔見介外〕婦人。我且問你。你是何等人家兒女。因何短見投水。必有緣故。

〔玉交枝〕〔旦〕容奴伸訴。〔外〕你那裏住居。〔旦〕念妾在雙門住居。〔外〕姓甚名誰。〔旦〕玉蓮姓錢。儒家女。〔外〕元來與我同姓。你會嫁人麼。〔旦〕年時獲配鴛侶。〔外〕既有丈夫。丈夫姓甚名誰。在家出外。〔旦〕王十朋是夫。出應舉。〔外〕且住。王十朋是你丈夫。他得中了頭名狀元。有書回來麼。〔旦〕數日前有傳尺素。〔外〕既有書來。爲何投水。〔旦〕因此書骨肉

間阻。因此書啣冤負屈。〔外〕書中必有緣故。

〔前腔〕〔旦〕書中緣故。道休妻重婚在相府。〔外〕他是讀書人。豈肯違法度。我曉得了。莫不是朋黨嫉妒。〔旦〕萱親信聽讒詐書。逼奴改嫁孫郎婦。〔外〕怎麼不從母命。〔旦〕論貞潔不更二夫。奴焉敢傷風敗俗。〔外〕元來是王狀元的貞烈夫人。快請起來。

〔前腔〕聽他言語。論貞潔他人怎比。思量我也難留你。左右叫舟子。不如送還伊父。〔旦〕若還送奴歸故里。不如早喪黃泉路。到顯得名傳萬古。儘教他前婚後娶。

〔前腔〕〔外〕不須憂慮。且帶你同臨任所。修書遣人饒州去。管教你夫婦重會。〔旦〕若還這般週濟奴。猶如久旱逢甘雨。便是妾重生父母。望公相與奴做主。〔外〕既然如此。不肯回去。我不是別人。乃是前任本府太守。今蒙聖恩除授福建安撫。即日將帶家小之任。你丈夫既爲饒州僉判。與福建相隔不遠。你如今不肯回去。就在我船上。與我老夫人同臨任所。我想起來。一路上怎麼稱呼。他也姓錢。我也姓錢。你拜我爲義父。到任所修一封書。差人到饒

州報與你丈夫知道。教他取你去。夫婦重會。缺月再圓。心下如何。〔旦背云〕若無鈞眷在船。事有可疑。既有鈞眷在船。去也無妨。只是撇了婆婆。於理不當。〔介〕若得老相公如此周全。重生父母。再養爹娘。〔外〕將酒來。遞了我的酒。〔介〕梅香。左右。都要稱小姐。

〔黃鶯兒〕〔旦〕公相望垂憐。感夫人意非淺。又蒙結拜爲姻眷。恩德萬千。何日報全。願公相早登八位三台顯。〔合〕淚漣漣。雙親遠別。重得遇椿萱。

〔前腔〕〔外〕不必淚漣漣。這相逢非偶然。同臨任所爲姻眷。聊附寸箋。饒州報傳。管教你夫婦重相見。〔合〕免憂煎。夫妻有日。重得遇椿萱。

〔前腔〕〔貼〕天賜這姻緣。喜他們也姓錢。同臨任所作宛轉。明日動船。開洋過淺。願一陣好風。急去登福建。〔合前〕

〔前腔〕〔旦〕溺水自心酸。我婆婆苦萬千。堂前繼母心不善。兒夫去遠。家尊老年。何日得見王僉判。〔合前〕

〔外〕夫妻憂慮各西東。

〔老〕會合今朝喜氣濃。

〔旦〕一葉浮萍歸大海。

〔合〕人生何處不相逢。

### 第二十七齣 憶母

〔喜遷鶯〕〔生上〕從別家鄉。期逼春闈。催赴科場。鵬程展翅。蟾宮折桂。幸喜名標金榜。旅邸憶念。孤鸞幽室。萱花高堂。魚雁杳。信音稀。使人日夜思想。人在東歐。身淹上苑。望中山色空迷眼。終朝旅思。嘆蕭條。高堂親鬢愁衰短。秦嶺雲橫。藍關雪漫。潮陽未到。魂先斷。春歸花落久。栖遲。愁深那覺時光換。

〔雁魚錦〕長安四月花正飛。見殘紅萬片皆愁淚。何苦被利祿成拋棄。如今把孤身旅泊天涯。意懸懸止不住思維。音書曾有回。只怕他望帝都欲赴愁迢遞。望日斷故園。知他知也未。

〔前腔〕當時痛別慈幃。論奉親行孝也縈懷不寐。年華有幾。總然是百歲如奔騎。論早晚須問起居。論寒暑須當護持。論供養要甘肥。因赴舉。把蘋蘩饋託與我妻。知他看承處怎的。俺這裏對青山。望白雲。鎮日瞻親舍。他那裏翹白首看。

紅日。終朝憶帝畿。

〔前腔〕嗟吁。鳳別鸞離。怎如得儔鶯偶燕時相聚。悽楚寒牕。寂寞旅況。閃殺當時。甘効于飛。孤燈夜雨。溜聲不斷。卻把寸心滴碎。只爲那荆釵裙布妻難棄。總有紫閣香閨人怎迷。

〔前腔〕猛思。那日臨行際。蒙岳丈惜伊玉樹。兼愛我寒枝。念行囊空虛。欣然便週全助路資。召共居。感此義山恩海深難棄。細躊躇。甚日酬取。教我怎生忘渠。但願得一家到此沾祿養。也顯得半子從今展孝私。

〔前腔〕論科舉。本圖看春風杏枝。玉馬驟香衢。豈知他陷我在瘴嶺烟區。愁只愁身歸鳳池。恨只恨鸞生鴛侶。人不見。氣長吁。只爲蠅頭蝸角微名利。致使地北天南怨別離。左右過來。〔丑上〕廳上一呼。塔下百諾。相公有何指揮。〔生〕前月寄書回去。接取

老夫人並家眷來此同赴任所。經今日久。將次來到。你可到十里長亭伺候迎接。不得有違。〔丑〕如此便去。〔下〕



〔生〕家鄉千里隔相思。

目斷歐城人到遲。

旅邸難禁長日靜。

魂消幾度夕陽時。

第二十八齣 哭鞋

〔梧葉兒〕〔老旦上〕兒媳婦哭啼啼。昨夜三更出繡幃。今早起來沒尋處。使我無把臂。一重愁番做兩重悲。使我淚偷垂。天有不測風雲。人有旦夕禍福。我媳婦被逼嫁不從。哭了一夜。今早不知那裏去了。〔末上〕莫取非常樂。須防不測憂。老安人。不好了。小人到江邊去訪問。見許多人說我小姐投江死了。拾得繡鞋在此。〔老旦〕呀。果是我媳婦的。痛殺我也。〔倒地介〕

〔山坡羊〕撇得我不尷不尬。閃得我無聊無賴。親家。你一霎時認真逼他去投江海。怎佈擺禍從天上來。你嫡親父母尙且不遮蓋。反將他諧老夫。妻生打開。〔合〕哀哉。撲簌簌。淚滿腮。傷懷。生擦擦。痛怎捱。〔外淨上〕隔牆須有耳。窗外豈無人。親家爲何啼哭。〔老旦〕親家。不好了。我的媳婦投江死了。〔外〕怎麼曉得。〔老旦〕見有繡鞋在此。〔外

哭倒介

〔山坡羊〕兒。你不念我年華高邁。不念我形衰力敗。不念我無人養老。不念我絕宗派。我想這椿事。不是別人。都是你老禍胎。受了孫家婚聘財。逼得他啣冤負屈投江海。親家。我有一搭地。指望令郎與小女把我兩塊老骨頭埋葬。不想令郎又贅在相府。不得回來。小女又投江死了。我好命苦。閃得我有地無人築墓臺。〔合〕哀哉。撲簌簌。淚滿腮。傷懷。生擦擦。痛怎捱。〔淨〕親家。你令郎贅在相府做了女婿。我女投江死了。如今與你沒相干了。寺裏觀音請出。〔外〕我的女兒肉尚未冷。你就趕他出去。〔淨〕你兩個做了一家。我出去了罷。〔外〕親家。你聽那老不賢。在這裏與他難相處。莫若到京見令郎。不知意下如何。〔老旦〕老身正欲如此。耐我身伴無人。怎生去得。〔外〕我着李成送親家前去。〔淨〕我自要他去不得。〔外〕誰要你多言。〔老旦〕親家。老身不識進退。有一言相懇。〔外〕親家但說不妨。〔老旦〕欲往江邊祭奠。以表姑媳之情。〔外〕可憐。不勞親家費心。李成今晚整備祭品。等候王老安人祭奠。〔老旦〕親家。老身就此拜別。

〔勝如花〕辭親去。別淚零。豈料登山驀嶺。只因人遞簡傳書。教娘離鄉背井。未知道何日歡慶。〔合〕愁只愁一程兩程。況未聞長亭短亭。暮止朝行。趨長途曲徑。休辭憚跋跣奔兢。願身安早到京城。願身安早到京城。

〔前腔〕〔外〕我爲絕宗派。結婚姻。指望一牢永定。誰知他又贅在侯門。今日番成畫餅。辜負了田園荒徑。〔合前〕

〔前腔〕〔淨〕他家鍋中米沒半升。去戀着豪門。不思舊親。到如今一旦身榮。撇卻糟糠布荆。短行處教人怒沖。〔合前外〕李成。你送王老安人到京。面會王狀元。即便回來。

〔末〕男女理會得。

〔前腔〕蒙員外分付情。對狀元一訴明。幸喜得日暖風恬相送起程。傷目兮桑榆暮景。〔合前〕

生離死別痛無加。

路上行人莫嘆嗟。

花正開時遭雨打。

月當明處被雲遮。

第二十九齣 搶親

〔淨〕莫信直中直。須防仁不仁。我本等是一段美意。不想這丫頭行此拙路。老員外止生這女兒。今被他日夜啼哭。教我怎麼過得日子。如今送親家去了。這一回來。教我躲在那裏。躲在這裏罷。〔外〕有這等事。一家好人家。都被那老不賢弄壞了。雖是王十朋贅在相府。未審虛實。今日也逼孩兒改嫁。明日也逼孩兒改嫁。受不過凌辱忿氣。投江身死。你那裏去。老潑婦。如今走在天上去。〔淨〕老員外不要惱。要打便打。要罵便罵。我跪在這裏了。〔外〕老潑婦。誰教你逼死了我兒。我也不要你了。〔淨〕我也只要他做好人。後邊靠他。誰想女兒認真苦惱。你若趕我出去。那個要我。〔外〕鄰舍人家去。〔淨〕十家鄰舍九家斷。那裏去得。〔外〕親友人家去。〔淨〕平昔沒有盤盒來往。做人不好。也去不得。〔外〕和尚寺裏去。〔淨〕屈嫁和尚是好惹的。我去也罷。怕被人笑話你。〔外〕原來沒處去。

〔憶虎序〕當初娶汝。〔淨〕正是大盤大盒娶的。〔外〕指望生男育女。〔淨〕你到說我沒用。你頭未上牀脚先睡了。那個沒用。依了我。十個還養得出哩。〔外〕老潑婦。今日也與我孩兒嚷亂。明日也與我孩兒嚷亂。逼勒我孩兒投江身死。〔淨〕他自壽命短促。自家死的。與我甚麼相干。

〔外〕我寫狀經官。經官呈告你。〔淨〕告我得何罪。〔外〕告你是不賢婦薄倖妻。若到官司。打你皮綻肉飛。〔淨〕當初是我不合討了他的便宜。如今我就下他一個禮。也沒人笑我。

〔前腔〕我當初嫁你。也是明媒正娶。又不是暗地裏偷情。強來隨你相隨百步。尚有徘徊之意。免告官司。免告官司。和你團圓到底。〔外〕起去。〔淨〕噯。他被我一哭。心就軟了。〔外〕我趕他出去。被人笑話。過來。〔淨〕噯。〔外〕留你在家。要依我三件事。〔淨〕勿要說三件事。十件也依你。〔外〕第一件事。我與人講話。不要你多嘴。〔淨〕若有我的說話。添這等一句兒。〔外〕第二件。不要與我同喫飯。〔淨〕我自自有王帝喫。那個要與你同喫。〔外〕那個王帝。〔淨〕灶君王帝。你也要依我三件事。〔外〕那三件。〔淨〕魚乾酸湯白米飯。喫飽了。朝也咯。暮也咯。養還你班稍挾。〔下外弔場〕禍福無門。唯人自召。我那老不賢聽信讒書。接了孫家財禮。逼令女兒改嫁。只因受逼不過。已自投江死了。況孫家是個無籍之徒。必來我家打鬧。我更年老力弱。難以抵對。如何是好。

〔梨花兒〕〔丑上〕姪女許了孫汝權。受他財禮千貫。今日成親多喜歡。嗟。姑

娘口。只要長長段。呀。哥哥。今日嫁女吉日。因何在此愁悶。〔外哭介〕都是你害我女兒投江死了。還要說。〔丑〕真個好苦。〔外〕你且不要哭。這孫家事怎生回他。〔丑〕人既死了。終不然捻一個與他。若沒有人。拚得還他財禮便了。若說不來。財禮也不要還他。更又賴他。〔外〕賴他什麼。〔丑〕賴他倚恃豪富。威逼成親。以致我女身死。〔外〕這都是你生出來許多事端。我不管。你自去回他。〔丑〕哥哥。孫汝權不是好人。怎肯罷休。我有一計在此。將幾件衣服與我穿了。哄上轎去。我到他家裏。與他說話便了。〔外〕既如此。我自進去。正是。野花不種年年有。煩惱無根日日生。〔下〕

〔前腔〕 〔淨衆上〕 今日娶親諧鳳鸞。不知何故來遲緩。莫非他人生異端。嚟。須知人亂法不亂。〔丑〕孫相公。來了麼。〔淨〕張姑媽。快請新人上轎。我在此親迎。〔丑〕曉得了。分付

衆人在青龍頭轉一轉。〔淨分付衆轉介〕禮人與我快請新人。〔請介丑帶兜頭哭上介轉介淨〕禮人拜了家廟就結親。〔喝禮介拜介淨揭蓋〕好也。好也。你受了我財禮。藏了姪女。賴我親事。〔丑〕我不是騙你。我姪女已投江死。拚得還你財禮。大家罷休。〔淨〕一倍還我十倍。我也只要老婆。〔丑〕吓。小鬼頭兒。你倚恃豪富。威逼我姪女投水已身死。你要怎的。〔淨〕這潑皮到來誣賴我。

〔恁麻郎〕我告你局騙人財禮。〔丑〕我告你威逼人投水。〔淨〕怎誤我白羅帕見喜。〔丑〕悶得他黃泉做鬼。〔末〕息怒威寧耐取。〔淨〕休想我輕輕放過你。〔丑〕我怕你強橫小賊驢。〔淨〕我那怕你腌臢臭髒。〔末〕算從來男不和女敵。自古道窮不共富理。〔丑〕打你嘴。〔淨〕踢你的腿。〔末〕須虧了中間相勸的。〔丑〕這事情天知地知。〔淨〕這見識心黑又意黑。〔末〕怎辨別他虛你實。也難明他非你是。〔淨〕不放你。〔丑〕不放你。〔末〕自古饒人不是癡。〔淨〕你藏了女兒。誣賴人命。若見了尸首。萬事俱休。不見尸首。教你粉碎。

〔淨〕窩藏姪女忒無知。

〔丑〕威逼成親事豈宜。

〔淨〕好手中間逞好手。

〔丑〕喫拳須記打拳時。

### 第三十齣 祭江

〔風馬兒〕〔老旦上〕柳拂征衣露未央。可憐年邁往他鄉。〔末〕謾自殷勤設奠。血淚洒長江。〔老旦〕渺渺茫茫浪潑天。可憐辜負你青年。〔末〕小姐。你清名須並浣紗女。白髮親

姑誰可憐。老安人正在此處拾的繡鞋。〔老旦〕就此擺下祭禮。

〔綿搭絮〕尋縱覓跡到江邊。李成舅。可曾帶得香來。〔末〕小人不會帶得。〔老旦〕我那兒。只一塊香沒福受用。〔苦〕只得撮土爲香。禮雖微表姑情意堅。望靈魂暫且聽言。指望

松蘿相倚。誰想你抱石含冤。這也不要埋怨你丈夫。都是你的親娘把乘龍女婿嫌。

〔憶多嬌〕〔末〕愁哽咽。情慘切。萱堂苦逼中道絕。暮憶朝思難訴說。〔合〕喪溺

江心。喪溺江心。永遠傳揚孝烈。〔老旦〕我那媳婦的兒。我有半年糧食。也不見得到你家來。

〔綿搭絮〕只爲家貧無倚。在他閭闔。是你的兒夫去經年。杳沒音信傳。是你的繼

母呵。信讒言。鎮日熬煎。熬煎得你抱屈含冤。我那兒。撇得我無倚無依。你帶我的

孝。纔是順理。今日呵。反披麻哭少年。

〔憶多嬌〕〔末〕心痛惜。情慘戚。將身赴江學抱石。可憐夫婦鸞鳳拆。〔合〕卽日

登程。渺渺音容遠隔。〔末〕老安人。不須啼哭。趲行前去。

〔風入松〕〔老旦〕嘆連年貧苦未逢時。誰想一旦分離。我孩兒自別求科舉。怎



知道妻房溺水。但說來又恐驚駭我兒。決不可與他知。〔末〕安人不必恁憂慮。且聽男女咨啓。只說狀元催逼起。先令我送安人來至。那其間方說就裏。決不要使驚疑。

〔急二一鎗〕〔老旦〕痛易情難訴。痛易情難訴。常思憶。常憂慮。心戚戚。淚如珠。〔末〕且自登程去。且自登程去。休思憶。休憂慮。途路上免嗟吁。

〔風入松〕〔老旦〕如何教我免嗟吁。我這老景憑誰。年華老邁難移步。旦夕間有誰來溫顧。恨只恨他們繼母逼他嫁。死得最無辜。〔末〕果然死得最無辜。論貞潔真無姻緣契合。從今古拆散了夫妻。皆天數。漫騰騰洛陽近也。今日喜到京都。

萬里關山去路長。

可憐年邁往他鄉。

江邊不敢高聲哭。

恐怕猿聞也斷腸。

第三十一齣 見母

〔夜行船〕〔生上〕一幅鸞箋飛報喜。垂白母料已知之。日漸過期。人何不至。心下轉添縈繫。雁塔題名感聖恩。便鴻昨已寄佳音。思親目斷雲山外。縹緲鄉關多白雲。下官前日修書附承局帶回。請取家小。同臨任所。一去許久。不見到來。使我常懷憂念。正是雖無千丈線。萬里繫人心。

〔前引〕〔老旦〕死別生離辭故里。經歷盡萬種孤恹。〔末上〕昨過村莊。今入城市。深感老天垂庇。〔老旦〕這裏是那裏了。〔末〕京師地面了。〔老旦〕聞說京師錦繡邦。果然風景異他鄉。〔末〕紅樓翠館笙歌沸。柳陌花街蘭麝香。〔老旦〕李成舅。你曉得狀元行寓在何處。〔末〕小人一路打聽。行館就在四牌坊。老安人把孝頭梳藏了。謾謾說也未遲。〔老旦〕這也說得有理。〔末〕牌子。這裏可是王狀元行館麼。〔淨上〕這裏就是。〔末〕通報家裏有人在此。〔淨〕稟老爺。家裏有人在外。〔生〕着他進來。〔末〕老爺。李成磕頭。〔生〕起來。老安人小姐來了。〔末〕來了。〔生〕接背問末介。小姐爲何不見。〔末〕後面來了。〔生〕母親請坐。孩兒拜見。一路風霜。久缺甘旨。恕孩兒不孝之罪。〔老旦〕兒。你在此一向好麼。〔生〕母親聽稟。

〔刮鼓令〕從別後到京。慮萱親當暮景。幸喜得今朝重會。娘。又緣何愁悶縈。李成舅。莫不是我家荆。看承母親不志誠。〔末〕小姐且是盡心侍奉。〔生〕我的娘。分明說與恁兒聽。你媳婦呵。怎生不與共登程。

〔前腔〕〔老旦〕心中自三省。轉教人愁悶增。你媳婦多災多病。況親家兩鬢星。家務事要支撐。教他怎生離鄉背井。爲你饒州之任恐留停。兒。你岳丈先令人送我到京城。〔生〕母親言語不明。李成舅。你備細說與我知道。

〔前腔〕〔末〕當初待起程。〔生〕正要問你起程。小姐怎麼不來。〔末〕到臨期成畫餅。〔生〕母親。李成舅說甚麼畫餅。〔末背〕若說起投江一事。恐唬得恩官心戰驚。〔生〕李成舅。說甚麼驚字。〔末〕是有個經字。小姐呵。途路上少曾經。當不得許多高山峻嶺。餐風宿水怕勞形。〔生〕老安人也來了。他到來不得。〔末〕便是。小姐有些病體。老員外呵。因此上留住。住在家庭。

〔前腔〕〔生〕端詳那李成。語言中猶未明。娘。把就兒裏分明說破。免孩兒疑慮。

生〔老旦背生〕呀。母親。因甚的變顏情。長吁短嘆珠淚零。〔老旦袖出孝頭髻介生〕袖兒裏脫下孝頭繩。莫不是恁兒媳婦喪幽冥。〔生〕我的娘。孝頭繩那裏來的。〔老旦〕兒。千不是萬不是。都是你不是。〔生〕娘。怎麼到是兒不是。〔老旦〕噫。還說你的是。當初承局書親附。拆開仔細從頭覷。道你狀元僉判任饒州兒。這下一句不該寫。〔生〕那一句。〔老旦〕休妻再贅万俟府。〔生〕母親。語句都差了。〔老旦〕語句雖差字跡同。岳翁見了心生怒。〔生〕岳母沒有話說。〔老旦〕岳母即時起毒心。逼妻改嫁孫郎婦。〔生〕我妻從麼。〔老旦〕汝妻守節不相從。苦這句難說了。〔生悲介〕娘一發說了罷。〔老旦〕將身跳入江心渡。〔生〕呀。渾家爲我守節而亡。兀的不是痛殺我也。〔跌倒介〕

〔江兒水〕〔老旦〕嚇得我心驚怖。身戰慄。虛飄飄一似風中絮。爭知你先赴黃泉路。我孤身流落知何處。不念我年華衰暮。風燭不定。死也不着一所墳墓。

〔前腔〕〔生〕一紙書親附。我那妻。指望同臨任所。是何人寫套書中句。改調潮陽應知去。迎頭先做河泊婦。指望百年完聚。半載夫妻。也算做春風一度。

〔前腔〕〔末〕狀元休憂慮。且把情懷暫舒。夫妻聚散前生注。這離別只說離別

苦。想姻緣不入姻緣簿。聽取一言伸覆。須信人生萬事莫逃天數。〔老旦〕孩兒。你且省愁煩。〔生〕孩兒只爲不就萬俟丞相親事。卻將我改調潮陽。害我身命。我肯辜負他。〔老旦〕孩兒。他既死了。無可奈何。且到任所。做些功果。追薦他。〔生〕這個少不得如此。〔末〕小人告狀元。老安人起程之時。老員外曾分付小人。送老安人面會狀元。你就趕回來。如今稟狀元。小人告回。〔生〕李成舅。我身伴無人。同到了任所。那時我修書與你去。〔末〕既如此。小人願隨狀元去。

〔老〕追想儀容轉痛悲。

〔生〕豈期中道兩分離。

〔末〕夫妻本是同林鳥。

〔合〕大限來時各自飛。

### 第二十二齣 遣音

〔破陣子〕〔外上〕野外江山幽雅。城中景物繁華。〔貼旦旦丑上〕六街三市堪描畫。萬紫千紅實可誇。〔合〕閩城景最佳。〔外〕夫妻幸喜到閩城。跋踈程途爲利名。〔貼〕大布仁風寬政令。廣施德化慰黎民。〔外〕夫人。我自到任三月。且喜詞清訟簡。盜息民安。〔貼〕乃相公治政所致。相公會許孩兒書去報他丈夫知道。兒管教你夫妻重會。〔旦〕爹爹。這裏到饒州。多少路程。

〔外〕約有一月之程。〔旦〕爹爹多與他些盤纏。〔外〕教我多與他些盤纏。我在此呵。

〔榴花泣〕守官如水。胸次瑩無瑕。薄稅斂。省刑罰。撫安民庶。禁行猾。幸喜詞清訟簡。無事早休衙。〔旦〕依條按法。想繩一戒百誰不怕。待三年任滿期瓜。詔書來早晚遷加。

〔前腔〕〔貼〕覷着他花容月貌勝仙娃。忍將身命掩黃沙。天教公相救伊家。好似撥雲見日。枯樹再開花。〔外〕貞潔可誇。恁捐生就死令人訝。恁萱親怎不詳察。全不道有傷風化。

〔漁家傲〕〔旦〕若提起舊日根芽。不由人不兩淚如麻。恨只恨一紙讒書。搬得我母親叱咤。〔外〕他見差。逼汝身重嫁。那些個一鞍一馬。這書劍令人遣發。管成就鸞孤鳳寡。〔外〕夫人。我到堂上去來。開門。〔衆〕各官免揖。〔外〕叫一個打差舍人進來。〔淨

上〕該小人輪班。〔外〕你叫什麼名字。〔淨〕小人叫苗良。〔外〕苗良。我有一封書。着你到饒州王三府處投下。要回書。限你二十個日子。與你二兩銀子盤纏。星夜趕去。

〔前腔〕〔淨〕今日裏拜辭都爺。明日裏到海角天涯。一心要傳遞佳音。不憚路途波查。〔外〕關門。〔旦〕爹爹。下書人去也不會。〔外〕去了。〔旦〕我還有一句話。〔外〕有什麼話。〔旦〕見他只說三分話。〔丑〕姐姐。便多說幾句怎麼。〔旦〕又恐他別娶渾家。〔外〕你把閒言一筆都勾罷。回來便知真共假。

〔尾〕月再圓。花重發。那其間歡生喜洽。重整華筵泛紫霞。

〔外〕饒福相看數日程。

〔旦〕修書備細說緣因。

〔丑〕分明好事從天降。

〔末〕重整前盟合舊盟。

### 第三十二齣 赴任

〔臨江仙〕〔老旦上〕客夢悠悠雞喚醒。窗前尚有殘燈。〔生末上〕攬衣披枕自評論。今日飄零。何日安寧。〔老旦〕孩兒。促整衣裝及早行。區區只爲利和名。〔生〕拚卻餐風並宿水。〔末〕不愁帶月與披星。〔老旦〕孩兒。就此趲行前去。

〔朝元歌〕騰騰曉行。露濕衣襟冷。徐徐晚行。月照遙天暝。祇爲功名。遠離鄉背。

井渡水登山。驀嶺帶月披星。車塵馬足不暫停。晴嵐障人形。西風吹鬢雲。〔合〕  
潮陽海城。到得後那時歡慶。〔淨上〕三山巡檢接老爺。人夫手本在此。〔生〕拿上來。你那官兒  
回去。弓手送我過梅嶺。〔淨〕梅嶺上獼猴太多。〔生〕怎麼有許多獼猴。〔淨〕老爺此去指日封侯。  
〔生〕生受你去罷。〔淨下〕

〔前腔〕幾處幽林曲徑。松杉列翠屏。回首亂雲凝。禪關掩映。聽遠鐘三四聲。欽  
奉綸音。命遊宦。宿郵亭。遠離京城。盼陽關把往事空思省。水程共山程。長亭復  
短亭。〔合前丑上〕潮陽府陰陽生接老爺。〔生〕這裏到府。還有多少路。〔丑〕還有五十里之程。〔生〕  
那個差來的。〔丑〕本府太老爺差來的。〔生〕選在幾時上任。〔丑〕太老爺分付三月十五日請老爺  
城隍廟宿山。十六日午時上任。〔生〕多拜上老爺。〔丑下〕

〔前腔〕危巔絕頂。飛流直下傾。嘆微名奔兢。身似浮萍。鷓鴣啼。不忍聽。野花開  
又馨。消遣羈旅情。到處草茵。題詠眼前無限景。牧笛隴頭鳴。漁舟江上橫。〔合前〕  
〔前腔〕〔老旦〕八九處人家寂靜。柴門半掩扃。谿洞水泠泠。路遠離別興。自來



不慣經。遙望酒旗新。買三杯。消渴脰。哀猿晚風輕。歸鴉夕照明。〔合前淨上〕城隍廟  
道士接爺爺宿山。

〔老〕長亭渺渺恨綿綿。

〔生〕遠望潮陽路八千。

〔末〕正是雁飛不到處。

〔合〕果然人被利名牽。

### 第三十四齣 誤計

〔探春令〕〔外上〕人生最苦是別離。論貞潔他人怎如。窗外日光彈指過。庭前花影坐  
間移。我前日差苗良去到饒州。怎麼不見回來。〔淨上〕轉眼垂楊綠。回頭麥子黃。萬事分已定。浮生  
空自忙。苗良進。〔外〕苗良回來了。〔淨〕小人回來了。〔外〕可有回書。〔淨〕回書在此。〔外〕這是我的。  
〔淨〕因此老爺的書不曾投下。故此回書。〔外〕怎麼不曾投下。〔淨〕小人到饒州。逕進東門。正遇行  
喪。銘旌上寫僉判王公之柩。小人又到私衙去問。都說到任三月。不伏水土。全家而亡。〔外〕可惜。人  
無百歲期。枉作千年計。請夫人小姐出來。

〔一枝花〕〔貼上〕書緘情慘切。煙水多重疊。〔旦丑上〕報道有書回。故人如見也。

〔見介外〕孩兒遞書人回來了。〔貼〕遞書人回來。必有好音。〔外〕原書也不會投下。有什麼好音。

〔漁家傲〕〔旦〕莫不是明月蘆花沒處尋。〔外〕明月蘆花一片白。那裏去尋。〔旦〕莫不是舊日王魁。嫌遞萬金。〔外〕他也不是王魁。你也不是桂英。〔旦〕莫不是忘了半載同衾枕。〔外〕也不是。〔旦〕莫不是不曾之任。〔外〕怎麼不曾之任。〔旦〕爹爹。欲言不語。情難審。那裏是全拋一片心。〔外〕咱語言說到舌尖聲還噤。若提起始末緣因。教你愁悶怎禁。兒。此生休想同衾枕。要相逢除非是東海撈針。如今兀自不思省。不投下佳音回訃音。〔旦〕爹爹。佳音便怎麼。訃音便怎麼。〔外〕喜信是佳音。死信是訃音。你丈夫到任三月。不服水土。全家而亡了。〔旦〕丈夫死了。兀的不是痛殺我也。

〔梧桐樹〕我爲你受跋跣。我爲你遭磨折。丈夫。我爲你投江。我爲你把殘生捨。今日怎知先傾逝。這樣淒涼。剗地裏和誰說。稟爹爹。可容奴家帶孝。〔外〕兒。在任穿些素縞罷。〔旦〕與我除下釵梳。盡把羅衣卸。持喪素服存貞潔。

〔東甌令〕〔外〕休嗟怨。免擲屑。分定恩情中道絕。夫妻本是同林鳥。限到各分

別。生同衾枕死同穴。誰肯早拋撇。〔旦〕念妾得蒙提挈。只指望同諧歡悅。誰知道全家病滅。不由人不撲簌簌淚珠流血。

〔金蓮子〕〔貼〕休憂此生鸞鏡缺。常言道救人須救徹。〔丑〕聽覆取休得要哽咽。姐姐待等二年孝滿。別贅豪傑。

〔尾〕〔旦〕再醮徒然費脣舌。共姜誓盟甘自悅。守寡從教鬢似雪。

〔旦〕甘守共姜誓柏舟。

〔外〕分明塵世若浮鷗。

〔淨〕三寸氣在千般用。

〔合〕一日無常萬事休。

### 第二十五齣 時祀

〔一枝花〕〔老旦上〕細雨霏霏時候。柳眉煙鎖常愁。〔生末上〕昨夜東風驀吹透。

報道桃花逐水流。〔合〕新愁惹舊愁。〔老旦〕極目家鄉遠。白雲天際頭。〔生〕五年離故里。酒

淚溼征裘。告母親知道。孩兒夜來夢見渾家扯住兒衣袂。說十朋只與你同憂。不與你同樂。覺來卻是一夢。〔老旦〕敢是與你討祭。〔末〕祭禮俱已完備。請老夫人主祭。〔老旦〕非是兒夫負你情。只因

奸相妬良姻。生前淑性甘貞潔。死后英魂脫世塵。餐玉饌。飲瑤樽。水晶宮裏伴仙人。你兒夫任滿朝金闕。與汝伸冤奏紫宸。

〔新水令〕〔生〕一從科第鳳鸞飛。被奸謀有書空寄。幸萱堂無禍危。痛蘭房受岑寂。捱不過凌逼。身沈在浪濤裏。

〔步步嬌〕〔老旦〕將往事今朝重提起。越惱得肝腸碎。清明祭掃時。省卻愁煩。且自酬禮。須記得聖賢書。看酒。〔生〕兒女何勞母親遞酒。〔老旦〕道不與祭如不祭。〔生〕

看香來。

〔折桂令〕爇沈檀香噴金猊。昭告靈魂聽剖。因伊自從俺宴罷瑤池。宮袍寵賜。相府勒贅。俺只爲撇不下糟糠舊妻。苦推辭桃杏新室。致受磨折。改調俺在潮陽。妻。因此上耽誤了恁的歸期。

〔江兒水〕〔老旦〕聽說罷衷腸事。只爲伊卻元來不從招贅。生奸計。懊恨娘行忒薄倖。凌逼你好沒存濟。母子虔誠遙祭。望鑒微忱。早賜靈魂來至。

〔雁兒落〕〔生〕徒捧着淚盈盈。一酒卮。空列着香馥馥。八珍味。慕音容。不見你。訴衷曲。無回對。俺這裏再拜自追思。重相會。是何時。搵不住雙垂淚。舒不開咱兩道眉。先室俺只爲套書信的賊。施計賢妻。俺若是昧誠心。自有天鑒知。〔僥僥令〕〔老旦〕這話分明訴與伊。須記得看書時。懊恨娘行忒薄劣。拋閃得兩分離。在中路裏。兩分離在中路裏。

〔收江南〕〔生〕呀。早知道這般樣拆散呵。誰待要赴春闈。便做到腰金衣紫待何如。說來又恐外人知。端的是不如布衣。端的是不如布衣。俺只索要低聲啼哭。自傷悲。

〔園林好〕〔老旦〕免愁煩回辭奠儀。拜馮夷多加護持。早早向波心中脫離。惟願取免沈溺。惟願取免沈溺。〔生讀祝文介〕維大宋熙寧七年吉月辛卯朔日己酉。賜進士及

第任潮陽浙江温州府永嘉縣孝夫王十朋。謹以清酌素饌之奠。致祭於亡過妻玉蓮錢氏夫人前。而言曰。惟靈之生。抱義而歸。惟靈之死。抱節而歸。義也。嗚呼噫嘻。昔受荆釵爲聘。同甘苦於茅廬。春

聞一赴鸞鳳分飛。詐書一到。骨肉分離。姑娘爲奪婚之媒。繼母爲逼嫁之威。捱不過連朝折挫。抵不過晝夜禁持。拜辭睡昏昏之老姑。哭出冷清清之繡幃。江津渡口。月淡星稀。脫鞋遺跡于岸邊。抱石投江於海底。江流哽咽。風木慘悽。波滾滾而洪濤逐魄。浪層層而水泛香肌。哭一聲妻。寒壑應猿啼。叫一聲妻。雲愁雨怨。天地悲。妻魂不寐。默而鑒之。於戲哀哉。尙饗。

〔沽美酒〕〔生〕紙錢飄。蝴蝶飛。紙錢飄。蝴蝶飛。血淚染。杜鵑啼。覩物情傷越慘。悽。靈魂恁自知。靈魂恁自知。俺不是負心的。負心的。隨着燈滅。花謝有芳菲。時節。月缺有團圓之夜。我呵。徒然間早起晚寐。想伊念伊。妻。要相逢除非是夢兒裏。再成姻契。

〔尾〕昏昏默默歸何處。哽哽咽咽思念你。直上姮娥宮殿裏。

〔生〕年年此日須當祭。

歲歲今朝不可違。

天長地久有時盡。

此恨綿綿無絕期。

第三十六齣 夜香

〔一枝花〕〔旦上〕花落黃昏門半掩。明月滿空階砌。嗟命薄。嘆時乖。華月在人  
不見。好傷懷。昔恨時乖赴碧流。重蒙恩相得相留。深處閉門重閉戶。花落花開春復秋。奴家自那  
日投江。不期遇着錢安撫撈救。留爲義女。勝如親生。只是無以報他。今宵明月之夜。不免燒炷清香。  
以求膺庇。

〔園林好〕想那日身投大江。蒙安撫恩德怎忘。勝似嫡親襁褓。如重遇父和娘。  
奴家燒此夜香呵。願他增福壽。永安康。想我母親亡過之後。又虧繼母呵。

〔川撥棹〕親鞠養。我爹爹呵。擇良人求配。駕行誰知道。命合遭殃。命合遭殃。遞讒  
書逼奴險亡。蒙天眷。遇賢良。奴家燒此夜香呵。保佑他永安康。保佑他永安康。想我  
婆婆取奴家呵。

〔好姐姐〕指望終身奉養。誰知道中途翫。存亡未審。使奴愁斷腸。心悽慘。奴  
家燒此夜香呵。願得親姑早會無災障。骨肉團圓樂最長。想我丈夫有了奴家呵。

〔香柳娘〕又重在洞房。重在洞房。將奴撇漾。奴家一身猶可。你不思父母恩德廣。

奴家指望你還有相見之日。誰想你到先亡了。痛兒夫天亡。痛兒夫天亡。不得耀門牆。拋棄萱花堂上。奴家燒此夜香呵。願他魂歸故鄉。遣他魂歸故鄉。免得此身渺茫。早賜瑤池宴賞。

〔尾〕終宵魂夢空勞攘。若得相逢免悒快。再爇明香答上蒼。

香烟縹縹浮清碧。

衷曲哀哀訴聖祇。

致使更深與人靜。

非干愛月夜眠遲。

### 第三十七齣 民戴

〔末上〕一喝千人諾。單行百吏隨。恁般多富貴。端的是男兒。自家乃是本府親隨隸兵。你看時光好疾。日月相催。自從本官到任潮陽勾當。不覺又是五年。真個清廉如水。上下相安。前日忽有上司文書到府。將俺相公陞除吉安太守。卻是因禍致福。元先我相公原除饒州僉判。只因不就丞相親事。卻將改調潮陽。如此更遷。意欲陷害在潮陽。如今朝廷別立丞相。廉知相公治事清廉。持心公正。因此陞除吉安太守。今日促裝行李。那來的鼓樂彩旗。敢是與相公送行的。



〔賞宮花〕〔淨丑上〕耆宿社長聽榮除特舉觴。五年民沾惠。盡安康。臥轍攀鞍無計策。離歌別酒衆難忘。〔末〕許多什麼人嚷。〔淨丑〕郎中。我們聞知相公高陞。衆鄉民特來送行。〔末〕難得你們厚意。問你高姓。〔淨〕老漢叫做李達玉。年紀方纔五十六。在城開張雜賣鋪。家中財貨頗豐足。年年差我做方正。因此營充做耆宿。聖節賀正預公宴。簪花飲酒與喫肉。有時迎接上司官。見我必先問風俗。一句話也不會回。五十六棒不罰贖。那時無計可施爲。依舊歸家賣蠟燭。〔末〕免教人在暗中行。這個老人高姓。〔丑〕老漢積祖姓丁。並無手藝營生。圖小利討允社長。誰知也不安寧。又要報寫粉壁。又要催討常行課程。又要報淘砌河勘。又要辦水桶麻繩。又要勸農栽種。又要督造坊城。只有催關鹽票。是我覓鈔門庭。有錢與我的。便把他口數減。無錢與我的。便把他口數增。若還官司賑濟。這場買賣非輕。若有人告投社長。一件件並不容情。被告詐他十貫五貫。原告喫他三瓶五瓶。有錢與我的。私下和允。無錢與我的。便打他脚筋。我怕事如探湯老狗。我愛錢如見血蒼蠅。這人戶家家作念。〔末〕想必說你好。〔丑〕那裏是。都罵我沒分曉老鴨精。〔末〕這一下打得你嘴匾。〔淨〕我們百姓無造化。這等好官陞了。〔丑〕便是他五年在此。深虧他。如今陞了江西吉安

府知府。我們衆老人都到長亭送行。脫他靴來釘在儀門上。千年遺跡。後官來看。

〔前腔〕〔生上〕潮陽海邦。坐黃堂。名譽彰。〔老旦上〕省喜飛薦剡。看文章。擢任三

山爲太守。叩頭萬歲謝吾皇。自離京苑到潮陽。烏兔相催曉夜忙。〔生〕自覺因循經五載。追思

中饋好心傷。母親孩兒得蒙聖恩陞授吉安知府。且喜相去家鄉不遠。〔淨丑〕我們衆老人特來與

老爺餞行。〔生〕老人做甚麼。〔淨〕老爺自到以來。一廉如水。百姓今喜高陞。小老人具禮遠送。大奶

奶。老人磕頭。〔老旦〕生受你。〔淨〕老爺。小老人沒有什麼孝心。安排果酒旗帳。聊表野人獻芹之意。

〔生〕我在此沒有好處。何勞許多禮物旗帳。〔淨〕老爺怎麼沒有好處。老爺未曾下車之時。蠻獠侵

擾。盜賊猖狂。百姓橫行。瘟疫難當。弟強兄弱。子罵爺娘。兒啼女哭。餓斷絲腸。無衣無食。有褲無襠。西

風一起。凍得狗叫汪汪。〔丑〕自老爺下車之時就好。〔生〕怎麼就好。〔丑〕蠻獠遠遁。盜賊潛藏。家家

樂業。戶戶安康。新新舊舊。衣服盈箱。粗粗細細。米爛陳倉。家家快活。專買石牀。只聽得浪蕩都。浪蕩

都。打個村裏亞鵠。

〔月上海棠〕〔淨丑〕吾郡間。萬民沾惠恩無限。喜陞吉安。餞別陽關。無計留攬

轡攀鞍。爲霖雨須還清盼。〔合〕程途趲。拚擔些巖嶮。受此躑躅。

〔前腔〕〔老旦〕衰老年。只愁烟瘴爲吾患。幸家門吉慶。子母平安。今日裏子擢  
高官。飲別酒應難留戀。〔合前〕

〔前腔〕〔生〕心愧赧。備員竊祿常嗟嘆。想劉寬難並。趙普果難攀。偶然間盜息  
民安。非德化何勞稱讚。〔合前〕

〔老〕一笥丹書降紫宸。

〔生〕兼程之任肯因循。

〔淨〕勸君更盡一杯酒。

〔末〕西出陽關無故人。〔下〕

〔淨丑弔場〕老爺請脫靴。〔生〕不消罷。〔淨丑〕留遺百姓瞻仰。〔生〕一官去了一官來。你衆人去罷。

〔淨丑〕老爺臨去。說一官去了一官來。〔丑〕老爺曉得你我有學問。老人留這一句詩在。我和你聯。

〔淨〕我聯第二句。教人望得眼巴巴。〔丑〕你再吟一句。結句就是我。〔淨〕三府老爺來到任。〔丑〕竹

片樛指不會挨。〔淨〕如今老爺去了。我和你衆人們出銀三分。教木匠做靴匣漆好了。釘在儀門上。

也見我和你一點心。〔丑〕那個管工。〔淨〕是我管。〔丑〕木梢我要一根。〔淨〕你要木梢怎麼。〔丑〕我

要他做灰扒柄〔淨〕你做老人。思量幹這樣也罷。我有個使舊的與你罷。〔下〕

### 第二十八齣 意旨

〔菊花新〕〔老旦上〕雲鬟衰鬢玉龍蟠。羞覩粧臺鏡裏鸞。〔生末〕日月似梭。嗟

嗟人事暗中偷換。〔老旦〕憶昔家中苦。別離家鄉。已經五載。因爲潮陽路遠。不能見你岳父母。如

今旣任吉安。與温州不遠。何不差人搬取岳父母到任。同享富貴。〔生〕謹依母親。明年正月十五日

玄妙觀起醮大會。我已曾差人分付追薦我妻。即便修書差李成回去便了。〔淨〕龍歸大海。道奔豪

門。大叔起動你通報。玄妙觀道士特來與老爺討意旨。〔末報介生〕着他進來。〔淨〕太夫人。磕頭。請

問太夫人。小夫人因何病症而亡。好寫意旨。

〔泣顏回〕〔老旦〕說起便心酸。抱屈溺水含冤。鴛鴦失伴。做了寡鵠孤鸞。〔淨〕

聞說事端。便鐵心見說肝腸斷。仗良緣拔靈魂。使亡者早得超凡。

〔前腔〕〔生〕潛觀慈母兩眉攢。他歡無半點。愁有千般。朝夕縈絆。教人痛苦針

鑽。〔淨〕河泊水官。那其間怎把人勾喚。致令得死別生離。如何會意悅心歡。

〔賺〕〔末〕擎捧雕盤。送出魂旛絹一端。更有些醮金三十貫。權收管。必須齋沐虔誠。休教功果不圓滿。〔淨〕天怎瞞。小貧道謹辭台回觀。

〔撲燈蛾〕〔老旦生〕薦亡雖已完。邀親豈宜緩。若請岳翁至。同臨觀中遊翫也。趁天時地暖。便起程休得盤桓。是則是夜長晝短。論朝行暮宿。休憚路漫漫。

〔尾〕生的報答心方穩。死的薦拔情頗寬。好事完成意始歡。

報答存亡兩痛情。

來朝遣僕遞佳音。

思親但得重相見。

方信家書抵萬金。

### 第二十九齣 就祿

〔三台令〕〔外上〕夜來花蕊銀燈。曉起鵲聲翠屏。〔淨上〕何喜報門庭。頓教人

側耳頻聽。〔外〕每日心懷耿耿。終朝眼淚盈盈。只爲孩兒成畫餅。教人嘔氣傷情。〔淨〕雖然燈花結

蕊。那堪鵲噪聲頻。〔外〕料我寒家冷似冰。量無好事到門庭。

〔前腔〕〔末上〕近別南粵郵亭。又入東甌郡城。水秀山明。覩風物喜不自勝。自

離吉安。又到溫州。此間已是自家門首。不免徑入。〔淨〕李成回來了。〔外〕李成在那裏。〔淨〕這不是李成。〔外〕你撇得我好。怎麼只管不回來。教我終日望你。〔末〕小人送王老安人到京。見了狀元。本欲便回。因被苦留相送赴任。不能回來。〔淨〕他是忘恩負義的人。送他怎麼。〔末〕老安人。那狀元不是負義的人。他當時除授饒州僉判。因奸相招贅不從。改調潮陽。意欲陷害。后因朝廷體知處事能爲。持心公正。陞任吉安知府。因此修書迎請老員外老安人到任所。同享榮華。書已在此。〔外〕我也看不見李成。你字字行行念與我聽。前番一封書害得家破人亡。

〔一封書〕〔末〕壻百拜岳父前。自離膝下已數年。因奸相不見憐。改調潮陽路八千。今喜陞爲吉安守。遣僕相迎到任間。匆匆的奉寸箋。仗乞尊顏照不宣。

〔外〕我聽此書呵。

〔下山虎〕見鞍思馬。覩物傷情。觸起關心事。怎不淚零。如今我壻得沐聖朝寵。榮我女一身成畫餅。取我到古城。值此寒冬。怎出外境。〔合〕天寒地冷。未可離鄉背井。且待春和款款行。

〔亭前柳〕〔淨〕老兒垂鬢已星星。弱體戰兢兢。況兼寒凜凜。那更冷清清。此行怎去登山嶺。

〔下山虎〕〔末〕義深恩厚。恨遶愁縈。久絕鱗鴻信。悶懷倍增。因此母子修書遣僕來請。料想恩官必待等。天氣最嚴凝。暮止朝行。我當奉承。〔合前〕

〔亭前柳〕〔淨〕老兒不去恐生嗔。欲去怕勞形。李成兒。你須先探試。臨事怎支撐。〔末〕小人口只索從台命。〔合〕且過新年。待春暖共登程。

〔末〕昔日離家過五秋。

〔外〕今朝書到解千愁。

〔合〕來年同到吉安府。

〔合〕不棄前姻過白頭。

### 第四十齣 奸詰

〔霜天曉角〕〔小生雜從上〕黃堂佐政齊黎庶。肯將清似月。揚輝如淵徹底。願

效漢循良吏。勤簿書。門館無私。日以刑名爲事。五馬侯中列郡推。導之以政。冀無違。此

心一點如丹赤。敢學虞庭向日葵。下官温州府推官周璧。表字元卿。乃王十朋同榜進士。職列黃堂。

不作牛刀之試。食天廚之廩祿。平治郡之刑名。欲向丹墀排鷺序。先須甸服養鷄輪。昨日堂尊送一紙狀來。卻是孫汝權告錢流行圖賴婚姻事。孫汝權是個生員。錢流行是個太學生。曾考貢元。斯文分上。不好執法審問。我行牌去提原媒審問。便知端的。叫左右帶那第一起犯人審問。〔雜〕俱齊了。〔小生〕帶進來。〔外淨丑上〕錢流行孫汝權一邊伺候。錢氏定是你巧語花言。說來說去。致令構訟了。〔丑〕爺爺。小婦人非是慣做媒的。錢流行是我哥哥。〔小生〕你從實說來。

〔啄木兒〕〔丑〕吾兄女將及笄。〔小生〕曾許甚人麼。〔丑〕許配王生尙未歸。〔小生〕婦人謂嫁日歸。後來。〔丑〕那孫呆忽至吾家裏。〔小生〕到你家來怎麼。〔丑〕也要取我姪女。他浼央老妾爲媒氏。〔小生〕曾說去麼。〔丑〕吾領言曾到兄家去。老爺小婦人的哥哥。他是個讀書君子。執意不從。我嫂嫂是個女流之輩。嫌王氏之貧。喜孫氏之富。便欲憐新將舊悔。〔小生〕後你哥哥如何說。

〔前腔〕〔丑〕吾兄意執不從。〔小生〕你姪女也肯麼。〔丑〕姪女堅將節操持。我嫂嫂定不相容。吾兄就應變隨機。將姪女送到王門去。〔小生〕王家既成了親。孫家再不該



議親了。〔丑〕結親後卽赴科場裏。誰想一舉成名天下知。〔小生〕就是王十朋麼。〔丑〕正是。〔小生〕到我年兄家裏的事。得中狀元。有書回麼。

〔前腔〕〔丑〕因承局附信歸。〔小生〕有書回是喜事了。〔丑〕喜氣番成怨氣吁。〔小生〕一紙家書抵萬金。怎麼是怨氣。〔丑〕老爺那裏是萬金佳音。元來是一紙休書。〔小生〕王狀元是個讀書君子。焉有此事來。〔丑〕他母疑是親筆跡。女言道改書中句。只爲字跡相同亦起疑。〔小生〕其時書來說在那家爲婿麼。

〔前腔〕〔丑〕贅在万侯府。爲女婿。〔小生〕你哥哥也曾去訪問不曾。〔丑〕曾訪問來。正遇孫郎下第歸。他與吾兄面述其言。他說道果贅侯門。〔小生〕孫汝權道你兄受他財禮。

〔丑〕孫汝權肉面對肉面。你家行甚財和禮。上有青天。我家那個來接收。〔淨〕老大人。依他說起來。把學生財禮一些不認了。〔丑〕爺爺財禮是小事。就是我哥哥賠也賠得起的。致使我姪女投江身冤死。〔小生〕王夫人死了。〔丑〕老爺只爲孫汝權一句話。〔小生〕孫秀才他不

告你人命也罷。你反告他圖賴婚姻事。〔末上〕上命滯差。身不由己。小的是吉安府王爺差來送書

在此。〔小生〕那個在吉安府做官。取上來。〔末〕書在此。〔小生〕年弟王十朋頓首緘書呀。王年兄陞太守了。下書人起來。伺候回書。若非他存心以仁。道民以禮。焉有此不次之遷。忻慰忻慰。卽豸元卿年兄執事下。邊爾別來。屢經歲月。向改調時。深辱俯慰。因瘴鄉無使。故久乏音問。茲幸寸進守吉。懷抱雖則少伸。又有不得已事。仰干執事下。向寓京時。倩人持書迎候岳父母山妻。不想中途被人套換書信。致使山妻守節而亡。已獲原寄書人承局。奏送法司。鞫問間供稱。止有孫汝權開包。望將此情轉達太父母大人。乞將孫汝權解京。與承局面證完卷。再稟岳父母。以富家不厭貧寒。以女妻之。生將謂終身養老之計。今山妻雖死。義不可絕。特差人舟相候。冀推年誼。借重一言。替襄岳父母上道。以全半子終養之情。感德豈渺渺哉。明年朝覲。想得京中一會。時下寒煖不均。伏惟調護。以膺天寵。不宣。十朋再拜。〔介〕吏讀與他們聽。〔念介小生〕錢老先生。這一封書是令婿命轉送老先生的。請收去。〔介〕老先生請出去。換了衣巾。進來相見。錢氏無干。出去。〔外丑下小生〕皂隸選大板子。拿那孫汝權下去打四十。〔打介〕討牌。〔寫介〕發監。待文書完了。送到堂上。解他京裏去完卷。〔帶淨下小生〕請錢老先生進來。〔請外上介小生〕老先生請坐。〔外〕老大人請上。容學生拜謝。〔小生〕

不勞不勞。〔外〕老大人。上開藻鑑。下判妍媸。冰釋厚誣。心銘大德。〔小生〕學生失於龍蛇之辨。致有鼠雀之牙。撫己多慚。見公甚愧。請坐了。〔外〕不敢。〔小生〕老先生前輩。令婿又忝同年。不必太謙。〔外〕學生告坐了。〔小生〕適間令婿書上。着學生專請老先生到他任所。必須就起程前去。〔外〕老大人。學生年邁。朝暮不能保。豈能遠涉路途。

〔歸朝歡〕〔小生〕賢東坦。賢東坦。教音下期。令賤子。令賤子。翁前轉致。須宜是。須宜是。行囊且攜。恐他們懸望伊。〔外〕家庭雖小。誰爲理。田園頗廣。誰爲治。欲去還留心兩持。

〔二段子〕〔小生〕翁今幾兒。〔外〕念箕裘無人可倚。〔小生〕族分幾。〔外〕念宗支無人可悲。〔小生〕你既然只有身一己。如何不去倚賢婿。況是他慇懃想伊。〔小生〕叫左右。與我打點馬船人夫。送錢相公到吉安府去。〔外〕如此多感多感。

〔小〕行囊速整莫蹉跎。

〔外〕景物相催老去何。

〔合〕一夜相思千里外。

〔合〕西風吹馬渡關河。

第四十一齣 晤婿

〔小蓬萊〕〔外上〕策馬登程去也。西風裏犖落艱辛。淡烟荒草。夕陽古渡。流水孤村。〔淨上〕滿目堪圖堪畫。那野景蕭蕭。冷浸黃昏。〔末上〕樵歌牧唱。牛眠草徑。犬吠柴門。〔臨江仙〕〔外〕綠暗汀洲三月景。錦江風靜帆收。垂楊低映木蘭舟。半篙春水滑。一段夕陽愁。〔末〕灞水橋東回首處。美人親捲簾鉤。落花幾陣入紅樓。行雲歸處水。流鶉噪枝頭。老員外。今日日麗風和。花明景曙。加鞭趲行幾步。

〔八聲甘州〕〔外〕春深離故家。嘆衰年倦體。奔走天涯。一鞭行色。遙指賸水淺霞。牆頭嫩柳籬畔花。見古樹枯藤棲暮鴉。嗟呀。遍長途觸目桑麻。

〔前腔〕〔淨〕呀呀。幽禽聚遠沙。對彷彿禾黍。宛似蒹葭。江山如畫。無限野草閒花。旗亭小橋景最佳。見竹鎖溪邊三兩家。漁槎弄新腔。一笛堪誇。

〔解三醒〕〔外〕爲當初被人謊詐。把家書暗地套寫。致吾兒一命喪在黃泉下。受多少苦波查。今日幸得佳婿來迎也。又愁着逆旅淹留人事賒。〔合〕空嗟呀。

自嘆命薄難苦怨他。

〔前腔〕〔末〕步徐徐水邊林下。路迢迢野田禾稼。景蕭蕭疎林暮靄斜陽掛。聞鼓吹。鬧鳴蛙。一經古道西風鞭瘦馬。謾回首。盼想家山淚似麻。〔合前〕

高山迢遞日初斜。

綠柳依稀路更賒。

目斷前村煙未暝。

不知今夜宿誰家。

### 第四十一齣 親敘

〔懶畫眉〕〔生上〕紫簫聲斷彩雲開。膩粉香朦玉鏡臺。燈前孤幌冷書齋。血衫難挽仙裾返。造化能移秦岳來。〔老旦上〕荆釵博你鳳頭釵。重義輕生脫繡鞋。

一回思想一回哀。鳳釵還在人何在。我那兒。可陰祐你雙親到此來。〔外淨末上〕館甥位掌五侯臺。千里裁封遣使來。令人更喜復悲哀。哀吾弱息今何在。喜他母子恩情得再諧。〔末〕老員外。這裏是府門首。〔外〕你可通報。〔末〕那個在門上。老老爹來了。

〔丑〕大叔來了。〔報介生〕岳父岳母到了。請母親同去迎接。

〔哭相思〕一自別來容鬢改。恨公衙失迎冠蓋。〔外〕生別重逢。死離難再。〔生〕罷愁思且加親愛。〔外〕親母。小女姻緣淺。終身地下遊。〔老旦〕他鄉迎舊戚。便覺解深愁。〔生〕半子情方盡。終身願已酬。〔淨〕休嫌山婦拙。思好莫思仇。〔老旦〕親母何出此語。〔淨〕人之所以異於禽獸者。以其有仁義也。〔老旦〕言重言重。

〔玉交枝〕感你恩深如海。我一坏土填得甚來。久銘肺腑時時戴。特此遠迎冠蓋。兒快令人把綺席開。親家洗塵莫怪輕相待。〔合〕細思想荆釵可哀。細思想荆釵可哀。

〔前腔〕〔外〕蒙承過愛竟忘哀。夫妻遠來。想當初在舍慚舖待。望尊親海涵寬貸。賢壻。你腰金忘勢真大才。不比薄情人轉眼生驕態。〔合前〕

〔前腔〕〔淨〕自慚眊眊。望尊親休勞掛懷。一時我也出無奈。莫把我做人看待。人家晚母休學我忌猜。逼兒改嫁遭毒害。〔合前〕

〔前腔〕〔生〕慚予一介。荷深恩扶出草萊。微名五載忘親愛。豈知中路變禍災。

當初指望白首諧。誰知青歲遭殘害。〔合前丑〕老爺酒席已完備了。〔老旦〕親家請后堂坐。  
〔外〕請了。

〔外〕幾年遠別喜相逢。

〔生〕又訝相逢似夢中。

〔淨〕果是稠人難物色。

〔合〕信知女婿近乘龍。

### 第四十二齣 執柯

〔普賢歌〕〔淨上〕侯門涉水最難求。願適賢良王太守。自家非強口。管教成配偶。且請媒人喫喜酒。正是作伐全憑斧。引線必須針。我年兄有個令愛守寡。央我爲媒。要招本

郡太守王梅溪。他鼓盆已久。未有夫人。央我去說親。鄧興這裏府前了。通報。〔末〕是誰。〔丑〕鄧老爺相訪。〔末〕老爺有請。

〔玩仙燈〕〔生上〕兀坐書齋。聞道有客來訪。〔見介〕生賤職所拘。未得拜訪。〔淨〕荷蒙與進。豈勝榮幸。〔生〕惶恐惶恐。〔淨〕臺下治政甚佳。黎民無不感仰。〔生〕皆賴老先生教指。〔淨〕外蒙公祖見賜胙肉。老荆見了。叫小廝連忙與我煮起來喫飯。煮在鍋中連連燒了七八十滾。還是硬的。

我老荆作詩一首。蒙君賜胙肉。合家盡喜歡。柴燒七八擔。水煮幾鍋乾。硬似丁靴底。猶如齧馬鞍。齒牙三十六。個個不平安。〔生〕猪婆肉。〔淨〕不是猪婆。小猪的娘。〔生〕休得取笑。〔淨〕老夫今日一來相訪。二來有一句話。〔生〕有事見教。〔淨〕老夫有一同年錢載和。有一小姐。守寡在家。聞得公祖大人鼓盆已久。今特央老夫爲媒。望守公成全此親。甚是美事。〔生〕老先生在上。念學生貧寒之際。以荆釵爲聘。遂結姻親。山妻守節而亡。焉肯忘義再娶。〔淨〕公祖大人幾位令嗣。〔生〕未有子息。〔淨〕公祖大人不孝有三。無後爲大。卻不絕嗣了。〔生〕正欲螟蛉一子。以續後嗣。〔淨〕吾聞螟蛉者。嗣非其類。鬼神不享其祀。公祖大人讀書之人。如何逆理。冒瀆冒瀆。

〔啄木兒〕〔生〕乞情恕聽拜稟。自與山妻合巹婚。纔與他半載同衾。一旦鳳拆鸞分。他抱冤守節先亡殞。我辜恩再娶心何忍。行短天教一世貧。

〔前腔〕〔淨〕他八兩你半斤。彼此爲官居上品。論閥閱戶對門當。真個好段姻緣。你意驕性執不從順。故千推萬阻令人恨。有眼何曾識好人。

〔二段子〕〔生〕事當隱忍。未可使一時怒噴。〔淨〕你再不娶親。我只愁你斷子。



絕孫誰拜墳。〔生〕言激心惱空懷忿。我今縱不諧秦晉。也不會家中絕後昆。  
〔歸朝歡〕〔淨〕你沒思忖。不投分。那裏是儒爲席上珍。〔生〕我做官守法言忠  
信。名虧行損遭談論。縱獨處鰥居。決不可再婚。

〔淨〕性執心迷見識差。

〔生〕婚姻不就且回家。

〔淨〕落花有意隨流水。

〔生〕流水無心戀落花。

### 第四十四齣 續姻

〔杜韋娘〕〔旦上〕朔風寒凜冽。雲布野。捲飛雪。看萬木千林都凍折。小牕前梅  
花再綴。冰稍數點幽潔。淡月黃昏。暗地香清絕。早先把陽和漏泄。又葭管灰飛  
地穴。痛憶我亡夫。感念嗟吁。轉頭又是五年餘。安撫收留恩不淺。補報全無。今日乃是冬至令節。等  
待爹媽出來。拜賀則個。

〔麻婆子〕〔丑上〕做奴做奴空惆悵。何時得嫁馬上郎。做奴做奴空勞攘。只落  
得曉夜忙。遇冬節。巧梳粧。身穿一套好衣裳。市人市人都誇獎。道我是個風流

好養娘。〔拜介〕時遇新冬。喜氣重重。拜節之後。願小姐招一個老公。〔旦〕休得胡說。相公夫人來了。

〔海棠春〕〔外貼上〕時序兩推遷。莫惜開芳宴。孩兒金烏似箭。玉兔如梭。不覺來此又是

五年。前日鄧尙書來相探。閒話間說起王太守未有夫人。因此將你吉帖付與他去了。汝終身。〔旦〕

爹爹。但願終身守節。再醮難言。〔外〕你丈夫未死。不肯嫁禮之所當。汝夫已死多年。不嫁將何倚靠。

〔旦〕望爹爹爲我螟蛉一子。以爲終身後嗣。〔外〕如此終無結果。〔旦〕妾聞仁者不以盛衰改節。義

者不以存亡易心。截耳殘形。永杜重婚之議。劈面流血。難從再醮之言。自古及今。芳名不滅。使妾有

失志節。聽此寧無愧乎。誓以柏舟。甘效共姜。死而後已。若窺隙鑽竅。潛奔司馬。則非奴所願也。若不

容奴于相府。則賤妾仍喪于江中。〔外〕夫人。我尋思這般志節也難得。孩兒。你要守節。改日過房一

子。與你爲后嗣。〔旦〕如此甚感爹爹。爹媽請坐。待奴家拜節。看酒來。

〔集賢賓〕一陽氣轉春透徹。履長歡慶冬節。驗歲瞻雲人意切。聽殘漏曉臨臺

榭。今年是別黃雲讖。爭書吉帖。〔合〕芳宴設。沈醉後。管絃聲咽。

〔前腔〕〔外〕日晷漸長人盡悅。繡紋弱線添些。待臘將舒堤柳葉。凍柔條未堪

攀折百官擺列。賀亞歲齊朝金闕。〔合前〕

〔鶯啼序〕〔貼〕光陰迅速如電掣。斷送了多少豪傑。遇良辰自宜調燮。且把閒悶拋撇。進履襪歡看婦儀。炷寶鼎對天答謝。〔合前〕

〔前腔〕〔丑〕道消長空嘆嗟。畫堂中且安享驕奢。看紛紛綠擁紅遮。綺羅香散沈麝。醉寒屏開元此日。曾遠貢喧傳朝野。〔合前〕

〔琥珀貓兒墜〕〔衆〕玉燭寶典今古事差迭。遇景酣歌時暫歇。珠簾垂下且莫揭。〔合〕歡悅那獸炭紅爐。焰焰頻爇。

〔前腔〕〔衆〕小寒天氣莫把酒樽歇。醉看歌姬容豔冶。春容微暈酒黯頰。〔合前〕  
〔尾〕玉山頹低日已斜。酒散歌闌呼待妾。把錦紋烘熱。從教醉夢賒。

天時人事日相催。

冬至陽生春又來。

雲物不殊鄉國異。

開懷且覆掌中杯。

第四十五齣 薦亡

〔淨扮道士上〕捏訣驚三界。扣齒動百神。狗肉喫兩塊。好酒飲三瓶。等到天明後。依然去誦經。門徒聞不善。道我不志誠。今日上元令節。本觀修設醮會。太老爺拈香。道人打起鐘磬。待我把經文誦完。肚中空虛要喫。也無八個餛飩。使我自然田螺棘螺。共買五錢。喫了三碗。吐瀉半年。頭頭利市。和合仙官。召請必竟來臨。取出雲璈。讚揚法事。癩頭婆娘。請我時時到他家裏。正值肚飢。便喫蒸餅。爛煮豬蹄。油煎雞卵。熱炒鴨兒。鹽拌白菜。醬煮烏龜。糟鑿豆腐。及攪鹽齋。臨臨兩碗。筍乾粉皮。般般喫盡。不剩些兒。肚中膨脹。飽病難醫。尿糞急送。不可遲疑。忽然阿出。污了道衣。怕人哂笑。火速走歸。道婆看見。一頓搥搥。打得不可思議功德。

〔翫仙燈〕〔生上〕節屆元宵。燈月燦然高。到觀門拈香薦悼。〔淨〕道士接爺爺。〔生〕功果都完了麼。〔淨〕經文都完了。專等老爺拈香。

〔一封書〕〔生〕特朝拜上清。仗此名香表志誠。亡妻滯水濱。願神魂得上升。〔淨〕橫死孤魂都召請。請到壇前聽往生。〔合〕誦仙經。薦亡靈。仗此功勳超聖境。

〔前腔〕〔旦丑上〕前日已預名。屆此良辰來殿庭。拈香炷寶鼎。望慈悲作證盟。

〔淨〕惟願亡靈來受領。獻取香花酒果餅。〔合前〕

〔前腔〕〔生〕驀然見俊英。與一丫鬟前後行。潛地想面形。轉教人疑慮生。〔末〕他兩次三回常觀顧。覷了恩官也動情。〔合前〕

〔前腔〕〔旦〕迴廊下撞迎。頓教人心暗驚。那燒香上卿。好似亡夫王十朋。〔丑〕休得輕言當三省。燒罷名香轉看燈。〔合前下生〕見鞍思馬。覩物思人。適纔那婦人。好像我

夫人。叫道士過來。適纔婦人。那家宅眷。〔淨〕錢都爺小姐。〔生〕元來天下有這般相似的。

〔生〕忽覩佳人意自疑。

拈香已畢早回歸。

思量總是一場夢。

你是何人我是誰。

### 第四十六齣 責婢

〔步步嬌〕〔旦上〕觀裏拈香驀相會。使我心縈繫。〔丑〕小姐。如今枉致疑。既認得真時。何不問取詳細。〔旦〕梅香。這就理你怎知。恐錯認了風流壻。〔丑〕你道這官人

是誰。〔旦〕是誰。〔丑〕本府太守。前日鄧尙書來說親的。〔旦〕元來是他。

〔紅衲襖〕意沈吟。情慘傷。步趨趨。心悒快。〔丑〕見了娘行好生着意思。莫不是遞書人回來胡調謊。〔旦〕料判州名未彰。論太守職未當。〔丑〕自古男兒當自強。

〔前腔〕小姐。你曾和他共鴛衾。同象牀。直恁的你認不得他形共龐。〔旦〕面貌身材果然廝像。行動舉止沒兩樣。〔外暗聽丑〕既認得真時合主張。〔旦〕如何主張。

〔丑〕你把往事相問當。〔旦〕尤恐錯認陶潛作阮郎。

拈香相遇兩沈吟。

且自歸家問的真。

好似和針吞卻線。

刺人腸肚繫人心。

〔外上〕哇。你那賤人。欲人不知。莫若不爲。我家三世無犯法之男。五代無再婚之女。你言而無信。行亦有虧。江心渡口溺水。非因守節。玄妙觀中私語。必是通情。鄧尙書說親。直恁千推萬阻。見王太守樂意。卻不顧五典三綱。不思玷辱門牆。問出奸情。押還原籍。教你雖無尾生難。也有屈原愁。〔打梅

香介〕

〔錦纏道〕治家邦。正人倫。有三綱五常。你潛說出短和長。怎不隄防他人須有耳隔牆。講甚麼晉陶潛認作阮郎。卻不道誓柏舟甘效共姜。〔打丑介〕先打後商量。問出你私情勾當。押發離府堂。文牒上明開供狀。抵多少衣錦去還鄉。

〔前腔〕〔丑〕小梅香。待回言。恐觸突了使長。不回言。這無情棒打難當。怎知道禍從天降。他本是守荆釵寒門孟光。〔外〕潛奔之女。什麼孟光。〔丑〕休錯認做出牆

花淮甸雙雙。我說起這行藏。〔外〕說什麼來。〔丑〕他說道燒香的王太守。好似亡夫模樣。尋思痛感傷。因此上和妾在此閒講。又不曾想像赴高唐。

〔前腔〕〔旦〕守孤孀。薦亡靈。親臨道場。燒香罷。轉迴廊。偶相逢。不由人不覩物悲傷。〔外〕你這賤人要做鶯鶯。〔旦〕那裏是西廂下鶯鶯伎倆。〔外〕你這賤人就是紅娘。

〔旦〕怎麼的就打梅香。生紐做紅娘。當初去投江。〔外〕虧你不識羞。還說投江。〔旦〕把原聘物牢拴在髻上。荆釵義怎忘。妾豈肯隨波逐浪。卻不道辱沒宗祖把惡名揚。

〔前腔〕〔外〕假乖張。賤奴胎。把花言抵搪。全不顧外人揚。惱得我氣滿胸膛。你本是王月英留鞋在殿堂。怎不學浣紗女抱石投江。〔打介〕你這賤人還不說。〔丑〕雪上更加霜。自不合與他人閒講。誰知惹禍殃。閒話裏沒此三度量。怎知道一霎時禍起在蕭牆。〔外〕既有釵。取上來。且進去。〔旦〕滿懷心腹事。盡在不言中。〔下外〕這妮子荆釵遮飾。未可信憑。明日假意納聘作席。請鄧尙書王太守。把此釵虛說是聘物。將出觀看。若是王太守認此釵。便有區處。若不認此釵。押赴本鄉。

正是混濁不分鱧共鯉。

水清方見兩般魚。

### 第四十七齣 疑會

〔淨上〕致仕歸家二十年。水邊亭子屋邊田。饒他白髮簪中滿。老景康寧便是仙。老夫鄧謙。年過八十。位至三台。享朝廷之洪福。賴祖宗之陰庇。每日登山飲酒。求詩畫的纏得慌。鄧興去門首看。若有求詩的來。只說老爺不在。請喫酒。便說在家。〔末〕領卻都爺書。早到尙書府。有人麼。〔丑〕是那個。〔末〕要見你們老爺。〔丑〕老爺不在家。〔末〕既不在家。我去了。〔丑〕轉來。是請老爺喫酒麼。〔末〕正



是〔丑〕既然請喫酒。在家。〔末〕起初說不在家。〔丑〕你不曉得。我們老爺分付。但有求詩畫。只說不在家。〔末〕通報。〔丑〕住著實是請喫酒的麼。〔末〕說道是。〔丑〕老爺。請喫酒的在外。〔淨〕說在家便好。〔丑〕說在家。〔淨〕我說下頰子癢。定有酒喫。〔丑〕老爺。下頰准不要鑽龜。〔淨〕唛。叫他進來。〔丑〕大哥進來。〔末〕老爺。磕頭。〔淨〕那裏來的。〔末〕小人錢爺差來的。〔淨〕那個錢爺。〔末〕有帖在此。〔淨〕取上來。年弟錢載和頓首拜請司空鄧年兄執事下。原來是我年兄。〔丑〕那個錢爺。〔淨〕你不曉得。就是做安撫的。〔丑〕噯。就是送改機來的。裁衣服少了兩幅。做不成罷了。〔淨〕既是他來者來之。勞者勞之。〔丑〕爺該賞他。〔淨〕賞他什麼東西便好。〔丑〕與奶奶說討一兩銀子與他。〔淨〕這等不做家的。今早買菜剩得一個錢。賞他罷。〔丑〕怎麼賞得出。〔淨〕你不要管。長官沒有什麼賞你。一個錢且收下。〔末〕一個錢買酒喫不醉。買飯喫不飽。要他何用。〔淨〕就不是做家的。拿這錢去做買賣。〔末〕這一個錢做甚買賣。〔淨〕一錢爲本。萬錢爲利。〔末〕好識語。小人收去。〔淨〕下書人去了。〔丑〕去了。〔淨〕明日也要擺酒請錢爺。〔丑〕辦什麼茶飯。〔淨〕後園豬殺一個。〔丑〕豬昨夜養下。也沒有老鼠大。如何用得。〔淨〕你不曉得。君子略嘗滋味。快打轎。〔丑〕打轎轎夫不在。只得我一個。不

如我駝去罷。〔淨〕不如自走了罷。

正是數日不相見。

今日又相逢。

### 第四十八齣 團圓

〔紫蘇丸〕〔外上〕若認此荆釵。其中可宛轉。〔淨上〕安撫開華宴。相招意非淺。

〔生上〕侯門宴請來。催赴跨青驄。〔外〕蒙君不棄。蝸居門戶生光彩。〔淨〕老夫感

蒙過愛。特辱寵招。不勝愧感之至。〔外〕寒門不足以淹車騎。近爲小女納聘。請大人一觀。〔淨〕老拙

作伐不從。今聘他人。〔生〕此乃一言爲定。〔淨〕外者多蒙賜柴炭。感感在心。正要到府拜謝。不想年

兄相招。所以不果。〔生〕不敢。〔淨〕我這公祖少年老成。居民無不瞻仰。老夫感激深恩。正是年近雪

下。且是寒冷。與我老妻思想。若得一簍炭便好。說言未盡。新書柴炭俱送來了。年兄。如今的人只有

錦上添花。那肯雪中送炭。〔生〕言重。〔淨〕老夫昨夜與老妻受了一驚。〔外〕爲何。〔淨〕被盜。〔生〕有

這等事。〔淨〕這盜無理。公祖大人恰要懲治他。〔外〕不知偷了什麼。〔淨〕偷了我一擔糞去。〔外〕這

是小事。〔淨〕你就不明了。寧可偷了金。這個糞學生捨不得。若無糞壅稻苗。怎得穀子成器。這糞滋

五穀土養民。老夫不要。望公祖追來公用。〔外〕年兄請了。〔淨〕還是公祖大人坐。〔外〕年兄請坐。

〔淨〕學生怎敢佔坐。還是公祖大人坐。〔外〕年弟有句話。守公到怕不知。吉長官起送守公。已後是

陶長官。陶長官去後。卻是學生補任三月。〔生〕如此上司了。〔跪介外〕請起。〔生〕學生侍坐。〔外〕還

是年兄坐。〔淨〕若如此老夫佔了。〔生〕學生傍坐。〔外〕怎麼是這等。擡那桌兒下來。〔生淨〕告坐。

〔外〕請坐。年兄。福建好地方。〔淨〕年兄。你可省得他說話。〔外〕我從在那裏。不曾聽得這話。年兄學

與我聽一聽。〔淨〕我學生頭一年在那裏。半句也不省。后來就省得了。一日在船上。只見岸上一簇

人在那裏啼哭。我問那門子。那些人爲何啼哭。那門子說沒有了個臉。我說打官話說來。他說道沒

有了個兒子。在那裏啼哭。我方纔曉得臉是兒子。〔外〕女婿叫什麼。〔淨〕叫東婆臉。〔外〕女兒叫什

麼。〔淨〕叫娘臉。〔外〕他那裏路道難行。〔淨〕路道崎嶇難行。他那裏有菡萏灘難行。〔外〕什麼灘。

〔淨〕菡萏灘。〔外〕守公。年兄學那福建詞到好聽。唱一個兒。〔淨〕這就不該了。你我是年家頑慣。祖

父母在此。焉敢放肆。〔外生〕這個不必謙。〔淨〕恰不當。鄧興你依唱。〔淨譚唱〕今宵五彩團圓。將手

掩上房門。郎脫褲。奴脫裙。齊着力。養個兒子做狀元。〔外〕年兄。一個字也不省。〔淨〕叫做什麼賀新

郎。那門子寫出來。方纔曉得。〔外〕請了。〔淨〕今日喜酒落得喫一杯。〔外〕年兄出一令。〔淨〕老拙說個數目口令。說着數。就是他喫。〔外〕年兄出令。〔淨〕要一二三四五六七八九十。〔外〕如今年兄起。〔淨〕一二兩三四五六七八九十。〔外〕年兄多了兩六。〔淨〕如今公祖起。一二不要兩三四五六七八九十。〔外〕又是年兄。〔出釵介淨〕擡禮過來觀看。老夫鄧識寶。取在手內。便知什麼寶貝。〔外〕送去鄧爺看。〔淨看〕聞又不香。捏又無痕。起初鄧識寶。如今不識寶。公祖大人識窮天下寶。讀盡世間書。還是祖父母大人看。〔外〕送去王爺看。〔生看介〕

〔一江風〕見荆釵不由我不心驚駭。是我母親頭上曾插戴。這是那得來。教我撻耳揉腮。欲問猶恐言相礙。心中展轉猜。元是我家舊聘財。天那。這是物在人何在。〔外〕守公覩物傷情。必有緣故。何不對我一說。〔生〕實不瞞老大人說。這荆釵下官聘定渾家之物。〔外〕既是守公聘定令正之物。願聞詳細。

〔駐馬聽〕〔生〕聽訴因依。昔日卑人貧困時。忽有良媒作伐。未結婚姻。愧乏財禮。荆釵遂把聘錢氏。〔外〕成親幾年。〔生〕結親後卽赴春闈裏。幸喜及第。〔外〕除授那

裏〔生〕除授饒州僉判叨蒙恩庇〔外〕爲何潮陽去。

〔前腔〕〔生〕再聽因依說起教人珠淚垂〔外〕中間必有緣故〔生〕爲參万俟丞相招贅不從反生惡意將吾拘繫奏官裏一時改調蠻煙地〔外〕爲何改調〔生〕要陷我身軀同臨任所五載不能僉贊〔外〕曾有書回。

〔前腔〕〔生〕曾寄書回深恨孫郎故換易〔外〕你家須認得字跡〔生〕奈我妻家不辨字跡差訛語句真異岳翁妻母見差池逼勒荆婦重招壻〔外〕令正從否〔生〕苦不遵依將身投溺江心裏。

〔前腔〕曾薦亡妻原籍視臨在宮觀裏我在迴廊之下見一佳人與妻無二教人展轉痛傷悲今朝又見荆釵記覩物傷悲人亡物在空彈珠淚。

〔前腔〕〔外〕休皺雙眉聽俺從頭說仔細我在東甌發足渡口登舟一夢蹉跎〔生〕夢見甚的〔外〕道五更一女來投水急令稍水忙撈取休得傷悲夫妻再得諧連理。

〔前腔〕〔淨〕此事真奇。節婦義夫人怎比。年兄。疾忙開宴。請出夫人。就此相會。天教今日重完聚。金杯捧勸。須當醉。〔生〕深感提攜。從今萬載傳名譽。〔淨〕夫守義。真是傑。妻守節。真是烈。年兄申奏朝廷。禮宜旌表。下官告退。有緣千里能相會。無緣對面不相逢。〔下外〕梅香。請小姐出來。

〔哭相思〕〔旦上〕妮子傳呼。意甚美。尙未審凶和喜。〔外〕兒。王守公正是你丈夫。〔生〕且。每痛憶伊。作幽冥鬼。不料重逢你。〔外〕快去府裏。請太夫人相見。〔老旦上〕公相相招會兒婦。焉敢躊躇。〔旦〕婆婆。自從那日別離。今日又得相會。

〔紅衫兒〕〔老旦〕自那日投江隨潮去。痛苦傷悲。忽聞人報道身亡。轉教人痛悲。若不遇公相相留。怎能勾夫妻重會。效啣環結草。當報恩義。〔末上〕出入朝廷。強似蕊宮仙島。聖旨已到。跪聽宣讀。詔曰。朕聞禮莫大于綱常。實正人倫之本。爵宜先於旌表。益厚風俗之原。邇者福建安撫錢載和。申奏吉安府知府王十朋。居官清正。而德及黎民。其妻錢氏。操行端莊。而志節貞異。母張氏。居孀守其姜之誓。教子效孟母之賢。似此賢妻。似此賢母。誠可嘉尙。義夫之

誓禮宜旌表。今特陞授王十朋福州府知府。食邑四千五百戶。妻錢氏封貞淑一品夫人。母張氏封越國夫人。亡父王德昭追贈天水郡公。宜令欽此謝恩。〔生〕萬歲。萬歲。萬萬歲。

〔大環着〕〔外〕那一日江道。那一日江道。得夢蹊蹺。靈神對吾曾說道。見佳人果然聲韻高。投水江心早。稍公救撈。問真情取覆言詞了。留爲義女。帶同臨任所福州道。〔合〕怎知今日夫妻母子。子母團圓。再得重相好。腰金衣紫還鄉。大家齊歡笑。百世永諧老。

〔前腔〕〔旦〕念奴家年少。念奴家年少。適侍英豪。在雙門長成身自嬌。守三從四德遵婦道。蘋蘩頗諳曉。母姑性驕。見孫郎富勢生圈套。家尊見高。就將奴與君成配了。〔合前〕

〔前腔〕〔老旦〕想當初窮暴。想當初窮暴。豈有今朝。蒼天果然不負了。幸孩兒喜得名譽高。門閭添榮耀。闔家旌表。感皇恩母子得寵招。加官賜爵。受天祿滿門福怎消。〔合前〕

〔前腔〕〔生〕歎椿庭喪早。歎椿庭喪早。母氏劬勞。想當年運乖時未遭。對青燈  
簡編莫憚勞。萱親況年老。深蒙泰山。送荆釵豈嫌寒舍小。春闈應舉。助白金與  
我恩怎消。〔合前〕

〔越恁好〕〔生〕自上長安道。自上長安道。步蟾宮掛紫袍。爲不就萬俟丞相寵  
招。不從贅配多嬌。〔合〕潮陽任所被改調。受千辛萬苦。因此上五年傷懷抱。  
〔前腔〕〔旦〕詐書傳報。詐書傳報。苦逼奴嫁富豪。遂投江幸得錢安撫。急撈救。  
免隨滔。

〔尾〕移宮換羽雖非巧。做古依今教爾曹。奉勸諸君行孝道。

夫妻節義再團圓。

母子重逢感上天。

深恨詐書分鳳侶。

痛□渡口溺嬋娟。

潮陽隔別三山恨。

玄妙相逢兩意傳。

夙世姻緣今再會。

佳名千古二儀間。



西殿

以我





目錄

- |      |      |
|------|------|
| 第一齣  | 家門始末 |
| 第二齣  | 中丞訓子 |
| 第三齣  | 麗容矢志 |
| 第四齣  | 霞箋題字 |
| 第五齣  | 和韻題箋 |
| 第六齣  | 端陽佳會 |
| 第七齣  | 灑銀求歡 |
| 第八齣  | 烟花巧賺 |
| 第九齣  | 灑銀起釁 |
| 第十齣  | 父子傷情 |
| 第十一齣 | 求美結歡 |

第十二齣 書房私會

第十三齣 聘求佳麗

第十四齣 麗容行售

第十五齣 被賺登程

第十六齣 踰牆得喜

第十七齣 追逐飛航

第十八齣 得寵遭妬

第十九齣 探音獲實

第二十齣 麗容習禮

第二十一齣 主僕相逢

第二十二齣 驛亭奇遇

第二十三齣 駙馬聯姻

第二十四齣 春闈首選

第二十五齣 訴情得喜

第二十六齣 得箋窺認

第二十七齣 霞箋重會

第二十八齣 養親辭歸

第二十九齣 司書報喜

第三十齣 畫錦榮歸

霞箋記 目錄

四一開明書店



# 霞箋記

明 無名氏 箸

## 第一齣 家門始末

〔思嘉客〕〔末上〕羨卻青樓張麗容。玉郎才子偶相逢。霞箋詩句相酬和。翠館恩情樂正濃。喬才賺。惜飄蓬。椒房宮怨歎無窮。春風得意馬蹄疾。會看佳人出尚宮。

李玉郎樓頭漫興。

張麗容箋上鍾情。

灑銀公無端搆釁。

花花主着意完盟。

## 第二齣 中丞訓子

〔齊天樂〕〔生上〕寒窗幾載師顏孔。樗朽敢言天縱。天上碧桃。日邊紅杏。浪說那倚雲栽種。親闈暮景。且刺股埋頭。藏火囊螢。〔菩薩蠻〕男兒志欲超凡俗。六經須向窗前讀。丹桂遇開時。期攀第一枝。黽勉三冬足。方得千鍾粟。白首悅高堂。還呈戲彩裳。小生姓李。名

彥直。小字玉郎。松江華亭人也。年方弱冠。齒正韶齡。身列黌宮。名揚庠序。月車擲果。雖稱冠玉之姿。杏苑傳琴。尙切羹牆之望。家君諱棟。昔爲都憲。今已歸林。母親何氏。身沐皇恩。頗稱內德。正是義方有訓。非私淑。熊膽調丸。願苦心。小生日講學于會景樓上。久違定省。淹及月餘。今歸問安。道猶未了。爹媽早到。

〔逍遙樂〕〔外上〕解組歸來甘退隱。林下且圖嘉慶。〔老旦上〕鸞形鳳影喜白首。

和諧。晚景康寧。〔鷓鴣天〕〔外〕官居侍御立朝班。鐵面丹心獬豸冠。〔老旦〕驄馬繡衣君寵沐。龍

章花誥妾恩沾。〔生〕娛晚景。樂天年。簪纓門第靄祥烟。〔外〕涇渭同流誰與辨。朝簪卸卻且偷閒。下

官姓李。名棟。官拜御史中丞。夫人何氏。孩兒彥直。且喜才學有成。下官雖叨重恩。每念華亭之鶴。恆

思松水之魚。以此偷閒林下。以終餘年。孩兒。你在學中。今日爲何回來。〔生〕告爹媽知道。出就外傅。

古人格言。易子而教。先賢遺訓。孩兒感父師並嚴。豈敢違于白晝。久違定省。今特回來問安。〔外〕問

安侍膳。人子當爲。你且聽我道來。

〔石榴花〕官居侍御身已許朝廷。甘藜藿。守葵誠。堪嗟豺虎怎同羣。願歸來卸



卻朝簪。〔生向外揖介〕嚴親福齡。喜年來不改松筠性。〔合〕也須知滿積黃金。總不如教子一經。

〔前腔〕〔老旦〕龍章鳳篆。寵沐一時榮。猶殘露。似浮萍。袖蛇抱虎古今同。問何如解綬歸耕。〔生揖老旦介〕萱親喜寧。守燈毼不負參丸命。〔合前末上〕少小須勤學。文章可立身。自家儒學中一個膳夫是也。來到李都憲門首。有人麼。〔小生扮院子上問答稟介外〕你是齋夫。到此何幹。〔末〕大相公前日告假回府。孫老爹多拜上老爺。〔西江月〕白晝光陰易過。青春不再回來。要成梁棟濟川材。須是藏修十載。折桂斧斤磨快。上天梯子安排。那時平步上雲階。管取名揚四海。〔外〕我知道了。你可回去拜上你家老爹。今日晚了。明日來罷。叫院子取一錢銀子賞他。〔末〕謝老爺。不聞村俗語。惟有讀書聲。〔下外〕學裏孫先生請孩兒會課。司書那里。〔丑上〕架疊五千卷。吟成三萬言。成名須及早。堂上好承顏。老爺奶奶。司書磕頭。〔外〕司書準備金鞍玉勒。隨大相公學中會課。〔丑〕理會得。老爺富麗人家氣象。簪纓甲第光輝。驂騮高鞞柳陰西。玉轡金鞍無比。放鶴亭前暉色。雲龍山下輕衣。杏花十里去如飛。大相公管取狀元及第。〔外〕這小廝倒會講話。

〔朱奴兒〕就有道須教志誠。趨函丈莫使留停。惜寸光陰須苦心。怎敢墮冥冥之行。存忠正。乘時大行。須有日榮三鼎。

〔尾文〕幼齡天賦文章盛。祖生鞭休教滯停。擬望雲霄一奮鵬。

閒尋忍使立污朝。

定省歸來敢憚勞。

世上萬般皆下品。

思量惟有讀書高。

### 第二齣 麗容矢志

〔清江引〕〔旦上〕瓊樓十二雕欄轉。盡把珠簾捲。腰似春風柳軟。〔貼旦上〕徐步

畫簷前。舉青梅把鶯兒喚。〔玉樓春〕〔旦〕章臺試把垂楊折。往事堪悲心欲裂。落花無語怨東

風。淚和紫瓣流紅葉。〔貼〕青樓佳品稱音絕。翠館名姬誇秀傑。自將風月擔兒擔。莫把閒愁鎖雙鬢。

〔旦〕妾身張麗容。小字翠眉。身生樂籍。名占教坊。粗習詩書。略諳歌舞。僑居對景朱樓。附近儒齋藝

苑。天那。幾時遂我從良之願也。〔貼〕姐姐。你名重當今。色傾上國。聲聞寰宇。爭覩芳容。不是我倚門

獻笑。就是牆頭上野花一般。〔旦〕誠有天壤之隔也。妹子。我有心事。豈汝所知。且看香來。燒炷夜香

則個〔貼〕香在此。請姐姐燒香。

〔一江風〕〔旦〕對蒼天謾訴心頭怨。恨落風塵賤。寶爐煙飛上青雲。直透靈霄殿。望嫦娥鑑此言。望嫦娥鑑此言。願相逢美少年。把紅絲早繫金蓮畔。

〔前腔〕〔貼〕枉熬煎。忒不通權變。須及早諧繾綣。貴王孫萬喚千呼。未許覩如花面。奈雙丸易轉遷。雙丸易轉遷。暗裏朱顏換。那堪老大人輕賤。〔旦〕妹子。言雖如此。必須是從良。方了我終身之願。你看母親來了。〔老旦上〕楚館秦樓春色。調脂弄粉生涯。棄舊從新門戶。暮迎朝送人家。我兒。你們在此做些甚麼來。〔旦〕母親。孩兒在此燒一炷心香。〔老旦〕我兒。我們這樣人家。燒什麼心香。你這般老實。那有人來。我幼年時節。不知哄過了多少子弟。如今年老。專靠你們掙家。方纔臨安趙尙書公子。着人將三百兩銀子四個尺頭送來。接你到杭州去。不過是遊一遊西湖。到天竺燒一炷香就回。你隨他去。總成娘賺這一主銀子何如。〔旦〕母親。不要聽他。偌大一個杭州。豈無名妓。這是哄我去。只說不在。回他便了。〔老旦〕回他便了。他是尙書公子。偌大勢頭。使將來。我們怎麼當得起。〔旦〕娘這般年紀。還不看人。〔老旦〕倒說我不看人。

〔大趺鼓〕你須加豔麗妝。遍身羅綺。蘭麝薰香。倚門獻笑喬模樣。若還撞着個有錢郎。暮樂朝歡。說甚從良。

〔前腔〕〔旦〕娘行自忖量。一顰一笑。各自行藏。迎新送舊倡家相。若還撞着個薄情郎。泥途墮落。怎比從良。

自許登樓洗豔妝。

從他蜂蝶過東牆。

閉門不管窗前月。

分付梅花自主張。

〔旦下老旦貼弔場老旦〕咳罷罷。自小養得他嬌了。見了三百兩銀子。不在心上。你怎麼不勸他。〔貼〕方纔正在此勸他。他執意要從良。〔老旦〕多少從良的姐兒。不得了當。前船便是後船的樣子。誰似做小娘的。朝朝寒食。夜夜元宵。卻不受用。呀。我倒忘了。攜李黃相公在此。接下湖船。快去快去。

安排呈彩袖。

準備試清喉。

#### 第四齣 霞箋題字

〔水底魚〕〔淨上〕天下英豪。文章教爾曹。巖巖氣象。可比泰山高。小子生來豪俊。自

幼天資難並。只因怕讀千文。連忙就改百姓。家父執掌朝綱。母親累有封贈。博弈自我本行。妓者是我性命。自家灑銀公子便是。只因稟性愚頑。家父將我送在儒學中孫教官處攻書。吾輩朋友中。只有李玉郎天資敏捷。自分難並。今日先生公出。整酒在會景樓上。與他一敘。言之未已。方可人來矣。

〔前腔〕〔丑上〕記得離騷。人前好擺搖。後生可畏。仲尼見我跑。自家方可人是也。諸友在會景樓。不免上樓呀。灑兄拜揖。〔淨〕老弟。好個攏頭屬老成。〔丑〕灑兄差了。自古道龍頭屬老成。那有攏頭之說。〔淨〕攏頭屬老成有解。如老弟未冠之時。入了學。攏起頭來。屬我老成朋友刮你。這叫攏頭屬老成了。〔丑〕灑兄。你每每戲謔小弟。恐非道義之交。〔淨〕甘羅活到彭祖年紀。幼年也曾作過。你不曾讀論語。陽貨獻豚。子路請禱。古之聖賢。也是如此。何況你我。〔丑〕難道這樁事情。也刻在書本上的。〔淨〕難道小弟造出來的不成。〔丑〕若如此。小弟請教。〔淨〕你若肯請教。自有進益。我看你昨日作文。全欠體認。中間來意。甚覺枯澀。皆因不通泰之故。我有一個靜室。甚是幽雅。悄悄一個來。傳你個祕訣。包你停當。〔丑〕小弟傳了兄的祕訣。日後屁都放不出。〔淨〕糞發在後。〔丑〕不要取笑。

〔前腔〕〔生小生上〕天挺人豪。燈窗敢憚勞。槐黃時候。綸竿釣海鰲。〔淨〕李兄爲何來遲。〔生〕家有嚴君。不敢請耳。〔淨〕兄。非此之謂也。父母在不遠遊。遊必有方。是道也。道其所道。非吾之所謂道。我欲冠者五六人。殺雞爲黍而食。唯酒無量。詠而歸。不亦樂乎。〔衆〕也說得是。看酒過來。

〔梁州序〕〔生〕樓開圖畫。勢侵雲表。隆棟朱扉圍遶。雕欄十二。金鈎錦帶飄颻。眞個是舉頭紅日。入眼青山。仰見星宮好。雲間佳麗處。總堪描。瑞氣盤旋入斗杓。〔合〕英才會。斯文道。看氣求聲應。遵遺教。如骨肉。勝同胞。

〔前腔〕〔小生〕雕盤堆砌。金樽傾倒。暢飲不須推調。花濃酒醞。何妨盡日逍遙。眞個是襟懷瀟灑。道義交孚。豈數金蘭好。佳賓盈四座。盡人豪。助我詩情文思高。〔合前內動樂介淨〕聽絲竹之聲。管絃之亮。信如天外飄飄。宛若清商灑灑。藝圃之外。角妓所居。想是此間。故有鏗鏘之妙耳。

〔前腔〕聽秦樓一派鸞簫。聞巷陌幾聲箏調。更宮商清婉。唱徹檀槽。堪羨陽春

白雪。玉振金聲。何必歌蘇小。行雲知己。過類鳴蜩。欲傍秦箏看阿嬌。〔合前內喚

打鞦韆介丑〕二兄。你看滿院鞦韆。但聞其聲。不見其形。登高遠望一番。有何不可。

〔前腔〕粉牆頭露出多嬌。鞦韆影送來花貌。有千般旖旎。萬種妖嬈。最喜鬢鬆雲髻。斜軀瑤簪。金釧輕遺落。碧紗籠玉體。襯紅綃。銅雀何須鎖。二喬。〔合前淨〕李

兄。坐此名樓。見此美事。何不作賦以記之。〔生〕小弟庸才。何當獻笑。敬承台命。豈敢固辭。〔淨〕李兄

端有七步之才。如詩不成。罰依金谷酒數。〔生〕書筒中尙有霞箋。取來試題幾句。〔衆〕請了。〔生寫

介〕暫存視聽。一凝思。涓涓一派仙音至。繁絃急管雜宮商。聲同調歇迷腔字。獨坐無言。心自評。不

是尋常風月情。野猿塞鴈聲哀切。別有其中一段清。初疑天籟傳簷馬。又似秋砧和淚打。碎擊冰壺

向日傾。亂翦琉璃鬪風灑。俏者聞聲情已見。村者相逢不相戀。村俏由來趣不同。豈在聞影與見面。

〔淨〕兄之佳作。不亞子建之才。若請教先生。必當稱賞。〔生〕卻不要。這是偶爾戲談。不可與先生知

道。〔衆〕小弟奉敬一杯。與李兄潤筆。

〔節節高〕霞箋茜色嬌。用心苗。新詩題上龍蛇耀。風雲巧。染兔毫。相思調。顏筋

柳骨誇玄妙。銀鈎鐵畫連城寶。朋儕暢飲正醪醕。宮牆又早先生到。〔末上〕折桂心虔力學功。銀蟾流影入簾櫳。書窗半榻茶蘼架。自與人間景不同。〔衆見介末〕諸生。書到不讀。在此。此讌飲。〔淨〕諸生文課已完。用此潤筆。但杯盤狼藉。不敢褻瀆師長。如何是好。〔末〕庾亮有言。老子婆娑。興復不淺。洗盞更酌。抑又何妨。〔淨〕有酒食。先生饌。曾是以爲孝乎。看酒來。〔衆〕

〔前腔〕羣英一網包。際明朝。幾番時雨聆清教。薰風到。塵俗消。胸襟好。數聲長笑。都城曉。滿腔盡把詩書飽。師生恩義比天高。木桃何以瓊瑤報。〔生〕先生在此。學生告解一解再來。〔末〕請自便。〔生〕方纔戲題霞箋。此詩倘先生知道。殊非體面。且將來擲過牆去。

〔尾〕潛蹤隱跡人難料。一幅霞箋隔院拋。把你做紅葉傳情出御橋。〔衆〕看大杯。請先生飲一杯。〔末〕不消。

有日飛騰出巨淵。  
遠移蓬梗非無地。

藏修几案費鑽研。  
近就芝蘭別有天。



第五齣 和韻題箋

〔懶畫眉〕〔旦上〕芭蕉分影送銀蟾。幾樹高槐噪晚蟬。〔貼旦〕雙鉤緩促小金蓮。穿簾爭覩呢喃燕。〔拾箋介〕呀。何處飛來燦錦箋。〔臨江仙〕〔旦〕門掩梨花小院。粉牆高映青樓。緘書畢竟阿誰投。濯葱排燕几。掬水拭雙眸。〔貼〕晚妝纔罷無些事。玉釵斜亸搔頭。銀盤推着水晶毬。曲欄杆繞處。一紙綵箋收。〔旦念生前詩介〕

〔二犯江兒水〕霞箋堪羨。這一紙霞箋堪羨。如丹嬌色染。正分來獨繭。出自冰蠶。烜金睛。煜白眼。一幅錦雲聯。三星映碧天。聲韻敲金。筆勢端然。卻正是走雲烟。翻藝苑。家隣杏壇。俺這裏家隣杏壇。宮牆英彥。他那裏宮牆英彥。想多才戲

題紅遺下綵聯。妹子。我仔細看來。詞新調逸。句秀才華。作此詞者。非登金馬苑。必步鳳凰池。寧與

尋常俗子伍哉。且住。久聞學中有個李生。小字玉郎。年方弱冠。胸懷星斗。氣吐雲烟。今此霞箋。或出伊手。亦未可知。〔貼〕姐姐。是了是了。我前日倦立門前閒戲耍。亂將花瓣鸚哥打。柳陰忽見白面郎。金轡雕鞍紫騮馬。曾向兒童問姓名。漫將名字說來真。慙慙報道千金子。裔出儒紳列上卿。彥直稱

名家姓李。玉郎小字才無比。日向鬢宮勤讀書。恂恂二八芳年紀。今日呵。好似唐朝于祐遇翠瓊。紅葉會傳伉儷情。你今收得霞箋在。天遣瑤弓中雀屏。姐姐。你回他一首何如。〔旦〕此言深爲有理。你可將那寫頰胭脂。染成霞箋一幅。卽和前韻。〔貼〕霞箋染就。請和前韻。〔旦寫介〕太湖獨倚含幽思。霞箋忽爾從天至。龍蛇飛動潑雲烟。篇篇盡是相思字。顛來倒去用心評。方信多情似有情。不是玉郎傳密契。他人焉有這般清。自小門前無繫馬。梨花夜雨可曾打。一任漁舟泛武陵。落花空向東風灑。名實常聞如久見。姻緣未合心先戀。詩中本是致幽情。知心料得如見面。〔貼〕好詩好詩。〔旦〕詩已寫完。但愧不成韻。還從原處投去。

〔懶畫眉〕輕將玉筭染雲烟。再祝司天乞可憐。三生若也是良緣。東華幸與些兒便。早覓知音送綵箋。〔將箋投原處下〕

〔前腔〕〔生上〕危樓讀罷困人天。強對南薰奏五絃。徐徐行過小池邊。詩情正好閒消遣。悔卻前朝弄薛箋。〔拾箋介〕昨遣紅詞過牆去。伊誰復見池邊。東園春色到西園。輕

開方勝帖。試看有何言。〔念詩介〕好詩。妙哉妙哉。可愛可愛。

〔二犯江兒水〕霞箋堪翫。這一幅霞箋堪翫。胭脂嬌尙淺。料封來謝館。寄向金園。粉痕香。流萬點。摺作巧連環。描成並蒂言。他道方信多情似有情。和韻鮮妍。詞意天然。卻正是女中嫵。人內選。風魔解元。果然的風魔解元。秦樓嬌豔。可羨那秦樓嬌豔。想多情仗宮詞結個好緣。細看此詩措詞不凡。留情更切。且金瓊獻瑞。彩筆流雲。作此詞者。休誇謝道蘊。不數李易安。豈與風塵女論哉。且住。此對景樓有個美伎。名喚麗容。小字翠眉。操志不常。才貌異衆。想此霞箋。或出伊手。未可知也。司書那裏。〔丑上〕忽聽呼雙字。樓前聽使令。大相公喚司書。那壁廂使用。〔生〕司書。此間對景樓有個張麗容。你可知道麼。〔丑〕小人知道久矣。隔牆有個翠眉娘。多少王孫欲斷腸。等閒不出來相見。巫山空自惱襄王。〔生〕我要會他一面。怎麼得見他。〔丑〕相公。這個不難。他有一個妹子。喚名小喬。每日在門首閒耍。見了小喬。就可見他姐姐了。〔生〕此言有理。我明日假以買書。經過其門。若見小喬。不失此良遇也。

〔懶畫眉〕桃花洞裏武陵源。咫尺天台路杳然。雲英玉杵搗曾堅。他還珍重羞相見。辜負臨風答寸箋。

霞箋賡和十分春。

畢竟何時見玉人。

明日馬蹄芳草路。

定須解珮會風雲。

第六齣 端陽佳會

〔鎖南枝〕〔貼上〕眉重畫粉再勻。繡裳羅帶倚市門。如玉一枝新。天然好花陣。行人見。欲斷魂。我且按瑤簪。理蟬鬢。昨日姐姐拾得霞箋一幅。看他反覆翫歎。不忍釋手。今日乃是中天令節。方纔佩了朱符。插了艾虎。且到門首閒看片時。

〔前腔〕〔生丑上〕紅芳徑。綠草茵。驕驕嘶來柳陰。〔丑〕相公。你看綠楊影裏。一座朱樓。

白粉牆邊。半灣碧水。那壁廂倚門小豔。故逞妝。豈非萬綠叢中紅一點乎。〔生〕花底坐紅裙。偏將綠衣整。天台路。不易尋。我且解金鞍。與廝問。司書。可將金勒馬帶在芳草坡中去。〔丑

應介貼〕那個騎紫驢來的。就是前日白面郎。題箋的想必是他。待我叫他一聲。李相公那裏去。請進待茶。〔生〕請問大姐。小生素未相識。何以見呼賤字。〔貼〕久隣藝圃。難言不識尊容。觀君丰度。豈非玉郎乎。〔生〕靚仰美容。莫非翠眉娘耳。〔貼〕家姐。〔生〕原來令姐。莫非是小喬麼。〔貼〕就是。相公

請進。相見家姐何如。〔生〕只是拜意不專。焉敢造次。〔貼〕何妨。相公請坐。姐姐有客。

〔前腔〕〔旦上〕香添獸。理素琴。花奴忽報言有人。〔貼〕姐姐。此生蘊藉不常。早宜相見。

〔旦〕是誰。〔貼〕姐姐常談的李玉郎。〔旦〕簾下暗偷睛。他風流果聰俊。〔貼〕姐姐。多少富

家子弟。不在你眼中。今日見他。便爾留意。玉郎好造化也。〔旦〕禁聲。你是女兒性。何恁聲響

喉嚨。恐伊聽。〔貼〕相公家姐相見。〔生旦見介〕仙女得從花底出。一見令人思欲迷。綠鬟高髻

裁宮錦。不信人間有翠眉。〔旦〕王孫何處迷芳草。誤入天台石也香。底事不交神女夢。紅顏還肯憶

劉郎。〔丑科介〕

〔前腔〕〔生〕我尊師範。遊聖門。娉婷爲何稱小名。〔旦〕觀君丰度。玩君霞箋。名喚玉郎。名

稱其實矣。欽羨欽羨。〔生〕彥直愧凡庸。愚生李爲姓。向日朱樓上。聆妙音。因此把

霞箋偶題逞。

〔前腔〕〔旦〕我顏空媚。身類萍。青樓恨留輕賤名。〔生〕觀卿才貌。久矣相親。今觀美容。實

爲萬幸。〔旦〕惶恐惶恐。念麗容呵。陋質效施顰。殊難與君並。前在花陰處。緩步行。拾

得你霞箋步君韻。〔生〕我道就是翠眉娘也。外蒙和韻佳章。可稱吟壇珠玉。〔旦〕兩地欣逢。信由天合。〔生〕原來二箋相值。似爲有緣。〔貼〕李相公。我姐姐身雖落在風塵。志實懸于霄漢。你兩個德容並美。才貌雙全。正是一對。〔生〕好說。要求見媽媽。〔貼〕娘有客。

〔前腔〕〔老旦上〕烟花市。風月情。年華不如在幼齡。〔貼〕有客在此。〔老旦〕何不早說。聞說有佳賓。斂衽且相敬。承尊降。愧失迎。念三生有何幸。相公。老身常在太湖石畔。燒

些夜香。靜聽書聲。敢是相公奮志。今日屈過寒門。不勝光寵。〔生〕小生誤作劉晨。不意奇逢蘭蕙。〔老旦〕二姐過來。今日乃端陽佳節。何不留公子在此一敘。何如。〔貼〕正是現成東道。〔生〕多謝厚情。豈敢過擾。司書過來。可將買書餘下銀子。送來媽媽。小生今日偶爾買書。餘下不多銀子。聊爲一饌之費。伏乞笑留。〔老旦〕公子。老身不意間屈留一話。豈敢受賜。若如此。老身賭誓。〔貼〕呀娘。今日是節日。不要賭誓。自古道。恭敬不如從命。〔老旦〕看酒來。

〔錦堂月〕午節欣逢佳辰。喜遇筵開。獸爐祥擁。榴綻繁紅。漸有芰荷風送。羨今宵有會乘龍。願他日丹山棲鳳。〔合〕桃源洞。喜誤賺劉郎。路迷仙洞。

〔前腔〕〔旦〕慚悚。鸞鏡長朦。花鈿慵整。只爲懶於迎送。深荷包容。陋質豈堪陪奉。看彩鸞夜月同騎。羨雙鯉朝遊偕共。〔合前內喚〕媽媽有客。〔老旦〕公子有客。不得奉陪。〔生〕媽媽請便。〔老旦下內喚〕二姐有客。〔貼〕相公。本當奉陪。不意小房有客。暫辭片時。得罪了。〔生〕請便。〔貼下旦〕相公請上對景樓。〔生〕今夕是何夕。同登對景樓。〔旦〕從來天帝女。畢竟會牽牛。妾在閨中。聞君家多擇伉儷。而百無一諧者何也。〔生〕小生緣淺。不遇麗人。因此逗遛。久愆佳偶。若有如卿才貌者。又何敢言擇乎。

〔醉翁子〕我愚性。嘆麗質深藏紅徑。因此上無分東牀。懶將盟訂。〔旦〕思省。我只是敗柳殘花。怎插君家孔雀屏。〔合〕休執恁。從今後地久天長。海誓山盟。

〔前腔〕〔旦〕我不幸。這賤軀落風塵。恥甚。怎能殼飛出樊籠。脫離坑窞。〔生〕你何用怨雨愁雲。我做公家軟玉屏。〔合前生〕請問小娘子。既混風塵。卽由造物。自甘苦守。實出何心。〔旦〕李郎說那裏話。今見君子。可托終身。卽便洗乾紅粉。焉肯再抱琵琶。若不捐棄風塵。情願永侍巾櫛。〔生〕既蒙卿家真心待我。願爲比翼。永效鸞鶴。若有私心。神明作證。〔旦〕若然如此。和你

對天盟誓。將此霞箋。各藏一幅。留作他年合證。〔生〕正是和你各留一幅便了。

〔僥僥令〕〔生日〕神明須有證。天地豈無靈。願鑒微忱。無虛謬。保佑我好夫妻松柏齡。

〔前腔〕〔旦〕虔誠惟一點。稽首拜三星。願取今生常廝守。默贊我美姻緣永不更。

〔餘文〕百年姻契今初訂。兩幅霞箋作證盟。分付隣雞莫亂鳴。

夜抱幽香小院春。

如今春色破梨雲。

彩鸞羞作凡雞伴。

此夜諧和百歲盟。

### 第七齣 灑銀求歡

〔秋夜月〕〔淨上〕家富豪。打扮十分俏。吳綾鶴氅狐裘襖。三簷傘兒花藤轎。娼門去搖。花街去嫖。劉郎一見武陵花。從此心猿蕩也咱。前日李玉郎題了霞箋詩。引動了心猿。繫不住意馬。欲往花柳之鄉一樂。我一人怎麼好去。有了。此間有一個木子吹。甚有風情。請他相陪。院



子那里。〔末上〕有福之人人伏侍。無福之人伏侍人。公子有何分付。〔淨〕你認得那木子吹麼。〔末〕小人認得。〔淨〕你去請他來。說大爺立等。〔末〕那木子吹是個騙人財物。敗壞家產的。這樣人尋他怎麼。〔淨〕可惡。叫你去請。有許多閒說。〔末〕待小人去請來。轉灣抹角。此間就是。木官人在家麼。

〔前腔〕〔丑上〕棕扇搖。戴頂巾兒俏。走向人前呵呵笑。哄些三銀子妻兒飽。奉承一個老嫖。奉承一個老嫖。〔丑見末介〕老哥何來。〔末〕灑銀公子着我來相請。〔丑〕就行。〔末〕木官人來了。〔見介淨〕老木。你花柳之鄉慣熟。可有出色馳名妓者麼。〔丑〕有。黃四娘家貌美。杜韋腸斷新詩。東坡琴操點爲尼。明月白雲風味。燕燕鶯鶯正好。婷婷嫋嫋相宜。秋娘絡繹頗清奇。樊素小蠻標致。〔淨〕這些太古了。〔丑〕公子。人是舊的好。〔淨〕這是古妓不必言。目今出色有名的。〔丑〕要現在的。有有。王五肌如炭墨。董二手像搗搥。馬金大脚走如飛。陸鳳板門牙齒。趙美眼眶青紫。李嬌頭頂毛稀。無情蔣四最呆癡。只有張妹一團和氣。〔淨〕那個張妹。〔丑〕張麗容絕妙的。〔淨〕莫非會景樓旁邊住的。〔丑〕正是。〔淨〕素聞其名。煩兄同往何如。叫院子多帶些金銀隨去。

〔末應介〕

〔六么令〕追歡買笑。武陵源何處迢迢。落花流出小危橋。情蕩漾。興粗豪。門前已有漁郎到。有人麼。〔老旦上〕堆鬢蛾眉是可人。碧桃花盡已逢春。也知多爲嬋娟誤。只合平原老此身。是那個。〔丑〕是我。〔老旦〕呀。木官人。連日少會。此間相公上姓。〔淨〕老木一進門來。就要把我上秤。〔丑〕不是。問上姓。媽媽。灑銀公子。老爺見在當朝。〔老旦〕這等老身失敬。〔淨〕失敬失敬。不必問姓。只要你家女兒近身。醫我滿身騷病。〔老旦〕要見我女兒。待我喚他出來。麗容有客。

〔旦內應〕與李相公弈棋。沒工夫。〔老旦如前回介淨〕怎麼下棋。不得出來。哇。這等可惡。小廝拿出來。〔老旦〕不要着惱。待我老身再去喚他。〔下丑〕公子。這嫖的一字。要幫襯和氣。你來一次就着惱。他既沒工夫。我每明後日再來纔是。〔淨〕老木。這些難道不曉得。小娘推弈棋是他者意。如此答他。使也知道。〔丑〕公子一發在行。〔淨〕老木。不要見他美貌娉婷。適纔答應口聲。猶如鶯囀花梢。〔丑〕果然好嬌聲。

〔玉胞肚〕〔淨〕翠娘音妙。信天生風流俊嬌。轉春鶯兩瓣紅牙。引人魂一聲腔。

調。蜂猜蝶恨思無聊。願駕星河渡鵲橋。

〔前腔〕〔丑〕襄王休惱。管成就巫山翠翹。祇憑着萬貫錢神。自然的合着關竅。王孫不必恁心焦。定取飛瓊弄玉簫。〔老旦上〕表記玉簫真可愛。荆釵不數漢梁鴻。公子。勞久等了。不要說起。小女方纔千方百計。喚在老身房中了。他正仰慕公子盛名。爭奈李玉郎纏住。半步不離。爲此我女兒頭上親除下一根玉簪。低聲囑付着我。期公子明日相會。〔淨〕令愛拿來約我的。果然。〔老旦〕果然。〔淨〕妙妙妙。這等我們且去。明日再來不遲。

佳人親贈玉搔頭。

明日應須諧鳳儔。

翠被春濃人未起。

賣花聲已過前樓。

### 第八齣 烟花巧賺

〔金瓏璫〕〔生上〕日高將向午。翠衾鴛枕珊瑚。〔旦上〕曉妝眉未補。玉郎細語

頻呼。鈎錦帳。掛流蘇。〔生〕畫眉願得侍妝臺。阿嬌已貯黃金屋。〔旦〕晴沙日暖浴鴛鴦。曾如被

底雙鸞宿。妾本風塵。失身下賤。豈堪配爾君子。聊可充君下陳。〔生〕二箋相會。你我皆出無心。詩句

相投。天緣似乎有意。要結三生之契。永圖百歲之姻。〔旦〕但君出自官門。抑且嚴君峻礪。愧我花間賤子。何由得拜公姑。〔生〕豈不聞男女之際。大欲存焉。兩心相得。雖父母之命。不可止也。明當以我心事。稟知家君。再三懇求。決無不可。所慮者。惟恐令堂移花別苑栽耳。〔旦〕君未觀嬌紅記乎。倘有不虞。則申爲嬌死。嬌爲申亡。夫復何恨。昨晚家母欲索你宿錢。今日必遣小喬來與你絮聒。這都是娼家故態。不必盡言。我已收拾箱奩中。將有百兩。少刻若來。你可付與他便了。〔生〕如此盛情。足見厚愛。所謂心堅金石。其臭如蘭也。〔旦〕你連日心迷花酒。學業頓忘。秋闈已近。乘此南窗日永。清風徐來。欲效李亞仙故事。勉君誦讀一番。不識君意可否。〔生〕大姐此言誠善。就取過書來。待小生觀看。〔旦〕你旣讀書。我將針線繡一個香囊。與你佩帶。〔生〕想當初李亞仙不棄鄭元和之盟。後中狀元及第。小生愧無鄭生之才。有辜翠娘之望。〔旦〕那鄭元和榮貴不棄亞仙。後封夫人。生五子並皆榮顯。賤妾不願生前受享誥封。只願死後再同枕席耳。〔生〕小生有寸進之日。若忘大姐之恩。天必殛之。〔旦〕轉禍爲祥。你且看書。

〔園林好〕你且對芸窗翻閱史書。學充足方成大儒。切莫把光陰虛度。你須下

這苦工夫。你須下這苦工夫。

〔江兒水〕〔生〕時習心還悅。天真樂自如。隔牆任爾笙歌度。不須剔目把衣衫  
污。鳳樓終許歸天府。好把絲綸經補。這眩錦鮫綃。絕勝迴文織婦。〔淨潛上偷窺下  
貼上〕風月場中閒耍。面無愧色。綺羅隊里奔趨。身有餘香。李相公拜了。姐姐請上。有話講。〔旦〕有  
何話說。

〔五供養〕〔貼〕萱親囑付。爲家貧不復似初。欲將嬌麗女。移去住京都。我潛來  
報汝。未審何方區處。〔旦〕妹子。他要去自去。我不去。〔貼〕一家過活。那一樣不在你身上。只爲  
這里生意欠好。要搬去。怎麼說他去。我不去。〔生〕二姐。你姊妹不必相爭。有什麼計策教我。留得姐  
姐不去。重重謝你。〔貼〕相公。這也不難。有銀子送些與媽媽。自然不去了。〔生〕言之有理。方纔家中  
送得白金百兩在此。正要送來與媽媽。二姐來得恰好。就煩送去如何。〔貼〕這也使得。〔生〕封緘

金百兩。聊贈買花資。伏乞轉言。望無推阻。〔貼〕相公。有了銀子。你二人放心耍子便了。正  
是無錢身怎安。有錢鬼可使。〔下丑上〕天有不測風雲。人有旦夕禍福。奶奶着我請大相公回家。不

在會景樓上。想在張家。我只得到此呀。大相公。

〔前腔〕嚴親分付。爲連旬偶爾病痛。傳言嬌幼子。歸問莫踟躕。更有高堂慈母。

請相公呵。卽回去親調藥餌。〔生〕如此怎麼好。〔丑〕快走。〔生〕家父有恙。一定要回。〔旦〕這

等官人急宜歸去。待令尊平安就來。〔生〕事出兩難。怎生是好。〔生〕太行雲影墮。巫峽夢難

圖。暫別妝前。卽來回顧。〔生留戀介丑急喚下〕

〔玉交枝〕〔旦〕兩情歡處。喜連宵朝歡暮娛。酥胸緊貼還交股。怪風波頃刻傳

呼。〔望介〕咳。三秋一日信有諸。寸心千里寧無故。〔淨暗上聽介〕翠娘。你且將雙眉

暫舒。對吾行道個萬福。翠娘。你是難得見的。請上待我拜見。〔旦〕相公上姓。〔淨〕灑銀就是學

生。昨日奉拜。卿卿弈棋空返。今日重來奉拜。適見卿卿一邊看書。一邊針指。真個是宜室宜家。令小

弟讚歎不已。〔旦〕公子請尊重。賤妾恨墮污泥。茲已洗乾紅粉。此身已許李生。豈容輕露頭面。請到

前面。舍妹相陪便了。〔淨〕乞求一宵之樂。再不敢重犯。〔旦〕聞得君家與李生同窗好友。〔淨〕這些

事管什麼好友。〔旦〕既是同窗好友。瓜田不納履。你可知道麼。

〔前腔〕同窗何妬。愧奴家失身賤途。怎看做李郎妻子張郎婦。休猜做九尾淫狐。〔淨〕說上天去。也要成就。〔旦〕若還恁般強逼奴。幽魂應到天庭訴。〔淨〕昨多承玉簪贈吾。因甚的藍橋間阻。〔旦〕有甚麼玉簪。〔淨〕昨日媽媽將玉簪期我。今日爲何這等推托。不要如此。

〔川撥棹〕〔旦〕你休相侮。這風流別去圖。〔淨〕你若無禮。送到縣家去告你。〔旦〕拚得個命喪銀吾。拚得個命喪銀吾。〔淨〕取笑怎敢。〔旦〕我怎做浮萍逐水波。掩重門甘守株。閉閒亭只自如。〔推倒淨下老旦上〕賤人。怎麼這等撒嬌。公子起來。〔淨〕可惡你那女兒。不過是妓者。怎麼這等放肆。把我推這一交。就進去了。〔老旦〕公子不要惱。這是你造化到了。〔淨〕怎麼造化到。敢是跌出來的造化。〔老旦〕咳公子。你雖讀書。不曾看嫖經。〔淨〕嫖經上怎麼。〔老旦〕打情罵趣。〔淨〕果然。〔老旦〕難道老身生出來的。〔淨〕承教了。今日不成。明日再來。多拜上。〔老旦〕下淨暗想介〕可知道他雖是如此。一雙嬌眼還瞧着我。

〔餘文〕秋波偷轉將人顧。無盡頭相思害我。咳。今夜獨自在館中。好生難過。只得全

仗消愁酒一壺。

佳人二八真堪美。

血點櫻脣噴香嘴。

流水無情戀落花。

落花有意隨流水。

第九齣 灑銀起釁

〔剔銀燈〕〔末上〕予深幸斯文宗匠。荷朝廷深加作養。英才樂育都相長。且優游春風絳帳。思量賢才大方。化龍魚遨遊勢翔。彩鳳修翎鳴曉日。蒼龍完甲聽春雷。公門悉有繁桃李。都在先生一範圍。下官松江教授孫有道是也。本係科甲出身。蒙朝廷命我造就人材。來臨此郡。連日迎送上司。不曾稽查諸生日課。乘此夜涼。不免潛到號房。察訪一迴。正是十年窗下工夫到。黃甲何愁不註名。〔下〕

〔前腔〕〔淨上〕昨宵見娉婷模樣。引得我神魂飄蕩。歸家不覺心兒癢。眼睜睜不能相傍。端詳這多情女娘。何日得身沾異香。可恨那張麗容與李玉郎。如漆似膠。昨

日我去。他執意不從。可恨可恨。方才書童對我講。孫老爹每夜出來巡綽我門攻書。今夜燈前坐着。



倘若出來。我有道理。小廝。孫老爹出來。咳嗽一聲。〔內應介〕

〔清江引〕開宗明義章第一。大學章句序。學而時習之。不可須臾離。亦有仁義而已矣。〔末暗上內咳嗽介淨〕你看書上都講仁義二字。想我看書。皆賴先生訓誨之功也。吾輩朋友李玉郎。一向在先生面前。何等循規蹈矩。近日迷戀妓者張麗容。一發不守學規。日後倘先生知道。說你是個學長。怎麼不稟與我知道。若稟了先生。又傷了朋友之情。進退兩難。如何是好。罷罷。自古道。各人自掃門前雪。休管他家瓦上霜。〔末〕灑銀。〔淨〕那一個這等放肆。呀。原來是先生。書童怎麼不來通報。〔末〕你書到不讀。在此說些甚麼來。〔淨〕學生見書上幾句詞章新的。學生在此讀他。〔末〕怎麼樣。〔淨〕誦與先生聽。

〔打棗乾〕揭開書本兒從頭論。上寫着釋新民。湯之盤銘。苟日新。真個多丰韻。先是日日新。後是又日新。聖賢的言詞真個美得緊。妙妙。〔末〕放屁閒說。〔淨〕先生有滋味的。〔末〕我適才聽得你說李玉郎怎麼。〔淨〕學生方才說李玉郎一覽就記。比吾輩不同。〔末〕我聽見你說嫖什麼妓者。〔淨〕不會。〔末〕齋夫看板子來。〔淨〕先生聽得了。待學生說。李玉郎近日

在那里嫖。〔末〕那一家。〔淨〕張麗容家裏。〔末〕我知道。敢是你同他去嫖。〔淨〕學生怎麼與他去嫖。敢是先生同他去嫖。〔末〕我怎麼同他去。〔淨〕難道先生同他去嫖不成。此是先生不拘束他。自古道。養子不教父之過。訓導不嚴師之惰。〔末〕若他乃尊知道。卻不罪我也罷。今晚修書一封。着人送去與李老先生。自有家教。

〔剔銀燈〕李家郎才華精爽。怎不把寸心求放。少年若戀平康巷。後來時終難成望。〔淨背介〕端詳。這糊塗怎當。又誰知區區妙方。

須遣文星燭夜台。

算人堪笑我癡呆。

自古家無讀書子。

真個官從何處來。

### 第十齣 父子傷情

〔高陽臺〕〔外上〕心赤如丹。頭顱漸光。那堪一子未上青雲。〔老旦上〕承德堂前。晚景更添歡悅。〔外〕下官前日獲一小恙。身體欠安。多賴夫人調養。平復如初。〔老旦〕皆賴天地

祖宗陰佑。〔淨齋夫上〕欲高門第須爲善。好要兒孫在讀書。此間已是李府。有人麼。〔末上〕問答稟

見介外〕到此何幹。〔淨〕孫老爹有書拜上老爺。大相公連日不來讀書。在妓女家嫖。〔外〕有這等事。〔看書介〕

〔一封書〕尊公子幼年美質。須當在簡編。今月裏忽然戀張姬。結誓緣。自此放心無束檢。異日難圖書錦旋。寄書箋。達忠言。草草陳情餘不宣。有這等事。上覆你家老爹。我還要細訪。看二錢銀子與他。〔末應介淨謝介下老旦〕相公。孫先生書來。爲些什麼。〔外〕你養得好兒子。近日書到不讀。習了下來去嫖。〔老旦〕經目之事。猶恐未真。傳來之言。豈可深信。

〔外〕喚司書。〔末喚介丑上〕司書何所事。盡日掌文書。受盡苦中苦。方爲人上人。司書磕頭。〔外〕你日間在那里。〔丑〕隨大相公在會景樓上看書。〔外〕晚間。〔丑〕號房承宿。〔外〕我問你。大相公近日嫖。你曉得麼。〔丑〕小人不曉得。大相公在書房中。〔外〕喚他出來。〔丑〕大相公有請。

〔生查子〕〔生上〕別去鏡臺前。獨抱鴛鴦枕。司書有一封書在書房中。你可送去與張翠娘。

〔丑〕相公還要張翠娘李翠娘。老爺奶奶知道了。要打司書。被我遮飾過了。相公你可自作道理。〔生見介外〕你那里來。〔生〕會景樓上看書來。〔外〕日間在那里讀書。夜間哩。〔生〕號房承宿。〔老

〔旦〕相公孩兒說話與司書一樣的了。〔外〕孫先生有書你看。〔生看介外打生介〕

〔泣顏回〕空白戴儒冠。似沐猴枉着青衫。書香一脈。料伊家未必能傳。〔老旦〕且須當耐煩。本嬌生豈難禁譴。〔外〕豈不聞愛勿勞禽犢之愛。恨伊家有愧先賢。

〔前腔〕〔生〕嚴親息怒望矜憐。蒙訓責敢不尊言。〔外〕未登雲路。先穿補衣。快脫下來。

〔生脫衣內穿女衣介外〕分明浪子形狀。豈是讀書人的行徑。施朱間紫。可輕將褻服來穿。〔老旦〕伊家聽言。昔斑斕五彩人爭羨。〔生〕今日裏服御翩翩。看他年宮錦袍鮮。〔外〕不肖子公卿之子。不學流爲庶民。庶民之子勤學可爲公卿。你這不成才的。這般懶惰呵。

〔撲燈蛾〕宮袍勿浪言。抵觸罪難免。縱飲宿娼樓。好把家聲玷辱也。〔老旦〕相公且耐煩。〔外〕還來護短。叫司書從今鎖禁。不許出門前。〔老旦〕老相公須當宛轉。豈不聞堯舜之子未嘗賢。

〔尾文〕〔外〕夫人。我簪纓甲第還修善。到養這輕狂下賤。那些三個奮發在青年。

〔外〕叫司書將這不肖子鎖在書房中。若放他出來。一頓打死你這狗才。

辱沒家聲習下流。

不如打死也干休。

兒孫自有兒孫福。

莫與兒孫作遠憂。

〔外下生老旦弔場老旦〕我兒攻書是你本等。怎麼行這樣事。

〔高陽臺〕〔生〕在會景樓中。偶題詩句。隔牆被伊收拾。他卽返霞箋。其時又爲兒得。堪惜。憐伊玉潔冰清也。〔老旦〕那烟花難探消息。我那兒可將張麗容丟下了。我對你爹爹說。別選個侯門貴戚。玉枝金葉。〔生〕母親對爹爹說。娶張麗容與了孩兒。孝順雙親便了。

〔尾聲〕〔老旦〕再三不用多饒舌。叫司書開了書房門。推入書房去也。〔老旦下生〕天那。教我獨守孤燈和泪血。〔下〕

### 第十一齣 求美結歡

〔西地錦〕〔小生上〕塞外英雄自許。朝中富貴誰倫。肘懸金印令嚴明。頗牧還期。

相並。自家阿魯台是也。自幼在伯顏丞相門下往來。累立奇功。陞我爲都統制之職。鎮守蘇松等處地方。前者琉球等國作亂。被我一計平伏。成此大功。回來指望封侯請賞。奈無物進與伯顏丞相。不能如意。不免喚參軍鐵木兒出來商議便了。參軍何在。

〔前腔〕〔末上〕闡外威權深重。軍門體統尊嚴。〔見介小生〕參軍。我立此大功。指望封侯請賞。誰知泯滅無聞。思想起來。奈無異物進與伯顏丞相。不能如意。你有什麼好計獻上來。〔末〕稟元帥。伯顏丞相富貴已極。天下奇寶皆出其門。爲今之計。須得絕色美女進去。方可得其歡心。〔小生〕好計。就命你將千金綵段。蘇松等處搜尋美女便了。

〔泣顏回〕汝可速登程。愧無媒承獻名臣。須尋國色。使嫖姚終保麒麟。〔末〕殷勤去尋苧蘿村。嬌媚休教隱。效陶朱密訪旁搜。獻伯顏以結歡心。

好去搜求美女。

神京獻與伯顏。

闡外將軍一令。

朝中天子三宣。

第十二齣 書房私會

〔唐多令〕〔旦上〕秋氣入林皋。梧桐葉漸凋。情郎一別信寥寥。盡日杳無消耗。

〔憶秦娥〕菊鋪金。凌波小襪穿花陰。穿花陰。有何情緒。對景留心。耳邊消息空沈沈。朱樓十二愁登臨。愁登臨。從他一別。想到如今。奴家自見李郎。將謂終身有托。誰想陡遭讒佞。竟起風波。日來被灑銀公子在此纏擾。正無處躲避。偶然白尙書夫人生辰。來喚奴家承應。一則假渠內闢。遣我愁腸。二來便道採取李郎真信。卻不是好。有財那里。〔淨上〕聽得有風聲。慌忙走不停。不知要遞柬。不知要傳情。姐姐喚有財那里使。〔旦照前白介〕可將樂器藏在錦囊中。隨我前去。〔淨〕拿什麼好。紫鸞簫。〔旦〕蕭史秦樓逢弄玉。我今何意品鸞簫。不好。〔淨〕斑竹管。〔旦〕湘妃雨後來池上。又被風吹別調間。也不好。〔淨〕琥珀詞。〔旦〕知音只向知音說。不是知音不與彈。不好。〔淨〕琵琶掃一掃何如。〔旦〕這個使得。當初古人借此寫怨。我有一腔春恨。正要彈他。取來。〔淨〕在此。〔旦〕有財。我問你。我今此去。可打從李府門首經過麼。〔淨〕姐姐。正打從李相公門首經過。〔旦〕我欲進去採取李玉郎一回。〔淨〕如今李相公不是前日那李相公了。學裏孫老爹知道他在我家嫖。一封書送與李都憲。拿回家去一頓打。鎖禁書房中。爲你害成相思病在家。〔旦哭介〕呀。李郎呵。〔淨〕禁聲。媽媽教我不要說。

又說了出來〔旦行介〕

〔月兒高〕〔旦〕關關雎鳥。雙雙向林杪。同舉還同宿。同食還同飽。誰想大限無端。何期來早。雄在東洲喚。雌在西林叫。似雨逐寒梅。粉褪嬌。苦嘔。畢竟桃花命裏招。〔下〕

〔前腔〕〔生病丑扶上〕雙雙鴛鳥。依依戲蓮沼。同翅還同絆。同浴還同嘯。誰料漁人沖波使蘭棹。雄向沙頭困。雌向溪邊遶。雨打梨花誰□敲。畢竟楊花命合飄。

〔長相思〕小窗東。小窗西。寸斷柔腸春思遠。空聞鐵馬嘶。憶佳期。盼佳期。夢□□□相見稀。相思無盡時。小生被父親鎖禁書房。雖在華堂。猶如狴犴。這時節茶飯不思。只覺淹淹沈困。天那。又不知麗容一向如何了。正是海上有方醫雜症。人間無藥療相思。司書老爺方才那里去了。〔丑〕白府拜壽去了。〔生〕司書老爺既不在。你可到張翠娘家。討一個回音與我。〔丑〕相公。你是極聰明的。被那張麗容弄得昏頭搭腦。喫茶也是張麗容。喫飯也是張麗容。相公想着翠眉娘。翠眉娘不來想着你。我如今去問信。倘老爺回來怎麼好。〔生〕不妨。只說取藥去了。〔丑〕如此小人就去。出得府門。好古怪。



那來的好像張麗容。〔旦淨上〕畢竟桃花命裏招。有財。這都憲第莫不是李府麼。〔淨〕正是李府了。〔旦〕既是李府。我立此柳陰下。你上前問個消息。可見得一面麼。〔淨〕曉得。待我到府門首去。〔丑淨見介丑〕有財。爲何到此。〔淨〕我家姐姐也在此。〔丑〕翠娘在此。〔見旦介〕我相公正着我看翠娘。〔旦〕我要到白府供唱。先來看你相公。〔丑〕老爺白府中拜壽去。大相公封鎖在書房中。見不得。〔淨〕司書哥。老爺不在。姐姐進去見一見何妨。〔丑〕我府中人口衆。倘老爺知道了。豈不累我。〔旦〕悄悄進去便了。〔丑〕也罷。隨我進來。有財。你進來不得。〔淨〕我怎麼進來不得。〔丑〕我府中門檻高。你這烏龜怎麼樣進去得。〔淨〕滾進去便了。〔丑〕轉灣抹角。此間是書房門首了。〔旦〕你看這樣封鎖在此。怎得出來。〔淨〕司書哥。開了書房門。待我姐姐進去見一面何如。〔丑〕門開不得。窗眼裏看一看。待我對大相公說便了。〔旦作窺介〕

〔桂枝香〕看他容枯色槁。形衰力少。減盡了司馬風流。瘦損了六郎花貌。記相逢那宵。記相逢那宵。共同歡笑。鴛衾顛倒。〔淨〕司書哥。將書房門開了。放姐姐進去見一面。就回。〔丑〕門開不得。〔淨〕你不知道。心病還將心藥醫。你相公病爲我家姐姐身上起。見一面或

者好了不見得。〔丑〕說得有理。悄悄進來。〔旦見生睡哭介〕會今朝。天那。輕別驚相見。不敢高聲。泪暗拋。〔丑〕不要說我相公渾了。方才被你一哭。哭得我也渾了。〔旦抱生低喚介生醒介〕

〔前腔〕驚魂初覺。耳邊誰噪。〔旦〕玉郎。張麗容在此。〔生〕呀。我那翠娘呀。恰纔的夢裏相逢。誰承望伊家來到。〔旦〕玉郎有何心事。可對我說。〔生〕有心事萬千。有心事萬千。一時難告。惟天可表。還記雨雲交。〔旦〕玉郎莫非棄舊也。〔生哭介〕翠娘呵。頭髮因何剪。香疤爲甚燒。〔內喚老爺回介丑〕不好了。今日要弄出來。老爺回來看大相公。這裏沒有陰溝洞。看你躲在那里去。〔淨慌且躲桌下介丑〕我在外面將門鎖了。只說取藥。倘老爺不進來。是我祖宗有幸。

〔前腔〕〔外上〕癡兒病倒。箕裘誰紹。我爲官保。一世清名。怎遭這豚兒不肖。我那不肖子。被我打了。鎖在書房中。我想父子之情。終不可失。當時毛輪已曾一夜十往。聞得他有病。心甚懸掛。白府赴宴。因此先回。叫司書開了書房門。〔丑咳嗽介〕息案息案。〔外〕怎麼。〔丑〕稟爺鎖簧秀了。〔外〕慢慢開。〔丑開介外〕我兒。你這病爲何起的。敢想那張麗容。〔淨扒介外〕這是什麼人。

〔丑〕老爺。這個人叫做知古今。說得好琵琶詞。大相公病體沈重。無可消遣。彈些詞兒聽聽。〔外〕他打那里來的。〔淨〕來處來的。〔外〕往那里去。〔淨〕去處去。〔丑〕適才門兒鎖上的。他在狗洞裏鑽進來的。〔外〕原打狗洞裏又出去。〔丑〕饒你口張誇。終須往外叉。〔淨〕好了好了。怕來鑽狗洞。再不背琵琶。我到出來了。我的翠娘怎得出來。〔下外〕想你這病兒。想你這病兒。有方難療。吾心纏擾。自今朝。把意馬牢拴繫。心猿緊護着。我明日再來看你。司書好生看大相公。〔虛下丑〕快走。我的騷娘。不要連累我。〔外復上〕叫司書。〔日照前躲介丑應介外〕好生伏事大相公。去請太醫。明日好了。重重賞你。〔丑應介外〕欲將詩酒牽愁繞。愁繞詩情酒興疎。〔下丑〕幾乎做將出來。老爺復轉來。這個騷貨在裏面走將出來。老爺見了了不得。如今待我驚他一驚。叫司書。桌兒下什麼人。拿出來呀。〔旦驚介丑〕活驚殺你。〔旦〕玉郎。你爹爹這等嚴厲。我和你怎生是好。〔生〕屈于大人之命。奈何奈何。

〔憶多嬌〕伊有恩。我有情。一似明月梅花兩照心。卻被妬雨殘花月被陰。〔合〕兩淚紛紛。兩淚紛紛。未卜何時再見君。

〔前腔〕〔旦〕奴意真。君意真。不待君家我也必喪身。和你兩地相思卻怎生。〔合前〕  
〔鬪黑麻〕〔生〕恨殺嚴親。將我鴛鴦拆羣。我在神前和你雙雙設盟。伊今去我  
欲消魂。階下殘紅。一似情人淚零。〔合〕衷腸難盡。臨岐不忍分。頃刻天涯。頃刻  
天涯。只向東風訴陳。

〔前腔〕〔旦〕生只願如平陵。鹿車共乘。奈你嚴厲椿萱丸熊苦心。今別去痛難  
勝。對泣相看。猶恐猿聞斷魂。〔合前淨丑上〕相公。奶奶出來了。翠娘快快出去罷。

〔哭相思〕〔生旦〕結髮夫妻在一朝。霎時相會又相拋。低聲又恐人知道。不覺  
冤聲徹九霄。〔旦下生弔〕魂黯黯。思迢迢。秋窗最苦灑芭蕉。〔丑〕不如收拾閒風  
月。紙帳梅花獨自熬。〔下〕

第十二齣 聘求佳麗

〔番算子〕〔末上〕玉帳荷專征。金闈承台命。號令在團營。豪氣威風凜。自家鐵木兒  
是也。昨奉元帥將命。着處搜求美女。再無絕色者。不免在教坊司喚瑟長來問他。左右的。可去教坊

司喚一名瑟長來。我有話分付他。〔雜喚介丑上〕胭花爲活計。脂粉作生涯。〔入介〕教坊司瑟長叩  
老爺頭。〔末〕瑟長。你在教坊司幾年了。〔丑〕小人在教坊司一萬多年了。〔末〕怎麼有這許多年。胡  
說。〔丑〕爺。卻不道是萬歲綠毛龜。〔雜介丑〕實不瞞爺說。小人雖沒有一萬年。其實是個積年老烏  
龜。〔末〕休胡說。我且問你。出名妓者有幾名。〔丑〕爺。官妓雖多。絕色者甚少。〔末〕有德色兼全者報  
上來。〔丑〕爺待小人想。噯有了。有一個張麗容。琴棋書畫。無所不通。工容賢淑。無所不備。果然是德  
色兼全。〔末〕果然如此。我將千金綵段作爲聘禮。你先去分付他母親。我隨後親到他家。與他面講。  
你把他容貌試說一番。

〔東甌令〕〔丑〕老爺聽稟。真國色。果傾城。堪羨紅樓張麗容。千嬌百媚都齊整。綽  
約難相並。吟詩作賦更鳴琴。歌舞著芳名。

〔劉潑帽〕〔末〕卽忙前去傳軍令。料他們敢不應承。黃金白璧來行聘。準備彩  
輿迎。淑女多榮幸。

千金不惜買花錢。

台命傳來敢浪言。

美女若教來相府。

這回端的好姻緣。

第十四齣 麗容行售

〔雙勸酒〕〔老旦上〕雲鬟髻鴉。汗巾羅帕。呼湯喚茶。果然搥靶。行來好似虎排牙。一家兒都怕媽媽。事不關心。關心者亂。我女兒麗容往白府中供唱。畢竟打從李府門首經過。猶恐他進去探望李玉郎。這也不打緊。倘然他老爺知道。這事怎了。已曾差人打探消息。未見回話。好生放心不下。

〔前腔〕〔丑上〕朱樓女娃。清奇瀟灑。張家老媽。果然造化。當朝一品大官家。怕風塵無福消他。此間是張家門首。不免逕入。老媽媽。拜揖了。〔老旦〕呀。老官人一向不到我家。今日甚風吹到這裏。敢是討月錢麼。〔丑〕媽媽。豈爲這些小事。〔老旦〕敢有甚麼官身。〔丑〕也不是。媽媽。有一件喜事報你。〔老旦〕有何喜事。〔丑〕這裏阿魯台老爺聞得你女兒張麗容。天姿國色。絕世無雙。他將千金綵段。聘你女兒。進與伯顏丞相。差參軍鐵木兒親到你家。與媽媽面講。因此先着我來通知一聲。〔老旦〕咳。老官人。別人不知道。你是知道我家的。老身一家人口。單單靠得這個女兒。

賺錢養家。他若去了。老身靠誰。〔丑〕阿呀媽媽。你從來有算計的。今日爲何這等懵懂了。他將千金綵段來作聘禮。你且收下。打發女兒出門去了。再尋中意的丫頭討幾個做人家。豈不兩便。況且官府利害。怎由得你。〔老旦〕老官雖然如此說。只是我捨不得這樣好女兒。〔丑〕媽媽。你女雖好。我曉得他近日戀着個人哩。〔老旦〕便是。就是那李玉郎。〔丑〕原來他既戀着李玉郎。你女兒最要擣鬼的。倘他兩個合了一條腿。尋個計策。使起官勢來。多則不過二三百兩。少則不過一二百兩。如今比他平空的多了七八百兩銀子。難道不好。〔老旦〕難道我是這不識好歹的。只是不知那個天殺的。報我的女兒應選。〔丑〕媽媽。若是我遭瘟。〔老旦〕老官不是。這個報我女兒的。其實作成我賺了一主銀子。我要補報他。〔丑〕呀媽媽。若不是我。也要遭瘟。〔老旦〕既如此。尙容尙容。〔丑〕媽媽。千個尙容。不如一個笑諾。這也不在話下。你且聽我道來。

〔黃鶯兒〕丞相選嬌娃。翠眉娘貌甚佳。阿魯台不惜千金價。買了環侍他。駕仙舟送他。雲帆冉冉乘風掛。〔末領左右上〕女娘家。風情債滿。從此脫煙花。〔丑〕瑟長接老爺。這是張麗容母親。〔老旦〕搗兒叩頭。〔末〕瑟長。你與他講了麼。〔丑〕小的與他講過了。他說

老爺嚴命。怎敢不從。〔末〕既如此。將千金綵段收下。快打發女兒下船。再看五兩銀子。賞那瑟長。〔丑〕謝老爺。

今朝選汝他鄉去。

明日燈前少一人。〔末下〕

〔丑〕恭喜恭喜。麗容姐怎麼不見。〔老旦〕白府中供唱未回。〔丑〕媽媽。不可走漏消息。若漏了消息。這丫頭就不回來了。〔老旦〕老官。我有這樣本事。才賺得這樣錢。使你但放心。〔丑〕這等我先告辭了。

閉門不管窗前月。

一任梅花自主張。〔丑下〕

〔老旦〕有財那裏。〔淨上〕有財有財。燒火劈柴。舊姐姐要去。新姐姐未來。媽媽有何分付。〔老旦〕有財。怎麼姐姐此時還不見回來。他若回來。知此消息。他怎麼肯下船去。你有甚麼計較。說一個來。〔淨〕我有計在此。〔老旦〕你且說來。〔淨〕媽媽。你平日哄千哄萬。不知設法了多少計較。倒來問我。〔老旦〕休得胡說。〔淨〕不要惱。待我說麼。我悄悄地到白府中去。報他一個假信。只說李相公放出來了。帶了許多金銀。叫下游山船。接你到船中。去游虎丘張公洞。他那裏曉得官船私船。待他下船。竟自開去。有何不可。〔老旦〕此計甚妙。



計就月中擒玉兔。

謀成月裏捉金烏。

### 第十五齣 被賺登程

〔八聲甘州〕〔末領左右侍女上〕蘭舟畫槳。聽一行鼓吹。泛爾滄浪。爲當朝宰相。千金選得紅妝。〔雜〕水手見爺。〔末〕叫水手。曉行須挽中流楫。侍女們。張麗容來時呵。夜宿還親粉黛香。〔貼〕張美人來時。老爺不便。稟老爺。前船請坐。〔末〕說得有理。合當避嫌疑。且進前航。〔末下〕

〔前腔〕〔二旦弔場〕金釵十二行。映畫船簫鼓。水色山光。數聲呶喔。輕鱗飛出松江。沈烟須早籠鴛帳。錦被殷勤疊象牀。〔合〕合當。張美人來時。我與你呵。承值他前世嬌娘。

〔賺〕〔旦淨急上〕步履匆忙。欲共才郎泛錦江。有財。李相公在那裏。〔淨〕在樓船上。一雙青眼望寒塘。〔旦〕進官艙。滿前勝景同觀賞。何幸追歡侍玉郎。〔二旦〕看他嬌模樣。分明神女瑤臺降。使人驚恍。使人驚恍。〔二旦〕侍女們磕頭。〔旦作慌介〕呀。二位姐

姐。不要差認了人。好躑躅。

〔前腔〕我是薄命平康。休錯認雲英伴楚襄。〔二旦〕美人。你且休勞嘆。今朝華屋

貯琳琅。〔旦〕有財。這是怎麼說。如今李相公在那裏。〔淨〕那裏甚麼張相公李相公。這裏阿魯台老

爺。要選姿容絕色。進伯顏丞相。媽媽因你戀着李玉郎。不肯接客。得了千金。將你如此了。〔旦〕賣了。

可憐天那。恨娘行結成四面青絲網。打散雙雙金鳳凰。〔二旦〕美人。千金聘汝。豈曰

不美。此行富貴已極。何必顧戀窮酸。甘爲下賤。〔旦〕有財。你快與我報與李相公知道。使我見他一

面。便死也甘心。〔淨〕姐姐。此間已有官府關防。那個容你如此。你不若寫書一封。我與你寄去如何。

〔旦〕這也說得是。只是舟中紙筆不便。如何是好罷。我不免咬破指頭。寫血詩一首。于向日霞箋之

末。〔寫介〕死別生離莫怨天。此身已許入黃泉。願郎珍重休相棄。擬結來生未了緣。薄命妾張麗容

斂衽再拜。夫君李玉郎親拆。有財。此書煩你遞與李郎。道我書不盡言。有死而已。〔淨〕姐姐你休

悒悒。此書爲你專投上。慢添惆悵。慢添惆悵。〔淨下〕

〔解三醒〕〔旦〕我只道是章臺相傍。卻原來浪打鴛鴦。鳳頭鞋跌綻無情況。甘

苦斷九迴腸。似彩雲夢斷悲蘇小。高掛雲帆出豫章。心難放。拚得個珠沈玉碎。斷送年芳。

〔前腔〕〔末衆上〕趨程途急須前往。命舟師速整帆檣。輕舟快槳兼程上。金屋裏貯嬌娘。朝歡暮宴承歌舞。翠被香濃樂未央。嬌模樣。還憑你花營奏凱。勒銘旂常。〔末〕叫水手。快把後船催趨前來。〔衆應介〕

〔尾聲〕畫船搖曳清波漾。似西子扁舟宮樣妝。荇藻生情笑語香。

千金難買美人心。

相府繁華處處春。

回首青樓歌舞地。

可憐衫袖暗生塵。

### 第十六齣 踰牆得喜

〔解二醒〕〔生上〕難禁這孤房鞅鞅。沒奈何偷越危牆。潛身直到平康巷。朱樓裏會嬌娘。似春風燕子逢劉盼。暫醉佳人錦瑟旁。〔合〕非妄想。也難道廣寒玉杵未付裴航。小生被父親鎖禁空房。思想翠眉娘。其實無一時放下。今早司書說我父親今日赴

席去了。被我越牆而出。一路行來。此間已是他家門首。裏面有人麼。〔淨應上〕門前冷落車馬稀。不知那個遭瘟的呀。原來是李相公。衝突衝突。李相公。你前日鎖在那狗洞裏頭。今日緣何得出來。〔生〕怎麼是狗洞。〔淨〕我合是狗洞裏出來的。〔生〕閒話休說。快請姐姐出來相見。〔淨〕還要說姐姐。姐姐因想得你緊。吊死了。〔假哭介生〕果然吊死了。可憐那。〔跌脚介淨〕且不要哭。你抹了眼淚。不會弔死。倒在我袖兒裏。〔生〕一個人怎麼在你袖兒裏。〔淨〕不是。有書在我袖兒裏。〔生〕快將來我看。〔淨遞書生接看介〕薄命妾張麗容。斂衽再拜。夫君李玉郎。開拆。這是我霞箋。事有可疑呀。後面有血詩一首。死別生離。莫怨天。此身已許入黃泉。願郎珍重休相棄。擬續來生未了緣。有財。大姐那里去了。〔淨〕這里阿魯台老爺。要選姿容絕色者。進與當朝伯顏丞相。媽媽因他不肯接客。得了千金。將他賣了。〔生〕呀。賣了。可憐。媽媽你好狠心。快請媽媽出來相見。〔淨〕媽媽搬去了。〔生〕都是你這夥人幹出來的勾當。快還我大姐來。不然拿你到官去。〔淨〕相公不要惱。待我說與你知道。姐姐那日下船之時。因放你不下。就要投水。虧我救得他住。因此修這封書。着我報與你知道。如今兩隻大官船。一隻是鐵木兒伴送的。一隻是姐姐在裏面。開船不過一兩日。你如今快快趕上。倘會他

一面也未可知。〔生〕既如此。有財。你同我趕上去。〔淨〕曉得了。相公你來。你便朝西。我往東走。〔推生倒介下生〕

〔前腔〕恨殺我侯門海樣羞。殺我陌路蕭郎。偷香怎到天台上。嬌麗質在何方。渭河折柳愁蕭玉。珠掌何能遇鳳翔。我因要見他。且喜帶得些銀子在此。如今也顧不得爹娘了。連夜趕上。會他一面也未可知。忙追上。顧不得風餐露宿。水遠山長。〔下〕

〔前腔〕〔丑上〕沒來由遠追尋訪。受恩處怎敢相忘。他琵琶已抱章臺傍。青青的柳條長。好笑好笑。我家相公無道。撇了白頭二親。戀着個青春年少。只爲一個小娘。弄得七顛八倒。老爺不在家。大相公因想翠眉娘。越牆而出。老爺奶奶着我追尋。出得門來。身邊並無錢鈔。好苦人也呵。似髡鉗季布。投張儉。忘命飄流客異鄉。方才聽得有人說。我相公爲張麗容趕上京去了。我也只得趕上去。〔合前下〕

## 第十七齣 追逐飛航

〔縷縷金〕〔淨扮樵夫上〕擔柴擔。轉山灣。更往長街上賣銅錢。沽買三杯酒。且容

消遣。〔生急上〕饒伊走上炤魔天。騰雲也追趕。此間已是官馬頭。怎麼不見些動靜。前面有個挑柴的。問他一聲。老官。可見張麗容麼。〔淨〕山裏紅沒有。〔生〕原來是耳聾的。〔高聲介〕你見翠眉娘麼。〔淨〕大尾羊在山上。〔生〕是個小娘。〔淨〕小羊。大羊生的是小羊了。〔生〕不是。〔淨〕北寺在蘇州。〔生〕問你打從那里來。〔淨〕我是沿河來的。〔生〕你可見兩隻大官船麼。〔淨〕五月端午的蝦蟆曬乾了。便是乾蟾。〔生〕我問你是兩隻大座船。會過去麼。〔淨〕座船過去了。〔生〕過去多少路了。〔淨〕過去有兩站路了。〔生〕老官。起動你指引。陪我去一去。〔淨〕相公。一日不趁。一日不活。我老人家要打柴。沒有閒工夫。〔生〕我有銀子謝你。〔淨〕和尚得錢經也賣。你拿銀子來看。〔生與銀介淨〕這等眠倒來。待我挑你去。〔生〕這反不便。只要你指引便了。〔合〕饒伊走上炤魔天。騰雲也追趕。〔下〕

〔前腔〕〔丑賣糖挑擔上〕挑糖擔。到街前。生意雖微細。嘴兒甜。慣哄兒童輩。銅錢來換。賣糖賣糖。〔淨生忙上〕饒伊走上炤魔天。騰雲也追趕。〔生淨忙行與丑相撞打番糖擔

生被丑紐住介淨〕劈開生死路。跳出是非門。〔先下丑〕怎麼將我糖擔踢番了。要賠我的來。〔末

上〕閒坐草堂觀史策。門前因甚鬧聲喧。呀。這是李公子。因何在此。〔丑〕公公。我在此賣糖。將我糖擔一脚都踢番了。小本經紀。教我如何折得起。〔末〕小哥不要囉唆。這是李都憲公子。待他賠你些銀子罷了。〔生〕老丈。小生願賠。這銀三錢重。你可將去。〔丑〕不穀不穀。〔末〕小哥罷了。〔丑〕蒙公公分付。只得罷了。正是得放手時須放手。得饒人處且饒人。〔下生〕老丈多謝了。〔末〕公子。請到舍下獻茶。〔生〕老丈。小生有些小事來此。告辭了。〔末〕公子。老夫有一句話。請問公子。〔生作忙欲行介〕老丈有話就說。小生要行了。〔末扯住介〕公子且從容。前者舍親爲些小事在本縣。欲求令尊老先生與縣主講一講。舍親曾備薄禮奉上。緣何這兩日不見回音。〔生〕這事小生實不知道。但老父平日足跡不入公門。恐不得如命。小生告行了。〔末又扯住介〕不然。公子令尊大人想是作難。若是禮薄。待老夫對舍親說。再加厚些。求公子在令尊面前鼎言一二。〔生〕老丈。小生實不敢相瞞。有個朋友在前面。候小生說話。小生去一去。就來請教。〔末扯生生推倒末急行下末〕你看後生家這等性急。將老夫推倒。竟跑去了。且回家去罷。正是閉門不管窗前月。一任梅花自主張。〔下生上〕一心忙似箭。兩脚走如飛。正是要緊之際。被這老頭兒絮絮叨叨。又阻了一會。呀。天色將晚。怎生是好。

〔北新水令〕烏啼霜滿小春天。逐東風去心如箭。成灰心未死。痛血淚先斑。有恨難傳。有恨難傳。百忙裏搵不住。潛潛淚眼。〔下〕

〔南步步嬌〕〔二旦侍女隨旦上〕輕舟遠送珠千點。印溼香羅茜。無語淚偷彈。黛蹙蛾眉。肌鬆金釧。想起舊姻緣。須知藕斷絲難斷。〔下〕

〔北折桂令〕〔生上〕戰篤速舉步難前。力軟筋疲。襪綻鞋穿。恨殺我孔雀屏懸。芙蓉帳冷。翡翠衾單。受了些似羊腸山遙水遠。經了些沒早晚露宿風餐。纔過了淮安。又早桃源。本待要寫衷腸倩鴻雁傳情。怎能反天風去挽雲驂。〔下〕

〔南江兒水〕〔二旦上〕還夢星前願。猶疑枕畔言。咭叮咚可惜冰絃斷。路迢迢阻隔關山遠。急煎煎打散鴛鴦伴。空透靈犀一點。似雲裏風箏斷。卻一條長線。

〔下〕

〔北雁兒落〕〔生上〕我爲你違義方椿與萱。我爲你絕苦口親和眷。我爲你厭珍羞怕待沾。我爲你聖賢書無心看。我爲你茅店內和衣睡。我爲你渡溪頭忘



水漩。一路問來。此間徐州了。且喜此處埠頭多有生口。那趕脚的牽驢兒來。〔丑上〕客官要驢兒往那里去。〔生〕我要趕鐵木兒座船。你可見過去麼。〔丑〕鐵木兒是兩隻大座船麼。〔生〕正是。〔丑〕若是差兩日路了。〔生〕你既看見過去。船中可見什麼人麼。〔丑〕不見什麼。只見船艙裏面有個婦人聲音。不知唱曲兒。也不知是哭。又聽得只顧叫道局長局長。〔生〕呀可憐呵。這分明叫我玉郎了。掌鞭的可將快蹇驢趕上去。重重謝你。〔丑〕要一兩銀子。〔生〕就是一兩。〔上驢介〕趁侵晨跨上寶雕鞍。急煎煎攬轡更加鞭。〔丑〕慢行些。〔生〕你道是蹇驢行須慢。怎知我熱心腸不放寬。加鞭趕上了翠眉娘重相見。傳也麼言。願贈你揚州十萬錢。〔下〕

〔南僥僥令〕〔三旦上〕魚沈還雁杳。月缺與花殘。兩地相思相牽絆。辜負了美前程寄錦箋。〔下〕

〔北收江南〕〔生丑上〕呀。早知道這般樣拆散呵。到不如不遇嬋娟。到做了伯勞東去燕西飛。愁看那孤雁唳霞天。〔丑扯住介〕下驢來。打壞了驢兒。將什麼去趁錢。〔生〕驢兒不快。〔丑〕官人心急馬行遲。〔生〕前面甚麼山。〔丑〕是望夫山。〔生〕妻。你不知望我否。〔丑〕相公

將銀子來。我買料與驢兒喫。送你過山。〔生〕也罷。這一兩銀子。你可收下。〔丑接銀上驢跑下生〕呀。趕脚的。你可轉來。被他哄了去。望夫山可憐。又不敢高聲啼哭。怕聞猿。〔下〕

〔南園林好〕〔三旦上〕你緣慳。奴身命蹇。離恨天玄而又玄。我欲向金山題怨。悲檻鳳。奈囚鸞。悲檻鳳。奈囚鸞。〔下〕

〔北沽美酒〕〔生上〕金雀屏各一天。玉簪折分兩邊。合浦珠飛甚日還。豐城劍老燕山。師曠鏡墮深淵。正好行路。不覺天色昏黑。呀不好了。一陣狂風驟雨來了。如何是好。前

不巴村。後不着店。只得冒雨而走。走金蛇幾行掣電。迅雷轟驚翻幕燕。雨滂沱亂飛。銀練意愴惶神疲力倦。我呵又黃昏黯然。見柴門吐烟。風又大雨又緊。其實一步也走不得了。呀。試試敲門。且投宿店。店主人有麼。〔丑上〕釀成春夏秋冬酒。醉倒東西南北人。那一個。〔生〕投宿的。〔丑〕這等大雨。傘也沒有。渾身都打溼了。請裏面坐。〔生入介〕夜飯整治些來喫。衣服與我烘一烘乾。明日五更。便要起身。〔丑〕知道了。〔下生〕妻。教我怎生睡得着。

〔清江引〕試將薄粥充饑噉。無奈精神倦。揉殘茉莉香。拆散鴛鴦伴。只落得伴

孤燈紅泪眼。

乍得相逢結好盟。

相逢又早別離深。

相思相見知何日。

此時此夜難爲情。

### 第十八齣 得寵遭妬

〔夜游朝〕〔淨上〕位正朝綱。官居宰相。四時變理陰陽。赫赫威名。巖巖氣象。首出百僚之上。下官元朝左相伯顏是也。爲天子之股肱。作朝廷之耳目。奉我者無功亦賞。抗我者有績必誅。叫左右的。大小事情卽來通報。〔雜應聲介〕

〔前腔〕〔末上〕未上封章。先投宰相。獻紅顏叨沐恩光。〔見雜介〕長官。俺是鎮守蘇松

統制阿魯台差參將鐵木兒。求見丞相爺。煩乞通報。聊具白金二十兩。乞笑留。〔雜〕可見得麼。〔末〕不妨。見得的。〔雜〕稟老爺。蘇松統制差鐵木兒求見。〔淨〕令他進來。〔末〕鐵木兒叩爺頭。〔淨〕你是阿魯台差來的。〔末〕是。〔淨〕你那本官屢報虛功。外邦尙未臣服。差你來何幹。〔末〕俺本官久失修敬。聊具珍珠一斗。美女一人。少申犬馬。〔淨〕珍珠彩段。不足爲奇。若有美人。令進來。〔末〕美人可來。

〔旦上〕紫府潭潭。朱門兩兩。天下人民共仰。〔末〕美人小心相見。〔旦〕張麗容叩頭。  
〔淨〕美人擡頭。〔旦擡頭介淨笑介〕妙妙。天姿國色。絕世無雙。鐵木兒。你那本官如此用心。封侯進  
爵。指日可望。還有甚麼話講。

〔瑣窗郎〕〔末〕仗天恩坐鎮松江。四國諸侯盡納降。遣來飛捷奏上金章。涓埃  
未報。中心鞅掌。獻佳人聊供歌唱。〔合〕美妝。天姿國色果無雙。祇應疊被鋪牀。  
〔前腔〕〔淨〕我堂堂畫棟雕梁。只少金釵十二行。喜娉婷到此滿室生香。瓊瑤  
投我。豈尋常佳貺。貯金屋謾同歌唱。〔合〕美妝。天姿國色果無雙。令人如醉如  
狂。〔內云〕聖旨下。〔小生持節上〕聖旨已到。跪聽宣讀。詔曰。丞相伯顏所進番僧。教演宮女已熟。朕在  
便殿。詔丞相同觀。謝恩。〔淨〕萬歲。叫那松江來的官兒。明日領書。叫侍兒將新娘送在夫人處。〔應  
介淨〕君命召。不俟駕而行。〔下〕

〔前腔〕〔丑夫人貼隨上〕享榮華高坐中堂。何處飛來惡禍殃。侍兒。我聞得蘇松統制  
進甚麼美人。說道甚是標致。〔貼〕夫人。美人叫做張麗容。果然生得十分標致。〔丑〕呀。我看他春山

淡掃秋水橫波。腰肢擺動。香浮遍體。兩脚行來。蓮生滿地。我見猶憐。況老奴乎。看他溫柔體態。旖旎輕揚。一似太真容貌。西施模樣。怎交他相親相傍。〔合〕美妝。天姿國色。果無雙。〔作揉腹介〕令人頻壓酸漿。〔旦〕夫人。張麗容磕頭。〔丑作怒介〕哇賤人。這裏不是你佇立之所。叫侍兒。可趕他廚房中去。〔貼應介旦先下丑〕事不三思。終有後悔。留那婦人在此。必定奪我之寵愛。如何處之。〔貼〕便是。夫人可尋思一計。擺布他纔好。〔丑〕有了。如今花花宮主招贅兀都駙馬。我連夜寫下表章。將他獻與太后。伏侍宮主。絕了禍根。豈非兩得其便。好計好計。

計就月中擒玉兔。

謀成日裏捉金烏。

### 第十九齣 探音獲實

〔駐馬聽〕〔生上〕奔走神京。只爲佳人張麗容。一任登山涉嶺。冒雨衝風。露宿霜征。紅顏斷送入朱門。書生空想團圓慶。小生一路趕來。盤纏衣服盡行用去。又打聽得張麗容送入伯顏丞相府中去了。只得不避艱險。到他府門前去打聽消息。來到此間。受盡艱辛。侯門如海。教我向誰詢問。

〔前腔〕〔淨執事隨上〕朝罷宮廷。妙舞清歌總出羣。真個是鸞形曲折。燕影蹁躚。響落梁塵。微臣何幸得躬承。頓教人意馬心猿引。我知道了。幸有新進娉婷。準備着偎香倚玉。洞房歡慶。〔生闖導介淨〕什麼人闖我的導。拿進來。〔衆應拿介淨〕你怎麼在我府門前探望竊窺。復衝我的節鉞。你敢是個奸細麼。〔生跪介〕念小生雲間世族。偶寄跡于京華。丞相天上台星。望垂慈于草芥。〔淨〕聽汝之言。綽有儒風。那里人氏。叫甚名字。

〔祝英臺〕〔生〕住雲間。李彥直。鬢序一儒生。〔淨〕松江人了。可有父母麼。〔生〕父列縉。紳。恪守官箴。〔淨〕做甚麼官。〔生〕當年侍御皇廷。〔淨〕既是宦家。起來作揖。〔生〕不敢。〔淨〕宦家子弟。爲何你狼狽至此。〔生〕愚蒙。只因遊學京師。命蹇難圖。僥倖阿魯台所進張麗容。與小生有中表之親。昨敝鄉人來說。已送在府中。故此小生特來探信。又誰知誤犯台顏。望行寬縱。

〔前腔〕〔淨〕慚悚。卻原來葛瓜之親。錯認是飄蓬。看英姿美容。瀟灑風流。多應是未遇蛟龍。須加功奮志芸窗。擬作皇家梁棟。自今日拔起泥途。你且免冲冲。

〔生〕謝丞相不罪之恩。〔淨〕令妹到此。尙無親人。旣爲中表。相見何妨。〔生〕小生到此。正圖一面。蒙丞相不疑。足切大度。〔淨〕何疑之有。命侍兒請新娘出來。〔雜應介丑扮侍女上〕聽得擊雲板。將人駭破膽。來到老爺前。不敢還不敢。侍兒磕頭。〔淨〕侍兒請新娘出來。見了他表兄。〔丑〕新娘新娘。說起話長。昨朝一到拜中堂。夫人見他十分美貌。果然絕世無雙。猶恐奪了寵幸。連夜寫下表章。將他獻與太后。伏侍宮主。招贅才郎。表兄不勞相見。老爺免得思量。〔淨〕唵去罷。〔丑下淨〕氣死我也。張麗容獻與我的。怎麼進與太后去了。氣死我也。李生。你遠來到此。令妹又不能相見。如何是好。也罷。科場已近。你可在此攻書。老夫有處。〔生〕多謝丞相大恩。〔淨〕叫院子。你可送李相公到相國寺中看書。分付寺僧教他好好看待。薪水之資。我這一應送去。〔雜應介〕

可惜美嬌姿。

堪嗔嫉妬妻。

情知不是伴。

事急且相隨。

第二十齣 麗容習禮

〔神仗兒〕〔二旦扮宮女衆內臣小生捧詔上〕宮娥紛隊。宮娥紛隊。蓬瀛難賽。滿日天

香靄耳聽仙音一派。商律奏八音諧。商律奏八音諧。〔丑迎接介小生〕王太后旨下。伯顏夫人苗氏所進宮人張麗容等。恐未諳禮儀。着盈繡宮教演精熟。待宮主娘娘大婚之日選用。謝恩。〔丑謝介〕

〔前腔〕天花散彩。天花散彩。皇恩寵賚。身沐恩光大。自媿裙釵女孩。趨玉步下金階。趨玉步下金階。〔下〕

第二十一齣 主僕相逢

〔金蕉葉〕〔生上〕奈何奈何。我嬌妻在宮中怎麼。想前生冤家債多。致今生無福消他。無雙何意入唐朝。仙客難尋續命膠。安得押衙重在世。皇宣套寫賺多嬌。小生自那日起上京來。指望與麗容近船一見。誰想先獻與伯顏丞相去了。及去府中探親。假託中表。幸伯顏終係胡人。信而不疑。卽許相見。誰想機會難逢。又被夫人所忌。進入皇宮。蒙丞相送我。在寺中看書。你看好大雪也。正是漫揭心經因遣悶。懶拈雪句爲懷人。〔末老僧上〕掃地恐傷螻蟻命。愛惜飛蛾紗罩燈。相公稽首。〔生〕長老拜揖。〔末〕相公在此。甚是有慢。多罪多罪。〔生〕小生無故受你供養。何以克



當〔末〕相公在此客邊。甚有不樂之容。今聖上有一花花宮主。招兀都駙馬。迎送嫁妝於金亭館驛。街上士庶紛紛。相公何不出去看一看。散悶何如。〔生〕有這等事。小生一定要出去看一看。〔末〕待貧僧奉陪如何。〔生〕雪天不勞禪步。〔末〕既如此。貧僧煮茗奉候。〔下生〕適才長老說聖上招兀都駙馬。迎送嫁妝於金亭館驛。想張麗容或者天可憐見。也在數內。邂逅相逢。亦未可知。出得寺門。好大雪也。

〔憶鶯兒〕風一窩。雲四合。迷失青山綠樹多。唯有寒鴉棲古木。瓊鋪棘駝。瑤堆鳳閣。琉璃殿上銀妝裹。〔合〕欲見宮娥。去金亭館驛。天意肯從麼。〔下〕

〔前腔〕〔丑軍士上〕風似梭。雪又磨。堪嘆窮途沒奈何。爲逐恩東遭坎坷。喜來帝都。無計可圖。假妝一個操軍做。〔合〕去擺圍戈。倘然邂逅。主僕笑呵呵。小人司書是也。只爲大相公追趕張麗容。不知去向。老爺奶奶放心不下。着我追尋。我直趕到京。無處尋問。在此日久。盤纏使盡。欠下店主人銀飯無處。店主人是個操軍。今日花花宮主招贅兀都駙馬。我替他在此應名擺圍。你看士庶紛紛。俱來看送嫁妝。或者我大相公也出來觀看。天使相逢。未可知也。

〔行介生上〕欲見宮娥。去金亭館驛。天意肯從麼。〔丑撞生介〕呀。那來的正是我大相公。〔相見丑拜介〕

〔哭相思〕萍水相逢恩主。教人對面歡悲。〔生〕司書。你怎麼也到這裏。〔丑〕自從大相公出來之後。老爺奶奶放心不下。着我追尋大相公。一路趕來。誰想直到此間相會。〔生〕咳。老爺奶奶好麼。〔丑〕都好。請問大相公在那里安歇。〔生〕司書。自從到京之日。即便託做張麗容家中表姊妹。投入丞相府中。以圖一見。誰想丞相夫人不容。隨將麗容進上太后宮中去了。以此不得相見。蒙丞相恩顧。送在相國寺中看書。〔丑〕咳。大相公。你也喫盡苦了。

〔憶多嬌〕〔生〕我遭折磨。受奔波。畫餅姻緣空泪沱。風景淒涼感慨多。〔合〕無限狂圖。無限狂圖。怎遂詩吟蓼莪。〔生〕司書。你既來尋我。緣何這等打扮。〔丑〕只因宮主迎送妝奩。我店主人是個操軍。我欠他飯錢。轉央我來應名。以此這般打扮。〔生〕元來如此。我亦聞得太后娘娘點四十宮人從嫁。我想張麗容或在數內。也未可知。明晚定宿在金亭館驛。我和你都妝做軍卒。渾入其內。若得一見。死也甘心。〔丑〕大相公。這也不難。就穿了我的衣服。待小人再去頂替一

名便了。

〔鬪黑麻〕〔生〕卸下儒冠。把青氍帶着穿上戎衣。把藍袍換卻。喬打扮他怎知覺。變影移形。又恐他行見錯。〔合〕官家勢惡。令人傾岱岳。總使覲面相逢。覲面相逢。祇應偷睛看他。

喬妝軍士混戎衣。

不許傍人識妙機。

雪隱鷺鷥飛始見。

柳藏鸚鵡語方知。

### 第二十二齣 驛亭奇遇

〔香柳娘〕〔衆扮內臣二旦扮宮女上〕喜身承帝光。喜身承帝光。一生歡暢。身穿五彩團花蟒。羨皇家瑞祥。羨皇家瑞祥。公主出椒房。宮人伴隨唱。〔合〕送香奩嫁裝。送香奩嫁裝。滿朝賀章。萬民瞻仰。〔下〕

〔前腔〕〔生丑上〕效軍家扮妝。效軍家扮妝。非同博浪。只爲一宵恩意情難放。混軍中執斨。混軍中執斨。不見翠眉娘。偷睛轉凝望。〔合〕若相逢俊龐。若相逢俊

龐兩兩變鴛鴦。雙雙飛上。〔生丑擺列介〕

〔前腔〕〔衆宮女上〕出龍樓鳳牆。出龍樓鳳牆。香輿車仗。〔衆下旦弔白〕前面那擺圍的

軍士好像玉郎。軍人儼似他模樣。待我喚他一聲。玉郎。〔生應介〕翠娘。〔旦〕低聲喚玉郎。

〔生〕低聲喚翠娘。〔旦〕天那。對面怎相親。〔衆〕快趕上去。怎麼一人失落後邊。〔旦〕裙褪

遲遲上。〔合〕送香奩嫁裝。送香奩嫁裝。滿朝賀章。萬民瞻仰。〔下〕

〔前腔〕〔生〕聽聲聲耳廂。聽聲聲耳廂。有言說向眼前。隔斷如山嶂。分明似喚

郎。分明似喚郎。留下粉脂香。音容竟何往。〔合〕若相逢俊龐。若相逢俊龐。兩兩

變鴛鴦。雙雙飛上。〔下〕

〔前腔〕〔衆上〕看街衢路長。看街衢路長。盡垂絲帳。寶珍堆積光芒亮。那金珠

滿廂。那金珠滿廂。富貴果無雙。須知福緣長。〔合〕送香奩嫁裝。送香奩嫁裝。滿

朝賀章。萬民瞻仰。〔衆到驛擺開介〕〔內臣俱下〕三旦生丑分內外弔場。

〔前腔〕〔生〕正軍中令張。正軍中令張。分明說向羽林甲士。勒遮擋。既通音在

畫牆。既通音在畫牆。欲待往東廊。還疑在西向。〔合〕若相逢俊龐。若相逢俊龐。兩兩變鴛鴦。雙雙飛上。

〔前腔〕〔旦〕正沈沈夜央。正沈沈夜央。更傳三三棒。你看衆人。心上無事。就睡着了。我有一腔春恨。誰說向。方才路傍軍人。分明是李玉郎妝做的。若果然。料他必在牆外。打聽奴家消息。我亦不免私出堂外。試探動靜。且看衆人。睡了未曾。姐姐。姐姐。呀。他們都睡着了。〔走出介〕試輕

移下堂。試輕移下堂。悄立向階傍。牆邊去探訪。已到牆邊。不免咳嗽一聲。且低將嗽揚。且低將嗽揚。〔生接嗽介旦〕你聽這聲音。儼是玉郎。我欲喚他。猶恐人知。不當穩便。我只叫霞箋詩便了。〔叫介〕霞箋詩安在。〔生〕李玉郎佩帶在此。〔旦〕天那。廝喚相呼。轉添悒悒。〔生

丑作扳牆譚介〕

〔前腔〕〔生〕嗽聲兒過牆。嗽聲兒過牆。鶯梭輕樣。難禁血淚拋紅浪。聞你在鐵木兒船上。我一路趕來。隨到丞相府中尋問。不想把你又獻入宮中去了。你休教痛傷。你休教痛傷。你既在駙馬府中。後日倘有機會。訴出你衷腸。終須脫羅網。〔旦〕前日那霞箋詩。于今

可在這裏麼。〔生〕這霞箋一紙。這霞箋一紙。且收入錦囊。免教惆悵。〔將霞箋丟入介旦拾介〕呀。

〔前腔〕見霞箋斷腸。見霞箋斷腸。血詩題上。一封又見從天降。待我映雪看來。人生離合係于天。切莫將身赴九泉。似此兩情金與石。今生應擬續前緣。天那。此是和奴家前日舟中之韻。似當初繡窗。似當初繡窗。兩地和詩章。到今日呵。爭如隔天樣。玉郎。你既爲我來到京中。今當大比之年。君當努力。願登榮虎榜。願登榮虎榜。你早上封章。姻親可望。〔衆扮軍士生丑譚下衆宮女弔場〕

〔前腔〕聽蓮籌漸長。聽蓮籌漸長。五更時傍。階前已聽金雞唱。見瞳瞳曉窗。見瞳瞳曉窗。紅日上扶桑。東方已明亮。張家姐姐。天明了。快起來梳洗。同進駙馬府中去。〔旦起介衆〕快梳雲理妝。快梳雲理妝。這般風流俏娘。果然堪賞。〔下〕

第二十二齣 駙馬聯姻

〔外扮贊禮官上〕淡月疎星遶建章。仙風吹下御爐香。侍臣鵠立通明殿。一朵紅雲捧玉皇。下官禮

部贊禮官是也。今日花花宮主招兀都駙馬成親。公主在金亭館驛。道猶未了。駙馬早到。

〔惜奴嬌〕〔衆鼓吹迎小生上〕玉洞金池。喜親迎天女。成就婚期。香車內妝點許多珍異。希奇。曉日初昇。樓臺聳處。紅雲端裏琉璃翠。嘆人生倘若無緣。怎有這般遭際。禮官請公主升輿。

〔鬪寶蟾〕〔二旦扮宮女隨小旦上〕升輿拂拂香霏。〔外〕公主娘娘已升輿。請貴人垂簾。〔小生垂簾介〕把珠簾垂下。帶金拖地。羨紅披白象。又且紫駝乘馭。偏宜車前錦帶吹。馬前擁繡旗。看須臾。不覺的香塵亂滾。已到玉清宮裏。〔外〕請公主升座。請駙馬上前行君臣禮。〔小生拜介外〕君臣禮畢。請娘娘行夫婦禮。〔小生與小旦對拜外〕行禮已畢。宮人排花燭送歸洞房。

〔錦衣香〕〔衆合〕年正宜。時方利。月建輝。日無忌。從此諧和團圓到底。象牙牀上捧金盃。雙雙合盞。共效于飛。似廣寒宮裏。把嫦娥謫來人世。一對天緣美。已成姻契。鸞顛鳳倒。如魚得水。

〔尾〕洞房佳趣真無比。神女襄王入繡闈。任取冰輪掛柳西。

玉清宮裏喜相逢。

魚水和諧樂正濃。

今夕牛郎逢織女。

明年王母產金童。

第二十四齣 春闈首選

考試隨做

第二十五齣 訴情得喜

〔臨江仙〕〔小旦上〕春眠不覺東方曉。畫眉人來返天朝。羞傍妝臺整玉容。翠翹浮動

寶玲瓏。羅裙半濺瀟湘水。金線斜牽太液風。奴家花花宮主。自從下嫁兀都駙馬。且喜調和琴瑟。並

美鼓鐘。侍兒們取過香奩。待我謾施膏沐。〔老旦扮侍女上應介〕

〔二郎神〕〔小旦〕春睡起。漸怯怯香肌褪臉桃。妝樓外一樹垂絲籠霧裊。玉奴

頻笑。荼蘼忽報鴉嬌。聽窗外流鶯聲喚巧。倦梳洗懶將鸞照。琴瑟好。閒卻青螺。

留倩郎描。喚張麗容與我點鬢。〔老旦喚介〕



〔轉林鶯〕〔旦上〕聞呼弱質點翠翹。教人眉皺心焦。嘆愁容妝不出歡容笑。到妝前若問根苗。這衷腸怎剖。還須要懇求哀告。張麗容磕頭。娘娘千歲。〔小旦〕起來。與我點鬢。〔旦掠鬢介〕潤香膏。將翠鈿貼上。〔跌掠兒介〕呀。不覺跌損掠兒稍。〔跪介小旦〕這賤婢。我看你每日雙眉鎖翠。兩目流霞。倘不盡心實訴。難逃玉碎珠沈。有何冤枉。從實說來。〔旦〕奴婢蒙娘娘另眼看待。實有冤苦在心。今日蒙娘娘垂問。料想終難隱藏。我這一腔幽恨離愁。就奏與娘娘知道。娘娘恕奴婢萬死。〔小旦〕說上來。

〔集賢賓〕〔旦〕麗容自愧年幼小。遭逢恨落塵囂。故把瑤琴作鳳操。〔小旦〕你可曾有丈夫麼。〔旦〕原自有舊家京兆。〔小旦〕你既有丈夫。爲何伯顏夫人又將你獻與太后。〔旦〕只爲阿魯台以千金購奴。轉獻與伯顏丞相。那夫人見賤婢有些顏色呵。心煩意惱。把奴家計獻當朝。〔小旦〕原來如此。你丈夫何方人氏。姓甚名誰。〔旦〕我丈夫姓李名彥直。松江人也。他知賤婢進京。聞知他也進京來了。聽奴告。李彥直他也在京尋討。

〔皂羅袍犯〕〔小生衆扮內臣隨上〕爭羨狀元榮耀。喜青年俊雅。學廣才高。退朝未

許卸宮袍。歸來且看如花貌。〔見介小生〕可曾進膳麼。〔老旦〕進膳過了。〔小生〕可曾畫眉。〔小旦〕還未。〔小生〕取筆硯過來。〔老旦值小生畫眉介〕敢辭勞。輕將粉黛新月一鉤描。  
這是張麗容。爲何跪在此。〔小旦〕駙馬。那張麗容呵。

〔黃鶯兒犯〕原是楚館一妖嬈。轉歌喉。番舞腰。桃開引得漁郎到。爲阿魯台禍招。伯顏妻妬梟。兩夫妻拆散相思調。看他輕輕眉黛。盈盈淚拋。脂憔粉悴。愁多思勞。可憐誤了人年少。〔小生〕你丈夫何方人氏。姓甚名誰。〔旦〕我丈夫姓李名彥直。松江人氏。〔小生〕李彥直。有這等事。張麗容。你且起來。公主。下官早朝時分呵。

〔貓兒墜犯〕見臚傳金殿。獨把狀元標。乃是松江一俊髦。年方弱冠。貌英豪。胸藏星斗文章飽。公主。那狀元你道甚麼名字。就叫做李彥直。也是松江人氏。張麗容。你且過來。那李狀元莫非是你舊交。如果是呵。這相逢古今罕少。

〔川撥棹〕〔旦〕聽言道。頓教人愁暗消。我丈夫雖上雲霄。雖上雲霄。怕人心尺水丈濤。誰引牽牛渡鵲橋。〔小生〕我引牽牛渡鵲橋。張麗容。你當初與李彥直分散之時。

曾有一物作證驗否。〔旦〕有紅樓當日鎖花鈿。分付新詞結舊緣。無奈幽芳閉深谷。懷中剩有此霞箋。〔小生〕既有霞箋。取上來。〔旦〕應介小生看介。好好寫作俱好。胸藏錦繡出天然。果是龍蛇競筆端。張麗容。我今宛轉與你成佳配。這回端的好姻緣。〔旦〕謝爺千歲。

〔尾聲〕〔小生〕霞箋一幅新詩調。真個供成風月招。肯把紅顏沒下稍。

古來好事定多磨。

今日應須喜氣多。

權把霞箋當紅葉。

管教織女渡銀河。

### 第二十六齣 得箋窺認

〔賀聖朝〕〔生上〕白面書生掛綠。青年才子腰黃。〔末上〕翰林聲價豈尋常。題雁

塔姓名香。〔見介末〕狀元君爲諸士首。我作探花郎。致君原有略。匡國豈無方。〔生〕風流李彥直。才

華趙子昂。翰林同註選。四海共揚芳。〔末〕年兄。我等幸擢巍科。同沾雨露。前日已謁過丞相。今日須

往駙馬府中一拜。小弟昨日畫得一幅白頭榮貴之圖。敢勞年兄題詠。不知允否。〔生〕年兄所作甚

佳。小弟勉吟在上。只是狗尾續貂。未免蠅污白璧。愧赧愧赧。〔末〕年兄太謙了。禮儀備下。請同行。

〔合〕轉過綠水紅橋。便是青樓朱戶。報進去。〔報介院子應介〕

〔前腔〕〔小生上〕何幸身叨國戚。果然鳳友鸞行。〔見介生末〕駙馬請上。學生等有一拜。

〔小生〕二公請上。學生有一拜。〔生〕一介守寒廬。深荷提攜。日華當伴滾龍衣。〔小生〕門徑春來青草綠。幸屈高車。〔末〕聖世有唐虞。何幸如之。龍孫鳳種得常依。拜遲了。〔小生〕不敢。〔生末〕看禮單。薄禮奉充贊敬。〔小生〕太多了。多謝。〔末〕學生燈下染成白頭榮貴圖。一幅奉上。聊供清玩。伏乞笑留。〔小生〕學生聞子昂一筆。價值千金。又是狀元題詠。此乃無價之寶了。多謝多謝。〔生末〕拙筆何勞過獎。〔小生〕學生最愛者文人墨士佳作。近日得一幅霞箋。但不知何人所題。乞二公一觀。〔生〕乞求一觀。〔送接介〕

〔太師引〕〔生〕見霞箋使我心驚恍。這些三時交人忖量。多管是故來相弄。想名花已入東牆。〔背介〕妻。又恐你把衷情說向。我與你同在駙馬府中呵。咫尺天淵有如千丈。相思帳由他主張。須道樂昌分鏡合徐郎。

〔前腔〕〔小生〕這是古霞箋真堪賞。題寫着詩詞幾行。未審是何人吟唱。看將起

來。此乃和韻。還有前詠一幅。知是失在何方。想人物終須無恙。〔生悲介小生〕斯文會  
因何慘傷。須知道樂昌如夢合陳王。〔生〕駙馬。此箋學生欲假去細玩一番。可使得麼。〔小  
生〕狀元。有何不可。只是要還。〔生末〕告辭了。〔小生〕還有魯酒一杯。清話一餉。看酒。喚女樂簾下  
供唱。〔衆介〕

〔皂角兒〕〔三旦丑扮宮女上〕歌數聲音韻悠揚。奏一派管絃嘹亮。整纖腰舞袖襜  
褕。倒金樽勸酬佳釀。還須是遏行雲。歌白苧。逞歌喉。番麗曲。調轉新腔。〔合〕韶  
光正芳。清樂未央。管甚麼日歸東嶺。月映西廊。

〔前腔〕〔生出席介〕遙望見紅裙豔妝。分明是那入模樣。隔珠簾偷覷容光。還隔  
着幾重山嶂。若得他放白鷗。開鸚鵡。劈雕籠。收絲網。再配鴛鴦。〔合〕心中慘傷。  
低聲怕揚。似天河隔斷牛女。對面參商。

〔前腔〕〔旦〕細把他儀容比方。再將他行藏酌量。帶烏紗相貌堂堂。已定是那  
人行狀。只恐他步雲梯。登月殿。上龍樓。題虎榜。不念舊日鸞鳳。〔合前小生〕宮人回

避〔旦衆下生末〕多謝美情。生等告辭了。〔小生〕有慢。〔生末下〕

〔尾聲〕〔小生弔場〕一場好事從天降。趙璧隋珠無恙。把兩地風情我一擔當。分

付內使。可辦妝奩。明日送張麗容到狀元寓所成親。〔雜應介〕

今朝盃酒見衷腸。

兩地新詩結鳳凰。

風靜始知蟬在樹。

燈殘方見月臨窗。

## 第二十七齣 霞箋重會

〔淨內使上〕夫妻本是前生定。曾向蟠桃會裏來。自家奉駙馬爺命。送張麗容到狀元寓所成親。此間已是報進去。〔雜報介〕

〔臨江仙〕〔生上〕銀盞燈花報喜。靈鵲噪繞簷頭。〔相見介淨〕狀元恭喜賀喜。奉駙馬爺

命。多多拜上狀元。昨日見狀元認了霞箋。卽欲將尊闌就席間相見。奈何諸客在席。恐涉不雅。今備妝奩之資三千貫。特着咱們送與狀元完聚。〔生〕多謝駙馬厚恩。尙容踵門拜謝。〔淨辭下衆迎旦

上拜介生打發衆下生〕妻呵。記得會景樓。霞箋詩句佳。〔旦〕願言托君懷。分開天一涯。〔生〕似鳥

驚松蘿。如魚沈荷花。〔旦〕今朝諧舊好。豔妝還若耶。〔丑〕老爺奶奶。司書磕頭。〔生日〕司書起來。〔丑譚介〕

〔啄木兒〕〔生〕記當年跨玉驄。邂逅相逢詩句通。情正愜魚水和同。鶯鶯飛分散西東。似金針落海波濤湧。怕今生難作鴛鴦塚。只落得淚眼絲絲血染紅。〔畫眉序〕〔旦〕薄命嘆飛蓬。隔關山雲樹叢。苦花枝無主。一任東風。獻侯門受盡磨礱。侍椒房荷蒙珍重。喜今再得重歡會。歡會在畫錦堂中。

〔解二醒〕〔生〕記那日畫船風送。我恨不得插翅騰空。只道襄王空想陽臺夢。似南山鳥雌失雄。今朝墮把銀缸照。打破愁城幾萬重。〔合〕歡聲哄。願得個天長地久。同享皇封。

〔尾聲〕恣歡娛。勤摩弄。收拾起斷腸悲痛。猶恐相逢似夢中。司書。如今幸喜中了狀元。又喜得與夫人完聚。明日上表省親。我已修書一封在此。你可先到家中報喜。我們不日就起程了。〔丑〕司書曉得了。明日就先回去了。

今宵久旱逢甘雨。

況是他鄉遇故知。

重會洞房花燭夜。

果然金榜挂名時。

第二十八齣 養親辭歸

〔出隊子〕〔小生上〕南軒秋霽。寂寂悠然有所思。鳳臺有曲調聲奇。此曲悠揚知者希。皓齒丹脣響入雲涯。昨日送張麗容與李狀元完聚。聞知他乞恩養親。一則與他餞行。此間已是報進去。〔雜介〕

〔前腔〕〔生日上〕庭燕白露。歲候時更感客情。遠途策蹇可慚心。越鳥巢南歸故林。定省雙親。且辭別故人。〔相見介生〕愚夫婦正欲趨府拜謝大恩。反辱先施。慚愧慚愧。〔小

生〕恭喜恭喜。豐城之劍復合。關雎之詠再歌。但乏妝儀。愧赧愧赧。〔生〕駙馬說那里話。請受愚夫婦一拜。

〔前腔〕啣恩感德。感德啣恩銘在心。當圖結草報君恩。〔小生〕你何必拘拘致謝勤。〔生日〕破鏡重圓。天高海深。



〔前腔〕〔末上〕姻緣天分。才子佳人事偶成。況兼貴戚作冰人。如此奇逢世罕聞。特地相探。高歌渭城。〔衆報相見介末〕咳駙馬。你瞞得我好。這樣奇逢。怎麼不通我知道。〔小生〕其事雖美。其實安可對老先明言。

〔紅衫兒〕〔末〕狀元。我道你筵前因甚焦。暗地珠拋。卻原來鴛侶分飛。同心帶飄。〔生〕年兄。我爲奸人驟起波濤。〔向小生揖介〕感天孫駕橋。〔小生〕如此良緣。下官實出不知。是公主究出根苗。成就了百年契交。〔生〕公主大恩。不勝感戴。

〔二學士〕〔小生末〕公主金閨質自超。重文章慨賜英豪。一場好事收姻牘。五百名中姓字標。〔生〕二公。小弟呵。〔合〕念父母劬勞。年又老。辭金闕返故郊。〔小生末〕此事弟輩已知。有酒一杯。一則賀喜。一則餞行。〔生〕多謝了。

〔前腔〕〔小生末〕把酒慇懃送故交。不堪回首心搖。明朝又是孤舟別。今日清樽在渭橋。〔合〕車馬蕭蕭臨古道。愁絕處。泪暗拋。

別酒慇懃慷慨深。

未知何日再逢君。

勸君更盡一杯酒。

西出陽關無故人。

第二十九齣 司書報喜

〔三台令〕〔外上〕孩兒一去無音信。空使人心懷耿耿。〔老旦〕教人青眼懸懸望。夢魂常憶兒身。〔外〕夫人。自從孩兒去後。我已曾差司書尋訪。再無音信回來。爲此放心不下。〔老旦〕相公。老身日夜懸懸。想念甚切。奈何奈何。

〔傍妝臺〕〔合〕遊子未言旋。書幃冷落。蠹簡剩殘篇。望書香承我後。期胤美繼前賢。中郎有女還傳業。楊子無兒怎拜官。恨人隨花老。泪沾竹斑。何時報道返家園。

〔不是路〕〔丑上〕歸到雲間。叩首階前賀喜顏。老爺奶奶。司書磕頭賀喜。大相公中了狀元。蒙聖恩准賜馳驛回家省親。不日就到了。來投獻泥金。好把喜音傳。〔外〕心歡忭。幸得家童送錦箋。酬心願。古來積德門楣顯。試將書看。試將書看。〔拆書看介〕

〔一封書〕兒不孝萬千。離親闈臨帝輦。三獻策中狀元。賜宮袍彩色鮮。蒙駙馬

慇懃偕伉儷。送出宮人與兒結百年好姻緣。元是舊霞箋。不日還家謝罪愆。司  
書。大相公駙馬送甚麼宮人。〔丑〕老爺。就是向日會景樓上的話兒。〔外〕夫人。天下有這等奇事。

〔撲燈蛾〕兒曹喜榮顯。傳臚上金殿。及第狀元郎。宮花御酒榮賜也。奇逢異典。  
兀都駙馬贈紅顏。卻元來是舊時嬌豔。真堪羨。殘花再發月重圓。

〔尾聲〕恩沾御墨辭皇輦。得意傳臚畫錦旋。教人說會景樓中李狀元。

滿城桃李正年芳。

一舉成名四海揚。

不是一番寒徹骨。

怎得梅花分外香。

### 第二十齣 畫錦榮歸

〔菊花新〕〔生上〕承恩年少返家鄉。夫婦榮歸畫錦堂。〔旦上〕深沐綠衣郎。得遂  
終身之望。〔生〕夫人。幸喜恩賜馳驛回家省親。一路行來。離家已近。不免再趨行前去。〔衆介〕

〔朝元歌〕〔合〕長途短途。策馬都經過。深波淺波。棹艇都驚破。看取殘花飛堆  
江路。片片與人愁慕。別酒離歌。教人此時感慨多。別久信音疏。承歡返故都。雲

間在日。幸喜高標大擢。叫左右。此間已是我家下。報進去。〔衆介〕

〔海棠春〕〔外老旦上〕報道狀元回。頓覺心歡忭。〔相見介生〕爹爹母親請上。待孩兒媳婦

參拜。〔拜介〕日邊紅杏倚雲栽。奪得宮花壓帽回。〔衆〕姻緣本是前生定。曾向蟠桃會裏來。

〔山花子〕〔合〕錦堂開設繁華宴。堪佳骨肉團圓。占鰲頭名魁狀元。荷衣掛體鮮妍。〔合〕喜雙親童顏鶴顛。願遐齡壽算千年。龍孫鳳侶期滿前。松柏同榮。共樂堯天。

〔紅繡鞋〕記當初共擲霞箋。霞箋喜今日大家歡忭。歡忭一首詩結三生願。這奇遇古希傳。

〔尾聲〕一家齊荷君恩眷。願皇圖鞏固永綿綿。世際昇平設喜筵。

國正天心順。

官清民自安。

妻賢夫禍少。

子孝父心寬。

霞箋記終

精

忠





目錄

第一齣 提綱

第二齣 賞春

第三齣 猾虜

第四齣 應詔

第五齣 爭裁

第六齣 餞別

第七齣 驕虜

第八齣 勝敵

第九齣 臨湖

第十齣 叩馬

第十一齣 蠟書

第十二齣 班師

第十三齣 兆夢

第十四齣 說機

第十五齣 省母

第十六齣 掛冠

第十七齣 調勘

第十八齣 嚴刑

第十九齣 辭母

第二十齣 東窗

第二十一齣 赴難

第二十二齣 同盡

第二十三齣 中計



第二十四齣 憐主

第二十五齣 聞訃

第二十六齣 畢命

第二十七齣 應真

第二十八齣 誅心

第二十九齣 告奠

第三十齣 行刺

第三十一齣 伏闕

第三十二齣 天策

第三十三齣 同斃

第三十四齣 冥途

第三十五齣 表忠

精忠記 目錄

四一開明書店



# 精忠記

明姚茂良箸

## 第一齣 提綱

〔滿庭芳〕〔末上〕南渡功臣。中興良將。平金奮志驅兵。太師秦檜主和議。奸佞朝廷。屢詔班師。東窗下與夫人設計。陷害岳家父子。屈死非刑。更堪憐。墮井銀瓶。那秦丞相被冤魂迷弄。心疑忌。往靈隱去齋僧。遇葉守一從頭點化。報應甚分明。方顯忠良。讒佞。千古謾評論。

金兀朮突走三關。

葉守一揭出供案。

田思忠僞詔班師。

秦丞相東窗事犯。

## 第二齣 賞春

〔女冠子〕〔生上〕怒髮衝冠。丹心貫日。仰天懷抱激烈。功成汗馬。枕戈眠月。殺金酋伏首。駕長車踏破賀蘭山缺。空怨絕。待把山河重整。那時朝金闕。〔鷓鴣大〕

筆底龍蛇走篆蟲。胸中豪氣貫長虹。五車經史藏心腹。百萬貔貅掌握中。心膽壯。氣英雄。雲臺麟閣豈難逢。從今且養凌雲志。聽取春雷上九重。下官姓岳名飛。字鵬舉。本貫相州湯陰人也。自古建都之地。賢人隱跡之鄉。粵自夏河亶甲遷鼎于此。嗣後秦強楚霸定盟于茲。韓忠獻文武全才。杜正倫一門三秀。俗尙英雄之習。諳通詩禮之風。何幸吾身生長于此地。吾乃博通六藝。兼覽百家。學射周同。受制張俊。春秋褒貶。吾欲考其二百四十年之昭鑒。左傳名家。吾欲覈其一十六年之沿革。當今蠻夷猾夏。邊界驚惶。宋室南遷。二帝有蒙塵之恥。舉族北轅。諸臣無靖難之功。竭力事親。乃爲子職之本分。盡忠報國。實爲臣道之當然。若欲移孝爲忠。便可圖存匡復。飢餐胡虜肉。方稱吾心。渴飲月支血。始遂吾意。正是遇難獨當天。下事功成卻進手中籌。今日且喜天氣清明。對此春光。不免請夫人小姐。一同賞玩。多少是好。院子何在。〔末上〕翠竹珠簾映畫堂。氤氳風動玉爐香。滿園桃李爭春笑。唯有東君得主張。老爺有何鈞旨。〔生〕傳話後堂。請夫人小姐出來賞春。〔末〕領鈞旨。〔請介老旦小旦上〕

〔凌波仙子〕日長風靜重門掩。人意懶。捲珠簾。雙飛紫燕語呢喃。出門花似錦。

春意浩無邊。

〔衆相見介老旦〕相公呼喚妾身出來。有何事幹。〔生〕夫人。今日且喜天氣清明。下

官欲對此春光。同夫人玩賞。〔老旦〕既要賞春。何不喚岳雲張憲一同賞玩。〔生〕早上已差孩兒們往教場中演習人馬。故此不在。〔老旦〕既不在。女孩兒把盞。〔小旦〕將酒過來。

〔錦堂月〕麗日開晴。和風扇暖。春來景物偏奇。家國安寧。開筵正好歡會。邊庭上烽火無警。朝野內干戈橐戣。〔合〕今朝裏。幸喜豪傑崢嶸。際遇明時。

〔前腔〕〔老旦〕佳致。花柳芳菲。人生有幾。開懷暢飲休辭。怕綠鬢成絲。朱顏易改堪悲。當此際骨肉團圓。莫負卻韶光明媚。〔合前〕

〔前腔〕〔生〕欣遇。國祚雍熙。時和歲稔。居安豈可忘危。寶劍長磨。忠肝義膽誰敵。直待要掃蕩胡塵。方遂我平生豪氣。〔合前〕

〔前腔〕〔衆〕桃李。色映金卮。香生羅綺。花前鶯燕于飛。夫婦和諧。休誇琴瑟調。宜願百年奕葉傳芳。好兒孫箕裘相繼。〔合前〕

〔醉翁子〕〔生〕何須舞柘枝。歌翻金縷。靄和氣。一門長幼無虞。莫辭重整金罍。

盡醉方歸興有餘。〔合前〕

〔僥僥令〕〔衆〕輕風翻翠幙。瑞靄噴金猊。唯願三邊皆寧靜。四海樂昇平。全盛時。

〔尾聲〕花姿柳態皆春意。歌舞留人日。又西。沈醉後管絃聲細。

開筵對景正芳菲。

風送清香入酒卮。

自古算來皆是命。

不如快樂得便宜。

## 第二齣 猾虜

〔新水令〕〔淨上〕平生膽氣最剛強。敢把南朝壓量。俺喫的是滑禿禿美酪酥。

氈帳裏醉臥好風光。俺將大宋呵攪擾的地亂天荒。端的是人強馬壯。曲袖飄飄舞

茜紗。駱駝蹶蹶弄琵琶。雪花舞處多黃雁。天漢垂邊見白沙。獵射場中騎劣馬。旌旗影裏閃飛鴉。人

人都唱昇平調。兀的不是女真邦中第一家。俺祖女真部落。節度使烏古回達子刻鉢里。俺這裏白

山黑水。因避大遼興宗之諱。改號曰大金。俺大哥哥炎寒太子。二哥哥荅達郎君。第三個五花公主。則

俺是完顏量兀朮四太子是也。自從俺平了遼宋。得了汴梁河南。康王泥馬渡江。去到臨安建都。他手下新得四將。內有一將。姓岳名飛。此人有萬夫不當之勇。兩個孩兒岳雲張憲。部將王貴牛皋。出入陣中。所向無敵。今有打探的來報。說此人統領大兵。要收河北之地。不免叫副將禿忽沒哈迷赤金吾魯等出來商議。衆小番何在。〔衆上〕

〔風檢才〕番將叢中第一。誰人及得俺武藝。不論鞭簡與搥搯。氈帳裏網牛蹄。閒來時打臂石。我們番將實是乖。慣喫牛肉不持齋。孩子都在馬上養。長大都叫虎喇孩。〔見介〕

〔淨〕把都。今有南朝一將。姓岳名飛。此人有萬夫不當之勇。統領大兵前來。要收復河北之地。你們與我整理鐵浮圖拐子馬上前迎敵。聽我分付。〔衆介〕

〔豹子令〕號令嚴明不可違。不可違。修緝邊寨震天威。震天威。倘有敵兵來到此。殺交一陣血淋漓。〔合〕用心機。晨昏操守莫稽遲。

〔前腔〕〔衆〕元帥威名震邊陲。震邊陲。建功立業在須臾。在須臾。旦夕巡哨防奸細。小心前去聽施爲。〔合〕

腰間寶劍血模糊。

殺取南朝片甲無。

身後欲求生富貴。

眼前須下死工夫。

### 第四齣 應詔

〔菊花新〕〔生上〕賞春宴罷醉顏酡。蜀錦征袍喜暫脫。兵甲洗天河。待一統中原方可。勇出萬人敵。威風不可當。功因多難立。身爲太平閒。昨日分付兩個孩兒教場操演人馬。想必回矣。

〔前腔〕〔小生扮岳雲上〕少年威武振華夷。敵國聞風膽氣摧。〔小外扮張憲上〕聽

敏識兵機。韜略胸中無比。〔小生〕出匣龍泉血未乾。平生志氣斬樓蘭。勤王報國應無憚。掠地

攻城豈畏難。〔小外〕旗影動。角弓彎。犀紋射日劍光寒。太平時節無征戰。好把兵書仔細看。〔小生〕

旗甲不要散了。待我稟過老爺。自有分付。〔衆應介見介小生〕孩兒教場回了。衆旗甲都在府門首。

聽候爹爹發放。〔生〕着他們進來。〔衆入叩頭介生〕今日小將軍下操。還未賞你。生受汝等。散去罷。

〔衆應下介生〕孩兒。今日操演。人馬整齊麼。



〔鎖南枝〕〔小生〕承軍令到教場。旌旗影轉風蕩颺。羽箭似流星。火炮連天响。人馬壯。弓弩強。縱有武侯八陣圖。孩兒也未相讓。〔生〕小孩兒。人馬如何。〔小外〕爹爹聽稟。〔前腔〕沙場暖。草正芳。紛紛鐵騎頻來往。笳鼓振聲齊。隊伍多停當。犀甲冑。寶劍光。縱有韓信背水陣。孩兒也未相讓。

〔前腔〕〔生〕聽吾道。自忖量。軍機豈可成虛誑。號令用嚴明。賞罰無偏向。有進死心。無退生想。縱有孫子滅竈謀。我也未相讓。〔丑上〕有事須通報。無因莫亂傳。稟老爺。朝廷詔命到來。〔生〕快排香案迎接。〔丑〕得令。〔末上〕

〔出隊子〕親承朝命。親承朝命。便興師尅日成功復。賈捧綸音出禁闈。將軍火速帝畿。從此願風烟永息無虞。聖旨到。跪聽宣讀。朕聞多難所以興邦。殷憂所以啓聖。茲邇戎虜猖獗日甚。狼子野心。朝和暮背。既去復來。爲我國家之患久矣。致使日有羽書之警。夜有狼烟之驚。正我君臣臥薪嘗膽之秋。圖復中興。報仇討罪之日。必有鷹揚之將。急遏猘夏之虞。爾岳飛才兼文武。勇略過人。運籌有功于帷幄。料敵不乖于成算。是宜拯生民之塗炭。念二聖之蒙塵。率百萬

之師。決千里之勝。掃蕩腥羶。殄滅無遺。庶可以雪國家之恥。慰生民之望。爾其夙夜小心。倍道兼進。以體朕之至心。叩闕謝恩。〔生〕萬歲。萬歲。萬萬歲。

〔大聖樂〕〔生〕荷皇朝詔委微臣。敢捐軀答聖恩。怎容蠢爾成邊釁。惟赤膽秉忠貞。管教兩京恢復。非誇逞。四海皆爲堯舜民。〔合〕班師日。喜氣新。歌聲奏凱。滿懷春。敷王化。破虜塵。歸朝金闕拜綸音。

〔前腔〕〔末〕望將軍速整二軍。向邊庭定策勳。古來名將誰如恁。這英雄冠羣倫。此行殺虜無蹤影。不負皇朝寵賜恩。〔合〕

〔尾聲〕〔衆〕統二軍忙征進。中原一統早昇平。擬在凌烟著姓名。〔生〕天使大人請回。下官整肅人馬。擇日興兵便了。請了。〔末應介下生〕孩兒過來。一壁廂分付王貴。快點人馬。一壁廂分付牛皐。催攢糧草。不得有違。〔衆應介〕

一封丹詔出重霄。

父子寧辭汗馬勞。

劍戟光芒磨日月。

管教醜虜望風逃。

## 第五齣 爭裁

〔末上〕受人之托。必當終人之事。自家岳府中院子。我家爺要做紅錦戰袍。不免去喚貴裁。他原是我府中主顧。只索去走一遭。貴裁在家麼。〔內應介〕不在家。當官去了。〔末〕既不在家。後巷有個賤裁。叫他去罷。轉東過西。此間就是。賤裁在家麼。〔丑上〕誰叫。誰叫。來了。

〔五方旗兒〕我做針工。年來命運通。裁新換舊。人人盡敬重。直身員領高低樣。範同。二針一寸拏來。即便縫。我做裁縫。真個非容易。裁長補短。須教會。子弟衣服用袖寬。耆老衣衫用褶細。異樣。楚摺費工夫。深衣直擺。須拖地。綦盤員領。不易做。單夾披風。卻好裁。偷料之時。手脚忙。主人來搜心。膽碎。你道慌也不慌。〔末〕這是做賊的了。怎麼不慌。〔丑〕只當放你娘三年爛臭屁。大叔取笑。你今日來此何幹。〔末〕我們岳府裏。叫你做紅錦戰袍。〔丑〕這是老貴的主顧。我不去。〔末〕不妨。有我在。〔丑〕既如此。請行。轉彎抹角。這裏就是。〔裁衣介淨上〕

〔青香兒〕論針工。我們無敵。使剪刀。全憑眼力。上條陽領。欠教直。呀。不會使得火熨。小子沒名姓。貴的無針引線。做衣服不用尺量。看段疋高低。能辨。雖則是本分營生。免不得



目錄

第一齣 提綱

第二齣 賞春

第三齣 猾虜

第四齣 應詔

第五齣 爭裁

第六齣 餞別

第七齣 驕虜

第八齣 勝敵

第九齣 臨湖

第十齣 叩馬

第十一齣 蠟書

第十二齣 班師

第十三齣 兆夢

第十四齣 說機

第十五齣 省母

第十六齣 掛冠

第十七齣 調勘

第十八齣 嚴刑

第十九齣 辭母

第二十齣 東窗

第二十一齣 赴難

第二十二齣 同盡

第二十三齣 中計

第二十四齣 憐主

第二十五齣 聞訃

第二十六齣 畢命

第二十七齣 應真

第二十八齣 誅心

第二十九齣 告奠

第三十齣 行刺

第三十一齣 伏闕

第三十二齣 天策

第三十三齣 同斃

第三十四齣 冥途

第三十五齣 表忠

精忠記 目錄

四一開明書店





# 精忠記

明姚茂良箸

## 第一齣 提綱

〔滿庭芳〕〔末上〕南渡功臣。中興良將。平金奮志驅兵。太師秦檜主和議。奸佞朝廷。屢詔班師。東窗下與夫人設計。陷害岳家父子。屈死非刑。更堪憐。墮井銀瓶。那秦丞相被冤魂迷弄。心疑忌。往靈隱去齋僧。遇葉守一從頭點化。報應甚分明。方顯忠良讒佞。千古謾評論。

金兀朮突走三關。

葉守一揭出供案。

田思忠僞詔班師。

秦丞相東窗事犯。

## 第二齣 賞春

〔女冠子〕〔生上〕怒髮衝冠。丹心貫日。仰天懷抱激烈。功成汗馬。枕戈眠月。殺金酋伏首。駕長車踏破賀蘭山缺。空怨絕。待把山河重整。那時朝金闕。〔鷓鴣大〕

筆底龍蛇走篆蟲。胸中豪氣貫長虹。五車經史藏心腹。百萬貔貅掌握中。心膽壯。氣英雄。雲臺麟閣豈難逢。從今且養凌雲志。聽取春雷上九重。下官姓岳名飛。字鵬舉。本貫相州湯陰人也。自古建都之地。賢人隱跡之鄉。粵自夏河亶甲遷鼎于此。嗣後秦強楚霸。定盟于茲。韓忠獻文武全才。杜正倫一門三秀。俗尚英雄之習。諳通詩禮之風。何幸吾身生長于此地。吾乃博通六藝。兼覽百家。學射周同。受制張俊。春秋褒貶。吾欲考其二百四十年之昭鑒。左傳名家。吾欲覈其一十六年之沿革。當今蠻夷猾夏。邊界驚惶。宋室南遷。二帝有蒙塵之恥。舉族北轅。諸臣無靖難之功。竭力事親。乃爲子職之本分。盡忠報國。實爲臣道之當然。若欲移孝爲忠。便可圖存匡復。飢餐胡虜肉。方稱吾心。渴飲月支血。始遂吾意。正是遇難獨當天。事功成卻進手中籌。今日且喜天氣清明。對此春光。不免請夫人小姐。一同賞玩。多少是好。院子何在。〔末上〕翠竹珠簾映畫堂。氤氳風動玉爐香。滿園桃李爭春笑。唯有東君得主張。老爺有何鈞旨。〔生〕傳話後堂。請夫人小姐出來賞春。〔末〕領鈞旨。〔請介老旦小旦上〕

〔凌波仙子〕日長風靜重門掩。人意懶。捲珠簾。雙飛紫燕語呢喃。出門花似錦。

春意浩無邊。

〔衆相見介老旦〕相公呼喚妾身出來。有何事幹。〔生〕夫人。今日且喜天氣清明。下官欲對此春光。同夫人玩賞。〔老旦〕既要賞春。何不喚岳雲張憲一同賞玩。〔生〕早上已差孩兒們往教場中演習人馬。故此不在。〔老旦〕既不在。女孩兒把盞。〔小旦〕將酒過來。

〔錦堂月〕麗日開晴。和風扇暖。春來景物偏奇。家國安寧。開筵正好歡會。邊庭上烽火無警。朝野內干戈橐戣。〔合〕今朝裏。幸喜豪傑崢嶸。際遇明時。

〔前腔〕〔老旦〕佳致。花柳芳菲。人生有幾。開懷暢飲休辭。怕綠鬢成絲。朱顏易改。堪悲。當此際骨肉團圓。莫負卻韶光明媚。〔合前〕

〔前腔〕〔生〕欣遇。國祚雍熙。時和歲稔。居安豈可忘危。寶劍長磨。忠肝義膽誰敵。直待要掃蕩胡塵。方遂我平生豪氣。〔合前〕

〔前腔〕〔衆〕桃李。色映金卮。香生羅綺。花前鶯燕于飛。夫婦和諧。休誇琴瑟調。宜願百年奕葉傳芳。好兒孫箕裘相繼。〔合前〕

〔醉翁子〕〔生〕何須舞柘枝。歌翻金縷。靄和氣。一門長幼無虞。莫辭重整金罍。

盡醉方歸興有餘。〔合前〕

〔僥僥令〕〔衆〕輕風翻翠幙。瑞靄噴金猊。唯願三邊皆寧靜。四海樂昇平。全盛時。

〔尾聲〕花姿柳態皆春意。歌舞留人日又西。沈醉後管絃聲細。

開筵對景正芳菲。

風送清香入酒卮。

自古算來皆是命。

不如快樂得便宜。

## 第二齣 猾虜

〔新水令〕〔淨上〕平生膽氣最剛強。敢把南朝壓量。俺喫的是滑禿禿美酪酥。

氈帳裏醉臥好風光。俺將大宋呵攪擾的地亂天荒。端的是人強馬壯。曲袖飄飄舞。

茜紗。駱駝蹶蹶弄琵琶。雪花舞處多黃雁。天漢垂邊見白沙。獵射場中騎劣馬。旌旗影裏閃飛鴉。人。

人都唱昇平調。兀的不是女真邦中第一家。俺祖女真部落。節度使烏古回達子刻鉢里。俺這裏白。

山黑水。因避大遼興宗之諱。改號曰大金。俺大哥哥炎寒太子。二哥哥荅達郎君。第三個五花公主。則。

俺是完顏量兀朮四太子是也。自從俺平了遼宋。得了汴梁河南。康王泥馬渡江。去到臨安建都。他手下新得四將。內有一將。姓岳名飛。此人有萬夫不當之勇。兩個孩兒。岳雲張憲。部將王貴牛皋。出入陣中。所向無敵。今有打探的來報。說此人統領大兵。要收河北之地。不免叫副將禿忽沒哈迷赤。金吾魯等出來商議。衆小番何在。〔衆上〕

〔風檢才〕番將叢中第一。誰人及得俺武藝。不論鞭簡與搥搥。氈帳裏細牛蹄。閒來時打臂石。我們番將實是乖。慣喫牛肉不持齋。孩子都在馬上養。長大都叫虎喇孩。〔見介〕

〔淨〕把都。今有南朝一將。姓岳名飛。此人有萬夫不當之勇。統領大兵前來。要收復河北之地。你們與我整理鐵浮圖拐子馬。上前迎敵。聽我分付。〔衆介〕

〔豹子令〕號令嚴明不可違。不可違。修緝邊寨震天威。震天威。倘有敵兵來到。此。殺交一陣血淋漓。〔合〕用心機。晨昏操守莫稽遲。

〔前腔〕〔衆〕元帥威名震邊陲。震邊陲。建功立業在須臾。在須臾。旦夕巡哨防。奸細。小心前去聽施爲。〔合〕

腰間寶劍血模糊。

殺取南朝片甲無。

身後欲求生富貴。

眼前須下死工夫。

### 第四齣 應詔

〔菊花新〕〔生上〕賞春宴罷醉顏酡。蜀錦征袍喜暫脫。兵甲洗天河。待一統中原方可。勇出萬人敵。威風不可當。功因多難立。身爲太平閒。昨日分付兩個孩兒教場操演人馬。想必回矣。

〔前腔〕〔小生扮岳雲上〕少年威武振華夷。敵國聞風膽氣摧。〔小外扮張憲上〕聰

敏識兵機。韜略胸中無比。〔小生〕出匣龍泉血未乾。平生志氣斬樓蘭。勤王報國應無憚。掠地

攻城豈畏難。〔小外〕旗影動。角弓灣。犀紋射日劍光寒。太平時節無征戰。好把兵書仔細看。〔小生〕

旗甲不要散了。待我稟過老爺。自有分付。〔衆應介見介小生〕孩兒教場回了。衆旗甲都在府門首。

聽候爹爹發放。〔生〕着他們進來。〔衆入叩頭介生〕今日小將軍下操。還未賞你。生受汝等。散去罷。

〔衆應下介生〕孩兒。今日操演。人馬整齊麼。

〔鎖南枝〕〔小生〕承軍令到教場。旌旗影轉風蕩颺。羽箭似流星。火炮連天响。人馬壯。弓弩強。縱有武侯八陣圖。孩兒也未相讓。〔生〕小孩兒。人馬如何。〔小外〕爹爹聽稟。〔前腔〕沙場暖。草正芳。紛紛鐵騎頻來往。笳鼓振聲齊。隊伍多停當。犀甲冑。寶劍光。縱有韓信背水陣。孩兒也未相讓。

〔前腔〕〔生〕聽吾道。自忖量。軍機豈可成虛誑。號令用嚴明。賞罰無偏向。有進死心。無退生想。縱有孫子滅竈謀。我也未相讓。〔丑上〕有事須通報。無因莫亂傳。稟老爺。朝廷詔命到來。〔生〕快排香案迎接。〔丑〕得令。〔末上〕

〔出隊子〕親承朝命。親承朝命。便興師尅日成功復。賞捧綸音出禁闈。將軍火速帝畿。從此願風烟永息無虞。聖旨到。跪聽宣讀。朕聞多難所以興邦。殷憂所以啓聖。茲邇戎虜猖獗日甚。狼子野心。朝和暮背。既去復來。爲我國家之患久矣。致使日有羽書之警。夜有狼烟之驚。正我君臣臥薪嘗膽之秋。圖復中興。報仇討罪之日。必有鷹揚之將。急遏猘夏之虞。爾岳飛才兼文武。勇略過人。運籌有功于帷幄。料敵不乖于成算。是宜拯生民之塗炭。念二聖之蒙塵。率百萬

之師。決千里之勝。掃蕩腥羶。殄滅無遺。庶可以雪國家之恥。慰生民之望。爾其夙夜小心。倍道兼進。以體朕之至心。叩闕謝恩。〔生〕萬歲。萬歲。萬萬歲。

〔大聖樂〕〔生〕荷皇朝詔。委微臣。敢捐軀。答聖恩。怎容蠢爾成邊釁。惟赤膽秉忠貞。管教兩京恢復。非誇逞。四海皆爲堯舜民。〔合〕班師日。喜氣新。歌聲奏凱。滿懷春。敷王化。破虜塵。歸朝金闕拜綸音。

〔前腔〕〔末〕望將軍速整三軍。向邊庭定策勳。古來名將誰如恁。這英雄冠羣倫。此行殺虜無蹤影。不負皇朝寵賜恩。〔合〕

〔尾聲〕〔衆〕統三軍忙征進。中原一統早昇平。擬在凌烟著姓名。〔生〕天使大人請回。下官整肅人馬。擇日興兵便了。請了。〔末應介下生〕孩兒過來。一壁廂分付王貴。快點人馬。一壁廂分付牛臯。催攢糧草。不得有違。〔衆應介〕

一封丹詔出重霄。

父子寧辭汗馬勞。

劍戟光芒磨日月。

管教醜虜望風逃。



## 第五齣 爭裁

〔末上〕受人之托。必當終人之事。自家岳府中院子。我家爺要做紅錦戰袍。不免去喚貴裁。他原是我府中主顧。只索去走一遭。貴裁在家麼。〔內應介〕不在家。當官去了。〔末〕既不在家。後巷有個賤裁。叫他去罷。轉東過西。此間就是。賤裁在家麼。〔丑上〕誰叫。誰叫。來了。

〔五方旗兒〕我做針工。年來命運通。裁新換舊。人人盡敬重。直身員領高低樣。範同。二針一寸拏來。即便縫。我做裁縫。真個非容易。裁長補短。須教會。子弟衣服用袖寬。耆老衣衫用褶細。異樣。楚摺費工夫。深衣直擺。須拖地。綦盤員領。不易做。單夾披風。卻好裁。偷料之時。手脚忙。主人來搜心。膽碎。你道慌也不慌。〔末〕這是做賊的了。怎麼不慌。〔丑〕只當放你娘三年爛臭屁。大叔取笑。你今日來此何幹。〔末〕我們岳府裏。叫你做紅錦戰袍。〔丑〕這是老貴的主顧。我不去。〔末〕不妨。有我在此。〔丑〕既如此。請行。轉彎抹角。這裏就是。〔裁衣介淨上〕

〔青香兒〕論針工。我們無敵。使剪刀。全憑眼力。上條陽領。欠教直。呀。不會使得火熨。小子沒名姓。貴的。端的無針引線。做衣服不用尺量。看段疋高低。能辨。雖則是本分營生。免不得

東騙西騙。今日一家請我裁一件青羅直身。卻被主人看見。〔末〕見些甚麼。〔淨〕單單偷得一雙鞋面。〔末〕休道出本相來。〔淨〕大叔是岳府裏。聞知叫我做戰袍。故此特來。〔末〕你說不在家。我叫賤裁在此做了。〔淨〕大叔。我是有名的。他是沒名的。你去叫他出來。〔末介丑〕大叔。你去叫他進來。〔末介淨〕大叔。他這等可惡。你與他說。這府裏原是我的主顧。生活是他做。酒飯是我喫。工銀是我得。若還他不肯。打得他兩脚直。〔末介丑〕你去說與他知道。生活是我做。酒飯是我喫。工錢是我得。若是他不肯。打得他魂都失。〔末介淨〕待我自去對他說。咄。賤裁。你是沒名的私匠。我是有名的官匠。你今日來搶我的主顧。是何道理。〔丑〕咄。老貴。既是你的主顧。如何不叫你。倒來叫我。放屁。〔淨〕賤裁。你是沒名私匠。也到岳府裏搖擺。做衣服何曾有熨斗。剪刀尺用根柴棒。裁胸背剪壞了獸頭。裁補子差了花樣。只好縫些叉口布袋。也來與我師父看樣。饒你一頓拳頭。休得在此口強。〔丑〕老貴。你休得說人沒興。誰不識你行徑。不說自家本事平常。到來尋人毛病。你縫貼腰何曾齊整。上護領何曾端正。偷裙幅心驚膽喪。弄手脚何曾有定。今日撞着老賤。打教你難逃性命。〔淨介〕

〔撲頭錢〕〔淨〕我怪你搶人主顧。〔丑〕我怪你絕人道路。〔淨〕我見你偷人段

正。〔丑〕我見你賴人細布。〔末〕且停嗔。休發怒。〔淨〕踢殺你賤裁老賊。〔丑〕打殺你貴裁老駟。〔末〕這官差沒甚的。又何須兩邊狠毒。〔淨丑〕你忒煞欺負人。人欺負。大家拚死赴冥途。

不見生活要你陪。

同行何必苦相欺。

好手之中逞好手。

得便宜處落便宜。

〔淨作抽腸法渾丑丑作貓驚法渾淨同下〕

## 第六齣 餞別

〔掛真兒〕〔生上〕奉詔興師豈敢違。臨期話別當時。〔老旦小旦〕簪纓家世正團圓。誰想又成分袂。〔小生小外〕年少昂昂鎮武威。隨征進殄滅蠻夷。〔合〕敢効劬勞。不辱君命。談笑功成名遂。〔相見介老旦〕安居正好同歡悅。忽聞征進成離別。〔生〕受爵佐皇朝。捐軀不憚勞。〔小生〕匆匆去意急。欲緩何由得。〔小生小外〕談笑取功名。何須別淚零。〔老旦〕相公今日出軍。我與孩兒特備酒肴相餞。〔生〕何勞夫人。〔遞酒介〕

〔催拍〕〔老旦〕倒金樽臨岐送行。唱陽關不忍醉聽。報國盡忠。報國盡忠。暮宿朝餐。恐你勞形。一旦成功。萬載揚名。〔合〕分袂去。即日登程。烟樹外。夕陽暝。

〔前腔〕〔生〕受皇宣不俟駕行。統雄兵即日登程。掃蕩胡塵。掃蕩胡塵。骨肉難拋。怎得留停。恢復中原。遂我平生。〔合〕

〔前腔〕〔小旦〕想嚴尊驅馳此行。仗天威功業早成。風霜怎禁。風霜怎禁。得勝之時。早辦回程。和氣匆匆。母子歡欣。〔合〕

〔前腔〕〔小生小外〕我只今拜別遠行。望萱堂不必掛心。孩兒慣經。孩兒慣經。三箭天山。唾手功名。他日歸來。戲彩階庭。〔合丑上〕殺氣昏昏蔽日紅。征塵滾滾暗長空。羽

書晝夜如飛遞。早望將軍建大功。報事的磕爺頭。〔生〕怎麼說。〔丑〕稟爺。但見胡馬嘶風。胡笳吹咽。

皂雕旗展開萬點寒鴉。羊角弓彎如半輪秋月。千員良將。百萬雄兵。恍惚間神號鬼哭。猛可的天崩地裂。人民奔走。須臾撇卻錦州城。將士崢嶸。頃刻踰平花世界。鞞鼓喧天動地來。紛紛兒女盡含哀。將軍好展擎天手。重整山河顯大才。〔生〕量這些胡賊做甚的。你去罷。〔丑應下生〕夫人。軍情事急。

不得遲緩。下官就此拜別了。〔衆拜介生〕

〔一撮棹〕軍機事難遲緩。速登程。〔老旦〕君今去。使奴家淚盈盈。〔小生小外〕轅門外。人馬驟。鼓聲頻。〔衆〕二聖鸞輿返。三軍唱凱歌聲。唯只願罷干戈。早休兵。

虎豹提兵自古無。

威風凜凜振皇都。

功成奏凱班師日。

管取凌烟閣上圖。

### 第七齣 驕虜

〔花心動〕〔淨上〕紅纓大罩鐵兜鍪。正值西風塞上秋。帳下擁貔貅。奪乾坤易如唾手。自家兀朮四太子是也。今有南朝岳飛。統兵前來與俺交戰。把都每誰有本事的說上來。〔衆

隨意各說介丑〕

我有本事。論俺本事真熟慣。上陣交鋒不懶慢。領兵只覺手脚慌。拿住便叫可憐

見。〔末〕你輸了。〔丑〕不輸。他那裏點銀鎗。俺這裏狼牙箭。一來一往。戰三十合。被他左脅上去了一大片。〔末〕你又輸了。〔丑〕不輸。被我連人帶馬收。收拾勒馬跑回營。腰間取出針和線。連皮帶骨縫。縫一個綻。跳上馬來又征戰。那入娘的換了家伙了。〔末〕換了甚麼兵器。〔丑〕換了丈八矛。俺這裏

連珠箭。一來一往。戰了六十合。被他右脅上又去了一大片。〔末介丑〕還不輸。連人帶馬收。收拾跑回營。腰間又取針和線。連皮帶骨縫。縫一個綻。跳上馬來又征戰。那狗挪的又換了家伙了。〔末介丑〕他那裏大刀砍。俺這裏剛剛剩得三枝禿頭箭。一來一往。戰了一百二十合。惱了那入娘的。提起大刀。斫斫連人帶馬。砍做七八段。〔末介丑〕不輸。被我連人帶馬收。收拾跑回營。腰間又取出針和線。連人帶馬縫一個大破綻。跳上馬來又征戰。那入娘攔住馬頭。不與我戰了。反贈我一疋羅。一疋絹。〔末介丑〕他說道將軍本事爛平常。倒做得一手好針線。〔淨喝介〕胡說。把都每聽我分付。一戰初臨寒水。二國智力相交。三軍怎敢犯秋毫。四門旗整肅。五虎將英豪。六出無窮計。七星旗號飄搖。八方遙望陣雲高。九層回子手。殺他十萬小兒曹。即使拔營前去。〔衆應介淨〕

〔清江引〕秋高草黃馬正肥。禿喇哈都精銳。皂雕旗展開。寶劍光磨日。殺教他錦州城都棄與。

〔前腔〕皮裘任穿不怕寒。劣馬偏騎慣。弓開雁墜雲。日落窮廬暗。打辣酥滿斟。一醉酣。

長驅大進勝天兵。

管取從今陣陣贏。

鐵鎖連環千萬騎。

南蠻相遇踐交平。

## 第八齣 勝敵

〔花心動〕〔生上〕統兵出戍振邊庭。殺氣騰騰神鬼驚。〔小生小外〕恢復錦州城。

拯拔塗炭生靈。〔生〕孩兒軍馬完備未曾。〔小生〕完備多時了。〔生〕既如此。喚將士過來。聽吾號

令。〔衆應跪介生〕大小三軍。聽吾號令。吾乃欽奉聖旨。今者當職。身爲上將。統領大軍。奮武揚威。誅

凶討逆。爾部下荷戈之卒。悉聽指揮。蠢爾醜虜。肆行不道。腥膻我中夏。污染我皇朝。鑾輿迢遞。以北

征。士女愴惶而南渡。生民塗炭。宗廟丘墟。言之痛心。思之切骨。凡殺爾等父兄者。思報父兄之仇。害

爾室家者。思雪室家之恥。勇者効力。務揚克敵之威。智者獻謀。宜圖萬全之計。稱爾戈。立爾矛。揚爾

干。精明器械。鍛乃鋒。鑿乃刃。殼乃甲。整肅軍威。坐作進退之有方。攻擊刺殺之合節。要使元兇授首。

毋令衆惡逃生。肅清夷虜之塵。恢復乾坤之舊。敢有不遵軍令。不奉教條。或進而不前。或遲而在後。

或妄言禍福。或泄漏機謀。或侵損居民。或賣放軍士。或自相竊盜。或恣意喧嘩。凡茲有犯。罪在必誅。

梟首轅門。以警其衆。功成則爵祿有加。敗則家身難保。予叨總帥。用示于師。令之不明。將之罪也。予故三令五申。以宣詔誥。自令之後。務在遵行。違吾令者。定行處斬。〔衆應介生〕糧草俱已完備了麼。〔衆〕各處俱到了。只有臨安府不到。〔生〕解糧官叫甚麼名字。〔衆〕叫万俟卨。〔生〕不要管他。掌號拔營便了。〔領衆介〕

〔水底魚兒〕兵馬飛行。刀鎗耀日明。振大笳鼓。喊聲神鬼驚。征塵四起。旌旗獵獵輕。意圖恢復。驅馳促去程。驅馳促去程。〔丑上〕臨安府解糧官告進。〔生〕你在那裏才

來。〔丑〕風水不便。故此來遲。〔生〕軍馬未動。糧草先行。你故意來遲。依我軍法該斬。〔丑〕爺爺看臨安府分上。〔生〕若不看臨安府分上。定行處斬。今看臨安府三字。打四十棍。〔打介生〕去罷。

〔窄地錦襠〕沙場草暖馬蹄輕。戰將英雄虎豹形。弓彎秋月箭流星。穩征鞍殺氣生。〔衆下淨領衆上〕

〔前腔〕長驅大進鐵浮圖。粉踐南蠻片甲無。雕弓羽箭迸連珠。管取成功奪帝都。〔生領衆上〕



〔前腔〕天兵席捲動乾坤。獵獵旌旗耀日明。寶刀提起火光噴。敵國聞風盡喪魂。衆將官扎住營寨。王貴上前去打話。〔末〕得令。你那裏何人領兵。〔丑〕俺這裏兀朮四太子親自領兵。副將禿忽沒哈迷赤等。前部先鋒金胡蘆。一國胡兒。要踹你南朝盡爲平地。你那裏何人領兵。〔末〕俺這裏岳爺爺親自領兵。副將岳雲張憲等。前部先鋒王貴牛皋。領三千鐵騎。要拿你一國胡兒。〔丑渾介末〕正將上前打話。〔生〕羶羯狗。快送二聖皇帝出來。萬事全休。不然交你番天覆地。社稷蕩爲丘墟。生靈塗作魍魎。〔淨〕你早哩。你那二聖被俺拿住。這裏青衣行酒哩。〔生〕言之痛心。思之切骨。岳雲你先對此陣。若不能勝。斬汝號令。〔戰介淨敗下丑被拿介生〕拿過來。你是甚麼人。〔丑〕我是兀朮手下土胡朮。〔生〕我砍你一個驢頭。幹得甚事。我放你回去。做個遞書人。好好說與那羶羯狗。快送二聖皇帝復歸本朝。萬事全休。聲言不肯。俺整頓人馬。直抵黃龍。迎取二聖還朝。快走。〔丑渾下生〕孩兒。且喜今日殺敗金兵。傳令把軍馬扎住朱仙鎮上。不許回軍。如有私自逃回者。斬首示衆。就此收兵。〔衆介〕

〔五馬江兒水〕奉詔臨邊征討。軍威煞整齊。仗我平生威武。席捲長驅。棄輜糧。

奔走去。蠢爾堪嗤。逆亂天時。今恢復東京不遠。迎取蒙塵二帝。談笑轉京畿。方  
遂我數年間中興之志。

殺氣橫空鎮武威。

金兵百萬望風摧。

喜孜孜鞭敲金凳响。

笑吟吟齊唱凱歌回。

### 第九齣 臨湖

〔末上〕翠影遮殘楊柳月。和風吹斷藕花香。玻璃千里笙歌沸。天上人間錦繡鄉。自家秦府中院子。

昨爺分付着俺打點湖船。要遊西湖。不免往錢塘門外去喚張胡船。不爭三五步。咫尺是他家。〔叫

介丑上〕畫船盪槳載落花。口食身衣盡靠他。今日有人來喚我。見錢交過不容賒。大哥有何分付。

〔末〕我是秦太師府裏。分付喚你船遊湖。〔丑〕原來秦府中大叔。要幾張卓兒。〔末〕與二兩銀子。只

要擺兩張卓面。整齊些。爺還要賞你。〔丑〕大叔。曉得了。不須分付。〔末下丑〕擅將山水勝。磨盡古今

人。〔下淨上〕

〔菊花新〕秉鈞喜握天顏。英賢位壓朝班。清如冰玉重如山。調和鼎鼐。四海民

安憶昔身遭俘擄。驅馳千里拘囚。淒涼幾度可憐秋。只爲汴京失守。曾與金人盟誓。航海夫婦回州。官居清要勝封侯。稽顙丹墀拜首。下官姓秦名檜。字會之。乃江寧人也。政和年間。狀元及第。官授都御史之職。自汴京失守。將下官與夫人擄至金邦。曾與大金盟誓。得放還鄉。願作他國細作。回至臨安。見了聖上。拜禮部尙書。賜以金魚玉帶。奏言官裏若要天下太平。須用南自南北自北。我許大金和議。便後有張明胡銓朱松等上表。言金人不當與和。被我將此三人暗中奏曰。貶于韶州。此時公卿大夫都皆怨恨下官。□□□有一名將官姓岳名飛。見今統領大兵。□□河北之地。昨日邊上報來。道真個旗開得勝。馬到成功。倘被他收復了河北之地。大金必定罪我。欲將軍馬收回。奈緣聖旨差遣。未可擅便。今早聖上又賜玉帶一條。精忠旗一面。着下官賚送與岳飛。此一節怎生區處。不免待夫人出來。與他計較。道猶未了。夫人早到。〔貼上〕

〔前腔〕平生幸喜居華地。爭羨夫榮妻貴。賞春宴樂人難比。幸滿門和氣。〔相見介占〕相公。今日回朝。不卸衣服。爲何悶坐在此。〔淨〕夫人。我因岳飛收復了汴京。倘他成功。是我負了大金盟誓。今日早朝。又欽賜玉帶一條。精忠旗一面。着下官差人送去與岳飛。爲此悶坐。〔占〕

相公。你是朝中宰相。怎不細思。若使岳飛平伏了汴京。豈不是你負了大金。思量起來。又將玉帶送去。豈不又長他銳氣。〔淨〕夫人。你有甚麼計策。說與下官知道。〔占〕相公。你何不隱下了玉帶繡旗。遣一心腹人。打聽他父子不公不法之事。一一的盡奏過聖上。取回京師。再作區處。〔淨〕夫人高見。昨日已會分付院子安排酒席。與夫人西湖遊玩。意下何如。〔占〕既如此。妾身當陪侍。〔淨〕院子。昨日分付畫船備酒。完備未曾。〔末〕俱已完備了。〔淨〕既完備。排執事錢塘門外登舟。夫人。你看好景致。湖光滢澈。晴光好。山色空濛。雨亦奇。〔占〕欲把西湖比西子。淡妝濃抹也相宜。〔淨〕叫開船。〔末〕

介丑歌介

遠望青山山色奇。逋仙放鶴鶴高飛。灼灼豔桃開錦色。依依綠柳傍蘇堤。〔淨占〕

〔淘金令〕蘇堤傍柳。掩映湖光闊。六橋跨水。蕩漾玻璃碧。四聖堂前。就中奇絕。迤邐三賢堂過。景物全別。觀山玩水。不暫歇。蘭舟往來。使人歡悅。翠繞紅圍。另般標格。〔丑又歌介〕大小孤山列兩邊。南北高峯透半天。前頭就是大佛寺。後頭就是小吳山。〔淨

占衆隨介

〔前腔〕吳山翠聳。霧靄籠金闕。雷峯蘸深。松檜盤龍勢。南北高峯。迥出林野。瑪

瑤坡前。西去斷橋橫列。孤山那裏松陰折。笙歌奏闋。夕陽晚月。不覺輕車遠來相接。

輕舟蘭棹過橫塘。

波影澄清映綠楊。

水向石邊流出冷。

風從花裏過來香。

〔淨〕院子。賞那船戶一兩銀子。〔末介丑〕謝爺賞。〔淨占下丑〕大叔坐一坐去。〔末〕方纔唱的山歌。老爺夫人喜得緊。〔丑〕我如今就把本事山歌唱與大叔聽如何。〔末〕最妙。〔丑〕喫湖船。著湖船。祖宗三代靠湖船。造船並起屋。嫁女及婚男。逢子朋友也要哈酒。遇子娼妓也要使幾個銅錢。到春來泊船在桃花洞口。綠柳橋邊。到夏來鷄頭蓮子。更兼白藕新鮮。到秋來香橙黃蟹。新酒菊花天。到冬來三冬景雪漫漫。上鋪被。下鋪毡。三杯濁酒。一枕高眠。有時泊船錢塘門口。湧金門前。有時泊在吳山脚下。靜寺河邊。眼看青山綠水。耳聽急管繁絃。一任閒非不管。一日還我三餐。朝中宰相不如我。賽過蓬萊閬苑仙。〔末〕妙妙。有勞了。〔丑〕喫三杯何如。〔末〕不消了。〔丑〕渾介並下。

## 第十齣 叩馬

〔玩仙燈〕〔淨上〕出陣虧輸。時運年來不利。數載邊庭立大功。誰知一旦喪英雄。城池失陷亡軍馬。銳氣昏昏似夢中。俺奉主公之命。統百萬之衆。與大宋交戰。被岳家父子。殺的大敗虧輸。並不曾得他半枝折箭。他今屯兵在朱仙鎮。離東京不遠。若是他收伏了東京。料我河北之地不能保也。不免帶這些殘兵回去。再作區處。把都每那裏。〔衆上〕力盡弧弓軟。時違鐵馬遲。裹瘡怕出戰。飲血復登陴。元帥有何分付。〔淨〕俺如今被岳家兵殺得大敗虧輸。並不曾得他半枝折箭。俺如今要帶殘兵逃回。再作道理。〔衆應介淨〕

〔解二醒〕趨三軍暫回故里。悶昏昏垂首喪氣。功名到此成虛廢。岳家兵有神機。他將鐵浮圖摧殘。皆粉碎。殺得我馬倒人歪。血濺衣。如今去。且收拾。等待天時。〔外扮書生上〕元帥住馬。〔淨〕咄。那書生怎麼說。〔外〕將軍可守不可走。

〔甘州歌〕書生冒虎威。敢直言叩馬。乞賜聽啓。〔淨〕你怎麼說。〔外〕將軍。權臣在內。豈容大將立功于外。權臣在內。大將軍豈容功績。〔淨〕書生。俺如何處他。〔外〕將軍莫若遣一心腹之人。暗通消息。必定召回岳軍。而大事定矣。若能暗使人通信。管教他尅日

班師怎敢違。〔淨〕好計好計。叫把都每快取蒙古兒過來。謝書生真奇計。且將軍馬扎住屯棧。〔衆〕蒙古兒在此。〔淨〕你快收去。多謝了。

馬前仗劍蒙垂教。

他日功成不負恩。

百兩黃金爲謝意。

岳家指日便回軍。

〔淨弔場〕書生一似針和線。從頭釣出是非來。秦檜夫妻被我擄至金邦。其時要回家去。對天設誓。願爲我國細作。我如今寫一封書。藏在蠟丸。着心腹人送去。叫取紙筆來。〔寫介〕

〔一封書〕金兀朮。上達丞相秦公台座前。當初放你還。莫忘前設誓言。今有岳家軍父子。擾亂邊庭不得安。仗尊前將他取回還。草草不恭書拜宣。書已寫完。哈迷赤于南朝最熟。不免喚他去走一遭。〔叫介丑上〕

〔字字雙〕家住塞北號沙陀。住坐牛羊馬。正是家夥。且過皮裘皮袄。最穿多。碎破。羊肉饅頭是乾糧。糲糲。自家哈迷赤是也。只因平生膽大能幹事。主帥命我管河北河南之地。都判官專管半空裏。能飛撲燈蛾。元帥呼喚。不免上前參見。〔見介淨〕我喚你出來。別無話說。只

因你能幹事。況南朝最熟。可將這一個蠟丸。送與秦丞相。再密密囑託。叫他好生用計。快將岳飛父子取回殺害。以報我昔年放你之恩。如其不然。統領大兵。打破城池。那時有何面目相見。拿將出來。決不饒你。聽我分付。

〔四邊靜〕你到南朝說與秦丞相。休把誓盟忘。用計殺岳飛。免我心勞攘。〔合〕用心主張。休作泛常。若得事完成。方顯報恩贖。

〔前腔〕〔丑〕小番非是多誇獎。此去必停當。晝伏夜潛行。蹤跡有誰擋。〔合〕

將書傳遞到杭州。

秦檜須當用計謀。

殺取岳家三父子。

那時方見報冤仇。

### 第十一齣 蠟書

〔末上〕珠幌斜連雲母帳。玉鉤半捲水晶簾。輕烟裊裊歸香閣。日影騰騰轉畫簷。自家秦丞相府中院子。且說我那丞相。真個是官高極品。累代名家。身居八座之尊。班列羣僚之上。巍巍架海紫金梁。兀兀擎天碧玉柱。早間蒙爺分付。若有大小事情。即便通報。〔丑上〕事無大小。關心者亂。自家哈迷



赤的便是。奉元帥命。着我打扮作南朝服飾。送蠟書與丞相。行路之間。已到府門首。大叔。丞相爺常年用我的蠟丸。煩你通報。若用了自當酬謝。〔末〕少待。待我稟爺。丞相爺有請。〔淨上〕

〔金瓏璫〕憂悶重如山。朝夕裏夢寐不安。〔末〕府門首賣蠟丸的。他說道丞相爺用慣他

的。着小的通報。〔淨〕着他進來。〔末介丑〕賣蠟丸的叩頭。〔淨〕院子回避。你是哈密赤。怎麼得來。

〔丑〕俺元帥被岳家父子殺的大敗虧輸。不曾得他半枝折箭。着我多多上覆丞相。把岳家父子取回殺害。方顯你報金國之恩。不然俺元帥興起大兵。打破京城。那時難以相見。今有蠟書奉上。〔淨〕此處不可久住。我不得另寫書緘。多多上覆。我差人送你過關去。院子那裏。你打發賣蠟丸的。賞銀十兩。送他過關去回話。〔丑末應下淨〕咳。岳飛。岳飛。

〔前腔〕你直待要扶社稷。展山河。〔占上〕相公。相公。我見你終朝頻念想。要殺害。

有何難。〔淨〕進士登科作狀元。此身遭虜已多年。〔占〕不將金國深恩報。下逆黃泉上逆天。〔淨〕今

有兀朮四太子。着哈密赤送蠟書。着我殺害岳家父子。如何使個計策。〔占〕這些小事。還不決斷。可惜你是個朝中大臣。你如今差人告他一狀。按兵不舉。與金國同謀。奏過聖上。取回班師。送下大理。

寺勘問。暗分付問官。害他性命。一來報金國之恩。二來顯你大權。有何難處。〔淨〕妙計。妙計。正所謂家有賢妻。下官就着田思忠。贖金字牌十二道。取他回來便了。

〔桂枝香〕〔淨〕大金盟誓。專言和議。倘他們收伏金邦。顯我不仁不義。謝夫人見識。謝夫人見識。言詞詳細。速發金牌。前去取回歸。尋個風流罪。三人命必危。〔前腔〕〔貼〕相公聽啓。妾言端的。都道他是報國忠臣。豈當我讒言撥置。若班師到京。若班師到京。問他按兵不舉。不負金邦盟誓。細思之。商議在東窗下。毋令別個知。

東窗商議莫遲疑。

巧計謀成只自知。

陷穽安排無走失。

休教泄漏這天機。

### 第十一齣 班師

〔行香子〕〔生上〕掌握雄兵。掃蕩羶腥。〔小生〕只因恢復東京。英雄至此。立節全名。〔小外〕顯威風。施勇敢。建功勳。〔生〕孩兒正所謂見物不取。失之千里。〔小生〕爹爹爲

何說此言語。〔生〕想我父子三人。殺金酋望風而走。收伏金邦。只在目下。昨日報人來說。朝廷准了和議。勅張韓劉三枝人馬。皆已回京。唯我人馬。不曾動。田思忠。賈詔。前來。不知真假。〔小生〕爹爹。傳來之言。不可深信。

〔瑞烟濃〕〔生衆合〕雄威糾糾。殺金酋。已致膽喪魂消。他棄甲潛逃。從此邊疆不再擾。主和議。南北成堪笑。這都是悞國權奸機巧。我自全忠孝。願皇圖鞏固。萬民安樂。

〔出隊子〕〔末上〕金牌宣詔。跨馬難禁途路遙。恭承皇命。豈辭勞。只爲黎民塗炭擾。從此班師。暫停征調。〔衆跪介末讀詔介〕聖旨已到。跪聽宣讀。朕聞有虞之世。三苗不服。

命禹往征。懲彼負固。伯益贊襄。班還師旅。邇來金酋猖獗。旣不可以言語說。猶不可以威勢加。謹修德政。俟其自化。矧韓世忠。劉錡等。各已班師歸。爾岳飛孤軍。安可久住。仰速回軍。別有處置。體朕之至意。俱望闕謝恩。〔生衆謝恩介生〕天使大人。朝廷准和議策了。〔末〕准了。〔生〕岳飛不知。大人先請。岳飛隨即收拾人馬回京。〔末〕將軍。朝廷宣命莫稽遲。刻日班師不可違。〔生〕一點丹心終爲國。

〔小生小外〕此情唯有老天知。〔末下生〕你說傳來之言。不可深信。說猶未了。旨意已到。快分付掌號。班師便了。〔小生〕爹爹今統大軍。深入虜境。雖有班師之命。而一旦遽爾回軍。只恐金人乘勢復入。將有不測之變。那時悔之晚矣。〔生〕我豈計不及此。朝廷旨意奈何。〔末上〕

〔滴溜子〕離朝省。離朝省。疾忙進程。擎宣詔。擎宣詔。怎敢暫停。此行君王之命。將軍豈可違。須拜聽。即日班師。且莫進征。〔相見介末〕將軍身食君祿。命懸君手。今朝廷

已准和議。張韓劉三將俱已回京。將軍屢詔不還。不知爲何。〔生〕非是岳飛不收拾人馬回京。只因虜人巢穴。盡聚東京。屢戰屢奔。疾走渡河。以此羈遲。不遽班師。〔末〕大將軍。你切莫計功多。朝廷立意和。〔生〕心中無限事。天意竟如何。〔生〕朝廷罪我。快分付張號回軍。〔小生小外〕爹爹。想我父子三人。身冒矢石。出萬死一生。得河北之地。千日得之。一日失之。且待一發收伏東京。迎二聖還朝。那時叩闕謝恩。將功折罪。未爲遲也。〔生〕孩兒說那裏話。朝廷之命。豈容遲得。〔淨丑扮父老上〕

〔出隊子〕才得樂業。才得樂業。聞說班師。衆所驚。幸離左衽。脫羶腥。萬戶千門。歌太平。從此班師。又起戰爭。〔衆父老叫介〕將軍未可班師。救我百姓。〔生〕甚麼人喧嚷。〔衆〕

稟爺知道。是河北父老要見爺。〔生〕着他進來。〔淨丑〕爺爺。父老每磕頭。將軍未可班師。救我百姓。〔生〕我有甚好處與汝等。留我怎麼。〔淨〕怎麼沒有好處。向者將軍來時。我等頂香盤。運糧草。箚食壺漿。以迎王師。此一節胡虜悉皆知之。將軍一旦回軍。我等無瞧類矣。〔生〕衆父老。今日非吾不欲恢復。朝廷累次金牌宣詔。豈敢有違。〔丑〕將軍。我等淪沒羶腥。將踰一紀。伏聞將軍整兵。志在恢復。我等懸望車馬之音。以日爲歲。今將軍所向。胡疆漸伏。醜虜皆奔。我等以爲幸脫左衽。忽聞將軍班師。不以中原赤子爲念。是豈忍棄垂成之功乎。〔生〕不是我要回京。是朝廷主意。〔淨丑〕將軍若是回去。金人知道趕來。我等就似滾湯潑老鼠。一窩兒都是死。〔衆〕朝廷又有旨意來了。〔淨丑〕好了。這定是留岳將軍了。〔末賣金牌上〕

〔滴溜子〕尊朝命。尊朝命。走馬到來。將軍的。將軍的。火速便回。道孤軍不宜遲滯。朝宣出禁闈。須識機。你看十二金牌。宣詔似飛。將軍。這是十二道金牌。宣取班師。如何故遲不至。〔生〕孩兒。朝廷詔我如此緊急。不免就此班師便了。只是我十年之功。廢于一旦。快擺香案來。〔哭介〕我那二聖呵。

〔啄木兒〕懷忠盡。珠淚彈。聖上竟不念二聖蒙塵。何日返。全信着悞國奸臣。怎做得臥薪嘗膽。金酋望風皆逃竄。朝廷屢詔催軍轉。枉費我十載功勞。一旦間。〔前腔〕〔末〕君王詔。不等閒。十二道金牌出禁班。邊庭上暫且停征。召將軍速回京輦。畢竟是加官進爵添榮顯。威名振主真希罕。義肝忠膽自古難。

〔二段子〕〔衆父老〕黎庶痛酸。望旌旗度日似年。鸞輿未返。望窮荒哀號怎攀。將軍此去何日返。金酋到此皆塗炭。父老隨遷。只得往南。

〔歸朝歡〕〔生小生小外〕聽他道。聽他道。使我淚漣。眼見得皆爲變遷。嗟離亂。嗟離亂。此際怎免。自今急回帝輦。爲臣報國應無忝。幾年汗馬身歷戰。天那。博不得功就名成姓字顯。〔生〕我與天使大人單騎回京。你二人回去拜上母親妹子。不必掛念。我到京師。料然無事。如有我親手筆札取汝。方可進京。否則不可亂動。〔淨丑留介生〕爾等不要慌。還有兩個小將軍在此。歸期尙緩。〔淨丑渾介〕

暫爾收兵赴帝京。

須臾分別便登程。

殺取金酋皆逃竄。

凱歌番作楚歌聲。

### 第十三齣 兆夢

〔高陽臺〕〔老旦上〕時念兒夫。統兵討虜。交鋒令鎮邊庭。昨夜三更。緣何夢寐不寧。小旦〕家尊去後常念想。每日裏兩淚盈盈。向堂前深深再拜。問取緣因。〔老

旦〕孩兒。你父親與哥哥進征之後。杳無音信。昨夜三更時分。得其一夢。甚是不祥。〔小旦〕請母親

說與孩兒知道。〔老旦〕

〔山坡羊〕昨夜三更方寐。正合眼朦朧之際。忽然自入深山內。見一虎覓食。落在深澗裏。被強徒把他擒拿住。將他削爪敲牙。損卻身上皮。〔合〕思之。吉凶尙未知。思之。教人心下疑。

〔前腔〕〔小旦〕聽婆婆言其端的。教奴家不覺垂淚。我爹爹有甚不明事。奴暗思爹爹甚所爲。想他赤心報國。報國行仁義。料不做韓彭劍下危。〔合老旦〕院子

那裏。〔末〕繡閣忽聞呼喚語。疾忙趨步出階庭。夫人有何分付。〔老旦〕你去尋一個卜卦先生進來。

〔末〕曉得出得府門首。咫尺是他家。先生在家麼。〔丑〕誰叫來了。來了。〔上〕

〔梨花兒〕我做先生本事高。諸家課命皆熟妙。走到人前信口嘲。嗟。若來問卜

何曾效。〔末〕好先生。〔丑〕我做先生不俗。子平幼年曾讀。流星訣篇篇記得。演禽經字字精熟。有人

請我燒紙。便要偷魚偷肉。占卦占卦不靈。算命批語斷續。前日有一個人與我不和。報了我陰陽生。

驚得我滿身麻木。若要分曉。還要請家叔。〔末〕這等不高了。〔丑〕高也不高。低也不低。莊家人不識

串字。中中你卻是何宅。〔末〕我是岳府中。請你卜卦。〔丑〕就去。〔末〕少待。〔稟介相見介老旦〕取課

錢來。〔禱介〕

〔奈子花〕夜來一夢蹺蹊。不知主何凶吉。虔誠禱告天和地。免教人心中疑慮。

乞賜昭彰報應詳細。〔丑〕吉日良時。天地開張。日月合其明。四時合其德。今請易中先聖八卦

大人。八八六十四卦。內占一卦。三百八十四爻。內占六爻。爻不可亂動。卦不可亂成。今有上姓。〔老

旦〕姓張。〔丑〕要問張氏有凶斷凶。有吉斷吉。明彰昭報呀。覆夫人。卜得山風蠱卦。〔老旦〕蠱者何

也。〔丑〕蠱者壞之極也。不知何用。〔老旦〕先生聽我道。



〔剔銀燈〕今日問先生就裏。〔丑〕袖裏一些東西也沒有。〔老旦〕吉凶事乞推詳細。兒夫領兵邊庭去。不知主有甚災危。想他們赤心報國。空惆悵不覺淚垂。

〔前腔〕〔丑〕小子告夫人聽啟。這卦象應是蹉蹊。小子不敢說。〔老旦〕但說何妨。〔丑〕

相公必有牢獄罪。〔老旦〕怎麼有這等事。〔丑〕待我再繳一卦。〔繳介〕呀。一發不好了。此卦主男

子有血光之災。女人有分離之苦。〔老旦〕應在幾時方好。〔丑搖手介〕要出頭直待來世。〔老

旦〕莫非謬言。〔丑〕斷直望夫人休怪取。〔老旦〕取課錢來謝先生。〔丑〕不須謝小子告

辭。〔下老旦〕孩兒適來先生之言。心中疑慮。我欲請幾位道士解禳此夢如何。〔小旦〕母親如此甚好。

〔老旦〕院子過來。你與我請幾個道士進來。做齋禳星。以解此夢。〔末應介〕纔離潭府。來到洞天。

〔請介淨丑上〕

〔普賢歌〕出家辦道人不如。打靜工夫誰可及。丹成幸滿時。飛昇事可期。只恐眼下無錢忍肚飢。小道小道。其實玄妙。善能步虛。又會佐醮。忽然興發。化道使鈔。被人拿住高弔。

送到岳府問罪。料他今日又逃回。依舊與人做醮。〔末見科稟介相見介老旦〕我今請二位來。要祈

保將軍出軍得勝。人馬平安。夜夢不寧。將凶化吉。〔淨〕請說意旨。〔老旦〕大宋國相州府湯陰縣信女張氏。同女岳氏銀瓶。有夫信官岳飛。同男岳雲張憲。奉旨領兵在邊。兼以連宵寢睡不寧。保釀他在邊身安無咎。〔淨丑〕元來如此。小道宣揚。大叔禮拜。〔淨丑介〕

〔頌〕爐間香遍滿。紅蓮花西河柳寄生。草高插金瓶。金絡索對玉環。八寶妝疊成御座。整肅三段子之壇場。莊嚴四邊靜之法界。一心奉請鳳皇閣上二郎神。高陽臺中菩薩蠻。速駕風馬兒之雲程。暫班降黃龍之聖馭。供獻雙鷓鴣鬪鶴鶉之珍羞。擺設紅林禽奈子花之異品。進梅花酒。獻玩仙燈。打三棒鼓。作五供養。稱人心願。訴衷腸。今有虞美人。同女七娘子。婿劉潑帽。外甥耍孩兒等投誠。伏爲張氏忽于今年十二月內。月上海棠時分。在銷金帳中。夢見山下虎爭食。山坡羊。思念不祥。因上小樓卜算子。聊施桂枝香。十百二十炷。金字經五百五十卷。兼施十段錦。一疋布。一錠金等件。恭設小梁州內水仙子瑞鶴仙等。恭就家庭啓建四朝元道場一會。答酬前願。仍用祈保夫君出隊子在外。身中不犯

胡兵之凶。早獲得勝令之喜。方解長相思之苦。得安望遠行之心。伏願普天樂。醉太平。家家雙勸酒。歸朝歡。人月圓。戶戶慶青春。熱盪沽美酒。辣煮水底魚。請到七兄弟和佛兒相隨。唱起洞仙歌。喫得醉扶歸。步步嬌難行。月兒高照亭前柳。謁金門。催玉漏遲。摸番了油葫蘆。污了鬱金衣。情知不是路。杜韋娘早到。點起剔銀燈。手執引軍旗。將我打破點絳脣。血流滿江紅。痛到五更轉。霜天曉角。貪口食天尊。不可私議功德。夫人請上香。

〔排歌〕〔二旦〕特展丹衷。焚香拜啟。虔誠禱告虛皇。昨宵有夢太不祥。今啟齋壇作保讓。〔合〕求福庇。祛禍殃。一家內外得安康。嚴齋沐。聽讚揚。精誠端可感穹蒼。

〔前腔〕〔淨丑〕誦罷琳琅。餘音尙揚。白鶴飛下壇場。七星寶劍氣光芒。斬怪祛邪到處強。〔合前〕告夫人。道場圓滿。願夫人福長災消。吉祥如意。小道就此告回。〔老旦〕起動先生。

院子取香金酬謝。〔淨丑〕多謝了。

收拾經筵罷醮壇。

願祈齋主保平安。

再祈邊境風塵息。

父子功名奏凱還。

### 第十四齣 說機

〔臨江仙〕〔末上〕塵世紛紛何日了。那堪歲月匆匆。番雲覆雨本無蹤。人生如一夢。方曉到頭空。明心不用曇花照。見性何消貝葉傳。出水水消元是水。回光月落不離天。貧僧乃金山寺中住持道月和尙是也。能通三教。習麻衣希夷之相。頗知過去未來之事。夜來伽藍托夢。故人岳鵬舉來此徑過。須當迎接。徒弟那裏。〔丑上〕汲泉烹細茗。一鉢了餘生。師父稽首。有何分付。〔末〕徒弟。你可打掃山門方丈。倘有官客到來。即便通報。〔丑應介〕

〔步步嬌〕〔生領衆上〕纔離邊疆征塵地。單騎回京去。江山如畫圖。四野人民漸安生理。〔衆〕稟爺。瓜州地面了。〔生〕朝夕煞奔馳。早來到瓜州地。左右。我故人道月長老。他

在金山寺住持。我要去訪他。可泊了船。叫擺江船渡我過去。〔衆介生過船介〕聞鐘始覺山藏寺。到岸方知水隔村。〔丑〕無事不登三寶殿。等閑休向塔中行。和尙接爺。〔生〕和尙。你道月長老有麼。

〔丑〕有。師父。岳爺相訪。〔末〕快請。將軍請了。〔生〕長老請上。下官有一拜。江心一梵宇。佳致勝蓬瀛。〔末〕久旱逢甘雨。他鄉遇故情。〔丑〕譚介末。休得胡說。快分付擺飯。將軍一向聞將軍統領大兵與金國交戰。願將交鋒事情。一一見教。〔生〕長老聽說。

〔駐雲飛〕只爲金國侵邦。塗炭生靈。作戰場。勅我元戎將。銳氣誰能擋。嗟。殺得醜虜盡潛藏。感吾皇。博得個衣紫腰金。朝野爲卿相。方顯男兒當自強。

〔駐馬聽〕〔末〕四遠名揚。元帥英雄誰敢當。〔生〕敢問長老。下官氣色何如。〔末〕看你近來模樣。氣敗神疏。面帶災殃。〔生〕煩長老仔細看一看。〔末〕側耳天庭。鼻準氣青障。九州衰敗非常相。元帥不好說得。〔生〕但說何妨。〔末〕元帥此去。必有喪身之禍。似過長江。破船逢着驚人風浪。〔生〕還有一件。我夜來夢見二犬爭言。主何凶吉。〔末〕呀。元帥。你是個讀書之人。豈不曉得二犬爭言。豈不是個獄字。此去必有牢獄之災。〔生〕長老說那裏話來。

〔駐雲飛〕我有濟世經邦。一點丹心托上蒼。雖有奸邪黨。怎把我精忠謗。嗟。勳業世無雙。淨邊疆。裂土封侯。拜受君恩賜。圖像麒麟萬古揚。

〔駐馬聽〕〔末〕你不信陰陽。豈不聞消長盈虛事有常。想淮陰韓信。英布身亡。彭越遭殃。干戈擾攘。卻用你承當。太平誰許你爲卿相。元帥。你白索斟量。莫待臨崖勒馬。將韁繩來放。〔生〕承教了。下官就此告別了。〔末〕元帥。貧僧有一偈。元帥可牢記。將軍此去莫心焦。爲見金牌禍怎消。滾滾風波須仔細。留心把舵要堅牢。請了。恕不遠送了。〔下丑上

介生〕張保。我是回京的官。不來看他也罷。倒說出許多不好。好生狐疑。〔丑〕爺不要聽他。百姓們早間見了和尚。便叫厭物來了。便有一日不順溜。老爺于路行來。或者有些塵垢在面上。他就說得許多悔氣。若張保面上青青白白的。怎麼不說。〔生〕休得胡說。分付開船。〔外領衆搖船上〕來的甚麼船。〔丑〕岳爺欽取回京的。〔外〕快攏來。有聖旨在此。〔生跪介外〕奉聖旨。岳飛屯兵三關。不與金人交戰。是何主意。紐解來京。另行勘問。〔上刑具介生〕大人。這個是馬頭張保。望大人方便。〔外〕便帶這一人也罷。餘者不容。〔丑哭介〕老爺怎麼好。〔生〕不妨。自有天理在上。此去何愁。

〔懶畫眉〕鐵浮圖計破誰耀。鐵兜鍪。拐子馬傷殘。誰敢揚爾戈。功成十載盡消磨。三軍散盡。把我身拘束。爭奈宋室江山。怎奈何。

犯法身無主。

權從作罪人。

### 第十五齣 省母

〔一翦梅〕〔老旦小旦上〕夫去邊庭今久矣。望斷音書。日夕憂疑。孩兒。你爹爹與哥哥在邊上征勦。杳無音信。好悶人也。〔小旦〕母親。爹爹久無音書。想只是無暇修札。請自寬心。〔小生小外上〕

〔前腔〕父蒙宣召赴京畿。定省親闈。訴與因依。〔入相見拜介老旦〕爲何你爹爹不見回來。〔小生〕覆母親知道。朝廷不知爲何。連發十二金牌。宣詔回軍。爹爹單騎與天使回京去了。着孩兒回來拜上母親妹子。不須憂念。我爹爹呵。

〔白練序〕承宣命。解軍權。促行裝。往帝京。教傳示萱堂。暮年衰景。思省悶轉縈。恐十載功勞。一旦傾。〔合〕從天命。前程休咎。未知分明。

〔前腔〕〔老旦小旦〕傷情。淚暗零。邊庭未寧。因何事金牌屢促回京。朝廷必自明。早難道功勞成畫餅。〔合〕

〔尾聲〕悲歡離合皆前定。好辦丹心答聖明。天理昭然福自生。

吉凶猶未測。

母親休痛憶。

眼望旌捷旗。

耳聽好消息。

### 第十六齣 掛冠

〔探春令〕〔淨上〕心藏機事有誰知。取岳飛班師。管教一命歸泉世。方遂我平生志。恨小非君子。無毒不丈夫。可奈岳飛手握重兵。專沮和議。被我連發十二道金牌取回。就送大

理寺牢固。不免委官勘問。左右何在。〔衆〕堂上一呼。階下百諾。丞相有何鈞旨。〔淨〕你去大理寺請

周少卿來。〔衆介末上〕

〔三台令〕幼年努力功名。萬丈龍門已登。大理掌刑名。秉公正四海人欽。平生

正直性無偏。一點丹心答上天。但願蒼生歸化育。免教黎庶受熬煎。下官大理寺少卿周二畏是也。

你是那裏。〔衆〕小的是秦府中差來。請爺議事。〔末〕就去。〔衆報介末入相見介淨〕今早傳下旨意。

爲岳飛屯兵三關。不與金人交戰。實懷二心。委你勘問。務要他招按兵不舉之罪。回覆聖上。保你做



大大官。〔末〕既有聖旨。豈敢故違。只是軍民人等皆言岳家父子三人盡忠報國。殺金人望風而走。豈有按兵不舉之理。望丞相思之。〔淨〕少卿。你聽我道。

〔普賢賓〕他倚着兵權在手。將日月遷。把兵扎住在三關。父子三人名位顯。全不肯奮勇當先。把糧虛運轉。只恐他別生機變。取他回帝輦。殺卻他遂吾心願。〔前腔〕〔末〕貧窮壽夭都在天。人都道他是蓋世英賢。統領三軍安寨垣。秉忠心四海名傳。今遭罪愆。天不肯從人心願。交我難盡言。〔淨〕你切不可容情。〔末背

介〕老丞相呵。怎做得與人方便。〔淨〕徐寧。你可帶了原狀去。〔衆應介〕

只爲他人甚有謀。

按兵不舉作因由。

管取一門都殺盡。

任他何處報冤讎。

〔淨下末弔場〕咳。皇天無私。惟德是輔。今岳將軍收復河北之地。萬死一生。不得加官進爵。反着我問他按兵不舉之罪。于天理何在也罷。待我審錄一番。再作區處。徐寧。快帶岳將軍出來。〔衆介生  
囚服上〕

〔胡搗練〕爲國戰無休。平白地把我作監囚。岳飛爲朝廷征討金酋。正在成功之際。不知爲何連發十二道金牌。取我到京。又道聖旨不容朝見。將我監在大理寺。徐寧帶我出來怎麼。〔衆〕今日周少卿老爺勸問你。〔生〕周少卿是個正直的人。料有明白。〔見介末〕將軍請起。〔生〕岳飛今日有犯。怎敢。〔末〕奉聖旨。〔介〕將軍有人飛書告你按兵不舉。虛運糧草。與金國同謀。你從實供招。免受刑法。〔生〕大人在上。岳飛從幼便以盡忠報國四字銘刻于身上。請大人細驗。〔開衣介末看介〕元來果有此四字也罷。且把交戰事情。一一說上來。下官拱聽。〔生〕

〔鎖南枝〕蒙朝命。統大兵。奮英雄。恢復河南郡。父子三人扎住朱仙鎮。〔末〕這就不該了。怎麼不與金人交戰。〔生〕怎麼不戰。一日裏有數次惡戰爭。殺得那金酋望風不見影。〔末〕既有許多功。怎麼有人告你按兵不舉。〔生〕

〔玉交枝〕非按兵不舉。定奇策功業早成。長驅大戰皆得勝。〔末〕復那裏地方爲證。〔生〕復荆襄諸郡爲證。金兀朮殺得不見影。羶奴望風皆逃遁。撚指間立見

太平。這便是岳飛罪名。

〔前腔〕將軍聽啟。你功勞如何。是罪名。僞遊雲夢。擒韓信。這都是誤國奸臣。蒼天照臨。必自明。阿權附勢。眞讒佞。聽說罷教人淚零。將軍。你且監中少坐幾日。下官自有道理。徐寧帶去。〔生〕一片丹心如鐵石。盡忠報國有誰知。〔下末〕衆禁子散去。明早來伺候。〔衆下末〕我想岳將軍有這等功勞。不能封侯受爵。反受縲紲之苦。下官叨蒙俸祿。不能救困扶危。豈可隨奸附惡。屈陷忠良。天理豈能容哉。況強敵未滅。二聖未返。無故戮一大將。必失士卒之心。非社稷之計也。且如韓信。纔布不能自保其身。我三畏願學張子房。棄職歸山。作個長生不死之術。多少是好。若回私衙。妻兒纏擾。必不能脫身。不免就此前去。〔脫冠帶介〕

〔畫眉序〕跳出利名關。脫下烏紗與羅襪。換麻衣革履。自覺身閒。一任他雨覆雲翻。誰似我冰消霧散。笑談拂袖歸山去。再不入虎穴龍潭。

周三畏修行辦道。

秦丞相不分忠孝。

今納下象簡羅袍。

學逢萌不聞宣詔。

## 第十七齣 調勸

〔玉胞肚〕〔淨上〕心中謀事恨未消。如何撒手。昨朝委人去推究。未知肯與分憂。不成招罪。怎干休。不是冤家不聚頭。昨日着周三畏勘問岳飛。如何不見回報。〔雜上〕

屈陷忠良實可悲。辭官棄職遠災危。指望將心托明月。誰知明月照溝渠。報事報事。告丞相。周少卿見岳將軍供說盡忠報國情由。他心不忍勘問。棄職歸山去了。特來稟覆丞相。〔淨〕正是畫虎不成反類狗者也。眉頭一蹙。計上心來。有一寺丞万俟卨。與岳飛有仇。着他勘問。必然肯下手拷打。左右去大理寺請万俟寺丞來。〔雜請介丑上〕

〔梨花兒〕忽聞丞相呼喚咱。歡歡喜喜來回話。必然岳飛那事發。嗟。將他殺害方干罷。下官自幼不識文墨。長大那曉行藏。不分忠孝與賢良。到手何曾輕放。〔雜〕丞相爺請爺議

事立等。〔丑〕就去。〔雜稟介丑相見介〕丞相呼喚下官。不知有何分付。〔淨〕大理寺衙門倒了。前日我委周三畏勘問岳飛。就容情懼罪。脫逃去了。我今委着你去勘問。務要他招按兵不舉。虛連糧草之罪。保你做大官。丑多謝丞相擡舉。小官衙門裏有兩樣新刑法。不怕他不招。〔淨〕甚麼新刑法。

〔丑〕叫做披麻問。剝皮拷。〔淨〕甚麼披麻問。剝皮拷。丑把麻揉得粉碎。把魚膠熬的爛熟。帶岳飛

出來。只說你部下王俊告你按兵不舉。虛運糧草。你招也不招。他若招了。帶他去了。他若不招。去了衣服。敷上一層魚膠。一層麻皮。一層麻皮。一層魚膠。敷上六七層。叫帶去。一日不問。二日也不問。第三日帶岳飛出來。招也不招。若是招了。將溫湯揉軟取去。若不招。叫牢子與我扯下來。扯一塊。去一塊皮。這叫做披麻問。剝皮拷。〔淨〕如此最好。

〔對金環〕委你去勘岳飛。要問按兵不舉之罪。若還不肯招成罪。用非刑好生決治。〔合〕記取。你容情定不輕恕。

〔前腔〕蒙尊委。怎敢推辭。到其間。須審詳細。重加刑法。難容恕。要他招。按兵不舉之罪。〔合〕明日。定來稟覆台旨。

汝今先到獄庭中。

勘問須當用計兇。

父子三人都殺盡。

定須一網打交空。

## 第十八齣 嚴刑

〔末上〕打掃廳堂。淨設坐位。整頓蒲鞭。安排刑具。自家蒙萬俟卨分付。今日推問岳將軍。教我辦下

麻皮魚膠。不免在此伺候。道猶未了。老爺早上。丑領衆上。

〔大齋郎〕今日辨是和非。當堂推問詳細。若還不肯招前罪。管教他命歸泉世。那時怨着誰。自家万俟卨是也。叵耐岳飛。我前日解糧到邊上去。略遲了些。被他細問起來。打四

十棍。如今也撞在我手裏來。本錢利錢通要還這個冤家到手。叫牢子。如今帶岳飛出來。叫你打着實打。叫你拶着實拶。若有容情。一概問罪。都起來站着。叫徐寧快帶岳飛出來。〔衆應介帶生上〕

〔前腔〕平白地把人拘繫。絕滅天理。赤心報國遭罪戾。做了傾盆啞婦。怨訴誰知。〔生〕今日是甚麼官勘問。〔雜〕周少卿爲你。懼罪棄職。入山去了。今日問官是万俟老爺。〔生〕咳。可

憐他竟棄職去了。你說万俟老爺。是那個万俟爺。〔雜〕就是臨安府通判陸過來。今做寺丞。〔生〕就是他。他前日解糧來。被我打了四十。今日落在他的彀中。罷罷。心存正道。何怕奸回。〔見介〕大人在上。岳飛沒有公服。不得施禮。〔丑〕哇。你曉得入公門鞠躬如也。我奉朝命勘問你。那個與你施禮。

〔生〕我有功于社稷。無罪于朝廷。〔丑〕你既有功于社稷。無罪于朝廷。又緣何你部下軍人王俊告你按兵不舉。虛運糧草。詐稱無糧。〔生〕三軍未動。糧草先行。難道無糧不成。〔丑〕無糧不成。反輸一

帖。我倒跪了你何如。〔生〕我是統兵都元帥。怎麼跪你這樣鬼嘴。〔丑〕你是統兵都元帥。我是耍戲官。請聖旨過來。〔生〕既有聖旨。怎麼不跪。〔丑〕如今也不要跪。請起。這等可惡。〔生〕

〔集賢賓〕我待學張巡許遠立廟堂。〔丑〕張許誰不曉得。他是唐時人。他領孤軍鎮守睢陽一郡。後來也被擒拿而死。何況于你。〔生〕說那裏話。史書上萬載名揚。〔丑〕名揚名揚。那裏是你的戰場。〔生〕父子三人歷戰場。要平金靜掃邊疆。徒勞意攘。我那聖上呵。自壞

了金湯保障。冤屈怎當。我想當初身爲主帥。今日反爲囚犯。折罰我這般模樣。〔丑〕岳將軍。人都說你是好漢。便是這個罪名招了罷。〔生〕你既要我招。何不叫那告人來對理。〔丑〕那告人喫多了海蜇。停食而死了。不打不招。奉聖旨把岳飛好生打四十。〔打介丑〕撈起來。〔撈介丑〕本錢到了手了。這撈是利錢。你若不招。再用一套剝皮拷。不怕不招。叫左右看麻皮魚膠過來。〔衆介生〕

〔前腔〕將我千般拷打百樣傷。打得我兩腿成瘡。〔丑〕你就是白起不惜陰騭。正如曹翰不存仁心。故今日有此業報。〔生〕白起殘心坑趙降。那曹翰好屠城。老幼遭殃。人都誦講。宣尼尙厄于陳蔡。何況于我。命不從斯文天喪。〔丑〕我這裏是甚麼衙門。誰許你通文

調武可惡。〔生〕空白忖量。我與國家立此大功呵。那裏是衣錦還鄉。〔丑〕你不招麼。左右的將熱膠來灌在他身上去。〔生〕不要灌。我招。

〔貓兒隊〕我待一筆招認。便死有何妨。〔低唱介〕爭奈我孩兒將兵馬掌。若知此事怎生當。悲傷願取到京師。一處身亡。〔丑暗聽伸舌介〕岳將軍自言自語。說些甚麼。

〔生〕我岳飛豈不要屈招。爭奈我有兩個孩兒。把軍馬扎住朱仙鎮上。他若知我受此冤屈。必然領兵前來報冤。那時難全父子忠孝之名。〔丑〕岳將軍好人好人。〔背介〕我倒忘了。還有兩個兒子。領兵在外。真個知道。要來報冤。那時怎麼好。早是他心好說出來。岳將軍。如今你待要怎麼。〔生〕情願親寫書札。取我兩個孩兒來京。一同受罪。方全我父子忠孝名節。〔丑〕左右快取紙筆來。〔雜介生〕

〔一封書〕今書與憲雲。我到京師無戰征。朝廷命取恁。要封官當拜領。暫把三軍屯扎住。莫負皇朝寵錫榮。見佳音。便登程。努力加鞭莫暫停。書已寫完。你可差

人送去。〔衆介丑〕將軍且請寬坐。〔雜帶生下〕

〔哭相思〕盡節全忠下獄牢。千般拷打要成招。黃泉有日冤相報。方顯男兒恨。



不消。〔下丑〕事不三思。必有後悔。早是如此。儻或把他打死了。他兩個孩兒有萬夫不當之勇。領兵前來。不要說我與丞相。朝廷也難保。徐寧。你取了書。逕到鄂州去見了他兩個孩兒。只說老將軍在京無恙。專等二位小將軍到京。一同封功受賞。

丞相言詞要忖量。

如今須是謹隄防。

候取二人同下獄。

管教父子一齊亡。

### 第十九齣 辭母

〔破陣子〕〔老旦上〕烽燧年來未息。一朝何事班師。〔小旦小生小外上〕爹爹別去無消息。吉凶事全然未知。〔合〕教人心轉疑。〔老旦〕人無遠慮。必有近憂。自你爹爹去後。杳無音信。不知爲何。〔小生〕便是母親。我爹爹呵。

〔傍妝臺〕爲皇朝。捐軀征取敢辭勞。待掃蕩胡塵。爭扶日月上青霄。竟不料權奸阻。火速遣金牌詔。班師旅。脫戰袍。空教父老望旌旄。

〔泣顏回〕〔老旦小旦〕京師千里路迢迢。杳沒音書來到。愁縈懷抱。終朝轉覺無

聊功多位高。慮蕭牆禍起。應不小。頓交人珠淚痕拋。何日裏再同歡笑。

〔不是路〕〔雜上〕水宿風叨。跋涉程途。今喜到鄂州道。岳侯甲第接青霄。〔小生

小外〕是誰曹。有甚事前來。須說分曉。〔雜〕手札親贖。不憚勞。須知道將軍嚴命

休違拗。起程須早。起程須早。〔小生〕你且西廳請坐。〔雜介下小生〕母親。且喜爹爹有書到了。

〔老旦〕讀與我聽。〔小生照前讀書介老旦〕爹爹既有書召汝等。汝等即當起程便了。〔小生小外〕

謹依母親慈命。孩兒就此拜別前去。〔拜介〕

〔皂角兒〕嘆別離。心中正焦。見尺書喜從天到。暫違卻萱堂旨甘。隨即侍嚴親

趨詔。沐天恩。承寵渥。食天祿。萬載名標。〔合〕只今別去。山長水遙。意匆匆遠離

膝下。目斷魂消。

〔前腔〕〔老旦小旦〕到岐亭。愁折柳條。離筵設酒杯慵倒。望帝鄉白雲縹緲。聽驪

歌珠淚痕拋。願邊疆無事擾。撫黎民。除殘暴。頓息兵刀。〔合〕修文偃武。昇平聖

朝。再團圓一家骨肉。快樂陶陶。

〔尾聲〕〔衆〕願邊疆無征調。赤心一點佐皇朝。鞏固山河祈永保。

尺素相催卽離家。

欲留無計謾嗟呀。

根深不怕風搖動。

樹正何愁月影斜。

## 第二十齣 東窗

〔齊天樂〕〔淨貼上〕荷枯菊老秋光盡。時值小春天氣。畫閣新開。紅爐再整。戶垂簾幙。〔合〕二友堂前。共賞松竹梅花壽。〔占〕你看東窗好景真奇絕。竹間蒼松梅似雪。〔淨〕

若無閒事掛心頭。便是人間好時節。夫人。我爲岳飛一事在心。日夜不安。正是伏虎容易縱虎難。無言終日倚欄干。男兒兩眼恓惶淚。流入襟懷透膽寒。我欲把岳飛放了。夫人意下卻道如何。〔占〕

相公。你是朝中大臣。這些小事。不能決斷。今將岳飛監在牢中。如虎入窰。若放了他出去。反受其害。

〔淨〕夫人。你有甚計策。可說下官知道。〔末上〕一年好景君須記。正是橙黃橘綠時。自家韓元帥府中院子。着我送柑子與丞相獻新。〔雜稟介末入磕頭介末〕小人奉韓元帥之命。送黃柑與爺獻新。

〔淨〕既如此。生受你元帥厚意。回去多拜上。〔末〕口傳丞相語。回覆我東人。〔下淨〕夫人。韓元帥着

人送黃柑與我。正是有花方酌酒。無月不登樓。我曾分付擺酒。與夫人玩賞片時。將酒過來。〔淨〕

〔黃鶯兒〕今喜足奢華。宰權衡。世所誇。威名赫赫聞朝野。情歡意愜。傳杯弄罌。華堂富貴堪圖畫。〔合〕事無他。對蒼松翠竹。相間早梅花。

〔前腔〕〔占〕對此景偏佳。好筵開。泛紫霞。寒威不到朱簾下。紅爐炭加。香薰繡幄。猛拚沈醉在東窗下。〔合雜上〕有事不敢不報。無事不可亂傳。稟丞相。岳飛兩個兒子拿到

了。〔淨〕都收下了監。不可放在外面。〔雜〕理會得。饒君會使升天志。難躲今朝目下災。〔下淨〕夫人。適來送的柑子。剖來啜酒何如。〔占〕不要剖壞了。此乃殺岳飛的劊子手。〔淨〕此乃柑子。焉能殺得人。〔占〕相公。你將柑子撈空了。寫一紙書藏在黃柑內。令人送與勘官。教他到風波亭。將岳飛父子三人盡皆擺布了他。方免後患。〔淨〕多謝夫人妙計。下官就寫書差人送去。

心事難憑枉致疑。

夫人其實好心機。

憑此黃柑無後患。

東窗消息少人知。

第二十一齣 赴難

〔新水令〕〔生上〕建功立業遭刑憲。冤枉事自有天知見。這苦怎生言。教人無語。仰天長嘆。可恨万俟卨這厮。將我百般拷問。不知我得何罪于朝廷。此等冤屈。何由控訴。罷罷。惟付之長嘆而已。前日我修書去取兩個孩兒。不知何故。還不見到。正是雖無千丈線。萬里繫人心。

〔雜上〕有事忙傳報。無因莫亂傳。稟爺二位小將到了。〔生介小生小外上〕

〔臨江仙〕一日英雄都逝矣。今朝反受災殃。爹爹在那裏。〔生〕孩兒你來了。〔相抱哭介〕

〔哭相思〕百戰功勞空蓋世。英雄番作是非。父子三人遭屈死。滿懷冤恨有誰知。

〔前腔〕〔小生小外〕幼年爲將統貔貅。博得個紫綬金章做列侯。誰想今朝讓巧妬。滿懷怨恨自含羞。爹爹當初聽了孩兒。殺到黃龍府。迎取二聖還朝。將功折罪。不聽孩兒言語。故見如此。〔生〕不要說了。我死爲忠。你死爲孝。

〔五更轉〕自那日在朱仙鎮。把奇謀曾訴。恁金牌屢至。屢至班師旅。〔小生小外〕且整肅軍威。把金酋殺取。抵黃龍府。迎二聖將蒙塵洗。如今到此。到此成何濟。

〔合〕仰面長吁。淚珠空滴。

〔前腔〕〔生〕百戰功誰能及。指望封侯受顯職。爭知到此。到此成虛廢。身繫縲綫。抱不明冤屈。父子每都被囚。老母在天涯隔。交人忿怒。忿怒填胸臆。〔合生〕

〔前腔〕自古來興亡事。其中當自識。赤心直待扶紅日。南渡君臣何輕社稷。陷此身甘受死。願流芳冊。皇天在上。在上垂昭格。〔合丑扮張保上〕家貧顯孝子。世亂識

忠臣。我是岳爺爺手下馬頭張保。隨俺爺到此。將他發在大理寺收監。這兩日不曾進去。今日將這碗飯送去與他充飢。野老獻芹。聊表微意。只有門上緊急。怎生得進。前日俺有勢時節。打進去。罵進去。那個不讓我。苦惱如今怎麼敢。不免前去跪在那裏。其中也有慈悲好善的。言語之間。此處已是

牢門首。只得跪在此間。〔哭叫介淨〕咄。你在此怎麼。〔丑〕爺。小人是岳爺馬頭張保。兩日不曾看得

主人。望老爺方便。〔哭介淨〕獄不通風。又是秦爺對頭。你是何人。要進去。〔丑〕老爺。人道公門不可入。我道公門好修行。岳將軍被人誣陷。望老爺方便。〔淨〕你既是這等說。我做個方便。放你進去。不要嚷。秦爺不時差人打聽。不要連累我們。〔丑〕多謝老爺。〔淨〕朝廷爲你主人。新造一所監房。雷

發號令。星斗煥文章。你主人父子都在章字號。又一件。那湯飯你可先喫些與我看。〔丑嘗介〕爺。小的怎麼敢。〔入介〕我那主人在那裏。〔生〕張保。〔丑哭介〕

〔山坡羊〕主人。你秉赤心赤心忠膽。殺金酋金酋百萬。捉楊么在湖水中。破拐子馬真神算。今被陷。這冤屈事怎甘。何曾把兵沿途緩。都是悞國奸臣將巧計。讓。〔合〕今番。今番要見難。

〔前腔〕〔生〕我哀號呼天呼地。性剛不分一個彼此。哭啼啼元來是張保。恍惚恍惚如天至。張保。你將耳過來。〔低唱介〕試問伊。夫人小姐知未知。〔丑〕小的在這裏。

尙且不知內外。夫人小姐隔了千山萬水。那裏知道。〔生〕苦我那夫人呵。指望百年擗手。到此成何事。我是個好男子。緣何想起家事來。聖上。我生不能報陛下。身死後須當作厲鬼。〔合〕

思之。一聖蒙塵誰報取。思之。中原父老盼望誰。〔丑〕老爺。你可喫一口。問官來時。也好與他對理。〔生〕我兒。我兩脇脹痛。喫不下。〔丑〕二位小主人請喫一口。〔小生小外〕我一發喫不下了。〔丑哭介〕主人。

〔前腔〕你略餐一口素飯。聊表獻芹之念。你當初身爲主帥。便是御饌也何希罕。今在患難間。休嫌品物慳。前程萬里。自有天知鑒。主人。你有甚麼門路。可說與張保

知道。張保當與主人出力。〔生〕我的兒。待死而已。有甚門路。〔丑〕教我救主無門。珠淚漣。

〔合〕今番。今番再見難。〔淨作催介〕快出去。倘有官府下來。不當穩便。〔生小生小外〕

〔江兒水〕自那日承恩去。父子每赤心報國堅。把金酋殺取皆逃遁。豈料奸臣生惡意。金牌召我回京地。今作囚徒狼狽。便死何妨。也得名揚于世。〔淨〕快出去。

萬俟爺來了。〔丑〕主人。我小人去。再來看主人。〔生〕再來看我怎麼。你看我一個下落。急急回去報

與夫人小姐知道去罷。〔丑〕領命就去。苦呵。〔大哭下雜〕萬俟爺執事遠遠來了。只得在此迎接。

〔丑領衆上〕

〔紅繡鞋〕今日推問岳飛。岳飛。今番必定招罪。招罪。縋扒吊拷。受禁持。怎當拶指與竹筴。左右帶岳飛過來。〔生〕你道今日問官是那個。就是解糧來遲。被我打他四十。如今落在

他人手裏。你每上前只把功勞與他講。不要性躁。〔小生外〕謹依爹爹嚴命。〔生〕兩個孩兒取在此



了。他的性格與我不同。〔丑〕哇。他就是塊生鐵。下了爐也打軟了。帶他過來。〔小生外〕大人在上。家父在此。有勞看顧。小生不得施禮了。〔丑〕哇。你部下軍人王俊告你按兵不舉。虛運糧草。與金國同謀。我不是請你喫酒。可是當耍。誰與你施禮。〔小生外〕既有告人。帶過來與他面證。有罪就認。〔丑〕告人前日有一角文書差他邊上去了。喫多了海蜇。停食死了。〔小生外〕哇。我就一造打死你這一起奸臣。〔生〕我兒不要性躁。只將功勞慢慢與他講。〔丑〕還是老將軍說得有理。二位怎麼這等氣質。請退些。逐個上來問。不必粗躁。老將軍你招了罷。〔生〕

〔楚江秋〕想我三人有蓋世功。今日落伊套中。猶如虎落深窠中。領兵爲帥。靜邊戎。使我怒氣冲霄。恨秦檜專權寵。〔合〕安邦的也是空。勤勞的也是空。都做了一枕華胥夢。〔丑〕退後。岳雲上來。你招了罷。〔小生〕

〔前腔〕我功勞足可矜。英雄猛勇。赤心報國。每盡忠。誣我按兵不舉。受非刑也。終日裏世事匆匆。真個是成虛哄。〔合〕功多的也是空。名高的也是空。都做了。一枕莊周夢。〔丑〕退後。張憲你上來。你這樣小小年紀。不與朝廷出力。也隨着父兄幹這般大逆。

事可惡。〔小外〕

〔前腔〕疆場建大功。安邊太平。忠心爲國能盡誠。做了郊原鳥盡弓藏也。誰知在牢獄遭刑。只落得身命傾。〔合〕功高的也是空。名高的也是空。都做了一枕南柯夢。〔丑〕人人說你三人是好漢。不見得。〔生〕殺金會望風而走。怎麼不是好漢。〔丑〕既是好漢。這等輕輕的一個死罪。如何就認不起。〔生〕哇。奸賊好生無理。

〔前腔〕〔生小生外合〕懷奸通大金。人極計生。金牌召我來到京。我只道封官受賞顯功能也。何曾與金國通謀。冤屈事如山重。〔合〕忠貞也是空。懷奸的也是空。都做了一枕蕉鹿夢。〔丑〕請了。我也不問了。〔生〕你也問不得這樁事。回了聖旨罷。〔丑〕請我曉得了。〔二生小外下丑〕進牢中去了。方纔他不動手。若動手。你這幾個人個個被他打死。衆人過來。早上秦丞相鈞旨。分付我着你衆人今晚帶他風波亭上。一齊縋扒吊死結果了。明日衙門裏來回話有賞。〔衆介〕

父子三人命。

今朝一旦亡。

任他功蓋世。

一命見閻王。

## 第二十二齣 同盡

〔末同衆上〕手執無情棍。懷揣滴淚錢。日行狼虎路。夜伴死屍眠。自家徐寧。万俟爺分付秦丞相旨意。將岳家父子三人。今晚在風波亭上。一齊弔死回話。衆兄弟。我想他父子就是老虎一般。誰近得他。莫若我衆人請他出來。哀告他自盡何如。〔衆〕使得。岳將軍有請。〔衆跪介生上〕快起來。我從來不曾看得汝等怎麼行這禮。敢是朝廷有好音麼。〔衆〕有倒有些說話。只是不好說得。〔生〕但說何妨。〔衆掩淚介〕不敢說。〔生〕是了。敢是朝廷要去我父子。〔衆〕果有旨意。只是我等俱不敢。〔生哭介〕皇天。我有如此大功。倒要去我。罷罷。朝廷之命。與汝何干。只是我兩個孩兒知道。猶恐有變。你可放了我的。只說朝廷有赦。叫我兩個孩兒出來。我自去處。〔衆應介生〕岳雲那裏。〔小生〕爹爹。有。〔生〕孩兒好了。朝廷有赦。汝可就縛。迎接旨意。〔小生〕怎麼縛了。〔生〕恐你有變。〔衆縛介〕張憲何在。〔小外〕有。爹爹。怎麼把哥哥縛了。〔生〕我兒。朝廷有赦。恐汝等有變。汝亦當就縛。迎接聖旨。〔衆縛介生〕汝等也把我縛了。那裏迎接聖旨。〔衆〕風波亭上去。〔生〕罷了。我那兒。我那日在邊上。

回來。江心內金山寺中有個道月長老。是我故人。因便過訪。臨行時與我一偈。偈曰。將軍此去莫心焦。爲見金牌恨怎消。滾滾風波須仔細。留心把舵要堅牢。我只道揚子江風波。誰想我父子死于風波亭上。「小生小外」爹爹這等說。是朝廷要去我父子了。何不早說。我們打將出去。「生」說那裏話。自古忠臣不怕死。怕死不忠臣。

〔山坡羊〕收拾了凌雲豪氣。「小生」丟撇了十年功績。「小外」同聚首仵伶父子。「衆」恨奸臣剗地裏生奸計。母與妻。知他在那裏。良田萬頃占不得眠牛地。視死如歸。有誰人扶社稷。「合」思之。赤心報國天地知。思之。誤國奸臣天地誅。「衆下末」你看岳爺爺上天去了。都是秦丞相主意。非干我等之事。岳爺爺。

〔憶多嬌〕天也知。地也知。如何忠孝屈陷伊。這段冤仇天地知。恨殺秦賊。恨殺秦賊。把他一家陷溺。我們衆人。不免回秦丞相討賞便了。正是

閻王註定三更死。

病不留人到四更。

第二十二齣 中計

〔雙勸酒〕〔淨上〕專權爲黨。主和爲上。只爲岳飛恃強。常懷心上。殺害他父子俱亡。那其間報答金邦。常言人無害虎心。虎無傷人意。叵耐岳飛倚仗父子勇武。意欲恢復中

原。專阻和議。今被我令人告他按兵不舉。拿下大理寺勘問。連日不肯成招。思想起來。延挨日久。恐爲後患。夜來分付勘官。將他父子三人盡皆吊死。今早不見回報。〔末〕受人之托。必當忠人之事。

〔淨介〕徐寧。着你幹的事如何了。〔末〕蒙丞相鈞旨。岳飛父子三人。夜來三更時分。盡皆吊死了。〔淨〕好好事已完矣。我如今奏過官裏。將他家屬老幼。盡皆發遣。不許本處藏留。徐寧聽我道。

〔番鼓兒〕我在金國。在金國。曾盟誓。前日被阻和議。只謂勢不兩立。陰中吾計。殺死在牢中。方稱吾心意。

〔前腔〕告恩主。告恩主。好深計。將他裝卻這般罪。今朝死矣。少人知。相驗相同。莫交爲累。

父子三人一旦亡。

發他老幼去他方。

善惡到頭終有報。

且圖眼下莫思量。

## 第二十四齣 憐主

〔丑上〕闖外歸來獄已成。秦人指日壞長城。九泉父子三人死。忠佞從來不共生。自家岳將軍帳下張保。且說我將軍父子三人。真個文武雙全。忠孝兼盡。兒童知其姓名。草木知其威勢。殺敗金人三四十陣。方得河北之地。要殺到黃龍府。迎取二聖回朝。誰料奸臣妄奏。將金牌收回京師。要問他按兵不舉之罪。送大理寺弔死了。不免星夜到鄂州去。報老夫人知道。作急前來。置買衣棺。埋葬將軍父子屍首。多少是好。

〔步步嬌〕蓋世英雄成何濟。都做了銜冤鬼。夫人他怎知。我不憚崎嶇。報說詳細。這苦訴阿誰。不覺雙垂淚。

無故殺忠臣。

淒涼不可聞。

豈辭辛苦意。

報與故園人。

## 第二十五齣 聞訃

〔臨江仙〕〔老旦〕孩兒夫婿在京畿。何事魚雁全稀。〔小旦〕望窮雲樹路參差。

精神長恍惚。心事亂如絲。〔老旦〕孩兒。自你爹爹取你兩個哥哥到京。杳無音信回來。好生掛念。〔小旦〕母親。正是烽火連三月。家書抵萬金。

〔好事近〕〔老旦〕正好樂期頤。又值邊釁烽起。金牌屢詔。催逼得父子班師。思之。此去望京城。消息何不寄。頓令人暗擲金錢。問卜並沒端的。

〔前腔〕〔小旦〕多應是加官受賞拜丹墀。因此上無暇修書。何須憂忠。不久定有歸期。重開綺席。那其間骨肉仍歡會。感皇恩寵錫無窮。端不負汗馬功績。

〔太平令〕〔丑上〕不憚驅馳。特把凶聞報與知。將軍父子皆傾逝。說着伊淚偷垂。

〔前腔〕〔二旦〕爲甚因依。驚得我娘兒心戰慄。〔丑〕不須哽咽聽咨啓。請登程及早去收屍。〔老旦〕爲何。〔丑〕告夫人小姐知道。秦檜蒙蔽朝廷。連發十二道金牌。取老將軍回京。不容朝見。竟發大理寺收監。〔老旦〕既如此。緣何老將軍手札。復取兩個小將軍去。〔丑〕老將軍恐小將軍有變。特地取去。一同勘問。〔老旦〕那時老相公招也不招。〔丑〕自不曾招。忽于臘八之夜。

在風波亭上。將老將軍父子三人一齊都吊死了。〔老旦小旦〕死了。兀的不痛殺我也。〔倒介丑介老旦〕

〔香柳娘〕痛骨肉天亡。家無依倚。奔喪千里身怎惜。把行囊整束。把行囊整束。只得苦奔馳。骸骨怎拋棄。〔合〕恨奸臣太毒。恨奸臣太毒。排陷忠良。負屈何時報取。

〔前腔〕〔小旦〕勸娘行起程。勸娘行起程。離閨門前去。天涯父子一靈無倚。把骸骨葬埋。把骸骨葬埋。我便死有何辭。肝腸痛欲碎。〔合老旦〕張保。你去分付院子。叫下船隻。我親到杭州。收拾屍骸。〔丑〕領鈞旨。〔下老旦小旦〕

〔哭相思〕誣陷忠良身屈死。卻交讒佞恣爲非。若然天理無私曲。這段冤仇必報之。〔下〕

## 第二十六齣 畢命

〔末上〕一株小櫓蕩行舟。半載離人半載愁。一隔蘆花江上月。幾年心事上眉頭。蒙夫人分付。喚下



船隻。要到杭州去。今已喚下。且待夫人出來。就此上船。〔丑扮船家隨上老旦小旦上〕

〔鳳凰閣〕如醉如癡。這苦渾如夢裏。終朝無語淚雙垂。父子三人爲怨鬼。傷哉舉寂莫。甚日何年見你。〔老旦〕不見孩兒共我夫。空交留得一身孤。〔小旦〕月明只有身隨影。父子三人影也無。〔老旦〕院子。分付你喚下船隻。可有了麼。〔末〕船已喚下。請夫人小姐登舟。〔衆作上船介〕

〔皂羅袍〕〔老旦〕此身全不由己。只得與孩兒離卻深閨。奔喪日夜往京畿。含羞忍恥離鄉里。〔合〕魂飛魄散。行程恨遲。鞋弓襪小。步行較遲。悠悠望斷江兒水。

〔前腔〕〔小旦〕母子共千山萬水。謾教奴兩眼淚滴如珠。終朝懺懺意如癡。秦賊。誰知你暗使拖刀計。〔合〕

〔前腔〕〔末〕且喜杭州到矣。把船兒暫且泊住郊西。且休驚怖少傷悲。恐行人岸上相窺視。〔合老旦〕這是那裏了。〔末〕這是臨安城了。請上岸。〔老旦〕你打聽老相公屍首在

何處。〔末〕老相公屍首還在大理寺天牢內。〔老旦〕天那。怎麼得見。〔末〕夫人小姐。不須啼哭。秦檜不時差人打聽。他若知道。必有大禍。不免待小人處置祭禮。悄地到大理寺牢門前一奠後。再作區處便了。〔老旦〕此去大理寺有多少路。〔末〕還有一里之程。〔老旦〕既如此。你與我安排祭禮。即便前去。〔末〕理會得。祭禮俱完備在此了。〔老旦〕院子。你可引路。我母子隨後。〔行介末〕這裏就是。〔衆哭介老旦〕孩兒。這是你父兄骨肉。你可主祭。待我隨後。〔小旦〕謹依母親慈命。我那爹爹哥哥呵。父兄抱屈喪天涯。母子飄零最慘悽。血淚千行心欲碎。望空澆奠最傷悲。

〔綿搭絮〕望空澆奠最傷悲。誰料父子啣冤。赴黃泉沒轉期。細思之。涕淚交垂。指望你榮歸故里。怎想一旦分離。只爲你忠勇過人。被奸臣將巧計施。

〔香羅帶〕〔老旦〕奸臣將巧計施。誣陷你功勞盡虛。聖上呵。忠臣盡節爲怨鬼。

丈夫自別之後呵。我心無日不思伊。也思我一旦家無主。娘兒倚靠誰。思量展轉心痛悲。〔合〕恨秦檜奸臣也。將我一家都陷溺。

〔綿搭絮〕〔小旦〕想只爲不從和議。設陷仇隙。聖上呵。全不念汗馬功勞。害忠

良真可惜。〔背唱〕暗尋思。我銀瓶呵。在世有何爲。不如身歸冥路。也得父子相會。雖則祭禮輕微。望靈魂來鑒之。

〔香羅帶〕〔老旦〕靈魂來鑒之。這冤情怎洗。你在冥中父子當報取。今日呵。徒燒香紙奠尊罍也。痛切心將碎。淒涼意似癡。交人怎不珠淚垂。〔小旦背介〕我父兄已死。在世何爲。呀。此間有井一口在此。不免投入井中。也得與父兄相見。母親。前面來的不是爹爹

哥哥。〔老旦〕在那裏。〔小旦投井介〕

〔滿江紅〕將此身溺清泉。無疑慮。〔下老旦〕呀。我那兒呵。

〔綿搭絮〕一家骨肉屈死無遺。我那兒呵。你就死捐生。棄娘親何太急。痛誰知。命在須臾。更有誰收骸骨。暴露荒堆。我一家都死了。老身在此。將何所靠。須信今日喪黃泉不待時。〔撞死下末雜〕夫人小姐俱已自盡。可憐可憐。

〔憶多嬌〕嬌豔質。俱喪失。珠流玉碎真可惜。忠孝一門真異德。恨秦檜奸賊。恨秦檜奸賊。把我一家陷溺。我們在此也沒幹。不如收拾回去罷。

權奸誤國陷忠臣。

今日淒涼不可聞。

雙手劈開生死路。

一身跳出是非門。

### 第二十七齣 應真

〔掛真兒〕〔外扮行者上〕自幼出家叅佛祖。身居王舍城中。酆都救母早超昇。往來極樂國。地藏號圓明。王舍城中安此身。酆都救母往靈雲。出家何必多年久。一夕蹉跎歲月深。貧僧乃是幽冥教主地藏王是也。今下方黑氣冲天。我佛慧眼一觀。乃是臨安秦檜屈陷忠臣岳飛父子。幽魂不散。怨氣冲天。今奉如來法旨。着我化一風魔和尚。到杭州靈隱寺投下。待他來時。從頭點化一番。教他也知善惡報應。

〔醉太平〕嘆人生世間。如一夢邯鄲。爭名奪利弄機關。到頭來說個等閒。勸君好把無常盼。忽然到了難留戀。禪機明示不須叅。待他來說個再三。此是香積廚。不免寫詩在此則個。

寶藏光中普現身。

途開地藏濟生民。

從空伸出拏雲手。

提起天羅地網人。

## 第二十八齣 誅心

〔光光乍〕〔丑上〕做長老。事頭多。遇花酒。不空過。夜來抱着沙彌睡。這場快活誰似我。松下山門日晝長。竹間僧舍午風涼。誰能似我無塵慮。一炷清香答上蒼。小僧是靈隱寺中住持和尚是也。今早丞相秦爺發下香金。來我寺中做超生法事。不免淨掃法堂。伺候則個。〔淨衆隨上〕

〔出隊子〕三公之位。三公之位。自小登科占上魁。只因前日殺岳飛。使我心中如醉癡。靈隱寺修齋懺悔。〔丑〕和尚接爺。〔淨〕和尚。我送下香金。煩着你修齋法事。完備未曾。

〔丑〕完了。只等老爺拈香。〔淨〕行香。我先要看佛。然後行香。這是什麼殿。〔丑〕這是大雄殿。〔淨〕願岳家父子早早超昇。〔丑〕這是彌陀殿。這是枯木堂。〔淨〕這是那裏。〔丑〕這是香積廚。〔淨看詩介〕

縛虎容易縱虎難。無言終日倚闌干。男兒兩眼英雄淚。流入胸襟透膽寒。這詩我與夫人在東窗下商量作此詩。如何倒寫在這裏。叫和尚。〔丑應介淨〕這壁間詩是誰寫的。〔丑〕這詩是一個遊僧寫

的。〔淨〕那遊僧還在麼。〔丑〕還在。〔淨〕既在。可喚他出來。〔丑〕稟老爺。這遊僧是犯風疾的。倘他出來。有言語冒犯。不當穩便。〔淨〕既是風疾的。不計較。教他出來。〔丑應介〕葉守一。你且出來。〔風〕誰叫。〔丑〕秦丞相在此喚你。快出來。〔風〕我在此忙哩。〔丑〕什麼忙。〔風〕我在念佛忙。〔丑〕你念的是什麼佛。〔風〕我念的是普天下人不理會的佛。〔丑〕你念一聲與我聽。〔風〕我念與你聽。南無阿彌陀佛。〔丑〕這佛三歲孩童也曉得念的。你且出來。〔風上〕我來。我來。若人破了知三世一切佛。印官法戒性。一切惟心造。貧僧葉守一是也。師父呼喚。上前相見。呵呵師父。〔丑〕葉守一。你終日拿了一枝筆。東也寫。西也寫。如今寫出事來了。〔風〕寫出什麼事來。〔丑〕你寫什麼詩。在香積廚下。秦丞相見了。甚是發怒。你且去見他。〔風〕就是那秦檜麼。〔丑〕正是。〔風〕我正要去見他。呀。果是秦檜。〔淨〕果是風疾的。和尚。壁間的詩。是何人寫的。〔風〕這詩麼。是你做的。是我寫的。〔淨〕爲何這膽字寫得這樣小。〔風〕秦檜。你的膽大。做出事來。我的膽小。不做出事來。〔衆喝介淨〕咄。胡說。你手中拿的是什麼東西。〔風〕是一把茗帚。〔淨〕這茗帚要他何用。〔風〕我有用處。要掃殿上這些奸臣。〔淨〕怎麼不去放了。〔風〕放他不得。〔淨〕爲何。〔風〕放了他。就要弄權。〔淨喝介風〕秦檜。待我把這茗帚從頭至

尾說與你聽着。

〔忒忒令〕起初時不知下稍。把公事做得顛倒。使我心下喫場煩惱。〔淨〕好高寺。

〔風〕秦檜。休管寺低高。不平處把丘山冤盡掃。〔淨〕丘山是個岳字。你稱岳家姓怎麼。

〔風〕我稱他姓不打緊。你如何害他的性命。呵呵。〔淨〕休胡說。你既知我姓秦。這秦字怎麼寫。〔風〕

你曉得大金三人示麼。〔淨〕咄。胡說。〔背介〕好怪。他怎麼知道。你這蠢東西。休得胡說。〔風〕

〔園林好〕你笑我風魔蠢癡。我知你其中見識。參不透吾心主意。不解我這禪

機。試聽我說端的。〔淨〕和尚。你負袋兒。要他何用。〔風〕我自有用他處。

〔嘉慶子〕這執袋隨身繫。他裏面包含着損虧。有一件東西在裏頭。我與你看。〔淨〕甚

麼東西。〔風〕掏空的黃柑在裏頭。暗藏着不平之氣。長隨我住香積。無一日敢相離。

〔淨〕你既出家。爲何不剃頭。〔風〕你做歹事。倒交我剃頭。

〔尹令〕做歹事交咱替你。正是本心不知道理。空教我有言難支對。想着此事

難瞞昧。向日在東窗下人怎知。〔淨〕你說甚麼東窗。風和尚。我今日來此禮佛。怎麼將言語

挺撞着我。〔風〕秦檜。

〔品令〕你今來寺中聽我說詳細。非爲禮佛。你來釋冤罪。不須亂言。參透其中意。從頭至尾。你須索牢記。若聽吾言。昔日休聽大賢妻。〔淨〕天下人民。都說我清廉

正直。〔風〕秦檜。

〔豆葉黃〕你瞞心昧己。全憑着巧語支持。你心事。我須知。來來。上面是甚麼東西。

〔淨〕天。〔風〕我只道是地。湛湛青天不可欺。〔淨〕你來。我就害了岳家。那個知道。〔風〕言說

道那一個得知。那一個得知。做的事藏頭露尾。〔淨〕叫和尚說了這一會。好不奈聽。賞

他一分齋喫去罷。〔風介〕我不喫。我不喫。〔淨〕你不喫便罷。怎麼把韶來傾壞了。〔風〕呵呵。別人喫

你韶。我怎麼喫你韶。

〔月上海棠〕你自想今朝與你同相對。你爲官終日虛請了堂食。你所爲免勞。今日方纔悔。自取犯法違條罪。坐全不覺立而饑。苦將良言我索勸你。〔淨〕叫和

尚。他說飢了。再與他一分齋。〔丑與介風介〕我不喫。我不喫。〔淨〕哇。這和尚壞了我一分齋便罷了。



怎麼又壞我一分齋。可惱。〔風〕我壞了兩個饅頭。便惱起來。你怎麼壞他三個不說起。

〔五韻美〕因我飢有誰憐濟。你壞他推托與誰。殺他三個。〔淨〕我是朝廷宰職。就害

了他何妨。〔風〕可知你朝廷宰職。來靈隱寺做齋設祭。這裏頭包含着氣。人盡

知。兩邊對面。是你自家做的。〔淨〕風和尚。你這病那裏得來的。〔風〕我這病東窗下得來的。

〔淨〕爲何不醫。〔風〕只因少了一味藥。〔淨〕少了那一味。〔風〕少了岳家父子。

〔六么令〕想着你於家爲國。聽我從頭分明說破。洩漏天機。你今日裏悔之何及。你來求懺悔。當初這胡爲。休得要瞞神唬鬼。〔淨〕風和尚。這裏不好講話。冷泉亭上

去。〔風〕冷泉上不好。還到風波亭上好了事。〔淨〕喝介風

〔玉交枝〕他慌張喬勢。到如今悔之自遲。〔淨〕去西廊下再齋你。〔風〕西廊下齋我

全不濟。少不得東窗事犯須臾。〔淨〕黎民與我立德政碑哩。〔風〕黎民與你立德政碑。

全然不曉其中意。這冤苦天知地知。這冤苦你知我知。〔淨〕和尚。你這樣嘴舌利便。

敢曉得甚麼本事麼。〔風〕我呼得風喚得雨。〔淨〕和尚好誇口。我如今要風。〔風〕如來佛與奸臣一

陣風。〔內介淨〕好大風。我如今要雨。〔風〕如來佛與奸臣一陣雨。〔內介淨〕果然好雨。和尚風雨怎麼來得能疾。〔風〕這是一日連發十二道金牌來的。

〔江兒水〕要風風疾至。〔淨〕果然好風。〔風〕這不是風。這是朱仙鎮上黎民怨氣。要雨雨便隨。〔淨〕果然好雨。〔風〕不是雨。這是屈殺了岳家父子天垂淚。呵呵。我只得忍辱波羅蜜。這的是念彼觀音力。你平白地害了他三個。如今還着於本人了。我的言詞你須記。舉頭三尺自有神明難昧。〔淨背介〕被這和尚說得我毛骨聳然。不免回去罷。叫左右打轎。〔風〕秦檜。來來來。你當初做四句詩。我如今贈你八句。可拿去看。〔擲介淨〕左右拿上來看。〔雜介淨〕怎麼這紙是皺的。〔風〕這紙是蠟丸內取出來的。〔淨〕休胡說。待我看來。久聞丞相理乾坤。占斷朝綱第一人。都下庶民嗟怨重。堂中埋沒老功勛。蔽邪陳善謀皆死。塞上欺君罔萬民。賢相一心歸正道。路上行人說。怎麼詩不全。〔風〕若見詩全。你就要死哩。呵呵。你再橫看。〔淨〕久占都堂。蔽塞賢路。胡說。好不奈煩。去罷。與君一夕話。勝讀十年書。〔下風〕去了。

〔川撥棹〕能聽我說就裏。唬得他戰兢兢魂魄飛。他今日不辭而回。他今日不

辭而回。盡知你坑人所爲。到今日悔自遲。到今日悔自遲。

秦檜今朝會。

胸中發盡言。

祥雲生足下。

咫尺到西天。

## 第二十九齣 告奠

〔施全上〕奸臣施巧計。酷意害忠良。我今行刺去。便死有何妨。自家乃岳少保帳下副將施全是也。俺主人赤心報國。立意復仇。不料奸臣秦檜。背國忘君。專主和議。將俺主人父子屈陷。死于非命。吾思昔日豫讓與智伯報仇。欲殺襄子。荆軻與燕丹報仇。欲刺秦王。雖至于死。成大義也。我主人被奸臣所害。施全此心不平。且潛身行刺。正所謂勇士不忘喪其元。義士不忘喪溝壑。我雖非古人之比。一則報主人大恩。二則替天下人雪忿。乃吾之願也。今日打聽他靈隱寺設齋。天色尙早。不免到主人墳上。祭奠已畢。躲在衆安橋下。待他來時。行刺便了。

〔新水令〕含悲趨步到臨安。痛思東此生難見也。曾驅兵平北虜。到如今負屈喪黃泉。秦檜權奸。害忠良滿門家眷。我施全到此墳上。只見愁雲鬢鬢。烟霧騰騰。敢是施全

來意不專。故此老將軍見責。咳。我施全好差矣。我主人那裏見責小人。

〔步步嬌〕將軍怒氣冲霄漢。所以天垂暗。雷轟號令嚴。風擁羣鴉。一似得勝還軍轉。主人。你死爲中原。那朱仙鎮上父老呵。空把旌旗盼。老將軍。施全沒有什麼孝順。老將軍。只有一陌紙錢一杯酒在此。〔化紙介〕

〔折桂令〕獻牲餼拜告臺前。少保靈魂少住雲軒。生不能請功受賞。推輪捧轂。拜將登壇。你也曾馳單騎入虜塞。殺得金酋喪膽。到如今受非刑。死無辜。功也徒然。名也徒然。勇也徒然。可惜你有萬竈貔貅。都做了散霧霏烟。二位小將軍。施全也沒有什麼孝順。也只是。一陌紙錢一杯淡酒在此。

〔雁兒落〕轟轟烈烈。二英賢。報國勤王忠勇先。平金討虜。也曾去除民患。只指望請功勛。姓字顯。誰知道被奸謀蒙蔽了天顏。秦檜。你主和議得承恩寵。暗通金欺君弄權。恁忠直反做了冤愆。老夫人小姐呵。

〔得勝令〕你三從簡。四德全。三從簡。四德全。死無辜。爲啣冤。安邦反受了逆天

怨愁填海。悶堆山。俺這裏拜伏在階前。徒然淚漣。只得仰面酬尊酒。躬身化紙錢。俺只管祭奠。倒忘了刺秦檜之事。

〔前腔〕。戰馬歸華山巖。征袍染杜宇煙。雲影一似旌旗閃。蟬鳴一似金鼓喧。英也麼賢。冷落了出匣誅夷劍。留也麼連。二聖鸞輿尙未還。

〔沽美酒〕。含悲湧淚如泉。髮冲冠。怒加添。氣吐虹霓萬丈懸。似曹瞞把吉平推。勸孫子遭了龐涓機變。提一口斬將鋼劍。須索要向前迎面。願蒼天從人心願。我呵。但得個中途路裏遇見撞見。施猛勇向前呀。把那弄權賊挫尸萬段。

〔清江引〕。班師屢詔催軍轉。發金牌十二面。欺君暗似漆。天理明如鑒。把弄權賊害忠良。今日冤報冤。遠遠望見一簇人馬將近。想是秦檜來了。不免躲在橋下則個。

潛身橋下隱。

等待賊臣來。

## 第二十齣 行刺

〔步步嬌〕。〔淨衆隨上〕。禮佛歸來心悒快。叵耐風和尚。將咱發盡言。漏洩深機。情

理難容放。歸路漸昏黃。將隊伍急催上。我的馬怎麼不行。叫左右。我的馬有三不行。遇鬼神不行。遇好人不行。遇奸細刺客不行。看前面是甚麼橋。〔衆〕是衆安橋。〔淨〕橋下必有奸細。與我搜看。〔衆介〕稟爺。橋下有一人手持寶劍。殺氣騰騰。想是個刺客。〔淨〕叫手下擋住了。〔施〕不要上前來。來一個。死一個。來兩個。死一雙。做事不成。何須隱名。〔淨〕汝是何人。〔施〕我乃岳少保副將施全。俺主人父子。被你奸臣秦檜害了。我只道你妬他功績。卻元來與金國同謀。欺君賣國。屈我聖天子萬乘之尊。陷俺大將軍萬人之敵。棄祖宗之基業。剝百姓之膏脂。事逆天之虜酋。污中原于左衽。今汝爲叛逆凶邪。不仁不義。不忠不孝。雖斬汝萬段。不足以雪國家之恥。誅夷九族。不足以報主人之仇。奸賊。刀來了。〔投刀介淨〕縛了。送去刑部監候。奏過朝廷。定有區處。〔施〕奸賊。只是你氣數未絕。〔淨〕風和尚說見了施全就要死。果見此人好古怪。

爲主前來行刺。

誰知謀事不成。

該衙門牢監候。

明朝即便典刑。

第三十一齣 伏闕

〔點絳脣〕〔末上〕紫陌雞鳴。東方將曙。雲開暝。金蓮花炬。閣道輝光映。日侍金鑾。遶建章。衣冠身惹御爐香。共沐恩波鳳池裏。朝朝喜得覲龍光。自家黃門官。值早朝時分。恐有百官奏事。只得在此伺候。〔外〕

〔前腔〕漏盡鐘鳴。鞭轡軋軋重門禁。嚴加肅靜。再把衣冠整。宋朝社稷復東周。南渡扶持賴岳侯。豈料更遭奸佞手。忠魂耿耿動人愁。自家韓世忠是也。爲屈陷忠良上疏。聖主臨朝。不免逕入。〔末〕來者何官。就此俯伏奏事。〔外〕臣韓世忠啓奏。臣誠惶誠恐稽首頓首。臣有短表。冒奏天顏。臣竊見邊城失守。二帝蒙塵。聖駕南遷。金酋驕悍。廷臣宰職。束手計窮。湯陰一將。名曰岳飛。與其子岳雲張憲呵。

〔駐馬聽〕報國精忠。父子三人立大功。恢復荆襄淮泗。草寇金酋。滅跡潛蹤。約諸軍痛飲在黃龍。鑾輿指日當迎奉。〔合〕似此勛庸。乞加封贈。滿門榮寵。〔前腔〕秦檜奸雄。歸向金邦計已窮。潛把金牌十二。僞詔班師。設計窗東。万俟卨羅織巧牢籠。莫須有二字冤難控。〔合〕似此奸兇。乞加顯戮。休存遺種。〔俯伏〕

〔介末〕聖旨到來。所奏皆准。向爲秦檜掌執朝事。蒙蔽聖上。屈陷良將岳飛父子。聖旨即日差官員。將岳飛父子以禮勅葬於西山棲霞嶺下。仍立忠臣廟宇。追封岳武穆王。佞臣秦檜万俟卨着該衙門拿問的實。另有處置。謝恩。〔外〕萬歲。萬歲。

〔山花子〕山呼萬歲承恩寵。詞章喜動重瞳。把忠臣父子盡封。秦賊首惡難容。  
〔合〕念沈寃一朝洗通。建康恥雪立大功。捷書飛報文教崇。方顯當初結髮從戎。

〔前腔〕〔末〕羶腥掃空。大將聲名重。復中原自許孤忠。爲王家禦侮折衝。名垂青史無窮。〔合〕

〔紅繡鞋〕〔外末〕旌旗建號精忠。精忠羣邪遁跡。潛蹤潛蹤。驅醜虜。息羆熊。安社稷。喜皇封。麟閣上。畫形容。麟閣上。畫形容。

〔尾聲〕欽承誥命龍顏動。孝子忠臣氣自冲。千載芳名汗簡中。

忠臣爲國死啣冤。

天道昭昭自可憐。



留得青青一二冊。

是非千載在人間。

## 第二十二齣 天策

〔意不盡〕〔生上〕埋沒英雄。枉存忠立節。暗損威風。空憶紫泥封。誰諒我孤忠。  
雙劍龍飛脫寶函。將軍扼腕虎眈眈。奸邪誤國英雄死。千古令人恨不甘。自家岳飛。只爲屈死秦檜之手。更不知我兩個孩兒在于何處。前面來的好似我孩兒。〔小生小外上〕

〔前腔〕生前屈死三人命。幽魂耿耿在黃泉。〔小生〕兄弟。爹爹不知在于何處。〔小外〕前面來的好似我爹爹。〔生〕呀。兩個孩兒在此。

〔哭相思〕自那日繫縲綫。死別多時節。今喜又相逢。何日把冤仇雪。孩兒。我你死于秦檜之手。今日又得相逢。我想在生時呵。

〔曉行序〕義膽忠肝。挺一戈風雪。往來兵間。功成際。一旦命殞權奸。堪嘆。未復江山。便做昔日砍頭嚴顏。尙留傳。滿門一劍。血痕斑斑。

〔前腔〕〔小生〕非慚。靈爽尤全。管還交逆虜心寒。恨權奸設計。陷害何堪。此番。

金酋再犯關。誰人敢戰酣。滿朝班盡偷生畏死。豈能排難。

〔前腔〕〔小外〕堪嘆。自知平素精忠。天理必褒談。流芳簡冊。千古傳揚。豈作一時虛誕。長安可惜不是太平宮殿。頓教人痛憶。淚珠偷彈。〔末上〕金闕褒忠捧紫泥。

將軍欽奉莫稽遲。滿門父子膺天寵。忠孝芳名萬古希。玉帝有旨。跪聽宣讀。欽奉上帝勅命。下界行臺司宣奏。宋朝丞相秦檜。陰通金虜。專權妄上。其妻王氏。舌劍脣鎗。巧言助逆。寺丞万俟卨。黨惡附權。恣行羅織。致岳飛一門。死于非命。第父死于忠。子死于孝。妻女死于節義。忠良賢孝。萃于一門。良爲可嘉。今特行天曹。特差使者。封爾岳飛授雷部賞善罰惡都元帥。岳雲授雷部都總管。張憲授雷部副總管。得同知三曹事。妻張氏授天仙宮仙姑。女銀瓶授地仙府仙姑。其奸惡秦檜等。速拘勘問。申報天庭。以憑發落。嗚呼。賞善鋤奸。乃天曹主宰之大權。陽施陰報。實循環報應之常理。爾唯欽哉。

望闕謝恩。〔生衆〕萬歲。

〔相逢令〕感皇天恩。賜無窮。降紫泥表我精忠。英風千古芳名重。著凌烟儀容。堪奉。〔合〕超衆喜一門父子沾寵。

〔前腔〕〔末〕捧天書飛下丹宮。表將軍蓋世英雄。雲屯霧靄旌旗擁。列三曹威儀堪重。列三曹威儀堪重。〔合〕岳元帥旣授天恩。當盡乃職。速往理冤殿勘問。伸報天廷。不得有違。〔生〕謹奉玉旨。〔末下生〕叫聽差小鬼。〔鬼判上〕告元帥。有何台旨。〔生〕聽差小鬼近前。聽吾分付。

〔好姐姐〕差你往陽間。促取宋秦檜同妻王氏。更有万俟卨。都與我牢固持。疾忙去。風雲瞬息行千里。依限前來莫放遲。

法令分明不可違。

此行差遣定遵依。

善惡到頭終有報。

只爭來早與來遲。

### 第三十二齣 同斃

〔金蕉葉〕〔淨上〕奈何奈何。這兩日病兒委實難過。〔占〕服藥禱祈消禍。那裏有一毫痊可。〔淨〕妙藥不醫卿相病。好香難解鬼神噴。〔占〕且須調理加餐飯。莫把閒情惱病身。

〔淨〕夫人。我前日在靈隱寺。見了風和尚。說出岳家之事。又逢刺客施全。被他一驚。回來後精神恍

惚。常見他父子前來索命。打得我遍身疼痛。多應不濟事了。〔占〕自古道心疑生暗鬼。那有此理。你心上還有甚事。〔淨〕你還不知道。今有張俊李廣許遷等五十三人。平昔說我好佞。卻與岳飛一類。我如今着趙鼎兒子出首。說這起人都要謀反。不要說五十三人。就是五百三十人都死在我手裏。〔占〕既如此。把文書僉押了。發出去。〔淨〕堂候官那裏。〔丑〕堂上聞呼喚。階前聽使令。堂候官磕頭。〔淨〕我分付你的文書。可曾完備。〔丑〕蒙爺分付。俱已完備了。〔淨〕既然完備。待我僉押。〔手戰介〕僉不得了。〔跪介〕岳爺爺饒我罷。〔丑下淨〕

〔下山虎〕藥餌不效。病已沈疴。早知道成災禍。將錯就錯。人命關天。莫言小可。痛憶東窗下事。如水逐波。點點還來入舊窠。休誇獎。莫強呵。想我夫妻災來怎躲。〔鬼上介淨〕左右有鬼。〔鬼鎖淨占下雜〕可憐老爺一時昏亂。叫道有鬼。與夫人一同就氣絕了。

人生切莫使奸心。

若使奸心禍必侵。

莫道陰陽無報應。

冤冤相報自來尋。

第二十四齣 冥途

〔山坡羊〕〔淨占鬼上〕黑沈沈暝途迢遞。冷颼颼陰風括地。性烈烈沒面目的夜叉。惡狠狠催促登程去。心暗思。身居相位日。薰天勢業成何濟。今朝做囚魂無所依。〔合〕夫妻苦哀哀受禁持。夫妻苦哀哀受禁持。〔鬼〕秦檜。你在世爲官之日。挾寵專權。欺君賣國。與金相通。殘害忠義。到此罪不勝誅。〔打介〕還不快走。

〔水紅花〕〔淨占〕一身枷杻受禁持。苦誰知。無親無識。滿目山林殊異。心下暗驚疑。更逢着雨淋漓也囉。〔鬼〕你這婦人。旣爲丞相夫人。緣何教唆夫主行此不仁不義之事。今旣到此。有何分說。〔打介〕還不快走。〔淨占〕

〔山坡羊〕念當時一言撥置。到如今悔之無計。將你我百般凌辱。生擦擦難存濟。思舊日。香閨錦繡圍。如今被鎖押身狼狽。正是禍福無門人自取。〔合鬼〕時限到了。還不快走。〔淨占〕

〔水紅花〕酆都將到事臨危。怎徘徊。心中驚懼。眼看萬山劍樹。四望黑雲迷。無倚靠苦奔馳也囉。

只爲生前沒善緣。

死歸冥路受熬煎。

功名富貴成何用。

方信陰司報應嚴。

### 第二十五齣 表忠

〔滿庭芳〕〔生上〕高駕雲駢。輕搖風旆。鵬程萬里須臾。陰兵隨從。前後列旌旗。

〔小生小外〕瞬息天涯咫尺。奔騰駿馬頻嘶。〔合〕威靈著。雲屯霧擁。來往疾如

飛。〔生〕忠烈從前少。威名到處聞。生爲忠義將。死爲正直神。〔小生〕父子叨天爵。今朝冤屈伸。〔小外〕

盡忠排國難。雖死受皇恩。〔生〕孩兒。我和你生前呵。

〔小桃紅〕只爲精忠二字。苦被奸臣誣陷亡身命。冤屈怎伸。記當時殺金酋。秉

赤心救蒼生。中外揚名姓也。誰想一朝成畫餅。〔合前〕誤國真奸佞。提著怒增。

千古令人恨怎平。

〔前腔〕〔小生小外〕忠肝義膽。補報朝廷。爲不從和議。生出此情。想那時發金牌。

取回軍。返帝京。誣罪皆非命也。今日追思各淚零。〔合前〕

〔菊花新〕〔末上〕只因正直排奸佞。棄職歸山隱姓名。受仙品。得超昇。一任紅塵滾滾。小道周三畏。昔爲大理少卿。聞知岳侯父子會勘秦檜之事。小道不免去做個證見。岳侯二位小將軍稽首。〔生〕呀。元來是周大人。〔末〕貧道只爲尊侯之事。棄職歸山。蒙上帝封爲靈應真人。聞我侯勘問秦檜之事。特來做個證見。〔生〕多謝了。周真人。我劍戟橫空殺氣高。金兵百萬望風逃。〔末〕自從公死錢塘後。宋室江山把不牢。〔生〕叫鬼判帶万俟卨過來。〔鬼判鎖丑上〕

〔玩仙燈〕生前阿附權奸。死後遭刑憲。〔入跪介生〕万俟卨。你認得我四人麼。〔丑〕元來都是我故人。岳將軍幾時高遷的。區區爲事在府裏。待事完之日。竭誠來拜賀。〔生〕哇。你這阿附權奸。屈陷忠良的奸賊。到此還要多說。〔丑〕老將軍怎麼開口就罵。這都是秦檜主意。學生不過趕興而已。干我甚事。〔生〕胡說。與我打。〔打介丑〕周老先生。我與你是同僚分上。討個方便何如。〔生〕不要管。再打。〔又打介丑〕願招願招。

〔普天樂〕幼讀書爲官貴。當守道行仁義。自不合阿附權奸。屈勘你按兵不舉。忽蒙遞空柑至。內藏着秦檜書一紙。着將軍父子三人。向風波亭一時勒死。從

實供招。並無一字差異。〔生〕既招了。發下酆都。永墮地獄。再不許輪回。〔鬼丑下生〕帶秦檜夫妻二人過來。〔鬼判枷鎖淨占上〕

〔玩仙燈〕生爲朝廷奸佞。死受陰司報應。〔鬼判介生〕秦檜。你在陽世。既爲丞相。當秉忠貞。卻乃欺君賣國。殺害忠良。致金酋又來作釁。宋且不能保。到此有何話說。〔淨〕告元帥。此事都是万俟卨問差了。並不干小人之事。〔生〕哇。你這奸賊。

〔風入松〕奸邪誤國害英雄。主和議與金虜交通。瞞天罪惡如山重。誣陷我按兵不動。屈殺人天理怎容。有誰不識我精忠。鬼判帶那長舌婦人過來。〔鬼介生〕

〔前腔〕你在東窗設計有誰知。把我似縛虎須急恁般長舌難容恕。助夫起不仁不義。那金兀朮統兵後追。有誰敢去相敵。〔占〕此事都是夫主與万俟卨同謀。不干妾身之事。〔生〕胡說。與我着實打。〔鬼打介淨〕告元帥。前奉朝廷旨意。其實與檜無干。〔生〕既是朝廷主意。那王俊誰暗唆的打。〔末〕不必發怒。待小道與他執證來。秦檜。

〔前腔〕你當初委我勘岳侯。分明是虛駕情由。那時無計相搭救。願棄下金章



紫綬秦檜。你到今尙不肯順受。又何必苦搜求。〔淨〕夫人不好了。周少卿又來做證見了。

只得招了罷。元帥願招。〔生〕叫鬼判取紙筆與秦檜供招。〔淨〕供狀人一名秦檜。原係江寧人氏。自

幼曾讀詩書。政和年間及第。只爲失守汴京。擄至金邦居住。其時要得脫身。曾與兀朮盟誓。幸得回

朝做官。卻作他每奸細。只因私受蠟書。其時便生惡意。爲君不肯順受。上表阻梗和議。要取將軍班

師。連發金牌十二。使王俊謬告按兵不舉之罪。送下大理寺推問。朝廷皆被蒙蔽。見君不肯招狀。與

妻東窗設計。將伊父子三人。勒死風波亭內。爲此從實供招。如虛甘當重罪。〔生〕既招了。帶上來。我

發放他。嘆爾秦檜。你是夷虜奸雄。處國家多難之時。遭天運變遷之日。大宋不幸。養你這個忘恩惡

犬。身享南朝祿。橫生北狄心。長脚踏番社稷。罪惡滔天。白眼看破乾坤。古今唾罵。我待挫燒椿磨。安

足以贖迷天罪過。今發下酆都。那裏自有施爲。秦檜。你從此去見王安石。與他講過。早知今日。如見

李林甫。與他說悔不當初。罷罷。一家身命因忠死。萬古乾坤志不磨。鬼判押入酆都。再不許他輪迴。

〔衆〕秦丞相欺君賣國。今受此酆都地獄。奉勸世人行善。休學小人酷毒。〔鬼帶淨占下生〕我兒。且

喜秦檜之冤。万俟卨之恨。俱以洗雪。只是你母親妹子。不知在何處。呀。遠遠望見雲氣升騰。敢有仙

家來也。〔老旦小旦上〕

〔臨江仙〕久別塵凡遊閬苑。今喜得到報冤殿。〔生〕呀。來的是我夫人小姐。〔老旦〕前

面來的是我丈夫孩兒。〔衆合〕

〔哭相思〕聞君身屈死。母子愁無倚。誰想有今朝。冥路重相會。〔生〕夫人。憶昔承恩

西破戎。捷書飛報迂奸雄。〔老旦〕如今幸得膺天寵。千載芳名永不窮。〔生〕一自領兵別後。誰料遭

此毒手。陷我一門死于非命。幸得上帝憐憫。盡得封贈。可喜周大人來了。〔見介丑上〕

〔滴溜子〕離天宇。離天宇。卽時去行。騰雲霧。騰雲霧。頃刻萬程。天曹得蒙王命  
親臨。塚已成。及殿庭。紫誥一封焚贈拜領。吾乃錢塘西湖上棲霞嶺下當境土地之神是

也。昨承宋朝皇帝焚賚誥命一通。遣小聖開讀。須走一遭。誥命已到。跪聽宣讀。詔曰。功施社稷。宜膺

茅土之封。淨掃虜塵。當沐恩榮之典。咨爾故岳少保。精忠報國。節義傳家。正當功業垂成之秋。忽墮

權奸慘毒之手。幽魂久滯。忠節宜旌。茲特遣官營造葬域。建立廟宇。追封岳飛爲鄂國武穆王。妻張

氏鄂國夫人。岳雲封左武大夫安邊將軍承宣使。張憲封烈侯。女銀瓶小姐追贈仙娥。仍勅有司。春

秋祭祀。賜廟額曰精忠。少卿周三畏。不附權奸。棄官學道。封爲翊忠太真人。亦得附廟享祀。嗚呼。英靈不爽。服此休嘉。欽哉謝恩。〔衆〕萬歲。

〔大環着〕感皇天恩賜。感皇天恩賜。表我精忠。不泯我半生百戰之功。幸一門重得顯榮。千古不磨名重。恨奸臣無端計策。與金酋計挽相通。〔合〕誰知道得再逢。明正賊臣之罪難容。

〔前腔〕〔小生小外〕自幼爲偏將。自幼爲偏將。出入軍中。須信百戰百勝成功。正相當封侯賜寵。怎知道權奸妬忌英雄。幸今朝皇天誥封。千百世欽仰精忠。

〔合〕

〔越恁好〕仙宮玄洞。仙宮玄洞。雲霞長護擁。一家老幼承天眷。喜從容。〔合〕金冠玉弁龍光動。環珮鏗鏘。忠臣烈士名尤重。奸臣賊子成何用。〔尾聲〕人生在世綱常重。子孝臣忠自古同。莫學奸臣恣逞兇。

秦檜無端害岳侯。

致令宋祚一時休。

如今地獄遭枷鎖。

萬劫千迴不出頭。

精忠記終

沈

氏





目錄

- |      |    |
|------|----|
| 第一齣  | 家門 |
| 第二齣  | 遊春 |
| 第三齣  | 謀吳 |
| 第四齣  | 伐越 |
| 第五齣  | 交戰 |
| 第六齣  | 被圍 |
| 第七齣  | 通話 |
| 第八齣  | 允降 |
| 第九齣  | 捧心 |
| 第十齣  | 送餞 |
| 第十一齣 | 投吳 |

第十二齣 談義

第十三齣 養馬

第十四齣 打圍

第十五齣 越嘆

第十六齣 問疾

第十七齣 效顰

第十八齣 得赦

第十九齣 放歸

第二十齣 論俠

第二十一齣 宴臣

第二十二齣 訪女

第二十三齣 迎施



第二十四齣	遣求
第二十五齣	演舞
第二十六齣	寄子
第二十七齣	別施
第二十八齣	見王
第二十九齣	聖別
第三十齣	採蓮
第三十一齣	定計
第三十二齣	諫父
第三十三齣	死忠
第三十四齣	思憶
第三十五齣	被擒

第三十六齣 飛報

第三十七齣 同盟

第三十八齣 誓師

第三十九齣 行成

第四十齣 不允

第四十一齣 顯聖

第四十二齣 吳刎

第四十三齣 擒豁

第四十四齣 治定

第四十五齣 泛湖

# 浣紗記

明 梁辰魚 著

## 第一齣 家門

〔紅林擒近〕〔末上〕佳客難重遇。勝游不再逢。夜月映臺館。春風叩簾櫳。何暇談名說利。漫自倚翠偎紅。請看換羽移宮。興廢酒杯中。驥足悲伏櫪。鴻翼困樊籠。試尋往古。傷心全寄詞鋒。問何人作此平生慷慨。負薪吳市梁伯龍。〔問內

科〕借問後房子弟。今日搬演誰家故事。那本傳奇。〔內應科〕今日搬演一本范蠡謀王圖霸。勾踐復越亡吳。伍胥揚靈東海。西子扁舟五湖。〔末〕原來此本傳奇。待小子略道家門。便見戲文大意。

〔漢宮春〕范蠡遨遊。早風流倜儻。歷遍諸侯。因望東南霸起。越國遲留。尋春行樂。遇西施浙水溪頭。姻緣定。將紗相贈。雙雙遂結綢繆。誰料邦家多事。共君投異國。三載羈囚。歸把傾城相借。得報吳讎。佳人才子。泛太湖一葉扁舟。看今古浣溪新記。舊名吳越春秋。〔下〕

第一齣 遊春

〔遶池遊〕〔生扮范蠡便服上〕尊王定霸。不在桓文下。爲兵戈幾年鞍馬。回首功名。一場虛話。笑孤身空掩歲華。少小豪雄俠氣聞。飄零仗劍學從軍。何年事了拂衣去。歸臥荆南。夢澤雲。下官姓范。名蠡。字少伯。楚宛之三戶人也。倜儻負俗。佯狂玩世。幼慕陰符之術。長習權謀之書。先計後戰。善以奇而用兵。包勢兼形。能以正而守國。爭奈數奇不偶。年長無成。因此忘情故鄉。游宦別國。蒙越王拔於衆人之中。廁之大夫之上。志同道合。言聽計從。邇年以來。邦家多故。廟乏善策。外有強鄰。正君子惕勵之時。人臣幹蠱之日。今日春和景明。柳舒花放。暫解印綬。改換衣裳。潛游田野。正欲問俗觀風。浪蹟溪山。兼可尋真訪道。迤邐行來。早是山陰道上了。只見千巖競秀。萬壑爭流。雲木週遭。溪山罨畫。家家耕牧。燕雀賀生成。處處歌謠。桑麻深雨露。正是旭日初升。海上紅雲萬國。東風布暖。湖邊細雨千家。其實好游行也。

〔金井水紅花〕農務村村急。溪流處處斜。迤邐入烟霞。景堪誇。峯巒如畫。拚把春衣沾酒。沈醉在山家。唱一聲水紅花也囉。偶爾閒步。試看世情。奔走侯門。驅馳塵境。我

仔細想將起來。貧賤雖同草芥。富貴終是浮雲。受禍者未必非福。得福者未必非禍。與時消息。隨世變遷。都是一場春夢也。更衣變服。究古論今。較勝爭強。不知何年纔罷。笑你驅馳榮貴。還是他們是他。笑我奔波塵土。終是咱們是咱。追思今古。都付漁樵話。行過山陰了。不免到諸賢走一遭。正是爲愛溪山最深處。令人忘卻利名心。〔下旦素衣持竿浣紗上〕

〔遶池游〕苧蘿山下。村舍多瀟灑。問鶯花肯嫌孤寡。一段嬌羞。春風無那。趁晴明溪邊浣紗。溪路沿流向若耶。春風處處放桃花。山深路僻無人問。誰道村西是妾家。奴家姓施。

名夷光。祖居苧蘿西村。因此喚做西施。居旣荒僻。家又寒微。貌雖美而莫知。年及笄而未嫁。照面盆爲鏡。誰憐雅澹梳妝。盤頭水作油。只是尋常包裹。甘心荆布。雅志貞堅。年年針線。爲他人作嫁衣裳。夜夜辟纒。常向隣家借燈火。今日晴爽。不免到溪邊浣紗去也。只見溪明水淨。沙暖泥融。宿鳥高飛。游魚深入。飄飄浪蕊。流花鬢。來往浮雲作舞衣。正是日照新妝水底明。風飄素袖空中舉。就此石上不免浣紗則個。

〔金井水紅花〕綠水全開鏡。清溪獨浣紗。波冷濺芹芽。溼裙釵。嬌羞誰訝。弄得

懨懨春倦。不覺髻兒斜。唱一聲水紅花也囉。浣紗已畢。且收拾回去罷。〔收竿起身整衣

長嘆科〕梅花雖好。浪影溪橋。燕子多情。空巢村店。我仔細想將起來。世間多少佳人才子。不能成

就。鳳友鸞交。我既不能見他。他又不得遇我。日復一日。年又一年。不知何時得遂姻緣也。朝朝自

出。夜夜空歸。樹黑山深。恰又夕陽西下。笑我寒門薄命。未審何時配他。笑你王  
孫芳草。未審何年配咱。花枝無主。一任東風嫁。〔下遇生上〕轉過若耶渡。來到苧蘿村。

呀。小娘子拜揖。〔旦〕客官萬福。〔生背科〕世間有這等女子。豈非天姿國色乎。小娘子。我且問你。你

何方居住。姓甚名誰。莫非採藥之仙姝。必是避世之毛女。緣何在此。乞道其詳。〔旦〕客官。妾就住苧

麻山口。寒家姓施。世居西村。名喚西施。〔生〕小娘子。你青春幾何。曾嫁人否。〔旦〕年方二八。尙未適

人。〔生〕小娘子。我不敢容隱。下官就是越國上大夫范蠡。尋春到此。〔旦〕賤妾不知貴人。失于退

避。〔生〕你是上界神仙。偶謫人世。如此豔質。豈配凡夫。你既無婚。我亦未娶。卽圖同居丘壑。以結姻

盟。但以身常許君。遭時多難。敢冀少停旬月。卽當奉遣冰人。乞告嚴親。萬勿他適。〔旦〕蓬茅陋質。田

野村姑。蒙君子不遺葑菲之微。實賤妾得荷絲蘿之託。雖遲年歲。豈敢變移。〔生〕敢問小娘子。你手

中拿的甚麼東西。〔旦〕家貧無以營生。聊以浣紗爲業。〔生〕下官微行。失帶禮物。卿是漢女。僕乃鄭生。敢借溪水之紗。權作江皋之佩。持此爲定。勿背深盟。〔旦〕遞紗與生接科。〔旦〕小物輕微。不足留贈。  
〔生〕

〔玉胞肚〕行春到此。趁東風花枝柳枝。忽然間遇着嬌娃。問名兒喚作西施。感卿贈我一縑絲。欲報慚無明月珠。〔旦〕

〔前腔〕何方國士。貌堂堂風流俊姿。謝伊家不棄寒微。卻教人惹下相思。勸君不必贈明珠。猶喜相逢未嫁時。〔旦〕日暮途黑。就此告歸。〔生〕多謝娘行。前途保重。

〔生〕芙蓉脂肉綠雲鬟。

〔旦〕罨畫樓臺青黛山。

〔生〕千樹桃花萬年藥。

〔生〕不知何事憶人間。

## 第二齣 謀吳

〔滿庭芳〕〔小生扮越王衆扮內官上〕聖禹開基。神工留蹟。千年王業猶存。宿承茹

土。吳越隔江分。運值春秋季世。天王遠政。令紛紜。看鄰境干戈正起。東海泣波。

臣〔鷓鴣天〕縹緲孤城海上居。蕭條霸業繼無余。夙傳宛委山中瑞。猶佩當年金簡書。西阨楚。北連吳。雄心未遠竟何如。他年匡濟尊周室。始信東南有丈夫。〔衆〕奴婢叩頭。〔小生〕寡人越王勾踐是也。隔絕中華。生長東鄙。謬領民社之寄。殊慚茅土之封。自神禹逮于前王。更歷四十餘世。由不穀至于夏后。幾及二千餘年。文固不足以安邦。武亦不足以定國。僅能上承宗社。下守邊疆。不料近年以來。兵連吳地。始擊之于檇李。復敗之于姑蘇。我臣靈浮操戈而直前。彼主闔閭傷指而走死。嫌隙旣構。忿怒愈深。其嗣主夫差日講武于長洲。彼勇將伍員時耀兵于笠澤。竊念寡不敵衆。弱難禦強。若不預定計謀。終被強梁侵侮。幸喜元配夫人知詩達禮。更仗大夫蠡種擅武能文。且待夫人出來。再作區處。內侍們。后宮請夫人出來。〔丑〕娘娘有請。〔貼扮夫人上〕

〔卜算子〕金井轆轤鳴。上苑笙歌度。簾外忽聞宣召聲。忙蹙金蓮步。春來新插翠雲釵。試看雲頭踏殿鞋。欲得君王一回顧。慢遲玉輦上金階。〔小生〕夫人請起。夫人。吳越交兵。殆無寧歲。特請夫人商議。如何是好。〔貼〕且待范文二位大夫到來。〔丑〕道猶未了。二位大夫

早到。〔生上〕



〔前腔〕闔外擁貔貅。〔末〕殿上趨鴛鷺。〔合〕極目烽烟爛不收。袞職慚何補。〔生〕下官姓范。名蠡。字少伯。官拜越國上大夫。〔末〕下官姓文。名種。字子禽。官拜越國下大夫。〔生〕文大夫。今日主公不知有何計議。召我二人。〔末〕和你就此入宮。不可遲也。〔衆報科〕范文二大夫見。〔生末〕主公。范蠡文種參謁。〔小生〕二位大夫少禮。大夫。吳王逞兇。侵我疆界。越國召禍。傷彼闔閭。怨結兵連。二十餘載。夫差有吞噬之志。寡人乏拒敵之謀。敢問高明。計將安出。〔生末〕臣聞以大事小者。樂天者也。以小事大者。畏天者也。竭力以事大國。不能免焉。則當高城深池。效死而勿去。行仁修德。唯天命之而已。〔貼〕今日春景融和。邊烽稍息。奴家特具春酒一杯。與大王上壽。且少舒悶懷。暫圖歡樂。多少是好。〔進酒科〕

〔玉芙蓉〕春風舞鷓鴣。夜月歌鸚鵡。捧霞觴願期萬年歡聚。筵開紫殿千秋樹。壽進紅樓百子圖。〔合〕休憂慮。料堂堂廟謨。看瞬息間指揮談笑滅東吳。〔生末進酒科〕

〔前腔〕江檣鞦韆艫。海雉環樓櫓。諒依山負海尙堪割據。若還有賂通伯詔。不

怕無謀退伍胥。〔合前〕

〔前腔〕〔小生〕軍聲定有無。國勢推賓主。奈三吳劍客氣如彪。只怕金笳出海旗風破。錦帳移營壁月孤。〔合前〕

〔小生〕勝敗兵家不可期。

〔貼〕包羞忍恥是男兒。

〔生〕江東子弟多豪俊。

〔末〕卷土重來未可知。

### 第四齣 伐越

〔滿江紅〕〔外扮伍員上〕楚室亡囚。是何歲飄流吳國。迫舊恨避兵江上。潛身蘆荻。父怨方酬。魂未返。君恩欲報。心猶赤。待從頭再踏越江山。兵方戢。十年仗劍。意

何如。眼見荆城一廢墟。誰哭秦庭。援兵至。至今猶自恨包胥。下官姓伍。名員。字子胥。楚國人也。腰大

十圍。身長一丈。幼諳韜略。長習典墳。素志烈于青霜。精誠貫于白日。叱咤而風雲變色。喑鳴而山岳

動搖。皇天后土。鑒生平忠孝之心。名山大川。諒宿昔英豪之氣。但以雄心未遂。俠氣未除。一飯之德

必酬。織芥之讎必報。父兄深怨。鞭及墓下之人。貞烈大恩。金投瀨中之女。昔爲楚國之亡虜。今作江

左之冢臣。千年故國。淒涼郢樹荆雲。萬里孤臣。流落吳山越水。爭奈越王勾踐肆虐欺隣。幸喜新建  
嗣王練兵訓卒。誓復雋李之恥。直擣會稽之山。且待伯嚭太宰到來。同往主公營中計議。多少是好。  
〔丑扮伯嚭上〕

〔天下樂〕自笑堂堂六尺軀。姦回性格似穿窬。全憑二寸爛斑舌。忠義全然半  
字無。下官伯嚭是也。官拜吳國太宰之職。早約伍相國營中見主公。不免同去。相國拜揖。〔外〕太宰  
拜揖。早約營中參謁。不知主公升帳未曾。〔丑〕轅門大開。想已升帳了。〔淨扮吳王同衆將校上〕

〔夜游朝〕霸業中興吞宇宙。擁貔貅。狡獪長洲。蕞爾游魂。彈丸小寇。指日見鯨  
鯢奔走。〔衆〕衆將官叩頭。〔淨〕起去。〔衆應科〕百尺高臺面太湖。朝鐘暮鼓宴姑蘇。威行海外三千

國。霸占江南第一都。寡人吳主夫差是也。承太伯之餘業。守成周之故封。魚腸之劍三千。水犀之師  
十萬。掘山煮海。利盡魚鹽。澆水通潮。貨饒商賈。日暮歌鐘四壁。春風花柳千門。真個是坐列金釵十  
二行。門盈珠履三千客。今日升帳。看轅門外有誰參謁。〔衆報科〕相國太宰見。〔外丑〕伍員伯嚭參  
謁。〔淨〕相國太宰少禮。〔外〕臣啟主公。越人勾踐犯我先王。積怨既深。大讎未雪。今糧草完備。將士

精強。不乘此時勦征。更待何日。〔淨〕太宰你意下何如。〔丑〕臣啟主公。主公初登寶位。新御黎民。海甸甫安。邊烽乍息。正宜朝歡暮樂。何暇遣將發兵。且水陸頗艱。勝敗未卜。以臣言之。竊爲未可。〔外〕太宰差矣。父母之讎。不共戴天。兄弟之仇。不反兵革。而況假主公之雄威。更仗諸將之戮力。則摧枯拉朽。如夏日之潰春冰。滅跡掃塵。如疾風之捲秋籜。擣其巢穴。殲厥渠魁。何施不可。〔淨〕旣然如此。衆將校們。明日吉辰。就此點兵前去。

〔瑣窗郎〕笑越王海畔窮囚。沒來由招禍尤。玩兵鄰境。不守邊州。試看直倒錢塘江溜。〔合〕管教他山河難保。罪不宥。親作孽。向誰咎。〔丑〕

〔前腔〕正昇平快意嬉游。對良辰開笑口。看春生金屋。月滿銅溝。不求歡樂反招僇。〔合前外〕

〔前腔〕想人生最切是親讎。恨淹留志未酬。堂堂大國。忍恥包羞。急須征勦。豈容拖逗。〔合前〕

〔淨〕旌旗獵獵動江關。

〔丑〕千里師行碧海灣。

〔外〕試看鯨鯢皆遠遁。

〔合〕勒銘直上會稽山。

## 第五齣 交戰

〔一枝花〕〔小生生末戎服領軍校上小生〕江干烽火曉。海甸兵戈繞。吳兒深入也。怎生好。〔生〕封豕無厭。何事多強暴。況兵少誠難保。〔末〕誓定邊疆。謾自退縮。被人談笑。〔生末〕主公參見。〔小生〕二位大夫少禮。二位大夫。夫差恃強。乘我微弱。提兵十萬。將度西陵。未審二位大夫何以教我。〔生〕臣啓主公。強弱旣形。衆寡不敵。但當深溝高壘。以逸待勞。略待旬月之間。糧盡兵疲。將不及戰而自遁矣。〔小生〕文大夫意下如何。〔末〕臣啓主公。臣聞敵加于己。不得已而應之。謂之應兵。不如乘其營壘未定之時。卽爲掩襲攻擊之計。則寡或可敵衆。弱亦足以勝強。還宜決戰以圖存。豈可束手以待斃。〔小生〕言之有理。就此領兵前去。

〔水底魚〕兵馬蕭蕭。弓刀各在腰。吳兒逃遁。還將金鐙敲。〔淨外丑領衆上〕

〔前腔〕鼓角風高。旌旗雲外搖。三吳俠少。先聲壓海濤。〔小生生末領衆上相遇科丑〕

下官領前軍。當先出戰。〔末〕來將何人。〔丑〕我就是吳國太宰伯嚭。〔末〕久慕久慕。太宰。你身爲人

子不能報亡父伯州犂之仇。幸步伍胥之後塵。得攀楚平之封樹。所謂公等碌碌。因人成事者也。你有什么能。敢與我鬪。

〔大迓鼓〕吳兒莫弄驕。父讎不報。恥忍羞包。那些三個臣子忠和孝。一唯姦佞立當朝。及早投降。休得遁逃。〔丑〕休要閒說。搥起鼓來。〔對殺混戰科丑〕你是什么人。〔末〕我就是越國下大夫文種。〔丑〕文大夫。你明于治國。暗于擇君。貪宦蕞爾之小邦。甘事無情之勾踐。你有什么謀。敢與我戰。

〔前腔〕你平生學六韜。不知進退。堪笑兒曹。我偏師小渡西興棹。管長驅直擣會稽巢。若不先降。有誰恕饒。〔末〕你也休要閒說。搥起鼓來。〔對殺介生〕來將何人。〔外〕我乃吳相國伍員是也。〔生〕老相國施禮。相國。你一生孝子。半世忠臣。既雪墓下之仇。當返山中之駕。徒念闔閭之顧命。不諒夫差之不仁。竊恐禍機倏生。悔之無及。

〔撲燈蛾〕你三吳稱俊豪。四海播忠孝。名遂又功成。還認當時年少也。看皤然一老。鎮終朝矜伐舊功勞。沒來由西征東討。真堪笑。只怕禍機竊發。命難逃。

〔外〕我身既已許國。切勿多言。放下馬來。〔對殺科外〕你是何人。〔生〕下官越國上大夫范蠡是也。  
〔外〕老夫不知就是范大夫。大夫。我乃郢人。君亦楚產。豈以比鄰之隙。遂忘故苑之情。但要知兵衆之強弱。須察理勢之順逆。何不反邪歸正。棄暗投明。

〔前腔〕你昂昂一俊髦。堂堂好儀表。何事不知機。常肆侵凌衝犯也。諒區區小島。看投鞭即便可成橋。那時節。橫尸縹緲。迷歸棹。錢塘江上不通潮。〔生〕老相國。彼此各爲其主。不必多言。放下馬來。〔對殺俱下淨外丑領衆上科丑〕主公。你看蕭蕭殘寇。渺渺游魂。七縱七擒。三戰三北。殺得他隻輪不返。片甲無存。望風而逃。渡江去了。〔外〕我今不可遲滯。連夜趕上。直至會稽。縛其君臣。夷其宗廟。方雪俺攜李之辱也。正是

〔淨〕烈烈旌旗飛大將。

〔丑〕錢塘不怕多風浪。

〔外〕假若走上炤魔天。

〔合〕脚下騰雲須趕上。

## 第六齣 被圍

〔臨江仙〕〔小生生末領敗兵上〕轉戰夫椒三敗北。千秋宗社全傾。團團四野盡吳

兵陣雲迷故國。壁月照空營。〔末〕半捲紅旗奔淞水。霜寒鼓冷無聲。〔生〕回頭殺氣正憑凌。思量無計策。只得請行成。〔小生〕戰餘落日黃。軍敗鼓聲死。〔生末〕今與山鬼鄰。殘兵哭江水。〔小生哭科〕二位大夫。勾踐久作江東奇士。亦一海上寡君。長思奮迅雲霄。詎意摧頽糞壤。今被夫差追兵圍住。棲此會稽。二千年之社稷盡被凌夷。數十世之封疆皆爲蹂踐。旣無土地立孤身于世上。又何顏面見前王于地中。〔末〕臣啟主公。臣聞猛獸離山。不免網羅之患。巨魚失水。反遭螻蟻之欺。今主公初被傷殘。偶遭困辱。雖曰人謀之未盡。實亦天時之降殃。誓當奮一前鬪生之心。不可懷百走退死之念。況今會稽之山尙環六百餘里。帶劍之士猶存五千餘人。還須死戰。以決存亡。莫待生擒。以宴兵刃。〔生〕臣啟主公。臣聞伍員勇冠三軍。夫差雄視一世。以累殘之越。獨當新奮之吳。勝未必然。敗乃常事。不如一面堅壁清野。老彼戎師。一面遣使修詞。求其和好。以臣言之。此爲上策。〔小生〕范大夫。雖然如此。兀的不羞殺人也呵。

〔五更轉〕值運衰摧邊境。媿英雄氣不平。千年霸業。霸業都吞并。一旅殘兵。枝棲窮嶺。究天心。窺廢興。應難定。行成決戰。二策須深省。畢竟何者爲先。方纔寧



靖。

〔前腔〕〔末〕論拒敵兵猶勁。當此顛沛之時。也顧不得了。定休論敗與成。還須死戰。死戰圖僥倖。豈可坐受兵刀。自賚首領。念微臣受厚祿。要捐生命。收屍馬革也。圖個揚名姓。那時節繪畫麒麟。勒銘鐘鼎。

〔前腔〕〔生〕看暴吳眞強盛。遍週遭殺氣騰。不如遣使。遣使親行請。厚禮卑詞足恭敬。更還須施間諜。去通奸佞。待他君臣肆虐。定見驅忠盡。那時節待變乘機。把山河重整。〔小生〕寡人罪大惡極。德劣才庸。旣不能勇往而直前。又不能固守以善後。想今

要策。還是行成。但不知用甚禮儀。將何詞命。一時昏蔽。唯諸大夫裁之。〔生〕臣聞社稷者前王之社稷。山川者大禹之山川。是皆不可與人。外此皆爲長物。莫若棄其身體。挈其妻孥。君請爲臣。妻請爲妾。躬作使令之役。甘爲灑掃之徒。又須卑遜其言詞。離間其左右。旣侈其好大喜功之念。又發其毆賢用佞之心。則兇惡日稔。天必殛之。幾年之間。興衰未可知也。〔末〕范大夫之言。似亦有理。但恐伍員謀略蓋世。賢智先人。昏主或能聽從忠臣。不無阻隔。〔生〕文大夫不聞小人易親。君子易退。子但

聞伍員之忠直。不知伯嚭之奸邪。既欲行成。當先反間。不必卽謁其主。要須先賂其臣。送伯嚭以美女二人。黃金千鎰。則鼯鼠之腹易滿。鷦鷯之棲易安。仗此以見夫差。諒多溢美之言。由是以譖伍員。必有稔惡之說。君臣乖戾。同列睽違。彼之罅隙可乘。吾之大事濟矣。〔小生〕既然如此。誰人可行。〔末〕臣雖不才。願效犬馬。〔生〕整備禮物。卽便起程。〔小生〕

〔朱奴兒〕念國土連年戰爭。爲宗社勉爾行成。忍恥含羞送子行。須委曲順從強硬。〔合〕承君命。遨遊虜庭。何日見烽烟靜。〔末〕

〔前腔〕遭國難。常將命輕。趨王事。焉敢留停。今日辭君到彼營。料舌劍必然全勝。〔合前生〕

〔前腔〕悲相送。天高日晶。臨兵刃。誰肯孤征。試聽青萍匣底鳴。看忠義長虹直亘。〔合前〕

〔小生〕送卿匹馬出江關。

〔末〕敢憚區區行路難。

〔生〕明日若弛吳甲冑。

〔合〕他年重整越江山。

第七齣 通話

〔出隊子〕〔丑上〕連營分隊。前纛高張朱雀旗。弓刀簇處列戎衣。萬騎城南戰勝歸。試問三吳豪傑有誰。誰似堂堂貌出羣。從來不曉武和文。行師全得三軍靠。親手何曾殺一人。下官太宰伯嚭是也。性踰梟獍。狠甚虎狼。包藏險惡。真千態萬狀。而鬼莫能知。做下機關。似千蹊萬徑。而人不能禦。慣用傾險之智。構成疑似之端。況兼舌劍唇鎗。奴顏婢膝。屈身之際。疑無骨。談笑之中。若有刀。但知奉承一人。不曉恩及百姓。由是身騰列國。權傾滿朝。狐假虎而前行。何愁追捕。鼠依社而久住。不怕薰燒。一味妬賢嫉能。可以尸祿保位。兩日統領前軍。追趕越寇。長驅深入。圍住會稽。小醜尙棲此山。大軍未卽歸國。爭奈轉戰困倦。未得少休。今晚軍中稍閒。暫且卸甲解胄。不免叫家僮傳令帳下。守定營門。若有軍情。速來通報。小廝那裏。〔小末扮家僮上〕傳令。〔內應科丑〕我伯嚭當初逃難。來到這裏。向無妻室。甚是難熬。前日討得一個丫頭。喚作千嬌。容貌雖不甚娉婷。妝扮也略知丟抹。喜他按摩甚妙。枕席頗通。只是氣質粗疎。性子妬忌。昨因軍中乏人伏侍。帶在這裏。兩日無暇。甚是疎失他。不免喚他出來。少敘幽情。多少是好。千嬌那裏。〔淨扮胖婦上〕

〔前腔〕描紅貼翠。誰似當朝太宰妻。尺三小脚走如飛。八九寸彎彎兩道眉。盡說輕盈略覺胖些。相公叩頭。〔丑〕千嬌起來。千嬌。我兩日軍中多事。不得相見。甚是想着你。〔淨〕便是。千嬌兩日也想着相公。飯食都減一半了。〔丑〕你早上喫許多。〔淨〕早上覺道有些歡喜。喫了八碗。〔丑〕你午間喫許多。〔淨〕午間不快活起來。喫不多。勉強喫得五碗。〔丑〕哈。也不當少了。〔淨〕我平日若是身子好。還喫得幾碗。只因減了飯食。腰肢看看瘦盡了。〔丑〕又道是楚王愛細腰。宮中皆餓死。〔淨〕相公休要取笑。〔丑〕我兩日身子疲倦。你與我按摩一番。〔淨〕作按摩科丑〕千嬌我的心肝。被你按着穴道。捻着癢筋。皮風燥癢骨頭輕。遍體酥麻動不得。好快活。〔淨〕相公。這個打甚麼緊。停一火到牀上下定了這個針。釘住了這個穴。你還快活哩。〔丑〕千嬌。帳外有人到來。你且迴避。〔淨〕連忙打發人去。早些進來睡罷。〔末領衆送金物上〕

〔前腔〕潛攜金幣。打聽前軍在浙水西。日間難行。等到昏黑。扮作吳國將官前去便了。晝行猶恐外人疑。等到黃昏星斗稀。驀地私行有誰見知。帳前有人麼。〔小末〕來的將官何姓何名。有何急務。昏夜到此。〔末〕下官越國大夫文種。要見你們老爺。煩你通報。〔小末〕軍門

緊急不敢從命。〔末〕白金百兩。聊此奉謝。只說有事相求。昏夜來見。〔小末〕既然如此。你且少待。  
〔進報科〕越國使臣文種有事相求。昏夜來見。〔丑〕哈。好怪好怪。他來甚麼也罷。着他入來。〔末〕  
越國下臣文種參見。〔丑發怒科〕你就是文種。〔末〕不敢。〔丑〕前日陣上說我包羞忍恥的就是你。  
〔末〕不敢。〔丑〕說我不忠不孝奸佞立朝的就是你。〔末〕不敢。〔丑〕天兵到臨。你命在旦夕。還來見  
甚麼。〔末〕太宰大人息怒。容文種咨啟。〔丑〕有何說話。你且道來。〔末〕小國寡君勾踐。感太宰恩德。  
無以爲報。〔丑回噴作笑科〕你那越王老頭兒也曉得感激我。〔末〕便是。特遣小官備些禮物。少伸  
寸敬。〔丑大笑科〕遠勞厚意。請起。〔末〕不敢。禮物通在帳外。人夫頗多。每樣先進上一件。倘蒙叱留。  
方敢載進。這樣黃金共五千兩。錦段共五千疋。白璧共十雙。〔丑〕怎麼要許多。小廝殺起羊來。燙起  
酒來。留文老爹坐坐去。〔小末應下末〕太宰。你且不要快活盡了。還有一對活東西。只怕太宰用不  
着。不敢送進來。〔丑〕甚麼東西。取來我看。〔末〕待我去取來。〔旦貼上〕舞低楊柳樓頭月。歌罷桃花  
扇底風。〔末〕寡君勾踐無以伸敬。聞知太宰未聘妻室。特奉美女二人。一個喚秋鴻。一個喚春燕。以  
伴枕席。伏乞鑒納。〔旦貼〕老爹叩頭。〔丑笑科〕二位美人請起。小廝殺起牛來。〔同前譚內應科丑〕

我知趣的文大夫文老爹。我不瞞你說。向年來時其實沒有老婆。將就討得一個丫頭。也略有些風韻。怎到得二位姐姐十分標致。我如今輪流轉。今夜是他。明晚是他。一來一往。一上一下。快活快活。且住。我且問你。你主公送了許多東西。不知有何分付。〔末〕我寡君着我多拜上太宰。寡君受吳國大王太宰大人許多教訓之恩。情願攜其妻室。率其陪臣。親到吳國。身請爲臣。妻請爲妾。竊恐大王見棄。先遣小官拜上太宰。望乞周庇。〔丑〕我如今受了你家主公許多恩惠。我的身子通是你家主公的了。這些小事。不難一一從命。小廝那裏。〔小末上丑〕我教你殺羊殺牛。怎麼這時節不見拿出來。〔小末〕稟老爺。牛羊元沒有。只有一隻雞。千嬌姐還不肯哩。〔丑〕好笑。他爲何不肯。〔小末〕聞得外面新送兩個好婦人來。或者有些喫醋。〔丑〕哇。一時備不及。且拿些小酒出來。文大人。倉卒有慢。多罪。〔末〕豈敢豈敢。

〔玉山頹〕〔丑〕謝你君王不棄。遠相投金帛禮儀。況纍纍數對璠璣。更纖纖一雙花蕊。我知恩知義。休錯認是無情伯喈。及早來吳地。莫稽遲。管教羈鶴出籠飛。

〔前腔〕〔末〕我寡君呵。特差傳遞。念傷殘棲遲會稽。欲躬身率領妻孥。入吳庭願

稱臣禮。我明朝謁主。望委曲於中周庇。〔丑〕這個都在我身上。不消你叮嚀了。〔末〕深感君高誼。若免凌夷。誓同犬馬效驅馳。秋鴻春燕。你兩個就進酒。〔旦貼〕

〔前腔〕雲鬢高髻。繡鴛鴦。蹁躑舞衣。遇春風笑。樓花間。值秋宵醉眠幃底。偎紅倚翠。看世上誰人百歲。今夜同歡會。夢魂飛。巫山一對暮雲歸。〔末〕你二人好生伏待老爺。下官就此告別。明日軍前相見。〔丑〕文大夫。還有一句要緊說話對你說。我相國伍子胥做人倔強。甚不知趣。他若在那里時。必然阻當。我領前軍圍住山前。他領後軍圍住山後。參謁之期。多在午時。大夫。你可侵晨約我同行。乘其未到之時。待我中間說定。主公親口允從。那時節他雖到來。已無及矣。〔末〕謹依尊命。〔下丑〕秋鴻春燕。可愛你一對俊俏嬌娘。恰遇我這個風流子弟。正是前緣宿世。才子佳人。今夜不可分牀。三人同睡了罷。〔抱旦貼下淨上打旦貼科〕好好。你是何方潑賤。那裏丫頭。到來奪我的買賣。快走出去。快走出去。〔丑打淨科〕你這臭娼氣。歪爛骨。沒廉恥。不識羞的東西。快走進去。快走進去。〔下〕

## 第八齣 允降

〔高陽臺〕〔淨領衆軍校上〕窮海提兵。沿江牧馬。英聲天下無敵。錦帳開營。弓刀霧擁。雲集。區區小醜。成何事。望風兒三戰三北。上稽山看妖氛清盡。勒銘歸國。  
〔衆〕衆將官叩頭。〔淨〕起去。〔衆應科淨〕戰勝兵屯清海灣。愁雲結處是稽山。更催飛將追逃虜。莫遣江干匹馬還。自家吳王夫差。追趕越國勾踐至此。不料他計窮力竭。存下五千甲士。死守會稽。一則溪山險隘。我不能以馳驅。二則草木蒙叢。彼實可以哨聚。想旬日之間。不能卽克。如何是好。且待諸大夫到來。再作區處。〔丑上〕

〔勝葫蘆〕昨約營中去謁君。侵早起到轅門。〔末上〕若得君王肯許。咱投順。定須結草。生死報深恩。〔丑末相見科丑〕文大夫。你來幾時了。〔末〕小官守候太宰已多時了。〔丑〕文大夫且少待。待我先進去報知。你可入來。〔衆報丑進見科丑〕主公。伯嚭參見。〔淨〕太宰少禮。〔丑〕臣啓主公。越王勾踐遣一下臣文種投見。帳下伺候兩日。無人通報。不敢進見。〔淨〕好笑。勾踐這廝着他來做甚麼。〔丑〕兩國交兵。不拒來使。且放他入來。看他有何話說。〔淨〕也罷。放他入來。

〔衆〕越國使臣進。〔末在外膝行至內俯伏科〕越國下臣文種死罪死罪。〔淨怒科〕勾踐不道。犯



我先靈。我今提兵問罪。命在旦夕。有何話說。着你來見。〔末〕東海寡君勾踐罪大惡極。偶犯吳之先王。蒙大王仁慈。不卽誅戮。寡君感德。旦夕不忘。今大王天威未解。提兵遠臨。若大王不棄。卽當請盟。願攜其妻子。率其陪臣。君請爲臣。妻請爲妾。春秋貢獻。不絕于途。茲固寡君奉至尊之儀。實亦大王征諸侯之禮。敢使下臣布意。乞賜優容。〔淨〕這個難道。〔丑〕勾踐窮困。遣使乞哀。若能許之。則勾踐之土地卽主公之土地。自江以北。沿海而南。皆主公之有也。〔淨〕太宰。我勞心數年。提兵十萬。深入敵境。克在須臾。業已至斯。不能輕諾。〔末〕下臣文種再啟大王。寡君勾踐棲于會稽。尙存子女千餘。寶器萬數。若大王憐而赦之。則子女盡入于王庭。寶器俱歸于府庫。若大王報而不赦。則當殺其子女。焚其寶器。以五千敢死之士。當十萬久疲之師。則彼此勝敗。未可知也。〔淨〕太宰。你的意下如何。〔丑〕文種之言。似亦有理。若主公能封殖越國。則武功已成。名聞海內。誰不敬從。若必欲刈而亡之。恐四海諸侯不信于我。後日誰肯事吳。是主公有功而無功也。願主公察之。〔淨〕雖然如此。心上狐疑。未能灼然。豈容就許。

〔高陽臺〕小島羈囚。稽山窮窟。形孤勢寡難立。憶昔侵凌。冤仇至今堆積。逃匿。

知伊死在須臾也。看笑談削平東穴。又何勞卑詞遜語。故來哀乞。

〔前腔〕〔末〕窮迫。願面縛君臣。親攜妻子。王庭盡心服役。貢獻年年。驅馳敢怠。

朝夕悲戚。區區寡君蒙宥免。這深恩何年消得。望君王寬仁大度。俯垂憐惜。

〔淨〕既然如此。我暫且收兵。限十日之內。君臣妻子俱赴吳庭。聽候指揮。不許遲滯。〔末〕多謝大王。

〔外上〕破國平戎。昔未聞。鳴笳疊鼓。擁回軍。丈夫鵠印。搖邊月。大將龍旗。掣海雲。主公已升帳。不免

進去參見。〔衆報外進見科外〕主公。伍員參見。〔淨〕相國少禮。〔外〕此位何人。〔末〕越國下臣文種。

〔外〕到此何幹。〔丑〕領其主勾踐之命。行成於吳。卻纔主公已親口許他了。〔外〕豈有此理。臣啓主

公。勾踐強暴。屢肆侵凌。今力屈計窮。命在頃刻。是天以越賜吳。此機不可失也。誓當懸首吳闕。以謝

先靈。方雪數年之仇。聊解四方之笑。願乃不知出此。而反許其行成。竊爲主公不取也。〔丑〕臣啟主

公。臣聞不念舊惡。怨是用希。昔晉文聽寺人之言。而卽去斬祛之罪。齊桓用管仲之智。而頓忘射鉤

之仇。今窮兵深入。已徹彼藩籬。躍馬長驅。更毀其宗社。諒些須越人之怨。已足盡吳國之情。君子不

爲已甚。竊爲主公許之是也。〔淨〕太宰之言有理。

〔前腔〕〔外〕主公休惑。數載深讎。一朝克復。臣子此心初適。須獻首先靈。共瞻宗廟血食。主公你快收拾。看江東海西俱入款。是蒼天賜吳越國。這光陰百年難遇。豈容虛擲。

〔前腔〕〔丑〕相國你休執。山鳥投籠。林猿歸檻。如何又教彈射。況他社稷全傾。區區小怨堪釋。要經歷。看稽山險絕堪死守。恐目下存亡難必。況淹留到兵疲糧盡。斷然無益。〔外〕主公。伯嚭之言。切不可聽。

〔前腔〕〔淨〕我思憶。他既已輸誠。前來納款。邊疆料多開闢。況我繼絕存亡。諸侯盡瞻吳德。〔末拜謝天科〕天日。願吾王此身長壽考。〔回身拜淨科〕似南山萬年無極。霸諸侯威行四海。比隆周室。〔淨暗對末科〕你的行成。我已親許。決不食言。連忙回去。火速就來。〔末叩頭下〕臣今告辭。不日就得覲天顏也。〔外〕主公不可許他。〔丑〕主公不可失信。

〔前腔〕〔外〕兇逆。不日就誅滅了。九仞爲山。功虧一簣。料想不勞而集。事敗垂成。怕他日悔之無及。〔丑〕你偏僻。料些些三彈丸窮海島。敢與我大邦相敵。笑伊家年華

高邁不知虛實。

〔尾聲〕〔淨〕班師回去傳飛檄。〔丑〕看大將旌旗雲外直。〔外〕可惜數載勞師空費力。

〔淨〕三軍歡笑勢如雷。

〔外〕盡道行兵海上來。

〔丑〕個個鞭敲金鐙響。

〔合〕人人齊唱凱歌回。

### 第九齣 捧心

〔祝英臺慢〕〔旦扮西施捧心上〕臉欺桃。腰怯柳。愁病兩眉鎖。不是傷春。因甚閉門臥。怕看窗外游蜂。簷前飛絮。想時候清明初過。〔憶秦娥〕春已矣。楊花滿徑東風起。東

風起。半投簾幙。半隨流水。思郎夢遠運無倚。隨風好去應千里。應千里。長亭馬上。陽關笛裏。奴家

自浣紗溪邊遇着那人之後。感其眷顧。贈彼溪紗。今經一月。再無信音。又不知是個閒游浪子。假作官僚。又不知果是個范蠡大夫。故來調哄。我今待要信他。只恐日遠日疎。終無着落。未必是真。欲待要不信他。看他實意實心。言猶在耳。未必是假。近聞吳越交戰。直至會稽。雖然干戈擾攘。黎庶逃亡。

幸此地山谷幽深。人蹤隔絕。我想范大夫多因此事。不得工夫。然雖遲年歲。必不他適。但今展轉疑慮。日夕憂煎。〔長嘆科〕只因霎時面許。弄出滿腹離愁。害得徹夜心疼。做出一腔春病。只是織成縷縷千條恨。蹙損纖纖兩道眉。切切淒淒。啾啾唧唧。這場事好生苦楚人也。

〔綿搭絮〕東風無賴。又送一春過。好事蹉跎。贏得懨懨春病多。髻兒𦏧。病在心窩。爲你香消玉減。蹙損雙蛾。難道你賣俏行姦。認我做桃花牆外柯。認我做桃花牆外柯。

〔前腔〕終朝懸念。信遠音訛。好事多磨。轉眼光陰一擲梭。定如何。成敗由他。未必言而無信。更起風波。有一日弄假成真。烏鵲填橋催渡河。烏鵲填橋催渡河。  
這裏北村有個姐姐。喚做北威。是個女醫。不免央我家東施姐姐。轉請他來看脈。喫幾貼藥。再作計較。

溪畔匆匆邂逅時。

無端徹夜費相思。

欲知一點心中病。

只看纖纖兩道眉。

第十齣 送餞

〔謁金門〕〔小生同貼上〕烟霧蔽。四下重重圍住。少小英雄今已矣。空成千點淚。

〔貼〕魂怯危巢孤壘。眼見玉樵香悴。〔合〕昨遣行成通幣禮。緣何還阻滯。〔貼〕

大王萬福。〔小生〕夫人少禮。夫人。我勾踐被吳圍住。困居此山。心魂不寧。手足無措。見寢石以爲虎。認草木而皆兵。夙昔英雄。一旦掃地。〔貼〕黃鶴病而翅羽垂。猛虎窮而爪牙縮。須竭力拒敵。觀變待時。勿重憂煎。徒增悲痛。〔小生〕昨遣文種行成。怎麼這時候還不見回來。〔貼〕大王放心。想此事多成。故來遲耳。〔生上〕

〔臘梅花〕殘兵格鬪筋力疲。沿山烽火軍聲沸。〔末〕敢憚星夜馳。行成已聽疾

忙歸來報君知。〔生末相見科生〕文大夫。行成的事如何。〔末〕吳王已面許下了。〔生〕如此就進

去回覆主公。〔進見科〕主公夫人。范蠡文種參見。〔小生貼〕二位大夫少禮。文大夫行成的事如何。

〔末〕臣啓主公。臣到敵境。乘夜先見伯嚭。次早方謁吳王。因伍員未到之時。虧伯嚭先入之說。吳王

已親口許下了。〔小生貼〕多謝天地。〔末〕只一件。他限定十日之內。要君臣妻子俱赴吳庭。聽其指

揮不可遲滯。〔小生〕寡人不幸。連累夫人。如此促急。怎生是好。〔貼〕賤妾之命。懸于大王。勞苦艱難。願同之也。〔小生〕既然如此。只索起程。別爾人民。棄我宗社。去其冠冕。作彼庸奴。前程正爾關心。故國不堪回首。好傷情也。〔淨扮泄庸上〕空城麥秀雉朝飛。故國黍離烏夜啼。〔丑扮計倪上〕試看千村幾家在。誰憐百戰一身歸。〔淨〕下官泄庸是也。〔丑〕下官計倪是也。〔相見介丑淨〕聞主公夫人卽日起程。前往吳國。不免到江上送別去。主公夫人。泄庸計倪參見。〔小生貼〕二位大夫少禮。〔小生〕諸大夫在此。寡人不道。夙遭閔凶。賴諸大夫之謀謨。得保前王之丘隴。實至幸矣。目今前往吳庭。誰人能同此患難。留下越國。誰人能守此封疆。願各自陳。我將分屬。〔淨〕臣聞夏臺之繫。伊尹不離成湯。姜里之囚。宜生不離西伯。今上大夫范蠡達于機微。習于困苦。吳庭之事。一以委之。必能佐主周旋。不負臣舉。〔丑〕臣聞成湯入夏。付國家于文杞。周文入殷。委宗社于太公。今下大夫文種忠而善謀。民樂爲用。越國之事。一以委之。必能克勤邦家。不負臣舉。〔小生〕范大夫。你的意下如何。〔生〕不避艱險之途。甘守困辱之地。輔助危主。誓興滅國。往而必返。與君復仇者。臣之事也。敢不聽命。〔小生〕文大夫。你的意下如何。〔末〕內修封疆之役。外整耕戰之備。親附百姓。連和諸侯。廢而必

與。與君復仇者。臣之事也。敢不聽命。〔小生〕若得諸大夫如此。則患難相保。宗社奠安。諸大夫無主而有主。寡人無國而有國也。孤之六翮備矣。飄然長往。又何憂焉。不免告拜天地山川。社稷宗廟。憐我困苦。陰求護持。〔拜科〕

〔園林好〕告天地神明可窺。告宗廟精靈可推。念勾踐包羞含愧。知甚日得回歸。知甚日得回歸。〔貼〕

〔前腔〕念生長在香閨繡幃。念出入在龍樓鳳池。怎禁得流離顛沛。知甚日得同歸。知甚日得同歸。〔生〕

〔江兒水〕臣子遭家難。男兒遇數奇。路當險處難回避。非關不愛親遺體。時危要見臣忠義。暫且受伊拘繫。〔合〕有日歸來。再渡吳山越水。〔末〕

〔前腔〕國破山河在。城傾草樹迷。看縱橫白骨郊原蔽。念微臣既受人民寄。要捐生誓雪君王恥。暫且將身淹滯。〔合前淨〕

〔五供養〕吳兒醜類。天道虧盈。赫赫昭回。看他多滿溢。不久必摧頽。〔丑〕況有



姦邪伯詬。覆邦家。唇尖舌利。忠良應阻隔。國勢定支離。〔合〕誓造江山。萬民歡會。〔小生〕

〔前腔〕諸大夫。我孤身客邸。回首家山。雲迷會稽。搖搖魂向北。黯黯日平西。〔貼〕看江村桃李。恨無主。憑風飄墜。年光愁裏過。環珮夢中歸。〔合前生〕主公夫人。自有天命。不須煩惱。及早登舟去罷。〔生〕

〔玉交枝〕一場愁緒。料精誠江神鑒知。吾王何必多留滯。勸羣臣不用淒其。〔末〕離筵欲散東海磯。別情盡付西江水。〔合〕掛不住疎林落暉。掛不住疎林落暉。〔淨〕

〔前腔〕扁舟北濟。痛黎民負荷有誰。念羣臣肯久虛君位。當盡心定難持危。〔丑〕他年擊楫過越水隈。看尅期仗劍入吳宮裏。〔合前小生〕

〔川撥棹〕英雄淚滴春江波浪底。〔貼〕片帆開岸草淒淒。片帆開岸草淒淒。又何年還歸水湄。〔合〕渡西陵城郭非。望南雲魂夢飛。〔生〕

〔前腔〕我主公莫愁無所依。自愧微軀堪寄安與危。〔末淨丑拜生介〕願大夫努力驅馳。願大夫努力驅馳。待歸朝羣臣謝伊。〔合前小生貼生〕

〔尾聲〕別離傾刻悲塵世。〔末淨丑〕有日破吳歸去。〔合〕看壯士還家盡錦衣。〔末淨丑〕伏願主公夫人前途保重。〔生〕范蠡扁舟先過江去。伺候主公夫人同行。〔小生〕斜陽山外片帆開。〔貼〕風捲春潮動地回。〔生〕今日一樽沙際別。〔合〕他年重見渡江來。〔生末淨丑先下小生貼弔場小生〕夫人。你看逝水東流。片帆北渡。雲山重疊。煙樹迷離。不知何年再渡此江也。〔貼〕觸物興悲。感時增戚。試看汀沙之鳥鳥。聞哺江渚之魚蝦。妾有短歌。爲王一詠。〔小生〕卿試詠之。寡人敬聽。〔貼歌科〕

〔古歌〕仰飛鳥兮鳥鳶。凌玄虛兮翩翩。啄魚蝦兮洲渚。矯風翮兮雲間。妾無罪兮冒地。又何辜兮負天。片帆飛兮長往。知歸去兮何年。〔小生〕嘗聞有聲當徹天。有淚當徹泉。夫人過哀。眼見粉愁香怨。寡人不肖。豈能飲恨吞聲。亦有短歌。爲卿一詠。〔貼〕大王試詠。賤妾敬聽。〔小生歌〕

〔古歌〕彼飛鳥兮鳶鳥。常游止兮江湖。我何罪兮離越。迺偃蹇兮來吳。妻衣褐兮爲婢。君脫冕兮爲奴。歲遙遙兮無極。安得我身兮如鳥。〔貼〕

〔尾犯序〕愁淚溢春江。底事夫妻同渡波浪。怎效鳥鳶向沙頭翱翔。悒快我。攔盡力奔馳灑掃。怕當不過勤勞鞅掌。思量起雲山千里。何日好還鄉。〔小生〕

〔前腔〕吳門此去在何方。進退兩難空自摧喪。你淡掃蛾眉盡收拾宮妝。惆悵你休還認在秦樓楚館。休還認在香閨繡帳。從今去雕籠深鎖。愁殺兩鴛鴦。

〔貼〕大王舟已到岸。收拾陸行。〔小生〕家鄉漸遙。吳邦漸近。好傷感也。〔小生〕

〔鷓鴣天〕自笑英雄值坎坷。平生意氣盡消磨。〔貼〕魂離故苑歸應少。恨滿長

江淚轉多。〔生上跪接介小生貼〕你到此幾時了。〔生〕范蠡到此多時。整備車馬。專候主公夫人早

行。〔小生〕范大夫。我何罪也。受奔波。〔貼〕香樵玉悴竟如何。〔生〕主公夫人。休要悲傷。豈

不聞晉文公投璧之事乎。當年重耳曾投璧。定看他年渡此河。〔下〕

## 第十一齣 投吳

〔窳地錦襠〕〔淨外丑領衆上〕南中戰勝擁回軍。萬騎飛騰出陣雲。江東霸氣鬱  
嶙峋。誰似英雄四海聞。〔衆〕

〔哭岐婆〕蘇臺高峻。房廊隱隱。青蛾紅粉。打團成陣。千門花月。笑相迎。香風滿  
路。笙歌引。〔衆跪介〕啟爺已到姑蘇臺了。〔淨〕且住馬。〔外丑〕主公。伍員伯嚭參見。〔淨〕相國太宰  
少禮。〔衆〕衆將官叩頭。〔淨〕起去。相國太宰。勾踐不道。逆命數年。今力屈計窮。面縛麾下。皆賴天地  
祖宗之陰佑。實出文武將士之同心。〔外〕勾踐被擒。實皆主公之威。何與諸將之力。但妖徒僅能革  
面。醜類尙爾離心。隱憂還在蕭牆。同舟皆爲敵國。〔丑〕窮寇初歸。積仇已復。勿計其舊。當取其新。寬  
其萬死之誅。示以再生之路。老相國何故妄生議論。尙爾紛更。〔淨〕太宰之言有理。今奏凱獻捷。開  
國承家。有功者爵之。以上卿。有勞者賜之以金帛。廣開功臣之宴。同赴姑蘇之臺。勿用多言。只圖歡  
樂。衆將校們。動起鼓樂。將酒過來。〔衆〕酒在此。〔送淨接送外丑跪受介淨〕

〔山花子〕英雄氣壓江南郡。心胸湖海平吞。笑鯨鯢望風遠奔。羨威名列國稱  
尊。〔合〕上高臺看山河鼎新。稱觴兩班武共文。從教千載祝聖君。共享恩波。寰

字同春。〔外〕江關未熄烽和燼。念比鄰社稷猶存。他運雖衰國還有人。豈宜削草留根。〔合前丑〕

〔前腔〕笙歌擁入花游陣。唯當醉倒紅裙。報深仇志願已伸。又何須議論紛紛。

〔合前小生貼生上小生〕艱難淪落真堪笑。〔貼〕險阻辛酸實備知。〔生〕畫虎不成終類狗。爲龍多

苦不如魚。〔對衆介〕煩通報。越王夫妻君臣見。〔衆報介〕越王勾踐夫妻君臣進見。〔淨〕着他入來。

〔小生貼生膝行進見介小生〕東海賤臣勾踐。率領妻奴。叩首殿庭。死罪死罪。〔淨〕勾踐。你這等強

梁。豈知也有今日。〔小生〕勾踐罪重惡深。辜負天地。不知時勢。得罪大王。蒙不卽誅。俯賜寬宥。得保

些須之命。難報罔極之恩。賤臣勾踐實該萬死。只求大王憐而赦之。〔外〕臣聞飛鳥在青雲之上。尙

欲挽弓而射之。況閒游于池沼。近集於殿庭乎。昔勾踐生山海之外。誠恐擒獲之難。今入我廚竈之

中。乃一宰夫之事。主公不宜輕赦。〔淨〕吾聞殺降誅服。天下所非。業已許之。豈可失信。〔丑〕主公。老

相國牽於一時之智。不知長久之謀。願主公卽日赦之。勿聽無稽之言也。〔淨〕大宰之言有理。衆將

校們傳下號令。發勾踐三人於石室之內。去其軒冕。沒作官奴。略給水薪。牧養馬匹。牢固監候。不許

放縱。〔衆傳令內應介〕剝小生貼生衣下介〔淨〕再進酒。〔淨〕

〔大和佛〕寶殿嵯峨對紫宸。簾櫳映碧雲。恩沾畿甸。淑氣散千門。窮海看來賓。

〔外〕他們未必真謙遜。偶爾時乖運蹇。勉強暫稱臣。終有日饑虎隨人。欲避難逃奔。〔丑〕老相國。你何故出言不順。休得要對此歡娛便生嗔。〔淨〕

〔舞霓裳〕看取他邦盡臣鄰。盡臣鄰。管取邊疆盡尊親。盡尊親。〔外〕吾王莫聽姦臣譖。只恐蕭牆變起禍臨身。〔先下丑〕笑老朽不知安分。休錯認。縷縷秋霜遍衰鬢。

〔紅繡鞋〕〔合〕錦筵香霧氤氳。氤氳。華堂歌舞繽紛。繽紛。珠翠擁。暮雲屯。燈火亂。曉星昏。洞房深處醉橫陳。洞房深處醉橫陳。〔淨〕

〔尾聲〕雞人夜午蓮籌進。〔丑〕誰似我天顏常近。羞殺多言是伍員。

〔淨〕吳鉤雙帶錦花浮。

〔丑〕海上奇功一旦收。

〔衆〕生縛君臣到麾下。

從今不數古諸侯。

## 第十二齣 談義

〔外易道服上〕堪笑流離一楚囚。蕭蕭空自佩吳鉤。終天怨氣方纔釋。向日忠心尙未酬。伍員自報楚歸吳。佐吳入越。竊謂既甘心於西鄙。必得志於東藩。詎意主公厭惡忠言。聽信姦佞。大仇摧於將復。積功毀於垂成。彼之行成既諧。吾之大事已去。今年向遲暮。志漸墮頽。英豪不逮於前時。勇力頓減於昔日。將欲隨波逐流。伴食廊廟。則何以立此身於朝端。將欲背義忘恩。返駕林壑。則何以報前王於地下。進退維谷。往來觸藩。我有一結義哥哥。喚做公孫聖。聰能遠達。明足通微。心若冰壺。人稱水鑑。他見今隱蹟陽山之下。潛身震澤之邊。不免訪高蹤以下國之興衰。叩名流以定己之出處。今日晴和。且往陽山走一遭也。〔下末道服扮公孫聖上〕自家覆姓公孫。名聖。吳之秦餘杭山人也。遺榮末世。困守衡門。稟耿介拔俗之操。具瀟灑出塵之想。投竿垂餌。晦幽蹟於渭濱。抱甕灌園。絕機心於漢渚。朝飲木蘭之墜露。夕餐秋菊之落英。邀清風爲入室之賓。延白雲爲升堂之客。紹巢由之絕軌。蹈沮溺之高風。真個是天子不得臣。諸侯不得友。今日晴和。不免到青山盡頭。白雲深處。閒步一回。多少是好。

〔北點絳脣〕布襪青袍。草衣烏帽。溪山曉。來往由巢。俯仰乾坤小。我有一個結義的兄弟。喚做伍員。夙昔雄豪。平生忠孝。吳國之事。全賴此人。如老夫者。數被徵聘。得以力辭。蓋吾弟既戮力於朝廷。老夫得投閒於溪壑。常時特來訪我。一向不見到來。想是朝廷多故。不得工夫也。我兄弟怎麼到得我逍遙自在。無管無拘也呵。

〔混江龍〕清溪垂釣。綸竿七尺。氣飄颻。祇多少風掀海浪。雪漲江濤。問世上誰人棲住穩。笑人間何處着身牢。試看那繡帳內醉鮫綃。轅門下列弓刀。麟閣上姓名標。邊塞外陣雲高。他那裏有權有勢。少安閒。怎如我無煩無惱。多歡樂。舒眉鳥嶼。散髮林皋。〔外上〕迤邐行來。早不覺到陽山也。遠遠望見一個道人。好像我公孫哥哥。〔末〕來的好像伍子胥兄弟。〔外〕呀。哥哥。拜揖。〔末〕呀。兄弟少禮。兄弟許久不見。今日何來。〔外〕哥哥。只因多事。失候起居。今有愚衷。特求指教。〔末〕兄弟有何事故。你且道來。〔外〕哥哥。我伍員本欲盡孝於家。兼期竭忠於國。不意父兄昔爲暴君所害。孝道有虧。主上今爲姦臣所欺。忠誠不遂。俯仰有愧。進退兩難。今欲棄職歸山。不知我哥哥意下如何。〔末〕兄弟差矣。我聞爲子死孝。爲臣死忠。汝但計



嗣君之小過。遂忘前王之大恩。兄弟獨不記昔日背楚投吳之事乎。〔外〕伍員怎麼不記得。哥哥試說。伍員敬聽。〔末〕

〔油葫蘆〕想當初你四海無家沒處逃。孤身的年紀小。向青山縹緲水滔滔。親爹爹魂魄憑誰弔。親哥哥骸骨憑誰掃。那時節親父親兄死於非命。一家三百餘口。逃得你此身可憐可憐。那裏管高堂上白髮娘。繡房中青鬢嫂。你便見滿身有口無人告。只落得回首楚天遙。〔外〕父兄深怨。豈敢忘之。興言及斯。不覺肝腸摧裂。〔末〕兄弟。你當初逃難之時。曾記得江上漁人。溪邊女子。衣衫襤褸。乞食于吳門之事乎。〔外〕伍員怎麼不記得。哥哥試說。伍員敬聽。〔末〕

〔天下樂〕漁父江頭將性命拋。多也波嬌。水面上漂。這兩個無辜爲伊沒處撈。兄弟。你亂叢叢百結衣。冷蕭蕭雙鬢毛。每日價浪悲歌去吳市討。〔外〕當年困苦。豈敢忘之。興言及斯。不覺冠髮俱豎。〔末〕兄弟。你當初入楚之時。曾記得辱及墓尸。害及季芊。君妻其君之妻。大夫妻其大夫之妻乎。〔外〕伍員怎麼不記得。哥哥試說。伍員敬聽。〔末〕

〔那吒令〕記當初昭王的親父兒被皮鞭亂敲。昭王的親妹兒被外人背着。昭王的親室兒被吳君占了。一場愁頃刻除。百年讎些時報。那時節方顯得英豪。〔外〕入楚之事。弟豈忘之。特以父兄大仇。少伸宿忿。〔末〕兄弟。你當初入楚之時。又還記得夷其宗廟。殘其丘壠。昭王出奔。包胥哭秦之事乎。〔外〕伍員怎麼不記得。哥哥試說。伍員敬聽。〔末〕

〔鵲踏枝〕毀廟庭。去宗祧。踐丘壠。沒根苗。眼見的千載荆城。霎時間遍地蓬蒿。不爭的把昭王殺了。笑包胥急穰穰秦國去號咷。〔外〕入楚之事。弟一一記得。但大仇既報。吾願已畢。今欲飄然去國。明哲保身。省得落於奸臣之手。〔末〕兄弟豈不聞孝者所以事君也。故求忠臣必于孝子之門。當初既仗吳之先王。得盡孝道。今日卽棄吳之後主。不竭忠誠。則是貪生怕死。背義忘恩。乃小丈夫之所爲。竊爲吾弟不取也。

〔寄生草〕兄弟你心空猛。氣枉高。到不如棹船漁父在江心跳。到不如浣紗女子向溪頭躍。到不如炙魚刺客在筵前鬧。你只要秋風荆棘楚王宮。全不管荒烟麋鹿吳門道。

〔么篇〕兄弟。你身初蹇。運未遭。怎能勾章華霧鎖重來到。怎能勾渚宮波冷重相造。怎能勾巫陽雲縵重瞻眺。那時節飄零千里尙羈囚。怎能勾名揚四海稱忠孝。〔外〕哥哥之言。極爲有理。殺身殉國。此亦何難。但恐吾死。吳國又亡。既無益于邦家。又滅絕乎宗祀。卻不兩下擔誤了。〔末〕豈不聞死生有命。禍福在天。烈士殉名。壯夫重氣。存爲楚國之傑。歿作吳地之英。久聞令郎日已長大。若有急難。可寄他邦。既有以盡父子之情。又有以全君臣之義。則雖死之日。猶生之年。況興衰禍福。尙未定也。〔外〕既然如此。謹依哥哥尊命。〔末〕

〔賺煞尾〕興衰本難期。禍福誰能料。念吳國忠良又少。你棄職歸山還太早。佐邦家柱石堅牢。爲朝廷莫避兒曹。須要學檠天架海鰲。休得要憚勞。莫被人談笑。兄弟。你必破工夫再往姑蘇去走一遭。〔下〕

### 第十二齣 養馬

〔梨花兒〕〔淨扮掌石室官丑扮皂隸上淨〕兩個囚徒來養馬。帶着一個俏渾家。朝朝坐在馬糞下。嗟馬若瘦時喫頓打。〔丑〕

〔前腔〕我家本官沒撻煞。一生口只愛把錢抓。上司知道也不怕。嗟。連累皂隸不是耍。〔丑〕皂隸叩頭。〔淨〕起來。自家不是別人。乃吳國掌管石室的官是也。前日上面發下兩名軍犯。一名軍妻。到此石室中來養馬。皂隸。怎麼這時候還不來見我。〔丑〕便是。前日發來的兩個男子。一個婆娘。都是大模大樣的。一些也不采人在眼裏。〔淨〕每常間犯人到此。送些拜見錢。他如今不但不來見我。土儀也不見一些。可惱可惱。〔丑〕老爺待我拿他進來。〔淨〕且住。那婦人生得如何。〔丑〕生得十分標致。〔淨〕常時一名軍。一名軍妻。兩名軍。兩名軍妻。那裏有兩個漢子帶着一個婦人的。〔丑〕敢是那一個顧倩他來背包的。〔淨〕一路怎麼相處。〔丑〕老爺路頭路惱。大家用用兒。〔淨〕皂隸。那個婆娘。兩人俱不許用。准折與我做拜見錢罷。〔丑〕他若不肯如何。〔淨〕他若不肯。待我下牢實擺布他。怕他走上天去。〔丑〕正是。在他簷下過。誰敢不低頭。〔下小生貼生上小生〕

〔十一時〕冤恨當訴天。奈極目蒼天還遠。〔貼〕衣服離披。容顏腆腩。日夕辛勤。養馬誰憐。〔生〕主公夫人。你命運有時休怨。〔貼〕大王萬福。〔小生〕夫人少禮。〔生〕主公夫人參見。〔小生貼〕大夫少禮。〔小生〕〔虞美人〕包羞忍恥何時了。怨恨知多少。〔貼〕白雲飛去到江東。

故國不堪回首夕陽中。〔小生〕雕欄玉砌應猶在。只是朱顏改。〔生〕問君還有幾多愁。恰是一江春水向東流。〔小生〕寡人昔爲越國之主。今作吳地之奴。脫軒冕而着樵頭。去冠裳而服犢鼻。如此污下。何以爲人。〔生〕臣答主公。臣聞成湯幽于夏臺。文王囚于羑里。興衰雖云有命。存亡實則係人。故成湯得以媚于桀。而不以窮自傷。文王得以幸于紂。而不以困爲病。伏觀夫差乃昔日之桀紂。未必主公非今日之湯文也。〔貼〕大王乃千乘之主。若輕於鴻毛。今一命之微。實寄於虎口。願欲以垂亡之越國。而期以必興之殷周。何大夫之言之迂也。〔生〕主公夫人。臣聞聖主明王。專一含羞忍恥。他時反國修德。終能伐暴誅殘。臣仰觀天文。俯察地氣。彼初興而我方辱。我將霸而彼則亡。今主公雖在危困之際。安知其非暢達之機。吳王雖在強盛之時。安知其非敗亡之兆。願主公夫人自愛。〔淨〕丑上淨。皂隸。你與我喚那三個囚犯過來。〔丑〕你那男子婦人。老爺喚你過來。〔小生〕我不是進來見你的。〔丑〕他說道不是進來見你的。〔淨〕這等無狀。〔丑〕老爺不要慌。要近人的東西。須是軟款溫柔。只說你三個人要你養一百匹騾馬。若瘦時要打。馬若齷齪要打。馬若不生長又要打。當不得許多辛苦。他定然送些東西進來。〔淨〕也說得是。你與我對他說。〔丑〕譚介淨丑下。〔小生〕

〔山坡羊〕瘦伶仃難過活的形狀。好羞慚難見人的模樣。急奔騰難調養的駑駘。苦酸辛難執役的工和匠。我也是一國王。平生性氣剛。羈囚到此。一旦身名喪。扮做傭奴。替人牧養。悲傷眼見孤身葬異方。思量除是游魂到故鄉。〔淨丑上〕怎麼兩日馬兒一發瘦了。好打好打也罷。且饒你這一次。〔下貼〕

〔前腔〕滴溜溜亂拋的珠淚。羞答答新參的奴婢。病怯怯未死的骨骸。遠迢迢難度的時和歲。命運奇存亡不可知。雲連故國。此去應千里。宮殿荒涼。人民雕弊。迷離魂夢中宵海上飛。徘徊環珮何年月下歸。〔淨丑上〕你這囚徒。怎麼兩日馬兒身上一發不乾淨了。好打好打也罷。再恕你一次。〔下生〕

〔前腔〕過去的雌雄休競。未來的興衰無定。意外的災殃怎逃。眼前的辛苦皆由命。敗與成。天心尙未明。還須忍耐。暫受淒涼境。有日亨通一朝馳騁。青萍幾夜蕭蕭匣底鳴。功名半世無成兩鬢星。〔淨丑上〕你這個囚徒。怎麼兩日馬兒一發不見

生長了。皂隸拿他過來。〔丑譚介淨〕那裏有你這等沒規矩的漢子。不識羞的婆娘。一些禮體也沒

有。怎麼拜見錢也不送一個。你是紹興人。土宜最多。紫菜蚶子。揀跳海毯也送些與我。〔丑〕怎麼叫  
做揀跳海毯。〔淨〕你不曉得。揀跳白鯊。海毯殼菜。如今我也不打你。皂隸。你與我把馬糞通倒在那  
個婦人身上去。〔小生〕你這狗官。不得無理。〔淨〕待老爺用了一夜。准了拜見錢罷。〔丑〕小的油火  
錢也沒有一個。明晚讓與我罷。〔淨〕哇。我也不會着手。你到心慌。皂隸。你快與我扶那個婦人進去。  
〔小生生奪介末扮堂候官上〕早奉候門命。忙投石室來。掌石室的官兒那裏。〔淨出應介〕敢問大  
人。是那裏來的。〔末〕我是太宰府裏差來送人事與越王的。〔淨〕那個越王。〔丑〕就是那着樵頭服  
犢鼻。卻纔方你擺佈他的。〔淨〕你那狗奴。怎麼一向不對我說。如今卻怎麼好。〔淨進報介〕外面有  
一個親戚來看你。〔小生〕我在這裏。那裏有甚麼親戚。〔末進跪淨丑隨後跪佐慌介末〕大王夫人。  
太宰府堂候官叩頭。〔小生貼〕請起。敢問尊官。到此何幹。〔末〕小的是太宰爺差來的。太宰爺多拜  
上大王。要自家來看。恐怕有是非。特差小官送些人事。〔小生貼跪受介〕多承厚賜。〔末〕太宰多多  
啓上大王。凡事耐心。終有好處。〔小生貼〕天地大恩。生死相報。只一件要拜上太宰。那個掌石室的  
官要我的拜見錢。日逐在此鬧炒。況兼把我夫人十分凌辱。〔末〕你那個狗官不知死活。我歸去就

對老爺說。教你這個頭不在頸上。〔淨〕小的該死。以後再不敢了。〔小生貼〕既然如此。尊官且不要說。饒他這一次。〔末喝淨丑先下介小生〕尊官回去。多拜上太宰。若放勾踐重歸故鄉。生當平分越國。死當結草啣環。若有虛言。天地誅之。〔生〕還有一言覆太宰。再不要送人事了。若有要緊事情。須求一報。〔末〕謹領謹領。小官就告回了。

〔小生〕飄零舉日更無親。

〔貼〕兀自淹留寄此身。

〔生〕有日驂騮開道路。

〔末〕會看鷹隼出風塵。

### 第十四齣 打圍

〔北醉太平〕〔淨丑領旦貼扮宮女衆扮將校上合〕長刀大弓。坐擁江東。車如流水馬

如龍。看江山在望中。一團簫管香風送。千羣旌旆祥雲捧。蘇臺高處錦重重。管

今宵宿上宮。〔丑〕伯嚭參見。〔淨〕太宰少禮。〔旦貼〕內侍門叩首。〔淨〕起來。〔衆〕衆將官叩頭。

〔淨〕起去。自家虎據三吳。鷹揚一世。天子之下第一。諸侯之上無雙。光景無多。天下山河也無用。富貴已極。不圖懽樂待何時。今日風景晴和。暮春天氣。不免帶着諸女侍。領着衆將官。前往都城內外。



水郭山村。問柳尋花。歌舞的歌舞。打圍的打圍。歡樂一回。多少是好。正是壓地旌旗開曉日。揭天歌管醉春風。衆將官。此去前面是那裏。〔衆〕前面是錦帆涇百花洲。〔淨〕傳下號令。暫停鞍馬。同上蘭舟。就往錦帆涇百花洲去。〔旦貼〕

〔普天樂〕錦帆開。牙檣動。百花洲。清波湧。蘭舟渡。蘭舟渡。萬紫千紅。鬧花枝浪蝶狂蜂。〔合〕呀。看前遮後擁。歡情似酒濃。拾翠尋芳來往。來往游遍春風。〔淨丑衆〕

〔北朝天子〕往江干水鄉。過花溪柳塘。看齊齊彩鷁波心放。鼕鼕疊鼓。起鴛鴦一雙。戲清波浮輕浪。青山兒幾行。綠波兒千狀。渺渺茫茫。渺渺茫茫。趁東風蘭橈畫槳。蘭橈畫槳。採蓮歌齊聲唱。採蓮歌齊聲唱。〔淨〕衆將官。此去前面是那裏。〔衆〕是鬪雞陂走狗塘。〔淨〕傳下號令。暫住蘭舟。再上鞍馬。前往鬪雞陂走狗塘去。〔旦貼〕

〔普天樂〕鬪雞陂弓刀聳。走狗塘軍聲鬨。輕裘掛。輕裘掛。花帽蒙茸。耀金鞭玉勒青驄。〔合前淨丑衆〕

〔北朝天子〕馬隊兒整整排。步卒兒緊緊挨。把旌竿列在西郊外。紅羅繡傘。望君王早來。滾龍袍黃金帶。幾千人打歪。數千聲喝保。擺擺開擺開。鬧轟轟翻江攪海。翻江攪海。犬兒疾鷹兒快。犬兒疾鷹兒快。〔淨〕前面是那裏。〔衆〕前面是姑蘇臺。〔淨〕傳下號令。就往姑蘇臺去。〔旦貼〕

〔普天樂〕姑蘇臺浮雲拱。浣花池清泉瑩。湖光灩。湖光灩。雪浪翻空。見汪洋出沒魚龍。〔合前衆〕已到姑蘇臺了。請大王爺登臺。〔淨〕好一個太湖。團團三萬六千頃。重重七十二

高峯。其實好大觀也。太宰。這一座是甚麼山。〔丑〕是洞庭山。〔淨〕這一座是甚麼山。〔丑〕是穹窿山。

〔淨〕這一座山下。這一搭兒是甚麼去處。〔丑〕這就是養馬的石室。〔淨〕石室裏面。遠遠望見中間坐着的。是甚麼人。〔丑〕就是越王勾踐。〔淨〕右邊端端正正坐着的。是甚麼人。〔丑〕就是勾踐的夫人。

〔淨〕左旁恭恭敬敬站着的。是甚麼人。〔丑〕這個就是大夫范蠡。〔淨〕彼勾踐不過一小國之君。夫人不過一裙釵之女。范蠡不過一草莽之士。當此流離困苦之際。不失君臣夫婦之儀。殊爲可憐。殊爲可敬。今拘留在此。已經二年。寡人意欲赦之。太宰。你的意下如何。〔丑〕主公以聖王之心。哀困窮

之士。願主公千歲千歲千歲。〔淨〕

〔北朝天子〕遍江南獨我尊。氣凌空將湖海吞。看威行四海聲名振。〔衆合〕英  
豪勇猛。說甚麼楚秦。半乾坤皆投順。你蕭蕭一身。些些兒海郡。小小君小君小  
小君。羨君臣夫妻恭謹。夫妻恭謹。待放他歸全恩信。〔淨〕如今  
天色已晚。不歸都城。就住臺上。太宰。你同衆將校各歸帳房宿歇。〔丑應科〕正是笙歌歸院落。燈火  
下樓臺。〔下旦貼扶淨介淨〕扶我到洞房深處。銷金帳中。美酒羊羔。淺斟低唱。歡聚一回。多少是好。

〔旦貼〕

〔普天樂〕貫魚似宮人寵。繡幃裏效鸞和鳳。拚沈醉。拚沈醉。倚翠偎紅。任年華  
暮鼓晨鐘。〔合前〕

〔淨〕乘春行樂遍遨遊。

〔旦〕遊到蘇臺最上頭。

〔貼〕宴罷爭扶入羅帳。

〔合〕任他明月下西樓。

### 第十五齣 越嘆

〔浪淘沙引〕〔小生貼生上小生〕徹夜雨潺潺。心事闌珊。〔貼〕薄衾不奈五更寒。夢裏不知身是客。一餉貪懽。〔生〕何處是鄉關。滿目雲山。〔合〕來時容易去時難。受盡千辛并萬苦。地獄人間。〔貼〕大王萬福。〔小生〕夫人免禮。〔生〕主公夫人參謁。〔小生貼〕大夫少禮。大夫聞吳王前日大宴蘇臺。遙望石室。見我君臣夫婦之禮。頗有見憐寬宥之情。且聞他患病旬日。不知吉凶。望大夫卜之。〔生〕臣已卜之。吳王未死。計在己巳日當愈。交壬申月全好。待臣密傳與太宰。只說主公夫人要往問疾。倘許相見。當求其藥而嘗之。即時稱賀。尅定其病起之期。益增其見憐之意。則主公之東歸。定有日矣。〔小生〕大夫之謀甚善。但臭惡難當。卑污可恥。如之奈何。〔作悲介小生〕

〔鎖南枝〕遭身困。值命艱。家亡國破社稷殘。一婦受饑寒。孤臣罹災患。鄉關路。山外山。怕擡頭見北來雁。〔貼〕

〔前腔〕春衫袖。血淚斑。風沙滿面捲翠鬟。我想起來。就是百姓人家一個婦女。尙得主蘋蘩。足衣食。我也是一國的夫人。到如此困苦。貧女尙主蘋蘩。我今沒處去討茶飯。思量

起。難上難。只得且含羞去做寒賤。〔生〕

〔前腔〕英雄淚。休浪彈。雲鴻暫時鍛羽翰。有日定翩翩。長鳴上霄漢。丈夫志。游子顏。要崢嶸。莫悲嘆。〔小生〕既然如此。我與夫人明早就行。〔生〕須要謙恭謹飭。將機就機。不可輕忽。致生他變。〔小生貼〕謹領教誨。

〔小生〕儀容消盡轉彷徨。

〔貼〕寂寞他鄉歲月長。

〔生〕黃鳥翅垂同燕雀。

青松心在任風霜。

## 第十六齣 問疾

〔剔銀燈〕〔淨扮吳王病旦小旦扮宮女扶上淨〕爲遊讌到離宮別館。鎮朝昏獨紅裙作伴。霎時間患病神魂亂。算將來有兩月之半。飯食不喫一碗。幾時得胸膈暫寬。平生性格猖狂。誰知一旦郎當。最喜卯時喫酒。常愛飽後行房。只爲千嬌百媚。弄得七損八傷。如今不是個殿下。也不像個吳王。你道像些甚麼。黑流鯁好像個寵王。自從平越之後。心足意滿。暮樂朝懽。大碗酒。大塊肉。也不忌口。或宦官。或宮妾。也不忌色。弄得一個身子好像皮袋一般。見了酒盞便

惡心。攪着婆娘空嘔唾。如今背跔腰曲。頭疼眼花。又沒一個好醫人。倘或要死。如何是好。女侍們。去喚太宰來。再作道理。〔丑上〕

〔前腔〕笑君王儀容衰老。沒來由將精神消耗。連宵樓着如花貌。糴的糴的糴的。而今看看瘦了。笑你雞皮鼓能經幾敲。我伯嚭不是誇嘴。每夜有十數個婦人在身邊。身子越有精神。主公就弄得這等不濟不濟。主公伯嚭在此。朝來的病勢如何。〔淨〕太宰。了不得。一發沈重了。〔丑〕主公放心。不日便好。〔淨〕太宰。夜來去後。甚是枯澀。想是血少。多半要死。〔丑〕主公死是死不成。只是這些弄斷人脊筋的婆娘。〔旦小旦笑介〕且各退後些。〔淨〕這時節你還要取笑。你且看我昨夜的大便如何。〔丑做下小生貼上〕

〔前腔〕聞說道君王困窘。我夫婦特來相問。進宮來正遇中宵糞。適親嘗已探佳音。微臣敢忘大恩。看不一月當除病根。〔丑上相見介〕越王殿下。伯嚭因怕是非。不得

親到石室中參見。望乞恕罪。〔小生〕豈敢。〔丑〕殿下。你凡百事情。皆在我身上。不要心慌。自有道理。

〔小生〕寡人受恩。誓當效結草啣環之報。我夫婦知大王貴恙。特來問安。適見大王之糞。寡人試嘗

之。在己巳日當愈。交壬申月全妥。〔丑〕有這等事。殿下且少待。待我進去報知。方好進來。〔進報介〕  
臣啓主公。適領命觀夜來之糞。正遇越王夫妻進宮問疾。見錦桶貯糞。越王卽跪而嘗之。說主公之  
病。在己巳日常愈。交壬申月全好。見在宮門。不敢擅入。〔淨〕有這等事。就請進來。〔丑請小生貼進  
見跪介〕賤臣并下妾伏聞我大王爺玉體不安。特來候問。願大王爺千歲千歲千歲。〔淨〕生受  
你。聞你適嘗寡人之糞。果有之乎。〔小生〕臣喜閱草木之書。頗解軒岐之術。凡人之糞。須順穀味。然  
逆時氣者死。順時氣者生。臣適嘗大王爺之糞。其味苦而且酸。正應春夏之氣。以臣度之。在己巳日  
當愈。交壬申月全妥。〔淨〕好人好人。嘗聞至親莫如父子。至愛莫如夫妻。我病三月。身體龍鍾。我家  
的太子一日或者來看我一次。我家的夫人兩日或者看我一遭。就走向了。不要說糞。湯藥也不見  
他來遞我一盞。你如今是個疎遠之臣。兩年養馬。受了許多苦惱。一些也不怨我。到如此孝順。要我  
那兒子老婆做甚麼。〔小生貼〕吮疽含血。此乃臣子當爲之事。願大王放心。卽當勿藥。〔淨〕太宰。  
倘若我到己巳日壬申月果然全好。則越王嘗糞之恩不可忘也。卽當備酒相謝。送歸故鄉。決不失  
信。〔小生貼拜介〕若得如此。願大王爺千歲。〔小生〕

〔駐馬聽〕海畔窮囚。何幸今朝到上國游。伏願前言莫計。後悔難追。往事休讎。聽微臣將病症說緣由。看吾王玉體還依舊。樂矣忘憂。從今永遠似南山壽。

〔貼〕

〔前腔〕斂衽低頭。不是生前不害羞。爲甚懶舒眉黛。瘦損腰肢。減盡風流。殿庭前灑掃我從頭。洞房中趨走誰落後。〔捧藥送淨介〕願大王爺千歲。湯藥親投。望吾王將舊罪皆寬宥。〔丑〕越王。你也知道麼。我主公待你呵。

〔前腔〕禮意綢繆。須要分明恩與讎。看你儀容忠厚。度量寬弘。性格溫柔。你兩三年光景易淹留。我萬千遭恩德也難消受。若歸去登樓。姑蘇臺在望。須頻回首。〔淨〕

〔前腔〕誰肯嘗洩。許我沈痾不日瘳。憐你依林越鳥。走險韓盧。喘月吳牛。我若放你回去時節呵。你年常貢獻莫夷猶。我病中言語非虛謬。待我病好起身時節呵。

贈汝吳鉤。蛇門之外更有三杯酒。〔淨丑旦小旦下生上〕



〔前腔〕荏苒三秋。不覺年華似水流。在此緊中尋覓。閒處垂鈎。暗裏藏鬪。〔遇小生貼介〕主公夫人。事體如何了。〔小生〕寡人進見。一如大夫之言。吳王不勝懽喜。許病痊之日。放歸故鄉。〔生〕多謝天地。主公。你天時將到。莫悲愁。機關做定。休泄漏。伏櫪驂騮。康莊有日。終馳驟。主公夫人不可遲延。忙歸石室。旬日之間。必有佳音也。

〔小生〕二年家國兩茫然。

〔貼〕南望孤雲更可憐。

〔生〕畢竟行藏定誰是。

〔合〕只將身命付蒼天。

## 第十七齣 效顰

〔普賢歌〕〔丑扮東施做大肚上〕奴家還是個女裙釵。長被姦情弄出來。清明受得胎。端陽便養孩。未到中秋身子又大。奴家姓施。住在苧蘿東村。因此喚作東施。我家祖居在此。只因人丁衆多。分下一支往西村去。西村叔叔養個女兒。他便喚作西施。生得十分標致。也未嘗嫁人。不知近日爲甚麼生出一場心疼的病。前日着間壁王媽媽寄個信來。教我去北村轉請北威姐姐看脈。那北威姐姐住苧蘿北村。因此喚做北威。當初也分下一枝往南村去。有個姐姐。喚作南

威也。生得十分標致。被晉文公取他做正宮夫人去了。如今止存得北威姐。只因患了背駝。尙無人娶。遂去學了女科。今日特去請她到西村去看西施妹子。迤邐行來。早到北威姐門首。北威姐在家麼。〔淨扮北威做駝子背藥包上〕

〔前腔〕奴家身子生得駝。近日行醫學女科。男人也來拖。近錢又不多。看來不是個道地貨。〔丑〕貨便不道地。到有人請你。開門開門。〔淨〕是那個。〔丑〕是我。〔淨〕呀。原來東施

妹子。〔丑〕北威姐萬福。〔淨〕東施妹萬福。妹子。你許久不見。一發長成得好了。〔丑〕姐姐。彼此彼此。

〔淨〕妹子。今日甚麼好風吹到我家裏來。請坐。〔丑〕姐姐。不消坐了。我有事特來。〔淨〕謂何。〔丑〕姐姐。你還不曉得。近日西施妹患心疼。已及一月。前日寄個信來。着我轉請你看脈。〔淨〕我到不曉得。既然如此。不敢相留。就同去罷。〔丑〕姐姐。你看山深日永。花落鳥啼。轉眼之間。不覺一春又早過去也。

〔不是路〕轉眼殘春。挈伴匆匆去訪故人。〔淨〕忙前進。看幾家烟火隔松雲。妹子。西村去打那一條路近。〔丑〕姐姐。你忘了。過了石橋南去轉西。就是西村了。步殷勤。石橋南

去西村近。見花落鶯啼半掩門。門兒半開。和你就進去罷。〔淨〕想他得病已久。一向蹤跡不到門前來了。可憐。〔旦〕真愁悶。蒼苔不見弓鞋印。有誰相問。有誰相問。〔內作犬吠介旦捧心上〕

〔前腔〕小犬在籬根。爲甚不住的啾啾定有人。〔淨丑〕裏頭有人麼。〔旦〕是那個。〔淨丑〕是我。〔旦〕前來看。呀。卻原來是舊家姊妹訪孤貧。〔淨丑〕妹子。聞你病纏身。我一春疎闊無音信。你臥榻而今有幾旬。〔旦〕姐姐。承憐憫。你不要問我的病。看瘦龐兒不似前春俊。沒些風韻。〔淨〕到添風韻。〔旦〕二位姐姐萬福。〔淨丑〕妹子萬福。〔丑〕妹子。聞得你臥病月餘。沒有人說。前日因你寄信與王媽媽。方纔曉得。特去請北威姐與你看脈。〔旦〕遠勞二位姐姐。〔淨〕妹子。我且問你。你的病症怎麼起的。如今覺道怎麼。〔旦〕姐姐。連我也不曉得怎麼樣起。常時溪邊浣紗。身子困倦。昏昏沈沈。自覺沈重。如今日夜心疼。飲食少進。〔丑〕妹子。你敢遇着個標致人。被他哄動春心。日夜相思。做成這場症候。〔旦〕休得取笑。求北威姐着那脈看一看。〔淨做看脈介〕我的手。東施妹子的口。好笑到差不多。妹子。你的病根還是七情上感出來的。你見

那春光明媚。風景晴和。翩翩浪蝶狂蜂。陣陣遊絲飛絮。如今又夏來春去。花落鶯啼。千條愁緒撒開來。一點春心拿不住。因此搆成心病。不得痊安。你如今咳嗽頭疼。面紅身熱。神思昏亂。魂夢不寧。是這等麼。〔旦〕姐姐正是。〔淨〕我說道哩。你如今第一到要排遣。第二方纔喫藥。你若會排遣。不消幾貼藥就好了。你若不肯排遣。只是這等啾啾唧唧。就喫一百丸藥。也是沒用的。〔丑〕若是這等說。極容易。待我去東村頭西村頭。尋個標致俊俏的妹夫。送將來。這病就好了。〔淨〕丫頭家做媒人。自身也管不全。若有標致俊俏的。你自家用了。到肯送與別人。〔旦〕休要取笑。〔丑〕前日王媽媽來說。西施近日因害心疼。捧着心兒。皺着眉兒。模樣一發覺道好了。我不信他。方纔冷眼瞧他。只見滴溜溜的嬌眼。青簇簇的蛾眉。滿眶秋水逐人來。兩點春山描不就。並無病症。越有精神。略不見一些七青八黃。反增出許多千嬌百媚。不要說男子漢見了他歡喜。就是我做女娘家。見了他滿身通麻木了。一些也動彈不得。可惜沒有碗好冷水。我就嚥他在肚子裏去。〔淨〕妹子。這個卻使不得。你若又嚥下這個人兒下去。你的肚子一發大了。〔丑捧心皺眉介〕姐姐不好了。我也心疼起來了。〔淨〕你卻怎的。〔丑〕姐姐。我對你說。數年前未分拆之時。我妹子同在東村住。兩個從小兒一心一意。過得極

好。我若歡喜。他也歡喜。他若煩惱。我也煩惱。他如今害心疼。我怎麼敢不心疼起來。姐姐。沒奈何也。把貼藥與我喫。〔淨〕不瞞你說。我草澤醫人。包裹裏有得幾片飲片。幾丸丸散。西施妹子身軀兒小。要丸散不過六七十九。要煎藥不過煎七八分。你如今這樣寬綽的肚皮。若喫丸散也得六七合。煎藥也得一二鍋。我這樣草頭郎中。奉不得這樣主顧。〔丑〕姐姐不要取笑。我對你說。西施妹因害心疼。鼻子上皺起來。有些挖達。覺道一發嬌媚。我如今鼻子上像是也有些挖達。不知我比着他的如何。〔淨〕你且聽我說。東施妹子沒撻煞。鼻子上也生着挖達。你道像些甚麼來。倒像常熟縣裏個大麻麻菩薩。〔丑〕姐姐休要取笑。你再看西施妹子。眉梁間有些塊壘。覺道一發俊俏。我如今眉梁間像是也有些塊壘。你看我比着他的如何。〔淨〕你的塊壘比他的更好。〔丑〕怎見得。〔淨〕你且聽我說。東施妹子好誇嘴。眉梁間也有個塊壘。你道像些甚麼來。倒像閻羅王殿前增塑的山鬼。〔丑〕姐姐又來取笑了。〔淨〕

〔皂角兒〕念嬌娘還是閨中的女身。爲甚的頓成心病。料應爲蹉跎未婚。急煎煎苦藥方寸。唯願伊減葷腥。舒愁悶。避風寒。親藥餌。仔細朝昏姻緣有分。終諧

晉秦莫淹纏。速宜調養。佳期將近。〔丑〕

〔前腔〕問東西雖然是兩村。念根株原先是一本。論寒微總荆釵布裙。看容貌俱柳嬌花嫩。爲甚的怕黃昏。怕白晝。遇良辰。逢美景。便要消魂。不要說西施妹鎮日坐在家裏。我日常在門首站着呵。東尋西趁。無人上門。算花星。想紅鸞天喜。未曾交運。〔旦〕

〔前腔〕蹙眉峯春山懶勻。削腰圍羅裙寬褪。怪容顏平消幾分。悵年華又驚一瞬。誰憐我任秋來。憑春去。度暮雲。捱暮雨。獨自溫存。淚痕無盡。傷心有因。瘦伶仃。香消玉減。幾時安頓。〔淨〕東施妹。他身子不好。我們不好在此鬧炒。連忙回去送藥來。〔旦〕二位姐姐再坐坐去。〔淨丑〕不消了。〔旦〕怠慢了。〔淨丑〕妹子不消送。就請進去。避寒耐性。不要使閒肚腸。

〔淨〕日日春風花草香。

〔丑〕伊家何事轉郎當。

〔旦〕貧無達士將金贈。

〔合〕病有隣人說藥方。

# 第十八齣 得赦

〔末上〕天街昨夜雞鳴早。侵曉金門降赦文。已見九泉開白日。會看六翮起青雲。自家吳國內監是也。昨領大王爺之命。凡一應軍民人等。自登基之後。病痊之前。已發覺。未發覺。已結證。未結證。所犯罪過。咸赦除之。令小臣傳示國中。正是君臣已慶風雲會。草木均霑雨露恩。〔下淨外丑上〕

〔傳言玉女〕臥病離宮。又見花開。花謝。〔外〕丹心猶暖。奈年光去也。〔丑〕珠歌翠舞。肯辜負風朝月夜。〔合〕看新傳詔旨。萬民咸赦。〔淨〕寡人臥病三月。幸喜痊安。上賴天

地祖宗之護持。下仗羣臣百姓之保佑。凡軍民所犯罪過。咸赦除之。〔外丑〕願主公千歲。〔淨〕越王歸我三年。勞苦倍常。今若止赦一人。也是勾踐。即日致酒殿中。除北面之坐。送之還鄉。諸大夫皆當以客禮事之。不可怠慢。〔外〕主公差矣。勾踐內懷兇惡之心。外具謙和之貌。猶虎狼拘於陷穽之內。而強露其馴擾之情。今不卽誅殺。恩亦大過。反欲縱之。其食人必矣。〔淨〕寡人得病三月。相國並無一好言相慰。是相國之不忠也。略無一好物相送。是相國之不仁也。爲人臣不忠不仁。要他何用。越王棄其土地。千里來歸。獻其貨財。身爲奴婢。是其忠也。寡人有疾。親爲營糞。略無怨恨之意。反多孝

順之情。是其仁也。相國不知自反。而反欲誅害善良。可惡可惡。〔外〕臣聞虎狼意有所擊。先屈其身。勾踐因圖逞兇。佯爲孝順。下飲主公之糞。實上食主公之心。老臣不敢愛死。以負前王。一旦社稷丘墟。悔之無及。〔丑〕老相國不知自責。而但知責人。假如越王嘗糞之事。老相國能效之麼。〔淨〕太宰之言有理。決不聽你。再勿多言。〔外長嘆介〕罷罷。正是我本將心托明月。誰知明月照溝渠。〔下丑〕伍員外徒剛狠。內欠忠誠。自知羞愧。逃席出宮去了。〔淨〕太宰。我也可惡那老賊。目今齊魯不和。要遣一使。我今就着那老賊前去。省得在此攪擾。太宰可傳下號令。速請越王并夫人同范蠡大夫早赴宴。〔丑傳令介小生貼生上小生〕

〔疎影〕天恩遍徹。幸今朝降赦。得解羈縲。〔貼〕臺殿羞登。笙歌厭聽。還稱異國臣妾。〔生〕天心漸轉。興衰運。笑顛倒幾年豪傑。〔合〕請看今日山河。定是誰家宮闕。〔衆報介〕越王帶領夫人陪臣進見。〔淨〕道有請。〔小生貼生進見俯伏介〕賤臣勾踐。蒙大王曠蕩之恩。得與樽俎之末。不勝誠歡誠忭。誠惶誠恐。〔淨〕寡人感吾子嘗糞之恩。日夜在念。今日是端陽佳節。特具筵宴於前殿之中。更設祖帳於蛇門之外。送子歸鄉。願他日毋相忘也。〔小生〕生我者父



母育我者大王。賤臣勾踐若背義忘恩。天誅地殛。願大王爺千歲千歲千歲。〔淨〕願吾子同之。將酒過來。〔淨送酒小生貼生跪受介淨〕

〔畫眉序〕高會玳筵列。殿閣風來散炎熱。問今朝此酒爲何而設。你休忘卻今日辭吳。須要記那年棲越。〔合〕送君酩酊須沈醉。莫負太平佳節。〔小牛進酒介〕

〔前腔〕微臣忍輕別。回首依依戀宮闕。念罪惡深重。頓蒙分雪。今受恩波若北海汪洋。願躋壽域似南山高絕。〔合前貼進酒介〕

〔前腔〕珠翠總銷歇。歲月空餘翠裙褶。奈別情無限。淚珠流血。我避炎來原是北地賓鴻。今趁風去又作東鄰蝴蝶。〔合前生進酒介〕

〔前腔〕歸去轉淒切。這生死深恩要脚結。看諸侯誰肯繼亡存滅。我並含風旣作當砌芝蘭。同受露莫認隔牆枝葉。〔合前丑〕

〔滴溜子〕今日裏。今日裏。把行裝打疊。從今去。從今去。去旅懷頓撇。你雖是路途跋涉。莫忘教誨恩。將忠義竭。貢獻年年休得要暫缺。〔淨〕太宰。傳下號令。給越王鸞輿。

法駕鼓吹旌旗。寡人與百官具祖帳。俱送之蛇門之外。〔合〕

〔鮑老催〕遍城鬧熱。笙歌簇擁歡徹。鸞車雜沓香塵絕。看紅樓十里中。朱簾揭。盡道越王意氣多歡悅。夫人容貌還嬌怯。范大夫真英烈。〔丑〕臣啟主公。此間已是蛇門之外了。〔淨〕住了。寡人送子榮歸故鄉。適間所言不可忘也。〔小生貼生俯伏介〕賤臣勾踐若背義忘恩。天誅地殛。願大王爺千歲千歲千歲。〔淨引小生手登車小生貼生下淨〕傳號令。就回宮去。〔合〕

〔雙聲子〕旌旗列。旌旗列。盡道是雲重疊。燈毬接。燈毬接。錯認是星明滅。歸路折。歸路折。風景別。風景別。看千門羅綺。九達風月。〔淨〕

〔尾聲〕氣吞宇宙真豪傑。〔丑〕誰似我崔嵬功業。〔合〕便是再出世的桓文也。讓此些。

〔淨〕蓮漏穿花出禁中。

〔丑〕笙歌擁入合歡宮。

〔合〕試看今夜千門裏。

銀漢星回一道通。

第十九齣 放歸

〔末扮文種上〕龍門十丈水。勢並關河壯。一日春風吹。終作萬重浪。〔悲介〕堪憐主公離越。不覺三年。意謂今生再無歸理。誰料積霾見日。枯木逢春。仗范大夫之奇謀。賴我國家之洪福。吳王放赦。得還故鄉。實爲天幸。聞將次渡江。卽日率領諸大夫迎接去。〔下小生貼生上小生〕

〔鶻橋仙〕春雷地奮。秋雲風捲。寒暑人間流轉。年年梁燕一回家。笑幾載不歸的勾踐。〔貼〕江山不改。容顏全變。試問愁眉深淺。〔生〕一朝羈鶴透籠飛。還又到蓬萊宮殿。〔小生〕極目青山數行淚。孤身滄海一窮鱗。〔貼〕愁看落日獨飛鳥。〔生〕試問歸舟何處人。〔小生〕范大夫。寡人據于蒺藜。入于幽谷。顏色憔悴。志氣隳頽。今日雖得還鄉。有何面目再見江東父老。〔生〕主公差矣。你脫身虎窟。已非几上之肉。蛻骨龍潭。豈是池中之物。今吳庭雖遠。家山尙遙。速宜前行。恐有他變。〔小生貼〕正是。〔小生〕

〔甘州歌〕稽山路遠。嘆長亭縹緲。芳草芊芊。天涯游子。堪笑黑貂裘換。英雄偃蹇。非昔日。風景依稀似往年。〔合〕春歸去。在客先。每逢花發想家園。江南地。海

北天斷腸回首各風烟。〔貼〕

〔前腔〕東歸路幾千。看雲山何處。是舊家庭院。綠樵紅悴。風鬟亂零落花鈿。釵  
荆裙布淹異域。翠舞珠歌憶少年。〔合〕青山外。綠水前。遙看官道直如絃。聞鶻  
鳩。聽杜鵑。家山應在白雲邊。〔生〕臣啓主公。已到錢塘江了。請主公夫人登舟。〔小生貼生上

船介〕

〔前腔〕〔生〕錢塘雲水連。見片帆東渡。順流如箭。江山依舊。只有那世故推遷。  
主公夫人。臣聞安不忘危。治不忘亂。今日未過江之時。臣有一言奉啟。歸國之後。願主公夫人勿圖  
歡樂。要報大仇。三年執役之羞。不可忘也。酸辛須記嘗糞恥。勞苦休忘養馬年。你浮  
苦海。涉大川。千重浪裏得回船。身雖辱。志要堅。虎頭燕領豈徒然。〔小生〕遠望

江頭一簇人馬。想是諸大夫前來迎接。〔末淨丑領衆跪接介〕文種泄庸計。倪率領羣臣迎接。〔小  
生作悲介〕諸大夫請起。吾已絕望。永辭萬民。豈圖今日復返鄉國。是皆賴羣臣百姓之護持也。〔末  
丑淨〕此皆主公夫人之洪福。更出大夫范蠡之謀猷。願主公夫人千歲千歲。范大夫同之。

〔前腔〕人民幸保全。奈國家大事。未能諳練。鞠躬竭力。惟恐有負拳拳。追思往事。皆有命。忽漫相逢。各問年。鴻偏遠。信不傳。中間消息兩茫然。笙歌擁旌旆。懸百官今日去朝天。〔衆〕

〔尾聲〕向金門。朝玉殿。闔城黎庶盡喧闐。願聖主從今億萬年。

〔小生〕自遇烽烟霸業空。

〔貼〕三年流落似飄蓬。

〔生〕今宵賸把銀缸照。

〔衆〕猶恐相逢是夢中。

## 第二十齣 論俠

〔西地錦〕〔外扮伍員上〕自笑年華遲暮。國家多事何如。雲山縹緲空凝佇。甚年修竹吾廬。日夜驅馳在畏途。一心只是要匡吳。生身定做奇男子。死後羞稱小丈夫。自家伍員。幸蒙前王之大恩。得報父兄之深怨。孝道略盡。忠誠未孚。思欲報寸草之心。申傾葵之意。誰料主公信任伯嚭。容梟獍之在庭。釋放越王。使虎兇之出柙。又怪老臣屢諫。竟遣使齊。我今不忍見國將亡。算來只欠一死。誠恐我死之後。繼祀滅絕。得罪祖宗。宮殿荆榛。有負社稷。今乘出使。寄子齊邦。〔作悲介〕

但恐國家無人。蕭牆變起。如何是好。幸喜吳國太子仁孝素聞。昨知老臣使齊。差人相召。不免去走一遭。迤邐行來。此間已是太子門首。在此少待。想太子升帳也。〔末扮太子領衆上〕

〔前腔〕讒巧昏迷君父。堪憐子孽臣孤。丹心未展當披露。忍看社稷丘墟。姑蘇

城頭頭白鳥。夜飛金闕門上呼。一朝麋鹿游臺沼。誰念龍孫與鳳雛。自家吳國太子友是也。我父王聽信奸佞。斥退忠良。只有一個伍相國。又遣使齊。朝廷一發沒有人了。早間着人去請他商議。怎麼這時候還不見到來。〔衆報介〕伍相國進見。〔末〕道有請。〔外〕小殿下。伍員參謁。〔末〕相國少禮。老相國請坐。當今奸佞盈朝。豺狼當道。國家大事。只賴老相國一人。今父王聽信奸臣。着老相國遠使齊地。國勢漸亂。大廈將傾。特屈高車。專求教誨。〔外〕臣聞至嚴莫如君臣。至親莫若父子。老臣於主公固有君臣之義。殿下於父王實多父子之情。須當犯顏。豈宜坐視。〔末〕敢問老相國。昔晉獻公有子三人。長曰申生。次曰重耳。次曰夷吾。獻公聽驪姬之譖。申生自殺。重耳奔翟國。夷吾守屈城。今父王聽信伯嚭。內難將作。爲今之計。我將爲申生之殺身乎。將爲重耳之出奔乎。將爲夷吾之自守乎。〔外〕臣聞獻公三子。皆有賢行。故可以奔。可以守。今吳國止有小殿下一人。若俱學重耳夷吾所爲。

則太子一去。國本動搖。小殿下。你就學申生。又何難也。〔末〕多承老丞相教誨。

〔啄木兒〕忠良去。國內虛。寂寞朝端誰共語。報親恩。須學申生。忍追隨。重耳夷吾。向金階披瀝。把衷腸訴。人生有幾個君和父。肯學那碌碌貪生怕死徒。〔外〕

老臣請問小殿下。昔殷紂有臣三人。一曰微子。一曰箕子。一曰比干。殷紂聽崇侯之譖。微子去之。箕子爲之奴。比干諫而死。今主公聽信伯嚭。國家將亡。爲今之計。老臣將學微子之去國乎。將學箕子之佯狂乎。將學比干之諫死乎。〔末〕我聞殷紂三臣。皆有聖德。故可以去。可以爲奴。今吳國止有老相國一人。若俱學微子箕子之所爲。則賢人隱遁。家國空虛。老相國。你就學比干。又何難也。〔外〕多承小殿下指教。

〔前腔〕豺狼橫。滿路途。奈宴笑盈堂。我獨向隅。微子去。箕子爲奴。較比干諫死何如。看青山有路難歸去。微臣定把身相許。肯愛那衰殘血肉軀。〔末〕老相國。你早去早回。日夜懸懸。不可遲滯。〔外〕小殿下。老臣此去。即便圖歸。豈敢逗留。〔末外拜介末〕

〔二段子〕雲山路紆。莫遷延。羈留在齊。朝廷勢孤。望驅馳疾忙返吳。〔外〕我一

身去國常回顧。若使齊事了，便歸鄉土。只怕大廈將傾，一木怎扶。〔末〕

〔歸朝歡〕伯嚭你冤家的冤家的，攪亂國都，擅生殺毒如狼虎。從今去，從今去。有封諫書，料忠臣誓不與邪臣共居。〔外〕使齊一歸定將奸雄去，再提兵滅越如鞭楚。那時節始信人間伍子胥。

〔末〕報國丹心一鑑清。

〔外〕終天怨氣幾年平。

〔末〕只慚世上無忠孝。

〔外〕不論人間有死生。

### 第二十一齣 宴臣

〔寶鼎現〕〔小生貼上小生〕二三年離故苑，身命雖蹇，江山猶在。曾未舉傷鴻常憚，弓不開驚猿還駭。〔貼〕幸喜歸來人未死，稍展前春眉黛。〔合〕願再造乾坤，鵬奮南國，龍飛東海。〔貼〕大王千歲。〔小生〕夫人少禮。〔長相思〕出江關，入江關，三載歸來鬢欲斑。雄心夜未闌。〔貼〕一重山，兩重山，莫忘當時行路難。青萍拭淚看。〔小生〕夫人，寡人新歸故國，尙未臨朝，更有計議，專待諸大夫到來。〔生上〕



〔賀聖朝〕羈臣千里歸來。誰知再歷台階。〔末上〕股肱怠惰。笑非才。羞稱庶事。

康哉。〔相見介小生〕我夫人并二位大夫在此。寡人囚吳之日。夫人則躬身執作。范大夫則艱險周

旋。文大夫則勤勞邦國。向非諸人保佑。則寡人數作溝渠之鬼。越國久爲麋鹿之場。今敬陳小宴。聊

申謝私。幸諸大夫辱而臨之。〔生末〕小臣豈敢。但有一言奉稟。昔日之越。非主公之越。乃夫差之越。

也。夫差棄而不用。今日之吳。非夫差之吳。乃主公之吳也。主公豈宜坐而忘之。爲今之計。當蚤夜勞

心。以圖雪恥。小臣幸甚。〔小生〕謹領教誨。將酒過來。〔送貼生末酒衆跪受介小生〕

〔錦堂月〕臺殿風微。山河氣轉。欣逢運開時泰。二位大夫。深荷驅馳。長風頓掃陰  
霾。受羈囚。既歷艱難。誓雪恥。肯坐觀成敗。〔合〕愁城解須待。戀乘機。速圖休懈。

〔貼送酒介〕

〔前腔〕江山三載歸來。親遭困苦。雙眉尙蹙羞開。大王。深荷羣臣。同將社稷擔  
戴。試看取今日纖軀。渾不似舊時嬌態。〔合前生進酒介〕

〔前腔〕時乖歲月難挨。殘軀未死。幸喜舌尖猶在。文大夫。深荷扶危。安然物阜。

民懷。主公夫人。既擡頭見前轍。曾傾須留意。鑒後車當戒。〔合前末進酒介〕

〔前腔〕庸才自媿駑駘。親承顧託。未曾報答涓埃。范大夫。深荷持顛。豺虎窟中

脫械。主公夫人。須猛省君繫臣囚。休便認民安國泰。〔合前小生〕范大夫。寡人就卜今日

坐明堂臨國政。何如。〔生〕今日丙午。復位臨朝。金水循環。旺相俱起。極好。〔小生〕范大夫。寡人欲重

立國都。擇一善地。以擴封疆。何如。〔生〕臣仰觀天象。擬法紫宮內築小城。周千餘步。西北立龍飛樓。

以象天門。東南伏漏石竇。以象地戶。外築大城。缺其北面。以見臣事于吳。實有事于吳也。〔小生〕多

承指教。寡人自今以往。勞體焦心。旦夕不懈。日臥則薰之以蓼。足冷則浸之以冰。冬寒則抱冰而坐。

夏熱則握火而居。積薪于室。向夜臥于其上。懸膽于戶。出入嘗之于口。令人立于宮門。經過之時。必

揚言曰。勾踐。汝忘會稽之恥乎。汝忘養馬之苦乎。汝忘嘗糞之羞乎。心心念念。要復大仇。大夫以爲

何如。〔生末〕若得如此。則萬民幸甚。社稷幸甚。〔小生〕

〔醉翁子〕無奈這深恥。總車兒難載。夫人。誓苦志勞心。莫貪歡愛。〔貼〕大王須

待。會霧散雲飛。海日曛曛。萬里開。〔合〕看奏凱。遍萬歲山呼。月殿雲階。〔生〕

〔前腔〕不揣要奮迅名揚東海。把吳宮踏破。易如歷塊。〔末〕慷慨定仗劍長驅。戰勝二吳歸去來。〔合前末〕臣啓主公。臣聞五色令人目眩。故妙舞清歌。害人之媒。蛾眉皓齒。伐性之斧。爲今之計。須選美女。進上吳王。一則見我服役之情。二則動彼荒淫之志。奸邪進用。忠信見疑。在彼則國當日微。在我則坐可觀變。以臣言之。此爲上策。〔小生〕大夫之策甚善。但恐佳人難得。如何是好。〔生〕有一處女。獨居山中。豔色絕倫。舉世罕見。已曾許臣。尙未娶之。今若欲用。卽當進上。〔小生〕雖未成配。已作卿妻。恐無此理。〔生〕臣聞爲天下者不顧家。況一未娶之女。主公不必多慮。〔末〕主公一面差人尋訪。每一邑精選十人。倘有絕色。卽當留用。如求而不得。就用范大夫所聘之女。未爲不可。〔小生〕這也使得。〔小生貼〕

〔僥僥令〕須尋傾國色。送上陷人胎。看取晝夜荒淫渾無賴。奸佞進忠良。應受災。〔生末〕

〔前腔〕纖腰牽翠帶。高髻醉金釵。管取國破家亡人何在。和你同上姑蘇百尺臺。

〔尾聲〕威加四遠聲名大。遍海宇恩波無外。〔小生貼〕那時節方信江東有梁棟材。

〔小生〕江東形勝據雄圖。

〔貼〕須記三年遠困吳。

〔生〕今夜廟堂開妙算。

〔末〕他年長笑上姑蘇。

### 第二十二齣 訪女

〔小外扮宦官上〕先皇行處鎮相隨。今上春宮見長時。脫下御衣偏得着。進來龍馬每教騎。自家乃越王殿下。一個宦官是也。前日爺差我揀選美女。山陰會稽餘姚上虞都選過了。並沒有一個好的。爺與娘娘甚是發惱。如今還有蕭山諸暨等處不曾選進。且待他來。再作區處。夜間侍宴宮中。蚤來供應殿上。我且歇息一回。叫牢子可在門下俟候。若有事情。速來通報。〔末〕知道了。〔小外末下丑上〕

〔縷縷金〕求美女做君妻。村村都揀盡。貌兒忒。誰似東施好。十分風味。今朝又換件俏裙兒。人人說腰細。人人說腰細。自家東施。國中揀選美女。各處都選不中。到我諸

暨地方。一發沒有好的了。我家頗有幾貫錢。被我教爹爹送些銀子與那選美女官兒。也有名兒報去了。我諸暨瞞不得人。若要十分標致的。只是西施妹一人。他又病在家裏。況女無美惡。入宮見妬。若與他同選進去。倘或被他奪了正宮。我到做偏宮不成。我也不去報他。自家一個來了。聞得都到司禮監張公公處揀選。如今連忙趕去。迤邐行來。此間是老公公門首。怎麼不見人在這裏。〔小淨上〕

〔前腔〕求美女作君妻。若問親姐姐。是南威。我年紀雖然長。未曾婚配。肩頭上有個藥包兒。誰人說駝背。誰人說駝背。自家北威。聞國中到諸暨選美女。都被有錢的幹去了。奴家父親在張公公門下行醫。因此添上個名字。不免也去走遭。〔遇丑介〕呀。夜眠清早起。又有早行人。東施妹到此尊幹。〔丑〕北威姐。你也來做怎的。〔小淨〕不瞞妹子說。聞得在此選美女。特來看看。〔丑〕既然如此。可到公公門首去等候。〔小淨〕正是待我問聲。有人麼。〔末上〕是那個。你兩個到此何幹。〔小淨丑〕我們諸暨的美女。都是選來的。在此等候。〔末〕好笑你兩個人。不像人。鬼不像鬼。也來怎麼。〔小淨丑〕你這樣不知好歹。不識高低。我兩個的模樣。不是誇嘴說。也將就看得過。

一定強如你的老婆。〔末〕不瞞你說。前日山陰送美女來。中間有一個生得絕妙。肥不胖胖壯壯。瘦不伶伶仃仃。長不繚繚調調。短不局局促促。真有沈魚落雁之容。閉月羞花之貌。〔小淨〕這等好了。〔末〕老公公進上。爺十分歡喜。睡了一夜。明早就打發出來了。〔小淨〕卻怎麼。〔末〕說道嘴臭。〔小淨〕不瞞你說。我大苦一頓喫。一二十燒刀子。一連喫五六瓶。這張嘴妙得緊。就睡到五更。也是香的哩。〔末〕久慕久慕。第二日上虞進美人來。中間一個生得絕妙。黑鬢鬢髮兒。青簇簇眉兒。滴溜溜眼兒。直隆隆鼻兒。香噴噴口兒。白冷冷齒兒。細纖纖腰兒。軟膿膿肚兒。玉尖尖手兒。曲灣灣脚兒。又有一件紅熙熙光油油暖僮僮熱癡癡乾唧唧緊肘肘一件上等上號道地的東西。〔丑〕這是一發妙了。可曾用麼。〔末〕老公公進上。爺也睡了一夜。明蚤打發出來了。〔丑〕爲何。〔末〕說道撒薰。〔丑〕不瞞你說。我平日喜喫。新米飯喫八九碗。醃豬肉喫六七觔。好脾胃。夜間上茅坑或者有三四次。並不肯在牀上撒一個薰。〔末〕久聞久聞。老公公將次升廳了。你們老遠路來。我帶你進去。成不成也適了你兩個興。〔小淨丑〕多謝多謝。〔小外上〕牢子那里。有甚麼事。〔末〕諸賢選上美女。〔外〕請進來。〔小淨丑遮扇進小外見介〕打出去。〔小外末俱下小淨〕妹子。我與你沒些意思。怎麼好。唱個曲

兒家去罷。〔合〕

〔清江引〕苧蘿村一對如花女。一向無人娶。怕駝背遮個包。要腰細常脫褲。這遭選不成。柴垛槁去尋活路。〔下〕

### 第二十二齣 迎施

〔虞美人〕〔生扮范蠡同衆帶女冠服上生〕連年江海空奔走。往事休回首。桃源深處結同心。一別匆匆三載到如今。自家范蠡。向因閒遊苧蘿山下。得遇西施。不覺三載有餘矣。勤勞王事。奔走江關。再無工夫。得諧姻契。近寄信去。知未嫁人。昨因主公要選美女。進上吳王。遍國搜求。並不如意。想國家事體重大。豈宜吝一婦人。敬已薦之。主公特遣山中迎取。但有負淑女。更背舊盟。心甚不安。如何是好。今到這里。恐幽僻山村。車馬衆多。必致驚動。我且再依向年故事。改換衣裳。潛往他家。先見此女。備述我主公訪求之意。令其心肯意從。然後將車馬奉迎。卻不是好。衆軍士。你們暫住村口。待我呼喚。方可到來。〔衆應介同生俱下旦上〕

〔前腔〕秋來春去眉常鎖。愁病何年可。燈花昨夜似多情。晨起簷前鵲噪更無

憑奴家西施。自從與范大夫相別。不覺將及三載。聞他一向逗遛吳庭。近日歸來。有信安慰。他既能以身狗國。我豈可將身許人。如今父又遠出。母又患病。只得閉門。做些針指。待他消息。正是身無彩鳳雙飛翼。心有靈犀一點通。〔生道服上〕獨訪山家歇還陟。茅屋斜連隔松葉。主人何處未開門。繞籬野菜飛黃蝶。我一路問來。說道西施家裏。門臨流水。屋靠青山。數竿修竹。在小橋盡頭。一座茅堂。向百花深處。迤邐行來。此間想是他門首了。爲何閉上門兒。我不好竟叩。且在此少待。看裏頭有人出來否。

〔一江風〕問他家獨自穿山徑。趁幾曲溪流淨。未開門一帶疎籬。見花竹相遮映。沿門嗽一聲。裏頭有人麼。怎麼再不聞一些影響。沿門嗽一聲。待敲還住停。待我再問一聲。裏頭有人麼。〔旦〕是那個。〔生〕這個嬌滴滴聲音想是他了。我且不要應他。看他出來麼。急忙裏未可便通名姓。〔旦〕

〔前腔〕萬山深寂寂村莊靜。鎮日有誰來問。你是何人。〔生〕是我。〔旦〕試把門開。看那個頻頻應。〔做開門介〕呀。我道是誰。〔做退後介生〕且喜小娘子在家裏。〔旦〕尊官裏頭請坐。



便好。只是我父親不在家裏。如何是好。〔生〕一定要到堂中奉拜。兼有說話。〔旦〕既然如此。尊官請。

〔生〕小娘子請。他忙將禮數迎。忙將禮數迎。春風滿面生。〔旦〕尊官念蝸居窄狹。

無恭敬。尊官萬福。〔生〕小娘子拜揖。范蠡爲君父有難。拘留異邦。有背深盟。實切惶愧。〔旦〕尊官拘。

繫。賤妾盡知。但國家事極大。姻親事極小。豈爲一女之微。有負萬姓之望。〔生〕小娘子。我不知進退。

有言奉聞。〔旦〕但說不妨。〔生〕我與小娘子本圖就諧二姓之歡。永期百年之好。豈料家亡國破。君。

繫臣囚。幸用鄙人淺謀。得放主公歸國。今吳王荒淫無度。戀酒迷花。主公欲構求美女。以逞其欲。尋。

遍國內。再無其人。我想起來。只有小娘子儀容絕世。偶爾稱揚。主公遂有訪求之心。小娘子尙無見。

許之意。故敢特造高居。奉詢可否。小娘子意下何如。〔旦〕賤妾不過是田姑村婦。裙布釵荆。豈宜到。

楚館秦樓。珠歌翠舞。況當時旣將身許。三年遂患心疼。尊官爲國。伏望別訪他求。賤妾爲身。恐難移。

彼易此。〔生〕小娘子美意。我豈不知。但社稷廢興。全賴此舉。若能飄然一往。則國旣可存。我身亦可。

保。後有會期。未可知也。若執而不行。則國將遂滅。我身亦旋亡。那時節。雖結姻親。小娘子。我和你必。

同做溝渠之鬼。又何暇求百年之歡乎。〔旦〕雖然如此。但懸望三年。今得一見。意謂終身可了。豈料。

又起風波。好苦楚人也。〔旦〕

〔金落索〕三年曾結盟。百歲圖歡慶。記得溪邊兩下親折證。聞君滯此身。在吳庭。害得心兒徹夜疼。溪紗一縷曾相訂。何事兒郎忒短情。我真薄命。天涯海角未曾經。那時節異國飄零。音信無憑。落在深深井。〔生〕

〔前腔〕別來歲月更。兩下成孤另。我日夜關心。奈人遠天涯近。區區負此盟。愧平生。誰料頻年國勢傾。無端又害出多嬌病。羞殺我一事無成兩鬢星。今日特到貴宅呵。奉君王命。江東百姓全是賴卿卿。小娘子。你若肯去呵。二國之興廢存亡。更未可知。我兩人之再會重逢。亦未可曉。望伊家及早登程。不必留停。婚姻事皆前定。〔旦〕

既然如此。勉強應承。待我進去。稟過母親。方可去也。〔生〕正是。〔旦下生〕衆軍士那里。快取冠帶過來。〔衆上請旦譚介小淨丑旦同上小淨丑〕妹子。你父親又不在家裏。母親又病在牀上。我兩個在村中知道。特來相送。〔做哭介生〕不要哭。請換了小娘子的衣服。〔小淨丑換衣服介旦悲介旦〕

〔二換頭〕孤身隻影。未識侯門行徑。況天南地北路途誰慣經。我未往先戰驚。

這其間只是我不合來溪邊獨行。羞殺人兒也。浣紗誰問聘。敬謝君家。恐這樣姻親空作成。〔生〕小娘子不要煩惱。〔小淨丑〕西施妹子。你不像我兩個店底貨。你去。這樁買賣必定就着手。經過杭州。若想我兩個。搽面粉每人買三四擔寄來用用。〔做哭介生〕你兩個不消送了。去罷。〔小淨丑下衆〕就此起程。〔衆〕

〔前腔〕鸞車奉迎。笙歌迭進。王都近也。看懽聲遍城。此去一生歡慶。這壁廂只得把那壁廂暫時承領。況切君王望。緊行莫住停。奉告娘行。想這段姻親真作成。〔衆〕稟老爺已到宮門首了。〔生〕聞主公在後殿。不免竟入。〔小生〕

〔生查子〕日長深殿中。拂拂南風競。聊撫五絃琴。爲解吾民愠。〔生進相見介〕主公奉迎西施。已在宮外。〔小生〕范大夫就引進來。〔旦進。唱〕旦拜介〔小生〕美人起來。果然天姿國色。絕世無雙。范大夫皆是尊賜。〔生〕豈敢。〔小生〕

〔東甌令〕真嬌豔。果娉婷。一段風流畫不成。美人念千年家國如懸磬。全賴伊平定。若還枯樹得重新。合國拜芳卿。〔旦〕只恐性質凡庸。容顏粗醜。不足以副君王之望。

〔旦〕

〔前腔〕嗟薄命。愧無能。念賤妾。今還在幼齡。寒微未脫蓬茅性。金屋難相稱。〔小生〕你曉得歌舞麼。〔旦〕看蕭蕭裙布與釵荆。歌舞更何曾。〔生〕

〔劉潑帽〕娘行聰俊還嬌倩。勝江東萬馬千兵。你立功異域。纔堪敬。那時海甸清。眼見烽烟淨。〔小生〕范大夫傳下命令。點選宦官五十名。宮女一百名。寶馬香車。旌旄鼓吹。伏侍美人到西土城別館去居住。目下就請娘娘親去教他歌舞。〔衆應介小生生先下衆引旦行介

衆〕

〔前腔〕金門火速傳君令。點宮娥盡到西城。盡心晝夜來供應。他日法駕臨。萬姓看行幸。〔下〕

## 第二十四齣 遣求

〔小蓬萊〕〔末扮季桓子外扮堂候官上〕僻守區區東魯。被暴齊侵削何如。乞師求救。欲通使命。直到勾吳。化洽街衢不拾遺。幾興魯國欲傾齊。尙漸當日收羣婢。走卻人間孔仲尼。

自家魯國上大夫季孫斯是也。姬家右族。魯室宗卿。自我國主定公昭公襄公成公而上。不啻數十世。同樹社稷之勳。暨我先君文子武子悼子平子而下。幾及二百年。共執朝廷之政。不意流傳到我。值運中衰。近有齊國陳恆。圖弑其主。陰憚鮑晏之盛。欲立威於羣臣。故興伐魯之師。期建功於鄰國。目今兵衆既少。國勢漸傾。欲遣一使入吳。求其救援。但不辱君命。殊難其人。聞孔仲尼弟子俱通六藝。昨奉君命。轉求一人。子貢請行。仲尼遂許。叫堂候官。〔外應介〕與我整點後車數十乘。從者數百人。送其起程。不可遲滯。〔丑扮公伯寮上〕

〔前腔〕大國窮兵黷武。邊情日夜馳驅。而今戰守。廟堂勝算。須要躊躇。自家魯國下大夫公伯寮是也。齊邦不仁。侵伐我國。不免到季老大夫處探問一遭。煩你通報。〔外〕公伯寮大夫求見。〔末〕道有請。〔丑進見介〕老大夫拜揖。〔末〕大夫少禮。〔丑〕聞齊邦不道。犯我邊疆。請問老大夫計將安出。〔末〕大夫請聽我說。

〔桂枝香〕艱難國步。倉惶失據。恨如今保守不能。欲待要對敵難拒。昨與主公計議呵。欲遣一使臣。〔丑〕遣到那一國去。〔末〕遣一使臣到吳邦求助。他定然相許。

〔丑〕我聞吳王凶殘。拘留勾踐。他豈肯救我。〔末〕大夫你不曉得。越乃夏之後裔。吳實魯之同宗。要論親疎。吳魯同姬姓。須將弱國扶。〔丑〕

〔前腔〕暴齊失馭。強臣弑主。他欲立威本國公卿。反攪擾他邦黎庶。聞遣一使臣。遣一使臣。須要悠悠丰度。便便言語。到姑蘇。畢竟誰堪去。來將弱國扶。〔末〕大

夫。入吳之使。昨主公已轉請孔仲尼門下一人矣。〔丑〕不知仲尼門下可使者還是甚人。〔末〕昨聞

先是子路請行。仲尼止之。〔丑〕那子路不是喚做仲由的麼。〔末〕正是。〔丑〕他氣質粗疎。容貌凶狠。

仲尼常曰。若由也不得其死。然他怎麼去得。〔末〕已後子張子石請行。仲尼不許。〔丑〕那子張不是

顓孫師。子石不是公孫龍麼。〔末〕正是。〔丑〕子張堂堂相貌。難與爲仁。子石堅白異同。白馬非馬。一

味說地談天。一發去不得了。〔末〕已後子貢請行。仲尼許之。〔丑〕老大夫。不要說起。那子貢我認得

他。喚做端木賜。是一個徹底小人。他平日極會營運。家累萬金。但知自家受用。一些也不肯濟人。假

如原憲是個善士。桑戶蓬樞。顏淵是一個好人。簞食瓢飲。那子貢與他同在孔門。日逐相處。再不見

有一些看顧。要那朋友何用。我好笑那孔夫子。常曰賜不受命而貨殖焉。今日怎麼到要這樣人去。

〔末〕你知其一未知其二。子貢在聖門。居十哲之列。在言語之科。不但穎悟過人。兼聞性與天道。仲尼常稱其爲瑚璉之器。假如原憲顏淵之貧。或者他常時周濟。更不可知。或者二子卻之。亦未可曉。他今日出使。必然奏功。大夫不可輕易視之。〔丑〕鄙人孤陋寡聞。不識好歹。侮慢君子。罪愧何如。自今以往。敬聞命矣。〔末〕

〔皂羅袍〕爲國深謀長慮。乞諸侯救援。肯使庸愚。料蕭蕭一命遠投吳。看堂堂大陣來存魯。大夫。你道子貢是什麼樣人。〔合〕是聖門高弟。言詩起予。聞一知二。當今大儒。瑚璉之器。你休輕覷。〔丑〕

〔前腔〕子貢呵。我道是尋章摘句。又誰知是孔子高徒。今日呵。稷門祖送。要驅馳。看吳門白練。知何處。〔合前〕老大夫奉別了。還有一句要緊說話。若子貢這遭去不濟。用了公伯寮如何。〔末〕當得。且看。

〔末〕天下英才盡孔門。  
〔丑〕運籌絳帳能存魯。

杏壇設教簇如雲。  
始信人間有聖人。

第二十五齣 演舞

〔風入松慢〕〔旦上〕落花無主亂紛紛。切莫恨殘春。佳人自古多薄命。笑已往。姻親休問。半路今來別館。不知終身何處朱門。早被嬋娟誤。欲妝臨鏡慵。承恩不在貌。教妾若爲容。風暖鳥聲碎。日高花影重。年年越溪女。相憶採芙蓉。奴家西施。你道爲何說此幾句。我自分儀容絕世。聰俊過人。一生人間。未招佳配。不意既見誘于范蠡大夫。又見黜于越王殿下。看來人之窮通。信自有命。那在顏色。前日娘娘特到西城。教演奴家歌舞。我想起來。傾城的容貌尙不足恃。就是十分歌舞得好。也要他何用。聞環珮聲。想是娘娘來了。〔貼上〕

〔前腔〕二年異國未亡身。過別館消魂。料今生歌舞應無分。爲傾國前來相訊。我如今要教歌舞呵。看夜月鶴歸二殿。春風鶯囀千門。〔旦〕娘娘叩頭。〔貼〕美人請起。美人古稱絕色。第一容貌。第二歌舞。第三是體態。若是容貌雖好。歌舞未諳。不足爲奇。歌舞雖通。體態未善。不足爲妙。美人。你的容貌不必言矣。但歌有歌體。舞有舞態。須要態度優閒。行步嫵娜。方能動人。昨要遣老宮娥來教演。恐褻瀆你。大王爺放心不下。特命老官自來。〔旦〕多承娘娘教誨。賤妾敢



不盡心。〔貼〕美人。你聽我說。歌所以養人性情。故陽春動於花下。子夜奏于房中。古人有白水淥水。玄雲白雲。江南淮南。出塞入塞。須要音聲嘹亮。腔調悠揚。卽今江南佳麗之地。多用白苧採蓮。美人。你如今學歌呵。

〔好姐姐〕當筵要飛塵歇雲。論音調又須紆徐淹潤。切忌搖頭合眼。歪口及撮脣。〔合〕須風韻。華堂深處中宵進。管取一座春風醉酒樽。美人。昨日我教你的歌。你可記得麼。〔旦〕記得。〔貼〕你可試歌一曲與我聽。〔旦〕

〔一犯江兒水〕香喉清俊。聽縹緲香喉清俊。似珍珠盤內滾。向秦樓楚館綺席華茵。見鶯聲風外緊。裊裊起芳塵。裊裊起芳塵。亭亭住綵雲。雙黛愁顰。兩眼波橫。羨清歌入妙品。難消受花間數巡。難消受花間數巡。怎禁得燈前常近。一聲聲怨分離欲斷魂。〔貼〕美人。我道你尙未曉得。今一動脣。則飛聲流轉。餘韻飄颻。雖秦青韓娥。不過如此。可敬可敬。〔旦〕歌之大意。妾已領略。請問學舞之道何如。〔貼〕美人。你聽我說。舞所以導人沈滯。故春風起于筵上。夜月聚于樓頭。古有翥鳳翔鸞。縈塵集羽。折腰翹袖。激楚陽阿。俱要俯仰應。

聲抑揚合節。卽今吳宮越殿之內。多用迴風轉波。美人。你如今學舞呵。

〔好姐姐〕當場要娉婷出羣。論體態又須盤旋輕迅。看縱橫俯仰。迴身不動塵。

〔合前〕美人。昨日我教你的舞。你可記得麼。〔旦〕記得。〔貼〕你且試舞一迴與我看。〔旦〕

〔二犯江兒水〕羅衣寬褪。軟款款羅衣寬褪。輕盈真瘦損。向風前裊裊。月底紛紛。看婆婆歌吹引。一捻小腰身。一捻小腰身。蹁躑掌上人。乍進殷勤。欲退逡巡。趁金蓮移步穩。香馥馥風開繡裙。香馥馥風開繡裙。青簇簇花籠蟬鬢。軟迷離似陽臺一片雲。〔貼〕美人。我道你尙未曉得。今一轉身。則奇姿崛起。逸態橫陳。雖驚燕游龍。不過如此。可愛可愛。你可晝夜演習。不可忘了。〔旦〕多承娘娘教訓。賤妾豈敢遺忘。〔貼〕你且暫歇。明日再演罷。〔旦〕敬領尊命。

〔貼〕百年三萬六千場。

日日春風要舉觴。

〔旦〕歌罷陽春飛白雪。

舞餘涼月醉霓裳。

第二十六齣 寄子

〔意難忘〕〔外小末扮伍員父子上外〕歲月驅馳笑終身未了。志轉隳頽。丹心空報

主。白首坐拋兒。〔小末〕爹爹。前路去竟投誰。〔外〕孩兒。咫尺到東齊。〔小末〕望故鄉

雲山萬疊。日斷慈幃。〔慶春宮〕〔小末〕雲接平崗。山圍曠野。路回漸入齊城。〔外〕衰柳啼鴉。驚

風驅雁。動人一片秋聲。〔小末〕倦途休駕。淡烟裏微茫見星。〔外〕家鄉何處。死別生離。說甚恩情。孩

兒。我和你自離家鄉。將及一月。不覺又到齊國了。〔小末〕爹爹。母親在家懸念。可早完王事。火速同

歸。不知爹爹爲何在途。只管愁悶。〔外〕孩兒。我一向怕你煩惱。不好說得。我虧吳之先王。雪你公公

深怨。國家大恩。未曾報得。不料主公近聽伯嚭。反放越王。前日又信子貢游說。欲北伐齊國。遣我來

請戰期。我想起來。吳兵一出。則越乘虛遂入吳地。今我回去。誓當諫死。以報國恩。只是與你同死。甚

是無益。我有一個結義兄弟。喚做鮑牧。見做齊國大夫。今帶你來。寄與他家。以存伍氏一脈。〔悲介〕

自今以後。我自去幹我的事。你自去幹你的事。再不要想念我。〔小末〕爹爹。我只道路上冷靜。帶孩

兒出來。不曉得到是這等兀的不痛殺我也。〔外〕孩兒。事已到此。不用傷悲。且速前去。再做道理。

〔外〕

〔勝如花〕清秋路。黃葉飛。爲甚登山涉水。只因他義屬君臣。反教人分開父子。又未知何日歡會。〔合〕料團圓今生已稀。要重逢他生怎期。浪打東西。似浮萍無蒂。禁不住數行珠淚。羨雙雙旅雁南歸。〔合前小末〕

〔前腔〕年還幼。髮覆眉。膝下承顏無幾。初還認落葉歸根。誰道做浮花浪蕊。何日報雙親恩義。〔合前外〕一入城來。此間已是鮑大夫門首。裏頭有人麼。〔末扮鮑大夫丑扮家童上末〕

〔燕歸梁〕叵耐強臣欲立威。看社稷垂危。側聞吳國召戎衣。何日裏靜邦畿。小

嘶。你看外面那個。〔丑〕此位老爺是何處。〔外〕你進去說。吳國伍大夫要見。〔丑報介末〕道有請。

〔外進見末小末同拜介末〕一自別滄洲。相思定幾秋。〔外〕故人驚會面。新恨說從頭。〔末〕哥哥。此位何人。〔外〕是小兒。〔末〕別來數年。令郎一發長成了。我陳恆弒逆。致召兵戈。哥哥遠來。必有所諭。

〔外〕兄弟。齊欲伐魯。立威遠國。今奉國命。來請戰期。〔末〕哥哥。你報親之怨。鞭平王于墓間。復君之仇。囚勾越於石室。一生忠孝。四海流傳。可敬可敬。〔外〕兄弟。你知其一。未知其二。昔父兄爲楚平所

害。孝道有虧。今主公爲伯嚭所欺。忠心不遂。不知防越之策。反興伐齊之師。眼見姑蘇。卽生荆棘。今承君命。來使齊邦。一則預料老朽誅夷。二則不忍宗祀滅絕。以吾弟一日之雅。付伍氏六尺之孤。留作螟蛉。視同豚犬。〔末〕哥哥是吳之忠臣。小弟亦齊之義士。旣蒙分付。敢不盡心。但恐撫養不周。有負重託。〔外〕兄弟。小兒避難。竊恐人知。可改姓王孫。勿稱伍氏。〔末〕謹領謹領。〔小末〕爹爹。你果然就把我撇在這里。〔作悲介〕

〔泣顏回〕聽說不勝悲。頓教兒血淚交垂。雙親膝下。何曾頃刻分離。爹爹。衷腸怎提。爲甚的將父子輕拋棄。當初望永祝椿枝。又誰知頓撇斑衣。〔外〕

〔前腔〕堪悲。家國漸傾欹。我身無葬地。汝尙何依。兄弟特求撫養。須存一脈衰微。〔末〕哥哥。若國家安輯了。你可就來領令郎去。〔外〕我存亡未知。料孤臣定做溝渠鬼。我孩兒不用哀傷。望君家委曲提攜。〔末〕

〔前腔〕三齊。無主國摧危。笑區區株守庸劣無爲。蒙兄相託。敢不竭力扶持。哥哥。你丹心怎移。要念前王須盡忠和義。令郎呵。我看承勝似親生。放心歸不必

狐疑。〔外〕孩兒不是我無情就撇了你。事到其間。顧不得了。況報仇大事。我便做得。你做不得。我今日殺身報國。也是沒奈何。你後日切不要學我。〔小末哭介〕爹爹。怎麼撇了孩兒就去。〔外〕孩兒不要啼哭。或者後日還要相見。你今日就拜鮑叔叔做父親。如嫡親爹爹一般。聽他教誨。不可違背。〔小末拜末介〕爹爹請轉坐。待孩兒拜見。

〔催拍〕念孩兒未諳禮儀。望爹爹朝夕訓規。豈敢有違。豈敢有違。〔見外介〕爹爹。但願椿庭壽與山齊。爹歸去。拜上母親。只說孩兒在齊游學。不久就歸。傳示萱堂。不用淒其。〔合〕從今去海角天涯。人何處。夢空歸。〔外〕

〔前腔〕望長空孤雲自飛。看寒林夕陽漸低。今生已矣。今生已矣。白首無成。往事依稀。日暮窮途。空挽斜暉。〔同末〕

〔前腔〕我哥哥你安心竟歸。我姪兒你將身暫依。今當數奇。今當數奇。命蹇時乖。偶爾睽違。他日團圓。父子追隨。〔合前小末〕

〔一撮棹〕爹爹。西風裏淚溼舊縫衣。〔外〕親骨肉因何事竟生離。〔末〕長亭遠。極

目處草萋萋。〔合〕回頭望。欲去更徘徊。今日輕分手。他年會何地。腸斷也回首。各東西。

〔外〕本是同林鳥。

〔小末〕分飛竟失羣。

〔末〕誰憐一片影。

〔合〕相失萬重雲。

## 第二十七齣 別施

〔憶秦娥〕〔小生生末同上小生〕遭囚辱。深仇晝夜縈心曲。〔生末〕縈心曲。要修明政治。誓圖恢復。〔相見介小生〕二位大夫。自遭喪亂。丁衆漸稀。空有復仇之心。尙乏人民之助。今

欲百姓生聚。何施方可。〔生〕

臣聞內無怨女。外無曠夫。乃聖王之政。今當令國中壯者無娶老婦。

老者無娶壯妻。女子十七不嫁。男子二十不娶。其父母各有罪。如此十年生聚。則民衆不可勝用矣。

〔小生〕多謝大夫教誨。自去吳國。貽笑四方。雖有報仇之心。尙乏諸侯之援。昨魯子貢勸寡人連和諸侯。以待吳變。但諸侯甚多。先往何國。〔生〕臣聞夫差與齊晉楚三國皆有近仇。主公宜私親于

齊。深結于晉。陰和于楚。而厚事于吳。則夫差必驕矜而凌諸侯。諸侯必合從而抗吳國。彼爭其長。我

乘其敝。因而伐之。夫差可擒也。〔小生〕多謝大夫教誨。向者承范大夫割己之愛。進上西施。寡人親令夫人教演歌舞。卽欲獻之吳王。看他蛾眉不肯讓人。狐媚必能惑主。雖爲女流之輩。實有男子之謀。我夫人常談及羈囚一事。見他義形于言。必能立功他邦。輔助本國。寡人今欲拜而送之。不知諸大夫亦肯爲國家一屈膝否。〔生末〕敢不聽命。〔小生〕二位大夫留意。想夫人同西施來了。〔貼上〕

〔前腔〕西宮教演初精熟。清歌妙舞新妝束。〔旦〕新妝束。奈終身未了。眉兒常蹙。〔小生占生末相見介〕大王爺并娘娘叩頭。〔小生貼〕美人請起。〔旦〕二位大夫萬福。〔生末〕美

人拜揖。〔小生〕美人。昔周文王被殷紂囚于羑里。其臣闕天求有薪氏美女。獻之于紂。釋放文王。後美女心圖報周。迷惑殷紂。致其身亡國滅。復歸周家。美人。我被吳囚係三年。羞辱之事。不可盡述。今吳王之惡。浮于殷紂。美人之貌。過于有薪。卽欲將美人認作寡人之姑。前王之妹。獻之于吳。誘其戀酒迷花。去賢用佞。則寡人幾年之仇可報。美人舊日之盟可續。不知美人意下何如。〔旦〕妾受大王爺并娘娘提攜。誓當粉身碎骨。以報恩義。但恐菲薄。不堪重托。〔小生〕若得美人見允。則愚夫婦萬



幸。羣臣百姓萬幸。後有會期。毋相忘也。〔旦〕謹領教旨。豈敢遺忘。〔小生〕既然如此。今日吉辰。卽當啟行。美人請上坐。待寡人拜懇。〔旦〕賤妾豈敢。〔小生拜介〕

〔黃鶯兒〕夙恨實難言。記三年苦萬千。歸來羞見人民面。今幽谷未遷。寒灰怎燃。棲遲未了平生願。仗嬋娟。中間就裏要雪百年冤。〔貼〕美人請上坐。待奴家拜懇。

〔旦〕賤妾豈敢。〔貼拜介〕

〔前腔〕飄蕩去無邊。恨東風斷紙鳶。三年纔轉羞殺梁間燕。鬢髮盡鬢。手足尙胼。漂流南浦一似桃花片。望當先。國家大事全賴爾周旋。〔生末〕美人請上坐。待羣

臣拜懇。〔旦〕賤妾豈敢。〔拜介〕

〔簇御林〕羣臣奮未敢前。待先行便上弦。你風花隊裏去收飛箭。那時節。強似兵馬親征戰。要心專。立功異國。四海姓名傳。〔旦〕大王爺娘娘請坐。賤妾拜辭。〔拜介〕

〔前腔〕我裙釵女志頗堅。背鄉關殊可憐。蒙君王重託須黽勉。二位大夫請轉。待奴家拜辭。誓捐生報主心不變。淚漣漣。天南地北。相見是何年。〔小生〕范大夫。你

可整點車騎畫船。親送美人到吳國去。〔生〕謹領。但一路不好同行。待小臣今日先過江去。美人隨後便了。〔小生貼〕美人。你可小心在意。歸來有日。不要憂煩。〔旦〕多謝叮嚀。妾謹留意。〔小生〕好去。春風湖上亭。〔貼〕柳條藤蔓繫離情。〔生末〕黃鸝久住渾相識。〔旦〕欲別頻啼三兩聲。〔小生〕范大夫。凡百事體。未能盡說。你與我再囑付他幾句。〔小生貼末下生日弔場旦〕

〔二郎神〕休回首。笑三二年尙姻緣拖逗。悔邂逅溪邊相許謬。蹉跎到此。前言盡付東流。爲甚麼心兒常病疚。恨相見後更添消瘦。嘆漂流。總夢到家山。怕渡溪頭。〔生〕

〔前腔〕爲羈囚。親遭困辱。身多掣肘。因此姻親還未就。誰知變起。遭年國難相糾。致今日輕拋分素手。空恩愛未曾消受。小娘子。你謾追求。自別後從頭說向原由。〔旦〕

〔轉林鶯〕慙慙弱息似風中柳。問君今向誰投。笑驅馳千里去尋婚媾。向他人強笑堪羞。況參前退後。更勉強應承可醜。路悠悠。摧殘異國。骸骨倩誰收。

〔前腔〕〔生〕卑人一言你聽細剖。這姻緣分定難籌。你暫時拋閃休傷懣。看天河織女牽牛。明年時候。定烏鵲橋邊相守。莫添愁。腰肢瘦削。況是不宜秋。〔旦〕

〔鶯啼序〕君王恩義欲報酬。怎辭途路奔走。但孤身愚昧纖柔。未能機巧參透。強支吾去閒中着忙。待勉力到機邊尋覈。花共酒。我怕不得笑傳人口。〔生〕

〔前腔〕卿卿聰慧誰匹儔。精神應會抖擻。切莫要露尾藏頭。迷君不論昏晝。向花營脣鎗暗撐。遇錦陣心兵休漏。成共否。要竭力將沒作有。小娘子。向年所贈之紗。

謹當奉還。〔旦〕若如此。是奚落賤妾。終背舊盟了。〔生〕說那裏話。要令小娘子時常省視。雖在朝權

暮樂之際。不忘故鄉恩義之情。倘得重逢。出此相玩。可作他年一故事耳。〔旦〕既然如此。我與相公各分一半。常恐此紗不在君處。卽相忘耳。〔分紗介〕前途相見甚難。就此拜別。〔生〕仰觀天象。越方興隆。吳將亡滅。勿用傷悲。不久就得團圓也。〔旦〕

〔琥珀貓兒墜〕秋江渡處。落葉冷颼颼。何日重歸到渡頭。遙看孤雁下汀洲。他啾啾。想亦爲死別生離。正值三秋。〔生〕

〔前腔〕片帆北去。愁殺是扁舟。自料分飛應不久。你蘇臺高處莫登樓。怕凝眸。望不斷滿目家山。疊疊離愁。〔生〕

〔尾聲〕卑人北岸專相候。〔下旦悲介〕這相逢何時還又。莫學逝水東流不轉頭。盡道村西是妾家。誰知頃刻又天涯。

紅顏勝人多薄命。

莫怨東風當自嗟。

第二十八齣 見王

〔臨江一剪梅〕〔淨丑小外扮王孫駱上淨〕海國烽烟今盡掃。凌空志氣飄飄。〔丑〕太平羞着舊征袍。〔小外〕我和你共在王朝。莫忘勤勞。〔丑小外〕主公。伯嚭王孫駱參見。〔淨〕

太宰大夫少禮。太宰。我欲伐齊。伍員老賊屢屢諫我。我不聽他。恐他在此攪擾。被我打發他齊國去了。誰料前日孔仲尼遣門人子貢來勸我伐齊。孔仲尼是個大聖人。有此議論。看起來齊國一發該伐的。況吳魯又爲兄弟之國。只等伍員歸來。就起程了。〔丑〕主公之言有理。〔淨〕太宰大夫。我晝臥姑蘇臺。得其一夢。夢入章明之宮。見米釜兩隻。炊而不熟。黑犬兩頭。鳴南鳴北。鋼鍬兩把。插我宮牆。

流水湯湯。入我殿堂。後房篋篋。聲若鍛工。前園交加。橫生梧桐。此夢吉凶。試爲寡人卜之。〔丑拜賀介〕美哉主公之夢。應在興師伐齊也。臣聞章明者。破敵成功。聲朗明也。兩釜炊而不熟者。主公聖德。氣有餘也。兩犬嗥南嗥北者。四夷賓服。朝諸侯也。兩鋤插宮牆者。農工盡力。田夫耕也。流水入殿堂者。鄰國貢獻。財貨充也。後房聲若鍛工者。宮女悅樂。聲相諧也。前園橫生梧桐者。桐作琴瑟。音調和也。美哉主公之夢。應在興師代齊也。〔淨〕太宰之言有理。王孫大夫。你試卜之何如。〔小外〕臣素愚昧。不能通微。城西陽山。有一異士。喚做公孫聖。多見博聞。主公若心上狐疑。問之必知凶吉。〔淨〕大夫。你與我就去召他來。不可遲滯。〔小外應下生日上生〕

〔前腔〕奔走風塵心未老。當年羈客來朝。〔旦〕故園爲甚便輕拋。花落辭條。一

任風飄。〔生〕美人。你且暫住宮門之外。待我先去參見。然後進來。〔衆報生進見介〕越國陪臣范蠡

叩頭。〔淨〕起來。〔生〕不敢。東海寡君勾踐久失修敬。特遣賤臣少仲問候。兼有前王之妹。寡君之姑。

喚名西施。頗曉歌舞。今遣小臣獻上。以備灑掃。〔淨作喜介〕范大夫。遠勞厚情。美人如今在那里。

〔生〕見在宮門。不敢擅入。〔淨〕范大夫。你與我就引進來。〔生引旦進拜淨笑介〕美人起來。果然

天姿國色。絕世無雙。我合宮諸姬。無出其右。若是越王的姑娘。范大夫。你家主公就該叫我姑爹了。  
〔生〕是。〔丑〕主公。我伯嚭見了婦人萬千。從不曾見這樣娉婷嫵娜的。范大夫。你們都是個好人。若像我做伯嚭的。留在本國自受用。怎肯送與別人。〔生〕太宰。休得取笑。大王在上。我寡君自去吳歸越。日逐想念大王恩德。不敢忘也。〔生〕

〔瑣寒窗〕自歸家。日夕無聊。北望姑蘇。淚暗拋。恐君王見罪。輾轉煎熬。深恩罔極。未曾圖報。獻佳人。聊供灑掃。〔合〕看楚腰。風前一把舞。鮫綃。倩人難畫。難描。

〔旦〕

〔前腔〕愧裙釵。長生蓬茅。金屋羞稱貯阿嬌。在泥途已久。頓上雲霄。今朝幸喜。恩星高照。祇還愁幽情未曉。〔合前丑〕主公。越王孝順之情。其實可敬。〔丑〕

〔奈子花〕念越王東海臣僚。受洪恩。非是一朝。他貧窮至今。顛連無告。送多嬌。用伸忠孝。〔合〕祈禱。願兩國百年永好。〔淨〕

〔前腔〕我爲人。性格風騷。洞房中最怕寂寥。今娉婷到臨。我一生歡樂。鎮朝昏。

放他在懷抱。〔合〕祈禱願君王百年諧老。〔外上〕奔走風塵鬢盡絲。年衰運退志墮頽。孤身去國三千里。一日思君十二時。主公伍員參見。〔淨〕老相國。你回來了。請戰的事如何。〔外〕齊君已尅期在深秋交戰。今特回覆主公。〔生〕伍相國拜揖。〔外〕范大夫。你到此何幹。〔生〕我主公進此女於大王。以備灑掃。〔外〕主公不可受他。臣聞五音令人耳聾。五色令人目眩。故桀以妹喜滅。紂以妲己亡。幽王以褒姒死。獻公以驪姬敗。自古喪身亡國。未有不由婦人女子者。今越王進此女。正是。要主公學這幾個昏君。切不可受他。〔淨〕老相國。你一向不在家。我眼前甚是清淨。卻纔到此。就管閒事。我便受了這一婦人。何害于理。你一向遠出。可速與妻兒老小相聚聚。不要在此鬧吵。請請請。〔丑〕主公之言有理。〔外長嘆介〕罷罷罷。正是酒逢知己千鍾少。話不投機半句多。〔下淨〕這老頭兒可惡。我必要殺他。方遂我願。〔丑〕主公之言有理。〔淨〕范大夫。我向年若聽了他。幾乎把你家主公并你都殺了。你若歸去。可對你家主公說。你國中有這樣人。切不可用他。〔生〕我主公決不用這樣人。〔淨〕太宰。你陪范大夫往前殿去洗塵。我明日另排筵宴送行也。〔生丑下淨〕內侍門那里。〔衆應介淨〕我就要與美人同飲合巹杯。可速備花燭。引到洞房中去。〔衆應介淨攜旦手介淨〕

〔解二醒〕念平生買歡追笑。再沒一個可意根苗。我精神幸憐猶未倒。從天降這多嬌。他溫柔旖旎多俊俏。眼見得倒鳳顛鸞難恕饒。〔合〕吾堪老。吾堪老。拚斷送鴛衾繡帳。白晝清宵。〔旦〕

〔前腔〕大王爺惜玉憐香曾見說。殢雨尤雲猶未遭。君王念奴還幼小。〔淨〕你門兒掩定輕敲。〔旦〕慢慢的花傾柳欹。蜂蝶鬧。少不得地久天長似魚水交。〔合前〕

〔淨〕誰似佳人貌出羣。

〔旦〕洞房深處結姻親。

〔衆〕歌殘翡翠簾前月。

〔合〕醉倒巫陽夢裏雲。

### 第二十九齣 聖別

〔霜天曉角〕〔末小旦扮公孫聖夫妻上末〕山谿僻路。耕釣隨朝暮。〔小旦〕小小茅菴

一所。高堂廣廈何如。〔小旦〕老官兒萬福。〔末〕媽媽拜揖。〔錦堂春〕臨水數間茅屋。沿山幾畝

荒田。漁樵耕牧無他事。聽命任天然。〔小旦〕附郭烟霞別墅。滿江風月漁船。醉來高臥雲深處。盡道是神仙。〔末〕媽媽。我公孫聖爲遭喪亂。隱跡陽山。今經數年。身安心泰。只有一件事。一向不好對你



說我今年流年不好。正應今日。若過午時。則災星過度。太平無事。〔小旦〕老官兒。半年且過了。那在這片時。看外面有甚麼客人到了。〔小外上〕

〔前腔〕故人何處。寂寞看雲樹。悄悄深山無伴侶。沿溪直造茅廬。迤邐行來。此間已是公孫哥哥門首。不免逕入。呀。哥哥拜揖。〔末〕呀。王孫弟拜揖。〔小外〕嫂嫂拜揖。〔小旦〕叔叔萬福。〔末〕兄弟許久不見。忽蒙降臨。〔小外〕小弟此來。特奉君命。〔末作驚介〕爲何。〔小外〕主公晝臥姑蘇臺。偶得一夢。甚是奇異。特請哥哥占之。〔末伏地作悲復起介〕媽媽。果有此事。〔小旦〕老兒從不曾見君王之面。今來相召。富貴至矣。反增悲戚。你卻爲何。〔末仰天長嘆介〕媽媽。你不曉得。今日壬午時加南方。命屬上天。不得逃亡。非但自哀。且傷吳王。〔小外〕哥哥夙抱才德。上可諫主。下可保身。何用憂煩。卽當前去。〔末〕兄弟。我避禍患。隱跡此山。要求壽命延長。不料難過今日。事已到此。逃不得了。兄弟你先行。待我與嫂嫂分別。隨後便到。〔小外〕弟住村口。待兄同行。〔下小旦〕老兒。君王見召。或有好處。你且去看。〔末〕媽媽。我能先知。區區一命。只在旬日。但我身死後。不須葬埋。後日精靈要作影響。使吳王懊悔。追念忠臣。你且與兒女們過活去。再不要想念我了。〔小旦〕你怎麼就捨

得我便去〔小旦拜介〕

〔憶多嬌〕事偶觸。你休便哭。吉凶此去還未卜。萬一天教禍轉福。〔合〕兩下孤獨。兩下孤獨。此去前途路促。〔末〕

〔前腔〕年已熟。當就戮。但我身一死。國亦旋亡。國亡身喪何可贖。慚愧十年避茅屋。〔合前小旦〕

〔鬪黑麻〕常好笑君家深山隱伏。也只爲全身逃名遠辱。誰知道反催促。留下孤身有何結束。〔合〕秋風撲簌。夕陽西下。速死別生離。淒涼滿目。〔末〕

〔前腔〕非是我求名去尋官覓祿。眼見我幽棲在深林密竹。時到也怎伸縮。媽媽。我卻纔叮囑你。切不要葬我。這樣窮骸休教就木。〔合前〕

〔末〕狐死曾聞定首丘。堪憐老骨没人收。

〔小旦〕而今送別臨溪水。他日思君來水頭。

第三十齣 採蓮

〔醜奴兒令〕〔淨丑上淨〕秋來勝事知多少。別殿風涼。夾岸荷香。拚取今朝醉一場。〔丑〕姑蘇自古繁華地。臣服遐方。貢獻相將。誰似江東國勢強。〔淨丑相見介丑〕臣遭聖恩。略無一報。今進薄物。少伸寸心。見在宮門。未敢擅入。〔淨〕老太宰。怎麼生受你。是甚麼東西。〔丑〕文筭一百枚。〔淨〕怎麼要許多。〔丑〕狐皮五十雙。〔淨〕一發多了。〔丑〕還有自織的葛布十萬疋。〔淨〕太宰調謊。你家裏有多少人。織得許多。〔丑〕臣有一禮帖。求主公一看。〔淨〕謹具文筭一百枚。狐皮五十雙。葛布十萬疋。東海寡君勾踐。遣下大夫泄庸。敬進上吳國大王引意。伏乞鑒納。〔淨〕太宰。我道你沒有。你就有。平日慳吝。怎麼肯。〔丑〕伯嚭爲主公後宮甚多。夏間腥臊。特遣人與越王說。他令合國婦女。連夜織就送來的。這就是我送的一般。我若不說。他怎麼有。〔淨〕你常把別人的東西。作自己的人事。〔丑〕主公平日曉得伯嚭做人。的是這等風自己之流。慷他人之慨的。〔淨〕休取笑。越王如此孝順。要作一書。增他封地。東至勾甬。西至樵李。南至姑末。北至平原。聊伸謝意。你道何如。〔丑〕極好極好。我出去對泄庸說。教他再拿東西進貢。〔下淨〕自從西施入宮。妙舞清

歌。朝權暮樂。不多日。算不得盡了。上千遭雲雨之情。記不起喫了上萬鍾合權之酒。不但姿容嬌媚。更兼性格溫柔。我這幾根老骨頭。必定斷送在他手裏。兩日魂靈不知飛在那裏去了。昨日分付諸女侍到湖上採蓮。想是我的魂靈走在湖上。待我今日去尋了他回來。內侍們。後宮請娘娘出來。到湖上採蓮去。〔衆應介旦上〕

〔念奴嬌〕丹楓葉染。乍湖光清淺。涼生商素。〔拜淨介淨〕西帝宸游。飛翠蓋。擁出三千宮女。〔衆〕絳綵嬌春。鉛華炫晝。占斷鴛鴦浦。〔旦〕若耶縹緲。浣紗溪在何處。〔淨〕美人。你方纔梳洗。〔旦〕大王爺。晚來乘涼困倦。不覺起來遲了。〔淨〕美人。你記得夜來乘涼的

景象麼。〔旦〕記得。〔洞僊歌〕冰肌玉骨。自清涼無汗。水殿風來暗香滿。一點明月窺人。人未寢。欹枕釵橫鬢亂。〔淨〕起來庭戶悄無聲。時見疎星渡河漢。試問夜如何。夜已三更。金波渡玉繩。低轉。〔衆〕但屈指西風幾時來。又不道流年暗中偷換。〔淨〕美人。昨已分付畫船簫鼓。同往湖上採蓮去。〔衆〕畫船整備多時。專待大王爺娘娘登舟。〔衆起鼓發舟介旦〕妾家越溪有採蓮二曲。試爲大王歌之。

〔淨〕美人。生受你。〔旦歌〕

〔古歌一〕秋江岸邊蓮子多。採蓮女兒棹船歌。花房蓮實齊戢戢。爭前兢折歌。綠波恨逢長莖不得藕。斷處絲多刺傷手。何時尋伴歸去來。水遠山長莫回首。

〔淨〕絕妙。拿酒來。我飲一大觥。〔旦〕

〔古歌二〕採蓮採蓮芙蓉衣。秋風起浪鳧雁飛。桂棹蘭橈下極浦。羅裙玉腕輕搖櫓。葉嶼花潭一望平。吳歌越吹相思苦。相思苦。不可攀。江南採蓮今已暮。海上征夫猶未還。〔淨〕更妙更妙。我再飲一大觥。

〔念奴嬌序〕〔淨〕澄湖萬頃。見花攢錦繡。平鋪十里紅妝。夾岸風來宛轉處。微度衣袂生涼。搖颺百隊蘭舟。千羣畫槳。中流爭放採蓮舫。〔合〕惟願取雙雙。繾綣長學鴛鴦。〔旦〕

〔前腔〕堪賞。波平似掌。見深處繚繞歌聲。隱隱齊唱。秀面羅裙認不出。綠葉紅花一樣。空想藕斷難聯。珠圓卻碎。無端新刺故牽裳。〔合前淨〕美人。我把荷花比你容

貌。那花怎麼到得你。

〔前腔〕相傍較玉論香。將花方貌。恐花兒慚愧欲深藏。身共影。身共影。誰似根共心雙。想像嬌面偎霞。芳心吸露。清波濺處溼裙襠。〔合前淨作醉介旦〕

〔前腔〕堪傷斜日啣山。寒鴉歸渡。淹留猶滯水雲鄉。風露冷。風露冷。怎耐摧頽蓮房。淒涼共簇心多。分開絲掛。浣紗溪畔在何方。〔合前淨〕我爲你又醉了。〔旦〕大王。

浦口風回。山頭日落。回船去罷。〔淨〕內侍們傳令去。教各船宮女。盡執蓮花。送娘娘歸館娃宮去。

〔衆宮女執花行介衆〕

〔古輪臺〕日蒼黃。蘭橈歸去遍船香。秋風吹急寒潮漲。蓮歌爭唱。況十里迴塘。正值月兒初上。〔淨對旦介〕冷眼端相。可憎模樣。紅裙宜嫁綠衣郎。頓然心癢。恨不得就上牙牀。〔淨作醉介旦背淨介〕顛鸞倒鳳。隨蜂趁蝶。怎生攔擋。〔衆〕歸路暮雲長。聽空中響。館娃高處奏笙簧。已到館娃宮了。請大王爺娘娘入宮。〔淨〕內侍們。連忙引

花燭。到洞房中去。〔衆應介衆〕

〔前腔〕千行。宛轉燈燭輝煌。夾道裏羅綺盤旋。笙歌嘹亮。香霧氤氳。處處麝蘭

飄蕩。〔淨〕今夜懽娛。忙投羅帳。看雙雙被底效鸞凰。肯教輕放。趁良宵恣意顛狂。〔做醉衆扶介旦〕殘香破玉。蹂紅踐翠。只得支吾勉強。〔衆〕鴛瓦散飛霜。銀河朗。娟娟殘月下迴廊。

〔尾聲〕〔淨〕昏沈醉入洞房。〔旦〕聽野外數聲雞唱。〔衆〕但願萬歲千秋樂未央。〔淨〕銀箭銅壺漏水多。〔旦〕試看涼月墮紅波。

〔衆〕吳歌楚舞懽未畢。

〔合〕東方漸高奈樂何。

### 第二十一齣 定計

〔一翦梅〕〔小生生末上小生〕海黑山昏劍氣沈。誓奮雄心。未奮雄心。〔生末〕蟄龍

困久夜長吟。欲作甘霖。定作甘霖。〔相見介小生〕寡人受怨既深。勞心亦久。日夜焦苦。思復

前仇。今兵甲頗精。糧草初足。欲乘此時伐吳何如。〔生末〕以臣度之。人謀未臧。天時未至。恐不可也。

〔小生〕

〔宜春令〕我千年恨。數載心。積深讎。棲遲到今。勞身焦思。似踏春冰。心常懍喜。

今日糧足兵強。肯終歲聲吞氣飲。我這裏腸二位大夫須審。〔生末〕

〔前腔〕須多料。當細斟。奈天時今還未臨。越國呵。人民雖衆。未曾遍受吾王廕。看我家計術還疎。料他們驕奢不甚。況彼忠良未死。我詎能安枕。〔小生〕二位大夫。

畢竟如何便好。〔末〕臣前進九術。缺一不可。一曰尊天神以祈其靈。二曰賚寶貨以侈其忠。三曰進美女以惑其心。四曰遺大木以盡其財。五曰厚穀價以虛其國。六曰多金幣以投其佞。七曰放反間以害其忠。八曰利甲兵以伺其虛。九曰待天時以乘其弊。〔生〕文大夫之謀甚善。今主公天神已尊。寶貨已送。美女已進。奸佞已賂。兵甲已利。五術既行。四術未盡。爲今之計。只說我年穀不熟。將銀一百萬兩。請糴穀一百萬石。他貪銀多穀少。必然見許。明年將穀種盡數蒸熟還他。令他穀種不生。人民饑死。如此則吳國之糧米盡矣。前夜天生神木二根。大二十圍。長五十丈。主公可令匠人定以規矩。畫以丹青。鏤以黃金。嵌以珍寶。進上吳王。他必定更起樓臺。大興工作。如此則吳國之財貨盡矣。那時節伍員進諫。伯嚭必譖之。吳王必殺之。用佞害忠。民窮財盡。天時至矣。由是乘其伐齊。國內空虛。我兵長驅。勢如破竹也。〔小生〕二位大夫之謀。敢不敬奉。但歲月易去。功名未成。如何是好。〔小



〔生〕

〔繡帶兒〕清秋轉又西風凜凜。誰料鬢絲相尋。終不然任歲月奔馳。肯將那志氣消沈。〔末〕問斟天時人事。臣已審。怕苟且機關先滲。窺天道昭昭禍淫。料滿盜招災。宴安生鳩。〔小生〕

〔前腔〕讎深青衫袖重重淚沁。三載苦自顛窘。若如今只管牽延呵。可不干費了數載勤勞。枉捱過半世光陰。〔生〕我關心。主公羞愧親見恁。敢淹滯不將身任。觀星象興隆自今。料氣運回旋。終符圖讖。〔小生〕既然如此。就煩文大夫將神木送去。并

帶白金一百萬兩。前去糴穀。眼望回報。〔末〕文種明日遂行。

〔末〕送木興工百姓劬。

〔生〕輸金糴穀太倉虛。

〔小生〕不施萬丈深潭計。

〔合〕怎得驪龍領下珠。

### 第二十二齣 諫父

〔鳳凰閣〕〔淨丑上淨〕重樓複殿。日對如花嬌面。年來身子甚龍鍾。想是精神勞

倦〔丑〕韶光如箭。便恣意荒淫。有幾年。〔相見介淨〕朝來多承越王送神木二根。大二十圍。長五十丈。從不曾見這等長大的。那伍員這老賊。又教我不要受他。我當初前王造姑蘇臺。甚是低小。我如今另起。要廣八十丈。高三百尺。見二百里。太宰如何。〔丑〕絕妙。前日主公說道不見了魂靈。若造此臺。主公的魂靈要飛在半天了。〔淨〕休取笑。他年穀不熟。拿細絲銀子一百萬兩。來糴穀一百萬石。常年穀價滿腔三錢一石。今每石到多了七錢。好笑伍員老賊。又教我不要與他。被我算定官領三錢。教百姓糴去。餘銀我自家收了。〔丑〕極好極好。我連年壓上這些租債。算來將近十萬石。主公。你十分之一。也讓十萬銀子。與伯嚭出脫了這些積年爛穀去。〔淨〕你前日說道家道不濟。〔丑〕虧了我家裏幾個粗婢。日逐在家擗麻。做起來的。〔淨〕又取笑。〔小外末上〕雖卻竹籬茅舍。來到玉殿金門。〔小外〕哥哥少待。待我通報。方可進來。〔小外進報介淨〕着他入來。〔末進見介〕山人公孫聖拜見。〔淨〕先生少禮。寡人晝臥姑蘇之臺。〔同前廿八齣云云末拜伏介〕臣不敢言。〔淨〕就說何妨。〔末〕臣該萬死。怪哉大王之夢。應在興師伐齊也。臣聞章者。戰不勝走。悵惶也。明者。去昭昭就冥冥也。兩釜炊而不熟者。大王敗走不火食也。黑犬嗥南。嗥北者。黑爲陰類。北走陰方也。兩鋏插

宮牆者。越兵入吳。掘社稷也。流水入殿室者。波濤漂沒宮一空也。後房聲若鍛工者。宮女嘆息聲號  
咷也。前園橫生梧桐者。桐可作俑。要殉葬也。怪哉大王之夢。應在興師伐齊也。〔淨怒介〕你那老奴。  
在我跟前。輒敢狂妄。王孫駱。你怎麼尋這樣人來惱我。哇。〔小外〕正是雙手擘開生死路。一身跳出  
是非門。〔下末〕大王不須發怒。還有說話。你如今不要伐齊。快遣王孫駱解冠肉袒。拜謝勾越。則身  
家或可保也。〔丑〕聞公孫聖與伍員平日是結義兄弟。敢又是伍員教他來這等說。〔淨〕老奴這等  
無理。力士石番何在。〔衆應介淨〕快與我牽出宮去。將鐵鎚擊殺之。〔末仰天長嘆介〕皇天。皇天。知  
我之冤。忠而獲罪。身死無辜。不要埋我。撇在山中。後作影響。以報大王。〔淨〕力士。你可撇他在陽山。  
令豺狼食其肉。野火燒其骨。風沙簸揚。骨肉淨盡。何能爲聲響哉。快牽出去。〔衆牽末下丑〕主公。公  
孫聖已死。還存伍員一人。聞得他前日使齊。把兒子寄在鮑氏。又常與太子往來。幹出甚麼好事。必  
定殺了他方絕後患。道猶未了。太子早到。主公。想又是伍員哄他來的。我且暫時迴避。〔下小末挾  
彈持弓上〕一心忙似箭。兩脚走如飛。適在宮外。遇着伍相國。說道我父王將一個好人來殺了。不  
免就進宮去諫他。〔拜見介〕爹爹。孩兒參見。〔淨〕孩兒。你清早打那裏來。衣裳鞋襪都是溼的。〔小

末〕適到後園。聞秋蟬之聲。孩兒細看。見秋蟬趁風長鳴。自爲得所。不知螳螂在後。欲食秋蟬。螳螂一心只對秋蟬。不知黃雀潛身葉中。欲食螳螂。黃雀一心只對螳螂。不知孩兒挾彈持弓。欲彈黃雀。孩兒一心只對黃雀。不知旁有空坎。忽墮井中。因此衣裳鞋襪通被沾溼。〔淨〕孩兒只貪前利。不顧後患。天下之愚。莫過於此。〔小末〕爹爹。天下之愚。又有甚于此者。魯承周公之後。有孔子之聖。不犯鄰國。齊無故舉兵伐之。以爲遂有魯矣。不知我爹爹悉其兵衆。暴屍千里而攻之。爹爹以爲遂有齊矣。不知越王出三江之口。入五湖之中。屠我國都。滅我宗社。天下之愚。莫過于此。〔淨怒介〕孩兒。你這等小小年紀。那裏去學這些巧語花言。可惡可惡。〔小末〕

〔獅子序〕頻年見國勢顛。怕恩情離間。雖知未言。終豈可坐視。不到親前。〔淨〕你還有甚麼說話。由你說來。〔小末〕若論那廢興的運轉。方將墮社稷。別宗靈。離山川。荒涼宮殿。〔淨〕你那花嘴小廝。不曉世事。只管來胡搗。〔小末〕爹爹眼見此身做鬼。兀自恬然。〔淨〕哇。你怎麼就見得我要做鬼。〔小末〕

〔太平歌〕爹爹你迷花酒。不料已衰年。那越王積怨既深。日夜招軍買馬。積草聚糧。只要來

報仇。不想道他那含忿怨。三江中兇甲能挑戰。六千人君子攻飛箭。只要館娃宮裏去做家園。爹爹你準備殺聲喧。〔淨〕若依你說。我齊國一發不該去了。〔小末〕

〔賞宮花〕爹爹心兒怎偏。齊邦路更懸。總是親得勝。終要受屯。〔淨〕我若勝了齊國。則名揚天下。怎麼反受屯。〔小末〕爹爹。你齊邦一勝。遂欲霸諸侯。會盟北地。那時節。越兵直入。我吳國卻不是進退無門也。偃蹇不通來去信。卻不隔了江東勾踐路三千。〔淨〕孩兒。這是老太宰的好意。要我霸了諸侯。你明日繼了宗祀。各國再沒一個敢來欺負你了。〔小末〕爹爹。你道伯嚭是怎麼樣的人。

〔降黃龍〕是個鷹鷂。他執柄當權。賦性好邪。害良殘善。〔淨〕我聞你與伍員老賊往來。敢又是他的說話了。〔小末〕爹爹。伍員乃先朝老臣。有功王室。是個好人。前朝大老。若說他丹心堪對蒼天。〔淨〕他既是個好人。怎麼把兒子寄在齊國去了。〔小末〕他如今家在身存。先把他兒子寄去。只怕我們後日家亡國破。爹爹就要把孩兒寄與別人去。已無及矣。堪憐。他有兒投託。要投託孩兒的孤身。是何年。〔淨〕我如今早去早回就罷了。〔小末〕咳。爹爹。我只怕

南軍易來。北軍難轉。〔淨〕我這裏兵多將勇。他那裏馬瘦人疲。諒這個越王常臣服我。難道他敢來輕覷。〔小末〕

〔大聖樂〕兵家事深奧難傳。這機謀在一着先。若乘風弄檝。渾忘遠。逆浪裏怎回船。〔淨〕好笑伍員那老賊的言語到中聽。我的言語到不中聽。〔小末〕兒須是爹爹的兒子。應從教。難道他是個閒人反受言。〔淨〕我如今存下一萬人馬。令王孫彌庸助你把守在三江之口。防備越國便了。〔小末〕此事非容易也。拚孤身報國。命赴黃泉。〔淨〕憑你說上天去。我也只是不聽。好笑孩兒識見昏。父言不聽爲何因。平生只有人投我。那見今番我怕人。〔下〕

〔小末〕爹爹。我千言萬語。只是不聽。眼見國破家亡了。怎麼回去見伍相國。〔外上〕

〔稱人心〕招災攬禍。去逆浪狂風尋舵。小殿下。你爹爹行肯回船轉舸。〔小末〕這機關渾閉緊。我從頭說過。空費盡萬語千言。只落得兩眉雙鎖。〔外〕小殿下。若如此說。你做孩兒的不肯聽。定然不濟了。〔外〕

〔紅衫兒〕我不信親兒曾說破。今卻如何。我如今一定要死了。見你邦家覆。豈容

坐臥〔小末〕老相國。我只恨那伯嚭的老賊。弄得來遍地風波。我只恨他眼見得敗葉辭柯。我卻而今怎麼。〔外〕小殿下。自今以後。我自去幹我的事。你自去幹你的事。從此告別。不得相見了。〔小末〕可憐可憐。〔外〕我自離楚國之難。今到這裏。定道尋個好好的結果。不料又是這等。〔外〕

〔醉太平〕婆婆。頭顱盡白。誰知陷在地網天羅。小殿下。分離爾我。今生是罷了。他生去再當相助。〔小末〕老相國。你先死。我不久也就來了。知麼。我孤身不久見閻羅。那伯嚭這老賊。我早伸訴。教他地獄常墮。海深天遠。悠悠此冤甚日消磨。

〔小末〕國破家亡勢不支。

〔外〕孤臣孽子兩分離。

〔小末〕天長地久有時盡。

〔外〕此恨綿綿無絕期。

### 第三十二齣 死忠

〔掛真兒〕〔淨上〕眼見年華真一瞬。只圖快樂朝昏。近國皆投。遐方未順。須自領三軍前進。我夫差收楚服越。聲振四方。只有齊晉二國未順。必要伐他。昨遣太宰先領一枝軍

去與齊戰于艾陵之上。殺得他片甲不存。好笑伍員老賊。又教我不要伐他。如今到被我勝了。見我目下自家要去。必定又來諫我。太宰臨行時。教我必殺那老賊。且待他來。自有區處。前日我坐殿上。見庭下四人相背而倚。一聞人言。則四散走去。我問羣臣。皆說不見。我昨日復坐殿上。見庭下兩人相對。北向人殺南向人。我問羣臣。又說不見。不知爲何。想只是伐齊戰勝之兆。未可知也。〔外上〕社稷看看覆。君王漸漸昏。忠臣不怕死。怕死不忠臣。主公。伍員參見。〔淨〕相國。你前日諫我不該伐齊。今太宰領得一枝兵去。就得勝了。我今日自率六軍。誓平齊國。獨霸諸侯。卻不差殺你。〔外〕臣聞天之所棄。先誘以小喜。方降以大災。齊不過瘡疥之疾。幸而勝之。不過小喜。越實乃腹心之病。一日發作。已是大災。昨聞主公坐于殿上。見四人相背而倚。聞聲走散。此國君失衆之象。又聞北向人殺南向人。此以臣弑君之象。國家將亡。必有妖孽。主公覺悟。國或可保。若終昏蔽。身亦旋亡矣。〔淨〕老賊多詐。是吳妖孽。我以前王之故。未卽行誅。今退自謀。毋勞再見。〔外〕昔前王不欲立汝。我以死爭之。公子多怨我。我有功于汝。反賜我死。我一死何足惜。但恨吳宮盡生荆棘。越人掘汝宗廟耳。〔淨〕老賊。你不忠不信。寄子鮑氏。有外我之心。速宜自裁。不得遲滯。〔外〕老臣不忠不信。前王必斥之。不得



爲前王臣。今得與關龍逢王子比干游于地下足矣。且臣也要先死。怎忍見主公就擒。我死後。須剔我目。掛我頭于國之西門。以觀勾踐之入吳也。〔淨〕老賊。你一死之後。當取汝屍盛以鴟夷之革。投之江中。使魚鱉食汝肉。波濤漂汝骸。又何所知。又何所見。力士石番何在。〔衆應介淨〕你將我那鑊鏹之劍。付與老賊。速令自殺。快來回報我。〔下外跌足去衣提劍呼天介〕我爲汝父忠臣。西破強楚。南服勁越。名揚諸侯。有霸王之功。今日背義忘恩。反賜我死。

〔北一枝花〕哀哉我百年辛苦身。你只看兩片蕭疎鬢。我一味孤忠期報國。那裏肯一念敢忘君。千載勳就便是四海聞忠信。好笑我孤身百戰存。盡功兒將社稷匡扶。盡心兒將社稷扶匡。那裏有竭心的把山河着緊。〔衆〕老相國。你卻纔說道西破強楚。小的們不曉得。你且試說一番。〔外〕

〔梁州第七〕我若說起鋤強楚的英雄兇狠。削荆城的事業功勳。我我我千軍萬馬去當頭陣。殺得他旌旗慘慘。殺得他兵馬紛紛。殺得他隻輪不返。殺得他片甲無存。我我我掘墓屍撻辱亡魂。踐山川走散黎民。我我我送得個昭王逃入雲中。昭

王逃入雲中。嚇得個公主背出閨闈。擄得個夫人。與主上成婚。看宮殿烟塵。丘陵破損。踏平他社稷無根本。那時節諸侯懼。萬方振。添得江東氣象新。今日呵背義忘恩。〔衆〕老相國。你卻纔說南服勁越。小的們不曉得。老相國再說一番。〔外〕

〔牧羊關〕我轉戰度稽山月。提兵泛瀚海雲。送得他上山顛。辟易逡巡。霎時裏宗廟荆榛。頃刻間城池齧粉。嬌滴滴的夫人親灑掃。貌堂堂的國主做編民。囚他在馬坊中。二年久。那時方顯得聲名天下聞。〔衆〕老相國。你有這等功勞。大王爺怎麼這等待你。〔外〕

〔四塊玉〕他他他今將正直誅。到與那奸邪近。鎮日價淫聲美色伴紅裙。酒盃兒送入迷魂陣。那裏管社稷危。那裏管人民窘。那裏管親生兒別處分。〔衆〕老相國。你那裏就見得國破家亡。只管苦諫。你太性急了些。〔外〕

〔哭皇天〕他他他齊國去忙前進。那裏管越王的隨着脚根。那裏管兵戈擁定三江口。那裏管戰船泊在五湖濱。我只怕勾踐將姑蘇來墾。總就有三華瑞露。九轉靈

丹。盧醫妙手。扁鵲神針。也醫不活你吳邦衆子孫。我只落得孤身先死。怎忍見宮殿作塵。〔內鳴鑼催介衆〕大王爺催迫。求老相國早早自盡。〔外〕

〔烏夜啼〕從今去拜別了吳家宗廟。相辭了吳國人民。我老妻一任他死和存。嬌兒那裏去通音信。我如今拚卻孤身。回報前君。慢慢的將前情一一細評論。前情一一細評論。訴說我一生辛苦無投奔。伯嚭你那個賊子呵。我不放空追尋緊。你那裏走難逃遁。只教你上天無路。入地無門。〔內催介〕老相國早早自盡。大王爺專等回報。〔外〕你不要慌。我是個好漢。就去了。

〔尾聲〕一生猛烈把頭顱刎。提着青鋒劍一根。要與前世龍逢做親近。數十年的伍員一霎時身殞。試看渺渺錢塘英靈向浪頭滾。〔丟劍下場介衆〕老相國已死。回覆大王爺去。正是三尺鑷鏹懸白首。一生忠義貫丹心。〔下〕

### 第三十四齣 思憶

〔末扮內臣上〕龍檻沈沈水殿清。禁門深鎖寂無聲。君王去後舞衣冷。日暮水漂花出城。自家掌管

館娃宮一個內監是也。昨俺大王爺伐齊。要與娘娘同去。娘娘身子不好。獨居宮中。怎麼這時候還不見梳洗。只得在此候候。〔淨丑扮宮女上淨〕

〔雁兒舞〕傅粉塗朱。誰嫌貌醜。遇內監拖番。簾邊空轉。〔丑〕被咱拿住不害羞。提着紅氍毹殿中走。〔淨丑〕老公公萬福。〔末〕張風桃李月梅姐拜揖。每常間不曾見你歡天喜地。

今日爲何這等喜地歡天。〔淨丑〕不瞞你說。常時大王爺在此。朝朝寒食。夜夜元宵。那裏有些工夫閒耍。前日伐齊去了。娘娘又身子困倦。日日在洞房中將息。我們甚是閒暇。如何教我不快活。〔末〕便是。不知娘娘近來身子怎麼這等困倦。〔淨丑〕你不曉得。想被大王爺日夜弄壞了。〔末〕難道是這等。〔淨〕不要說大王爺見了娘娘歡喜。就是我前日娘娘要我做嘴。我勉強與他做得一做。滿口兒都是香甜的。〔末〕說謊。難道娘娘要你做嘴。〔淨〕你不曉得。福建前日進一種海味。喚做西施舌。被我偷些嘗嘗。妙不可言。這就是與娘娘做嘴一般了。〔末〕好話。〔丑〕娘娘前日乳癢。也央我搔乳。我便吮他一吮。不覺滿身都麻癢了。〔末〕又說謊。難道娘娘要你搔乳。〔丑〕不瞞你說。前日吳淞江進上河豚白來。喚做西施乳。大王爺喫剩了。也被我嘗得一嘗。妙不可言。這便是喫娘娘的乳一般。

了。〔末〕一發好淡話。若依二位這等說。我也曾枕娘娘的臂哩。〔淨丑〕卻怎麼。〔末〕前日金壇進上蓮花藕。白又白。嫩又嫩。喚做西施臂。常時伏侍大王爺在水殿上。到夜間困倦打盹。就把他來做個枕頭。這就是枕娘娘的臂一般了。〔淨丑〕老公公。這話好不淡哩。環珮聲響。想是娘娘出來了。〔旦手持溪紗上〕

〔喜遷鶯〕年年重九。尙打散鴛鴦。拆開奇耦。千里家山。萬般心事。不堪盡日回首。且挨歲更時換。定有天長地久。南望也。繞若耶烟水。何處溪頭。〔末淨丑〕娘娘

叩頭。〔旦〕起來。我身子困倦。怕人鬧吵。你們都到前殿俟候。待我靜坐一回。〔末淨丑應下旦〕〔千秋歲〕別館寒砧。嚴城畫角。一派秋聲。一寥廓。東歸燕從海上來。南來雁向沙頭落。若耶風。稽山月。宛如昨。無奈被他身來縛。無奈被他情擔擱。可惜風流總閒卻。當初慢留溪上語。而今誤我樓頭約。夢闌時。酒醒後。思量着。我西施自從到吳。不覺三載。領本國主公之命。記范蠡相公之言。教我哄誘吳王。恣意淫樂。眼見得吳國將有敗亡之兆了。但歲月淹留。歸期未卜。一向不知我父母安否。何如。不知范相公功業何如。又不知我國家興復事何如。正是漢皋仙去。環珮空留。浙水人遙。溪紗猶

在好傷感人也。

〔雁魚錦〕追思浣紗溪上游。笑無端邂逅求婚媾。輾轉料那人不虛謬。聽他親說與我緣由。料他們應不便干休。癡心認好逑。只道斷然的到底成佳偶。我未諳練的性兒況且年紀幼。

〔二犯漁家傲〕堪羞。歲月遲留。竟病心淒楚。整日見添憔悴。停花滯柳。怎知道日漸成拖逗。問君早鄰國被幽。問臣早他邦被囚。問城池早半荒丘。多掣肘。孤身遂爾漂流。姻親誰知掛兩頭。那壁廂認咱是個路途間霎時的閒相識。這壁廂認咱是個繡帳內百年的鸞鳳儔。

〔二犯漁家燈〕今投異國仇讎。明知勉強也要親承受。乍掩鴛幃。疑臥虎帳。但帶鸞冠。如罩兜鍪。溪紗在手。那人何處。空鎖翠眉依舊。只爲那三年故主親出醜。落得兩點春山不斷愁。

〔喜漁燈〕幾迴暗裏做成機殼。一心要迎新送舊。專待等時候。又還愁。夜寒無

魚滿船。月明空下鉤。贏得雲山萬疊家。何在。況滿目敗荷衰柳。教我怎上危樓。他這裏窮兵北渡中原馬。何日得報怨南飛湖上舟。

〔錦纏道〕謾回首。這場功終須要收。但促急未能酬。笑遷延羞覩織女牽牛。斷魂尋行春匹儔。飛夢繞浣紗溪口。俺這裏自追求。正是歸心一似錢塘水。終到西陵古渡頭。

一道清泉接石頭。

君王行處不曾秋。

誰言水是无情物。

也到宮前咽不流。

### 第二十五齣 被擒

〔金蕉葉〕〔小末領二軍上〕身危國危。俺爹爹迢遙怎知。欲死戰軍心未齊。待逃亡邦家已矣。岩嶠試一臨。虜騎俯城陰。不辨風雲色。安知天地心。營開江月近。戰苦陣雲深。日夕譙樓上。時聞橫吹音。自家吳國太子友。領父王命。把守江口。以備越寇。誰知國家精銳。盡往伐齊。雖付我老弱萬人。百不當一。越王親率兕甲十萬。君子六千。直渡太湖。我連輸數陣。屢遭飛箭。體被重

傷。鼓衰兮力盡。矢竭兮弦絕。戰矣哉。暴骨砂礫。降矣哉。終身夷狄。今帳下止存得三四千人。被他重圍住。眼見得一命只在目前了。聞得伍相國已賜自盡。我的此身又何足惜。只是爹爹在外難歸。母親在宮憂駭。可憐可憐。我吳自泰伯傳至今日呵。非一朝也。

〔小桃紅〕千年故川。百世洪基。僻守江東地也。一旦聽奸佞。忠義盡誅夷。全不想國傾危。一心要抗西秦。滅東齊。收三晉也。弄得來滿目山河千點淚。我如今呵。欲進徘徊。欲退更何之。〔內發喊衆扮越兵上介〕

〔剗鋏兒〕重重四下干戈砌。團團八面虎狼威。巡行遍營壘。休教潰圍。〔合〕鑼聲要齊。鼓聲要起。若有疎虞。便來殺你。奉文元帥將令。前軍仔細着把守東南西南二路。放出吳太子者。不論正將偏裨盡行處斬。〔下小末〕這是我爹爹自家幹出來的。我也願他不得。只是我社稷宗廟。一旦滅亡。可憐可憐。

〔下山虎〕江山雲暗。社稷烟迷。滿眼淒涼景。教人怎不痛悲。今日到此呵。管不得老母孤單。說甚爹爹遠離。看天外孤鴻北海回。要寫封音書去。怕水遠山遙無



可寄。頃刻將作鬼。白骨亂堆。血污游魂。何日歸。〔內又發喊衆上〕

〔剗鋏兒〕沿江整整排車騎。連山處處列旌旗。喧呼動天地。軍聲似雷。〔合前〕

奉范元帥將令。後軍仔細着把守東北西北二路。放出吳太子者。不論正將偏裨盡行處斬。〔下小末望北拜介〕

〔蠻牌令〕父親呵未報得你恩義。母親呵知何日向慈幃。伯嚭你這老賊。我身雖死。一

點冤心還不死。到地底便追隨。軍校們你聽四下裏幾更鼓了。〔衆〕四下裏鼓角亂鳴。不知

幾更。〔小末〕你看怎麼忽起一陣怪風。想是越兵入營來了。看一陣怪風飄突。更半營殘

月淒其。聽譙樓鼓角亂吹。望營門殺氣迷離。〔衆上介〕連日吳軍被我們都殺盡了。想營

中存不得幾百個人。我們如今都要上前殺將進去。〔見小末介〕小殿下這時候還不投降。更待何

時。〔小末仗劍出關介〕你勾踐受我父王不殺之恩。今日背叛。我到降你。〔衆奪小末劍介〕我越

國也有小小石室一所。瘦馬幾匹。請小殿下枉顧一枉顧。〔小末〕

〔尾聲〕悠悠頃刻離塵世。黃泉有夢也難歸。不似人間的海角天涯。〔衆拘小末〕

下持火把上。我們乘勝殺上前去。先把那姑蘇臺燒了。〔做燒臺介〕且立城上介。越國衆兵聽着。我就是越國西施。今作吳國夫人。傳示范文二位大夫。吳國大王又不在此。不得驚嚇我。你暫且收兵回去。〔衆跪應介〕既是西施娘娘說。我們暫且回覆二位將軍去。正是暫聽城上佳人命。且偃營中大將旗。〔下〕

### 第二十六齣 飛報

〔金瓏璫〕〔淨丑上〕齊邦今服我。要看三晉如何。今轉戰渡黃河。〔丑〕諸侯俱聽

命。誰似我功多。看奏凱發長歌。〔相見介淨〕太宰。我提兵北征。齊邦已服。今同我魯公弟會

晉公午于黃池。要行齊桓晉文故事。昨已渡河。兵臨晉境。欲爲盟主。遂霸諸侯。太宰意下如何。〔丑〕

吳乃秦伯之後。晉乃唐叔之後。同爲姬姓。吳國爲尊。這盟主決該是我們。誰敢奪得。〔衆扮探子上〕

奔馳如過電。倏忽似流星。報報報。〔淨〕探子。你那裏來的。報甚事。〔衆〕本國來的。報軍情事。越王

勾踐統領兕甲十萬。君子六千。出五湖之中。入三江之口。已過樵李。直抵姑蘇。將勇兵強。一言難盡。

〔淨〕有這等事。

〔六么令〕我山河環拱。這威風獨壓江東。越王勾踐昔孤窮。常臣服甚飄蓬。他如何擅把兵戈動。如何擅把兵戈動。〔衆〕

〔風入松〕他秋風劍戟倚崆峒。兕甲十萬喧闐。六千人君子親隨從。兵戈擺密。無纖縫。轅門下都是長刀大弓。人似虎馬如龍。〔丑〕前日主公已令太子同王孫彌庸

統領精兵。把在江口拒敵了。〔淨〕

〔六么令〕孩兒兇勇。領精兵江上相衝。況彌庸扶助甚英雄。能殺賊定成功。今朝難道能無用。今朝難道能無用。〔衆〕大王爺不要說起。我家太子可憐可憐。〔淨〕怎麼。

〔衆〕

〔風入松〕一身轉戰作先鋒。單鎗獨馬飛鞚。親遭暗箭身重傷。〔淨〕那時節卻怎

麼。〔衆〕即時收兵回寨。軍馬止存得十分之一。又都是傷刀帶箭的。逃回寨不禁疼痛。他

黑夜斬關入營。我兵和將一齊空。〔淨〕這等說。我家太子被他拿去了。〔衆〕不要說。像是

拿去就殺了。〔淨〕兀的不痛殺我也。〔丑〕主公敢是他說謊。沒有此事。〔淨〕探子。我且再問你。

〔淨〕

〔六么令〕蘇臺雲聳。遍週遭盡是崇墉。我家西施娘娘住在此處。佳人日夜住其中。多嬌怯怕邊烽。兵戎難道也曾騷動。兵戎難道會騷動。〔衆〕大王爺。不要說起。姑蘇臺通被他燒盡了。〔丑譚介〕不要慌再造。〔衆〕大王爺的龍舟。通被他擄去了。虧了娘娘登城。分付越兵。不可在此攪擾。如今打從海道入江來了。〔衆〕

〔風入松〕蘇臺燒得遍天紅。駭得人來怕恐。層樓疊閣連飛棟。都做了一場春夢。全虧娘娘建功。由海道入江中。〔淨〕我道虧了我家的美人了。我且再問你。他由海道入江來做甚麼。

〔六么令〕波濤洶湧。況迢遙大海多風。姑蘇隔絕路難通。來江上定相逢。想應要進周家貢。想應要進周家貢。〔衆〕大王爺還不曉得。不是來進什麼貢。他入江來要絕我家的歸路。

〔風入松〕他擁軍江上阻兵戎。若遇着定要交鋒。後軍范蠡前文種。斷歸路無

門投送。望吳國雲山萬重。怎能穀出樊籠。〔淨〕探子。我通曉得了。生受你。賞你元寶一個。不要對人說。〔衆〕謝大王爺。〔下淨〕太宰。如今怎麼好。前日哄我放勾踐是你。勸我伐齊又是你。要我殺公孫聖伍相國又是你。如今怎麼好。〔丑〕主公。這都是主公自家的主意。我伯嚭在中間不過略攬掇得一攬掇。若主公那時不肯。我也罷了。〔淨〕你看轅門外有甚麼人到。想是晉國差來的了。卻纔帳下有七個軍校。聽得探子說話。必然走漏消息。太宰。你與我都拿去殺了。〔丑〕應下外扮晉大夫董褐上。〔早奉晉王命。忙投吳帳來。〕下官晉國大夫董褐是也。奉主公命。來見吳王。不免竟入。〔進見介〕吳國大王。晉國下大夫董褐參見。〔淨〕董大夫少禮。大夫到此何幹。〔外〕奉本國主公命。來請會盟之期。兼議何國合爲盟主。〔淨〕大夫。吳乃秦伯之後。晉乃唐叔之後。雖同爲姬姓之國。我實有長兄之尊。若欲歃血。吳當爲先。晉宜次之。魯又次之。期在明日午時。不可遲滯。〔外〕敬領尊命。回復主公。〔下淨〕王孫駱大夫那裏。〔小末〕主公。王孫駱參見。〔淨〕大夫。我前日不聽公孫聖伍相國之言。今日果然勾踐入吳。殺了太子。燒了姑蘇臺。他由海道直進長江。我今擁兵晉郊。歸路甚遠。將不會盟而圖歸乎。將會盟而先晉乎。〔小末〕主公。若不會盟而歸。則越人益以我爲怯。必竭力以

絕我歸路。齊宋必以我爲敗。將來溝以擊我回軍。則我輩俱無生路矣。若會盟而先晉。則晉執諸侯之柄。必率我以見天子。我歸吳益遲滯矣。不如昏夜飯軍飼馬。暗行而前。直達晉城。以決勝負。如此則必先執諸侯之柄。我之進退。綽綽然有餘裕矣。〔淨〕大夫之謀甚善。可速傳令各營將士。二更造飯。四更結束。人要啣枚。馬要摘鈴。弓要上弦。刀要出鞘。殺到晉城。不許遲慢。違令者斬。〔小末傳令介〕正是金鼓兼程進。旌旗背水陳。莫辭一夜苦。要保萬全身。〔下〕

## 第二十七齣 同盟

〔胡搗練〕〔生扮晉君衆扮軍校上生〕河西地久昇平。文公霸後稱強盛。豈料吳人

來犯境。恃強凌弱。要先盟。自家晉國寡君名午的是也。恪守封地。盡忠王朝。不料吳王恃強。提兵犯境。要會黃池。求爲盟主。昨已遣董大夫請盟。怎麼這時候不見回來了。〔內吳軍鳴鑼叫喊介生〕將校。郊外爲何殺聲震天。〔衆〕啟爺。吳王提兵親到城下。只要廝殺。不知何故。道猶未了。董大夫早到。〔外進見介〕主公。董褐參見。〔生〕大夫少禮。遣大夫請會盟之期。今吳兵竟自臨城何也。

〔外〕臣見吳王。他說道吳乃秦伯之後。晉乃唐叔之後。若會盟歃血。吳先之。晉次之。魯又次之。期在

日中。今侵晨來犯。必有其故。請主公同小臣登城問之。看他怎麼說。〔生〕正是。〔外〕做登城問吳軍。〔介〕晉國寡君。敬問吳國大王。昨約日中會盟。今乃越次而造敝邑。敢問其故。〔淨內應介〕天子有命。周室微弱。諸侯貢獻不入王府。緣無姬姓之助。晚來連遣數使。來告寡人。今急欲定盟。以征一二不供王事之國。會期既迫。恐事之不集。爲諸侯笑。寡人欲決一戰。盡在今日。勝則我爲盟主。君來事我。不勝則君爲盟主。我來事君。恐又勞使者遠來。乃親聽命于籬籬之外。〔外〕主公。吳王欲決一戰。以爲盟主。臣觀其顏色。似有大憂。小則愛妾嫡子死。大則越兵必入吳。今其勢甚毒。不可與爭。就許先盟。以待其變。〔生〕只憑大夫。可回報之。就請吳魯二君。同赴黃池之會。〔外〕領命。〔復出對吳王。〕〔介〕晉國寡君。敬告吳國大王。吳當爲盟主。敢不順從。就請吳魯二位大王。同赴黃池之會。〔淨扮吳王。小生扮魯君。丑扮伯嚭。末扮季孫斯。上淨丑。〕

〔燒夜香〕千軍萬馬獨專征。各國諸侯誰不戰驚。今到黃池早會盟。〔小生末〕早會盟。江左武功成。須省各要和諧。從今莫競。〔衆報介〕吳魯二國大王到了。〔生出接淨。〕

小生同拜〔介淨〕晉公弟。魯公弟。獨霸中原數百州。黃池今日會諸侯。〔生小生〕吳公兄。包茅重入

歸天上。王祭還供盡海頭。〔丑末外〕伯嚭董褐季孫斯參見。〔淨生小生〕諸大夫少禮。〔淨〕晉公弟。魯公弟。你家先祖周公唐叔俱稱我家先祖。泰伯是伯祖。今日會盟歃血。我當爲首。晉公弟次之。魯公弟又次之。〔生小生〕吳公兄之言。敢不聽命。〔淨〕今一依齊桓公葵丘之會故事。速取歃血盆過來。〔淨跪歃血介〕凡我同盟之人。旣盟之後。有不尊周室。不睦鄰國者。有如此血。〔生小生歃血同淨介外〕會盟已完。請各大王赴宴。〔生〕將酒過來。〔送淨介〕願吳公兄千歲。〔送小生〕魯公弟同之。〔生〕

〔梁州序〕三邦齊會。一時同姓。最喜親盟折證。年年修職。及時貢獻王庭。〔小生送淨生酒介〕願吳公兄千歲。魯公兄同之。但願皇圖萬載。列國千秋。壽並南山。永車書今一統盡澄清。會看周公禮樂興。〔合〕劍履肅冠裳映。看兄酬弟唱能恭敬。躋化域。共歡慶。〔淨送生小生酒介〕晉公弟。魯公弟。滿飲此杯。〔淨〕

〔前腔〕黃花時候。清秋風景。勁翮長空馳騁。〔攜丑手前行介〕蘇臺縹緲。堪憐塞雁孤征。〔丑低唱介〕羞見啣蘆北渡。避弋南飛。不受些兒警。〔生小生私語竊聽介淨低



唱介〕此身如隻侶失羣鳴。〔回轉身高唱介〕看聳翼翱翔到海冥。〔合前丑末外進酒介〕願各大王殿下千歲。〔丑末外〕

〔節節高〕干戈四海清。享安榮。烽烟處處皆平靜。天王聖。萬國寧。諸侯順。羣邦誰似姬家盛。定看海宇揚名姓。〔淨〕譙樓上幾更了。〔衆〕二更了。〔淨〕傳下號令。酒席一散。

各國俱拔營回去。〔衆傳令介合〕離筵一散各回營。轅門火速傳飛令。〔丑末外〕

〔前腔〕樓頭鼓角聲。已二更。西風蕭瑟征衣冷。旌旗整。牧馬鳴。邊笳競。凱歌簇。處處聲振。三軍個個敲金甃。〔合前生末小生外別淨先下淨〕王孫駱大夫那裏。〔小外上〕

王孫駱參見。主公有何分付。〔淨〕與我告勞於周。兼領一軍斷後。以備齊宋追趕。太宰。我與你就拔營回去。再不可遲矣。〔丑〕正是。〔淨丑先下小外〕主公。你聽信奸佞。誅殺忠良。變生鄰邦。兵留他境。欲去怕越兵阻其前。欲留恐齊宋議其後。今遣我小臣告勞于周。領兵斷後。君父有難。死生從之。敢不聽命。不免去走一遭。只是主公。你今日就到家也是遲了。

〔尾聲〕江東此去程途巨。想三吳百姓震驚。可惜幾百尺蘇臺一日傾。

蘇臺烽火綺羅空。

尙想青山繞故宮。

誰道提兵到齊地。

卻教黃蝶領春風。

第二十八齣 誓師

〔似娘兒〕〔小生貼生末淨丑領衆上小生〕日夕履危基。笑十年未脫戎衣。〔貼〕深讎要報休遲滯。〔生末淨丑〕弓刀簇擁。二軍喧哄。更兼萬馬奔馳。〔相見介生末〕主公。一

向吳之所以未亡者。以內有太子之賢。外有伍員之勇。今太子陣歿。伍員諫誅。況我十年生聚。十年教訓。兵精糧足。弓強馬肥。乘他將渡江時。千里疲敝。我兵直衝其前。齊宋兩躡其後。不早截殺。更待何時。〔小生〕多承教訓。但恐我兵一出。家國空虛。倘有他虞。如何是好。〔生末〕臣聞夫人性行威嚴。患難相保。凡宮中之事。事無大小。悉以委之。必能內政肅清。宮闕整飭。大夫泄庸計倪。才猷素聞。忠勤茂著。凡國中之事。事無大小。悉以委之。必能外教修明。朝野寧謐。主公雖出。亦無憂矣。〔小生〕旣然如此。請夫人向屏而立。寡人背屏而拜。自今已後。軍中有事。罪在寡人。宮中有事。罪在夫人也。〔貼〕敢不受命。〔小生送貼下小生〕泄大夫。計大夫。請二位向垣而立。待寡人背垣而拜。自今以後。

臨敵不戰。軍士不練。罪在寡人。土地不修。糧草不繼。罪在大夫也。〔淨丑〕敢不受命。〔小生送淨丑先下生末〕內外政教。既已委人。但師行而前。全在賞罰。請主公即日登壇行令。〔小生做登壇介〕衆將官過來。今日登壇。可斬死囚三人。以徇于軍。曰有貨財相通者。有如此囚。〔衆應介小生〕明日至郊外。可斬死囚三人。以徇于軍。曰有隊伍不整者。有如此囚。〔衆應介小生〕後日至境上。可斬死囚三人。以徇于軍。曰有淫逸不率教者。有如此囚。〔衆應介小生〕軍中有親老無昆弟奉養者。以告。〔衆〕小人有父母。年已七十歲了。〔小生〕我有大事。汝有老親。汝爲我死。無人奉養。放汝歸去。待父母亡後。方圖用汝。〔衆〕謝爺爺。〔小生〕軍中有兄弟四五人同在此者。以告。〔衆〕小人兄弟四人在此。〔小生〕我有大事。汝有兄弟皆在此。我若戰敗。則汝宗祀俱絕。可令一人歸去。〔衆〕謝爺爺。〔小生〕軍中有疲癯殘疾者。以告。〔衆〕小生一隻眼是瞎的。一隻腿是壞的。〔小生〕我有大事。汝有殘疾。放汝歸去。待好了用汝。〔衆〕謝爺爺。〔小生〕軍令已申。即可前進。但我屯軍江南。彼屯軍江北。如何迎敵便好。〔生〕待昏黑時。臣將左軍。啣枚泝江而上五里以待。文大夫將右軍。啣枚踰江而下五里以待。交至半夜。兩軍擊鼓鳴鑼。齊聲吶喊。吳王必分兵敵我。主公那時可親率君子六千。啣枚暗

渡。直搗吳營。左右夾攻。表裏受敵。無不勝矣。〔小生〕既然如此。就領兵前去。〔衆應介小生〕

〔二學士〕數載辛勤期雪恥。今朝始得驅馳。營中已聽君王令。看闔外高懸大將旗。〔合〕此去姑蘇三百里。誓鞭敲金甃歸。〔生末〕

〔前腔〕當日親曾投浙水。而今始整戎衣。看三軍劍掣浮雲氣。況萬騎弓彎明月輝。〔合前〕

〔小生〕談笑揮戈莫受降。

〔生〕金鞭投處渡長江。

〔末〕蘇臺面縛君臣到。

〔合〕伯嚭夫差共一雙。

### 第二十九齣 行成

〔天下樂〕〔淨旦上〕滿目西風木葉黃。秋來殺氣遍林塘。〔旦〕試聽刁斗疑清漏。不似吳宮一夜長。〔相見介淨〕美人我自齊晉回來。正要朝懽暮樂。不料國破家亡。看起來。只因

〔當初不聽好人之言。今日致有如此。前日我兵在江北。越兵在江南。尙圖一戰。以決存亡。不料勾踐這廝。將左軍屯在上流。右軍屯在下水。兩面夾攻。我只得分兵策應。他到驀地親領中軍。半夜潛渡。

直抵我壘。一時抵敵不過。被他殺得片甲不存。如今收拾得些殘兵敗卒。棲此姑蘇之上。還幹得甚麼事來。美人。煩你傳示你家勾踐姪兒。只說看你做姑娘的面。饒了這個老頭兒罷。〔旦〕大王放心。妾自有道理。〔淨〕千年霸業空。四野軍聲沸。試看斗牛間。昏騰橫劍氣。〔淨〕

〔朝天子〕劍氣昏騰牛斗傍。謾對青燈舞泣數行。怎能穀館娃深處醉紅妝。笑吳王。當初誰遣到齊邦。卻淒涼故鄉。卻淒涼故鄉。〔旦〕勾踐姪兒最聽奴家說話。大王

不必煩惱。自有妾身在此。且自圖歡樂。再作區處。妾貌如桃花。蛾眉爲君畫。合殿獨承恩。中宵纔舞罷。〔旦〕

〔前腔〕舞罷中宵入洞房。笑倚東窗下白玉牀。看微微殘月下迴廊。伴君王。芙蓉小帳焚香。且風流幾場。且風流幾場。〔淨〕雖然如此。你家勾踐姪兒那裏知道我和你

這等相好。必須着人去說。或者他便收兵回去。〔旦〕前日的事。都是太宰弄出來的。今差他去。怕他不去。〔淨〕正是。美人你且迴避。待我喚他出來。太宰那裏。〔旦背語介〕閉門不管窗前月。分付梅花自主張。〔下丑上〕伯嚭參見主公。有何分付。〔淨〕你這個花臉小人。油嘴老賊。〔丑〕怎麼便破口。

〔淨〕你弄得我一個國家七零八碎。送得我一個身子七上八落。如今怎麼好。〔丑〕常言道可與共安樂。亦可與共難患。當初主公懽喜。伯嚭也懽喜。如今主公煩惱。伯嚭也煩惱。難道主公目今受苦。伯嚭到快活不成。〔淨〕不要胡說。當初文種來請行成。我甚不肯。都是你攬掇我。勉強應承了。今日只得也要去請行成。你須索與我走一遭。〔丑〕當初來請行成。其實有我這等好人攬掇。主公就許了。我今去時。范蠡是一個奸險的小人。文種是一個古怪的漢子。就是越王許了。他兩個怎麼肯。〔淨〕終不然不去不成。〔丑〕去是去。只是一節。記得他當初先來求我。送我黃金五千兩。綵段五千匹。白璧十雙。美女兩個。禮尚往來。今日空手。教我怎麼去。〔淨〕我到不曉得。你受了他許多東西。我如今那裏管你。自去賠出來。〔丑〕黃金彩段白璧。一向都消花盡了。只剩得兩個婦人。年深月久。被我都弄壞了。怎麼去得。〔淨〕也罷。我只得收拾東西與你去。〔丑〕又有一說。我去時。他若不許也罷。他若相許。如何好。〔淨〕卻怎麼。〔丑〕他家當初有好人文種治國。范蠡從君。做出今日許多事業。我家只有伍員曉些世事。太子少年老成。今皆告別去了。止存得區區一人。又是要受用不奈煩的。終不然許了行成。到是我同主公去不成。〔淨〕陡。你哄我殺伍員并太子。以致今日國家沒人。你若不

去。當初賜伍員鑄鏃劍在此。〔丑〕主公。我取笑說。就發惱起來。我便去便去。行成的事。一如他前日故事便了。〔淨〕

〔一封書〕皇天降禍殃。老景艱難真可傷。伊今到彼邦。這言辭要審詳。君請爲臣妻作妾。情願三年住馬坊。〔合〕辦行裝。過錢塘。須萬歲山呼拜越王。〔丑〕

〔前腔〕別君去異鄉。與伯嚭今朝甚麼相。主公。他的糞也要嘗。這腥臊卻怎當。打點焦頭并犢鼻。管取和他做一場。〔合前〕

〔淨〕禍兮福所伏。

〔丑〕福兮禍所依。

〔淨〕試看簷頭水。

〔丑〕點滴不差移。

### 第四十齣 不允

〔丑上〕暑往寒來春復秋。夕陽西下水東流。將軍戰馬今何在。野草閒花滿地愁。自家伯嚭。當初隨了主公。因人成事。棲越王于會稽之巔。敗齊師于艾陵之上。何等威勢。何等煊赫。誰料被越追趕。旣敗于圍。復敗于役。又敗于郊。猶如喪家狗。好像落湯雞。今日到教我請行成。兩日拿了禮物在范文

二大夫營前俟候。他們是個清官。不要錢的。聞說道都在越王帳中議事。如今只得往轅門首打聽。想必有個消息。此間已是轅門。不免俯伏則個。〔生戎衣上〕將軍出轅門。耿介當風立。諸將欲言事。逡巡不敢入。兀的那轅門下俯伏的是什麼官。〔丑〕小臣是吳國太宰伯嚭。〔生〕老太宰請起。〔丑〕越國大王爺在上。小臣怎敢。〔生〕老太宰到此貴幹。〔丑〕孤臣夫差。敢布腹心。昔日得罪于會稽。我夫差不敢逆大王之命。卽許行成。今大王舉兵而誅下國。下國敢不惟命是聽。意欲以今日之姑蘇。卽如前日之會稽也。伏乞大王哀而許之。〔生〕我進去就啟上主公。若有文表。卽此披宣。〔下丑〕

〔駐雲飛〕江上孤臣。伏乞君王聽訴。因念衰邁多艱窘。急迫無投奔。我君情願做編民。妻爲妾媵。貢獻王庭。禮物年年進。敢忘皇天父母恩。〔生上〕太宰。主公有命。昔會稽之事。天以越賜吳。吳不肯受。今天以吳賜越。越豈可逆天之命乎。實難從命。〔丑〕當初我家主公。只憑伯嚭做主。許越行成。今老夫獨不能與吳做主。〔生〕太宰。只因你吳王憑你作主。致有今日。我主公豈肯聽我。〔丑〕范大夫。想你是推調了。文大夫在何處。敢求一見。〔生〕太宰少待。待我請他出來。〔下末戎服上〕結綬金馬庭。高議雲臺上。昔爲幕下賓。今作營中將。老太宰請起。〔丑〕下



官豈敢。我主公多拜上老大夫。向年行成。只憑老大夫之言。就見許了。今欲一依會稽故事。君請爲臣妻。請爲妾。伏乞大王憐而赦之。〔末〕我與你啓上主公。若有文表。再當披宣。〔下〕

〔前腔〕〔丑〕吳國游魂。再拜君王聽訴。因念城闕如齋粉。宮殿成灰燼。我君情願受遭。迤任親嘗糞。石室羈囚。不要說三年。便十載親承認。祝讚皇圖萬萬春。〔末上〕太宰。主公有命。寡人早朝晏罷。辛勤十年。專爲夫差。豈能一旦棄之。況天與不取。反受其咎。實難從命。〔丑〕文大夫。向年多承見惠許多禮物。今日送上。比舊加倍。黃金萬兩。錦段萬疋。白璧二十雙。美人四個。一送范大夫。一送文大夫。因二位不在營中。不敢擅送。沒奈何再望擯掇一聲。〔末〕老太宰請起。我悄悄對你說。此事斷然不成了。爲今之計。不如撇了你家主公。及早回去。收拾家私。竟奔過錢塘江來。我們都是受你恩惠的。難道不與你個大夫官做。〔丑〕謝大夫。此計甚妙。下官就此告辭了。

〔末〕勸君急急早回車。

〔丑〕不許行成莫浪噓。

〔末〕休戀故鄉生處好。

〔合〕受恩深處便爲家。

第四十一齣 顯聖

〔外扮伍員上〕浩蕩君恩似海深。鴟夷漂泊任浮沈。波濤來往豈無意。欲洗孤臣不二心。我伍員自從賜劍殺身之後。玉帝因見我忠義。欲顯我英靈。封爲錢塘江之神。白馬素旌。雪袍銀甲。隨波上下。依潮往來。今聞我兵戰敗。越將入吳。我且坐據胥門。待其兵到。疾風震雷。飛石揚沙。要他拜求。方可假道。正是平生多勇烈。死後有神靈。〔側首高坐介生末領衆上〕衆將官聽着。我今追趕吳寇。已過松陵。須連夜殺入城去。〔衆〕稟上二位老爺。遠遠望見胥門城上一個神道。目如燦火。頭若車輪。鬚髮四張。光射數里。不敢前去。〔生末〕待我去看呀。果然是一個神道。好駭人也。

〔四邊靜〕胥門城似閻羅殿。神通實靈顯。頭大似車輪。目光若飛電。〔合〕欲待向前。不禁驚顫。畢竟是何神。公然晝出現。〔內鳴鑼介生末衆作倒跪對城上介〕想是伍相國的陰靈。須當拜求。大吳老相國伍公在上。小官等奉主公命過此。願乞假道。〔外〕范大夫。你輔助主公。做得好事業也。〔生〕豈敢。〔外〕文大夫。你扶持國家。幹得好功勞也。〔末〕豈敢。〔外〕早知你們必破我國。故置我頭于西門。以觀越之入吳。但我不忍見此。故作風雷以驚汝軍。然此乃是天數。

安能止之。汝須從東門而入。不可犯我疆界。快去快去。〔外下生末〕有這等異事。我們如今卽打從東門去罷。正是精靈應不死。面貌儼如生。〔下淨攜旦上淨〕單單剩得好夫妻。地黑天昏徑路迷。〔旦〕莫道吳宮擅恩澤。夢魂常在苧蘿西。〔淨〕美人。你看陰風慘慘。殺氣騰騰。越兵自東門而入。已進宮來。如何是好。〔旦〕大王放心。前日燒姑蘇臺時。也是我分付他們。收拾回去了。你如今省得在此驚怕。可潛出宮中北門。暫往陽山棲息。待他兵入宮來。我自分付他們回去。那時大王回宮未遲也。〔淨〕寡人就此相別。美人。我在彼專待。不可哄我。〔旦〕賤妾豈敢。〔淨〕正是暫時逃患難。不久便歡娛。〔下旦〕我今且立在園中樹林之下。待他入來。看范大夫認得我否。〔生末領衆上〕衆將官聽着。我今假道已進東門。就此殺入宮去。〔衆〕稟上二位老爺。遠遠望見樹林之下。有一神女。飄如鷺鴻。宛若游龍。恍惚去來。不可爲象。不敢前去。〔生末〕待我去看呀。果然有一神女。〔生末〕

〔前腔〕樹林中是觀音院。儀容世間鮮。天矯若游龍。蹁躑似飛燕。〔合前內鳴鑼生末衆驚介〕只見清風一陣。異香襲人。甚像西施美人的模樣。〔衆作禮旦回答介生末〕西施美人在上。奉主公之命。領兵到此。不知吳王今在何處。〔旦〕范文二位大夫。仗公等忠義。得報國仇。吳王

遁逃陽山去了。〔生末〕既然如此。就請美人到營中先見主公去。〔旦〕正是三載已飛他國夢。一朝還作故鄉人。〔下生末〕衆將官。吳王旣在陽山。我們連夜趕去。殺他便了。正是

用箭須用長。

挽弓須挽強。

射人先射馬。

擒賊定擒王。

### 第四十二齣 吳刎

〔菊花新〕〔淨小外同上淨〕當年戰勝氣何豪。霸業誰知一日消。〔小外〕奔走到荒郊。不辨前途昏曉。〔淨〕王孫大夫。我被越兵追趕。直到此間。前日遣伯嚭去請行成。怎麼這時候

還不見他回報。〔小外〕主公差矣。伯嚭是天下第一等奸臣。他見越王不許行成。潛自逃遁去了。還

想他來回報。〔淨〕王孫大夫。旣是這等奸邪。怎麼你平日不見說他一句。〔小外〕若王孫駱平日說

他。也要認伍相國的鑄鏤劍了。怎得相隨主公到今日。〔淨〕前日西施娘娘教在此躲避。怎麼這時

候還不見來接我。〔小外〕主公又差矣。你道西施是那裏人。他是越國來的。焉知這幾年不是來我

家做反間的。〔淨〕娘娘與我一心一意的人。難道他也如此。王孫大夫。我自出宮。晝夜奔走到陽山

來。我今日視茫茫。行步猖狂。肚又飢。口又渴。如何是好。〔作伏地拾生稻喫介〕此是何物。〔小外〕是生稻。〔淨〕公孫聖所謂不得火食。走獐徨者此也。我殺公孫聖。投于此山。當時他不肯葬埋。欲留影響以報寡人。不知果有靈應否。〔小外〕主公。你試呼之。〔淨作呼公孫聖內作應三呼三應介淨仰天大呼介〕夫差夫差。平日這等不知善惡。不辨賢愚。豈得再返吳國。〔對內作禮介〕情願世世敬事公孫先生。〔生末領衆上〕謾說封侯稱大將。誰知死戰是書生。吳王吳王。你尙不知自盡。更待何時。〔淨〕你二位就是范文二大夫麼。吾聞高鳥盡。良弓藏。狡兔死。走狗烹。敵國破。謀臣亡。今吳國已破。輪該二位大夫了。〔生末〕大王不必多言。我等奉主公命。傳上大王。吳有大罪六節。大王曉得否。〔淨〕二位試與寡人言之。〔生末〕殺伍相國。大罪一也。誅公孫聖。大罪二也。信任伯嚭。大罪三也。北伐齊晉。大罪四也。吳越同音共界。侵而辱之。大罪五也。忘越殺闔閭之讎。反放歸國。以貽後患。大罪六也。今天以吳賜越。敢不敬受。〔淨〕寡人已聞命矣。

〔榴花泣〕千年基業。王氣鬱岩嶢。平生志在雲霄。誰知倏忽便蕭條。只見城池宮闕都作白烟消。閒花野草。看荒郊麋鹿游殘照。走狗塘捲卻旌旗。鬪雞陂折

盡弓刀。〔生末〕死者雖人所惡。今大王有六大罪而求生。豈不鄙哉。〔淨〕寡人知之矣。不必多言。王孫大夫。〔小外應介淨〕

〔前腔〕蘇臺不見。想起那多嬌。同月夕。伴花朝。清歌妙舞醉鮫綃。而今何處虛度可憐宵。游魂縹緲。洞房深。何日還重到。浣花池碧草淒淒。採蓮涇綠水滔滔。〔生末〕臣聞世無萬歲之君。生死一也。胡乃不知自決。必欲以小國之劍。加大王之頸乎。〔淨〕諸君請少退。不勞催迫。〔淨〕

〔漁家燈〕王孫大夫。若提起舊日根苗。不由人不淚雨空拋。伯嚭那老賊呵。我一心認是濟世夔龍。誰知你是蠹國鴟梟。自古道人年五十不爲天。我夫差今已六十餘歲。鬢毛盡白。就死也勾了。看鬢毛不似還年少。總在世也不多年了。〔看劍介〕偷瞧。獨鏤在腰。拚血濺團花戰袍。〔生末〕主公有命。請大王早早自裁。毋得留滯。〔淨〕夫差也是個好漢。

我就去了。王孫大夫。我生既多慚。死亦有愧。我死後無知也罷了。倘若有知。何面目見太子并伍相國公孫聖于地下。可將繡羅三尺。以掩吾目。不可忘了。〔小外〕是。〔生末〕王孫大夫。你是個忠臣。不

比伯嚭。我主公必有重用。略請少退。休得留滯大王。〔淨〕王孫大夫。你可善事新君。〔小外哭介〕臣聞烈女不更二夫。忠臣不事二君。大王先行。小臣不久也就到了。〔衆挽小外下淨拔劍在手介〕

〔前腔〕今日裏拜辭江山。明日到地底游遨。掩雙睛怕覩孤兒。笑獨夫怎見羣寮。伯嚭這廝。我已自死。你難道獨生。越國軍士聽着。〔衆跪應介〕多拜上你家主公。伯嚭是個奸臣。速宜殺之。不可留用。〔衆〕大王就殺他也遲了。〔淨〕兒曹。你速向君王報。那奸佞決不宜饒。這場羞怕不得諸侯笑。大丈夫到頭來休要惱。

〔尾聲〕在世間空喧鬧。你看怨氣騰騰入九霄。堪笑夫差也只這遭。〔投劍下內云〕主公有命。范文二大夫聽着。吳王既死。當高其墳隴。多其封樹。以國君之禮葬於秦餘杭山下。即可收兵回來。擒那奸臣伯嚭。不可遲滯。〔生末〕知道了。正是善惡到頭終有報。只爭來早與來遲。〔衆下〕

## 第四十二齣 擒嚭

〔哭相思〕〔小末外末扮陰靈上小末〕千載吳宮皆禾黍。嘆故國已無主。〔外〕看來往

游魂無定所。〔末〕陽山路。怎歸去。〔相見介〕〔憶秦娥〕〔小末〕雲垂幕。陰風慘淡。天花落。天  
花落。想生前環珮。夢迴鸞鶴。〔末〕旌旗片片穿林薄。游魂渺渺增離索。增離索。〔外〕嘆太湖烟水。館  
娃樓閣。〔小末〕老相國公孫先生。自從我三人殺身之後。越已破吳。我父親奔在陽山。不知下落。聞  
滿朝文武。只有一個王孫大夫相隨。伯嚭那老賊。受了國家許多厚恩。不知他走在那裏去了。〔外〕  
昨遣陰兵打聽。這廝收拾家私。投奔越國。今夜將渡錢塘。我今領兵守住江口。待他渡時。擒拿這廝  
便了。〔末〕想那老賊尚在太湖之間。趁此雪天。不如領兵迎將上去。那裏待他。〔小末外〕正是。正是。  
陰風捲征旆。朔雪渡關河。〔下丑上〕當年行樂遍湖山。牢落方知行路難。半世功名走江外。一生奸  
佞誤人間。自古道無平不陂。無往不復。我伯嚭爲何道此兩句。我平日懷害人吐腸。具殺人手段。便  
與孔夫子同列。背後也起干戈。就與魯周公並肩。當面必然排擠。數年之間。把吳王一個國家弄得  
乾乾淨淨了。不道暗地損人。輪到我逆風點火自燒身。蘇臺燒了。吳宮破了。主公走了。西施原同范  
蠡來了。秋鴻春燕原讓文種去了。好笑一座冰山。今作半杯雪水。我今帶了許多金銀寶貝。領了妻  
兒老小。前往越國。指望再討個官做。誰知到半路裏。被這些亂軍把我金銀搶去分了。夫人背去用



了。剩得單單一身。遇着今夜雪又大。風又緊。只得前往錢塘。渡江過去。尋范文二大夫。再做道理。  
〔內鳴鑼吶喊介〕趕上去。趕上去。〔丑〕你看金鼓連天。殺聲震地。又不知是吳王遣兵尋我。又不知是越軍戰勝回來。我雖與越王相好。倘或他衆軍不認得我是有恩的伯謩老爺。被他殺了。如何是好。只得向前躲避。再作區處。

〔香柳娘〕值寒天道途。值寒天道途。欲投前路。奈漫空風雪飄零舞。念羈身命孤。念羈身命孤。前去覓相知。相知在何所。想當初風花雪月。我此時已醉了。今日受這等苦楚。想當日在吳。想當日在吳。紅妝醉扶。今成逃虜。〔下小末外末帶陰兵上外〕

伯謩走到那裏去。我伍胥在此等候多時了。呀。卻纔見伯謩慌慌忙忙。奔走江上。如今又往那裏去了。想只在前面樹林中躲避。衆軍士不免再趕上去。〔下丑上〕不好了。不好了。後面軍兵聲聲伍胥要捉伯謩。不免躡行。速渡江去。〔做跌介〕

〔前腔〕聽聲聲子胥。聽聲聲子胥。要拿伯謩。陰兵四野投何處。〔拜介〕伍相國老爺。前日賜劍一節。都是主公自家的意思。與伯謩無干。拜伍胥大夫。拜伍胥大夫。非干係

區區君王自做主。〔又跪介〕念幽幽此軀。念幽幽此軀。無路投天。何門入地。〔小

末外末帶陰兵上拿住丑介外〕伯嚭老賊。你包藏禍心。彰露兇惡。以百口百舌之讒諂。蔽兩耳兩

目之聰明。枉害忠良。誣陷正直。已擠溝壑。猶下石而不休。既困蒺藜。尙挽弓而相射。唯知獨權一國。

止望受用百年。誰知也有今日。〔丑〕只求速死。〔小末〕伯嚭。你那欺君誤國的老賊。你那貪財好色

的老賊。叫左右的撈起來。〔衆應撈介小末〕

〔紅衲襖〕老賊。你弄得我江山空戰圖。弄得我宮殿餘烟樹。弄得我爹爹獨奔

陽山去。弄得我孤身親殲在越國衢。你的罪大不容誅。你的惡髮不可數。我就

送你到地獄千重也。我怨氣漫漫尙未蘇。〔外〕伯嚭。你那誅良害善的老賊。你那脅肩諂

笑的老賊。叫左右夾起來。〔衆應夾丑介外〕

〔前腔〕我爲你君王恩義疎。我爲你百姓無棲住。我爲你親兒送到齊邦去。我

爲你衰邁誅夷瀚海隅。你是個媚人的九尾雄狐。你是個竊位的陰交碩鼠。你

指望吳邦太宰做千年也。誰知道雪夜錢塘遇伍胥。〔末〕伯嚭。你那尸位素餐的老賊。

你那亡家敗國的老賊。叫左右的把腦箍上起來。〔衆應上丑箍介末〕

〔前腔〕你當初弄吳國的兵權似轆轤。用吳國的貨財如糞土。戲吳國的君王同掌上的小兒。食吳國的人民若山中餓虎。伯嚭我伍胥兄弟在吳國。實乃釜中之魚。你把他來壞了。我不過是山中之鶴。與你何干。你逞兇殘已殃及池魚。誰着你遍谿山又禍延林木。你如今赴鄆都千年萬載不得人身也。爭如我鎮日桂棹蘭橈駕太湖。〔小末〕叫帳下押那老賊赴鄆都去。〔衆應介丑〕小殿下老相國公孫先生在上。我小人伯嚭。如今再不敢了。若再是這等。就生個大疔瘡。〔衆綁丑下〕

〔小末〕誰憐家國一時傾。

〔外〕拿得奸臣恨始平。

〔末〕奉勸世人行好事。

〔外〕舉頭三尺有神明。

### 第四十四齣 治定

〔排歌〕〔小生貼生末上〕宿恥消除。烟塵掃空。笑十年埋沒英雄。從教澤國息邊烽。且喜天山早掛弓。湖南月。海北風。昔年曾送過江東。旌旗整。鼓吹雄。長歌今

上館娃宮。〔相見介小生〕寡人今日得殲彼元惡。雪我宿仇。內雖由我夫人之力。外實仗二大夫之功也。〔生末〕豈敢。〔生〕臣聞君憂臣勞。君辱臣死。昔主公有會稽之棲。石室之辱。臣之所以不死者。爲此故也。今賴祖宗之神靈。主公之威力。治定功成。報仇雪恥。是臣可死之日矣。請從此辭。〔小生作悲介〕寡人之國家是大夫之國家。寡人之人民是大夫之人民。正欲與大夫分國共治。今若撇我而去。是皇天欲棄越喪孤也。老大夫豈得言去。〔衆報介〕西施美人到了。〔旦上〕

〔前腔〕回首姑蘇。懽娛未終。樹梢留得殘紅。國恩雖報。尙飄蓬。猶恐相逢是夢中。青山路。繞故宮。不堪清漏往時同。浮雲盡。世事空。錯教人恨五更風。〔見介〕

大王娘娘叩頭。〔小生貼〕美人請起。〔旦〕二位大夫萬福。〔生末〕美人拜揖。〔小生貼生末〕美人請轉。待我君臣夫婦拜謝。〔衆朝上拜旦傍答介小生貼生末〕〔減字木蘭花〕十年大辱。仗卿今日能恢復。千載洪基。笑我當年作廢墟。〔旦〕休言弱質。曾爲茂苑宮中客。留得孤身。原是苧蘿山裏人。

〔小生〕范大夫。有一言奉告。昔日感君高誼。借我佳人。今幸得還鄉。卽宜歸第。〔生〕昔乃荒山未成之姻眷。今作大國已配之夫人。豈敢受領。〔小生〕昔武王滅紂。以妲己賜周公。天下後世。盡所共知。

妲己爲天子之正妃。周公乃古今之大聖。武王賜之。周公受之。今夫差之惡。浮于商紂。大夫之勳。並於周公。而況西施又爲大夫之原配乎。〔末〕當時主公心實不肯。因鄙人勉爾相借。今老大夫獨不能聽鄙人一言乎。〔生〕承教。〔小生〕喚內侍。就徹座前金蓮寶燭。煩文大夫親送歸第。〔生日叩頭謝介〕正是巫峽館中行。雨去鳳凰臺上學簫歸。〔生出對末低聲介〕吾聞高鳥盡。良弓藏。狡兔死。走狗烹。主公爲人。長頸烏啄。鷹視狼步。可與共患難。不可與共安樂。老夫卽圖遠去。大夫亦宜早行。不可使有後悔。〔末〕未敢奉命。尙當裁之。〔俱下淨丑扮泄庸計倪上〕報報報。蒙主公昨遣我二臣追拿伯嚭。直至錢塘江上。見一夥漁舟。說道前夜聞半空中人馬奔騰。旌旗來往。連連叫稱相國。不知其故。次早看時。只見一人死於江口。我二人不信。教漁人引去看時。卻是伯嚭屍骸。遍身青紫。手足潰爛。盡說道是伍相國的陰兵擒拿去了。如今屍首拿到轅門外。〔小生〕有這等異事。一面差官江口立廟。奉祀子胥。一面將伯嚭梟首示衆。〔淨丑應介末〕報報報。臣啟主公。臣送范大夫不肯到家。一葉扁舟。竟往太湖去了。〔小生〕有這等事。寡人受了他許多厚恩。何日相報。文大夫。可使良工鑄范大夫一金像。置之座右。朝夕論政。必諮啓之。如與范大夫對面一般。夫人并各位大夫。今日治

定功成。報仇雪恥。可遍拜天地山川。宗廟社稷。少答保祐之恩。〔小生貼〕

〔大環着〕感皇天恩重。感皇天恩重。社稷靈通。數載沈淪。一朝傾洞。〔合〕誰似  
兵強將勇。遵海而南。只見大邦朝小邦。納貢。遍寰宇人民喧哄。更瀚海魚龍飛  
動。懽聲擁風。教崇看郊藪游鱗。闕庭儀鳳。〔末〕

〔喬合笙〕笑當時文種。笑當時文種。德劣才庸。遭傾欹亂邦。難御衆。幸今朝喜  
得聊奏功。中心尙慚竦。〔合〕江山環拱。見曠曠海日滄波瑩。烟霞高捧。看鬱鬱  
稽山紫氣濃。喜逢一統。車書盡同。周王萬歲洪基永。方知大越興隆。願上千秋  
頌。一怒諸侯恐。

〔越恁好〕〔合〕海甸春風送。海甸春風送。宮殿瑞雲籠。從今已後放征馬。戢兵  
戎。迎周接呂。招顏納孔。浮生似風光陰倏忽成一瞬。十年一覺姑蘇夢。

〔尾聲〕而今應受天王寵。看萬國梯航一旦通。願四海無虞祝聖躬。

〔小生〕勝國雄豪寰宇聞。

〔末〕從今稱作海西君。

〔淨〕中原政教風烟接。

〔丑〕越地山河日月新。

### 第四十五齣 泛湖

〔淨丑扮漁翁唱漁歌上〕我兩人都是太湖中的漁翁。昨日范老爺分付要幾個漁船。泊在胥口。想要到湖上去耍子。怎麼這時候還不見到來。只得在此伺候。〔生上〕功成不受上將軍。一艇歸來笠澤雲。載去西施豈無意。恐留傾國更迷君。自家范蠡輔我弱越。破彼強吳。名遂功成。國安民樂。平生志願。於此畢矣。正當見機禍福之先。脫履塵埃之外。若少留滯。焉知今日之范蠡。不爲昔日之伍胥也。向已告過主公。今當遠遁。昨日分付漁船。泊在湖口。專等西施美人到來。即便同行。〔旦上〕雙眉顰處恨匆匆。轉眼興亡一盞中。若泛扁舟湖上去。不宜重過館娃宮。相公萬福。〔生〕美人少禮。美人。我本楚人。久作越客。昔遇傾城於溪路。常遭患難於鄰邦。自分宿世難逢。誰料今生復合。茲具舟中之花燭。聊結湖上之姻盟。事出匆匆。莫嫌草草。〔旦〕妾乃白屋寒娥。黃茅下妾。惟冀德配君子。不意苟合吳王。摧殘風雨。已破荳蔻之梢。斷送韶華。遂折芙蓉之蒂。不堪奉爾中饋。未可充君下陳。〔生〕我實霄殿金童。卿乃天宮玉女。雙遭微譴。兩謫人間。故鄙人爲奴石室。本是夙緣。芳卿作妾吳宮。實

由塵劫。今續百世已斷之契。要結三生未了之姻。始豁迷途。方歸正道。〔旦〕既蒙恩誼。敢不祇承。但舊家姊妹。久缺音書。晚景椿萱。杳無消耗。欲暫返山中之駕。方相從湖上之舟。未知尊意何如。〔生〕我已差人前往諸暨。令尊令堂同載舟航。東施北威。並賜金帛。〔旦〕相公。你既無仇不雪。無恩不報。但有一故人。尙未相酬。君何忘之也。〔生〕卿但言之。〔旦〕當初若無溪紗。我與你那有今日。〔生〕你那紗在何處。〔旦〕妾朝夕愛護。佩在心胸。君試觀之。〔生〕我的紗也在此。千叢萬結亂如堆。曾繫吳宮合盞杯。今日兩歸溪水上。方知一縷是良媒。美人我和你早早登舟去罷。漁翁那裏。〔丑淨〕相公有何分付。〔生〕我要下船。過湖中往海上去。〔丑淨〕不知相公海上要到那一方。若出了海。北風往廣東。西風往日本。南風往齊國。今日恰是南風。〔生〕既是南風。就往齊國去罷。〔丑淨〕請相公夫人登舟。〔生〕

〔北新水令〕問扁舟何處恰纔歸。嘆飄流常在萬重波裏。當日個浪翻千丈急。今日個風息一帆遲。烟景迷離。望不斷太湖水。〔旦〕

〔南步步嬌〕憶昔持紗溪邊洗。正遇春初霽。芳心不自持。誰料多才。忽然相值。



住立不多時。急忙裏便許成佳配。〔生〕

〔北雁兒落〕謝娘行能諧子女姻。羞殺我未有兒夫氣亂。蕪蕪邦家多苦辛。急攘攘軍旅常留滯。〔旦〕

〔南沈醉東風〕爲君家寥寥旦夕。爲君家淹淹憔悴。奈徹夜患心疼。奈徹夜患心疼。日高未起。空留下數行珠淚。山深地僻。花飛鳥啼。傷心過處。雙雙蹙着翠眉。〔生〕

〔北得勝令〕呀。非是我冷淡了相識。非是我奚落了新知。祇爲那國主親遭辱。祇爲那夫人盡被羈。奔馳千里。價難相會。棲遲三年。猶未回。〔旦〕

〔南忒忒令〕你流落他鄉未回。我寂寞深山無倚。鶯兒燕子。眼望親成對。誰知道命飄蓬。誰知道命飄蓬。君恰歸。妾又行。做浮花浪蕊。〔生〕

〔北沽美酒〕爲邦家輕別離。爲邦家輕別離。爲國主撇夫妻。割愛分恩送與誰。負娘行心痛悲。望姑蘇淚沾臆。望姑蘇淚沾臆。〔旦〕

〔南好姐姐〕路岐城郭半非。去故國雲山千里。殘香破玉。顏厚有忸怩。藏深計。迷花戀酒。拚沈醉。斷送蘇臺只廢基。〔生〕

〔北川撥棹〕古和今此會稽。古和今此會稽。舊和新一范蠡。誰知道戈挽斜暉。龍起春雷。風捲潮回。地轉天隨。霎時間驅戎破敵。因此上喜卿卿北歸矣。〔旦〕

〔南園林好〕謝君王將前姻再提。謝伊家把初心不移。謝一縷溪紗相繫。諧匹配作良媒。諧匹配作良媒。〔生〕

〔北太平令〕早離了塵凡濁世。空回首駭弩危機。伴浮鷗溪頭沙嘴。學冥鴻尋雙逐對。我呵。從今後車兒馬兒。好一迴辭伊謝伊呀。趁風帆海天無際。

〔南川撥棹〕〔旦〕烟波裏傍江蘋。依岸葦。任飄颻海北天西。任飄颻海北天西。趁人間賢愚是非。跨鯨游駕鶴飛。跨鯨游駕鶴飛。〔生〕

〔北梅花酒〕笑燕秦楚共齊。笑燕秦楚共齊。耀干戈整旌旗。軍共馬露水泥。兵和將釜中食。酒席間森劍戟。廟堂中坐刀筆。一霎時見凶吉。〔旦〕

〔南錦衣香〕你看館娃宮。荆榛蔽響屨。廊莓苔翳。可惜剩水殘山。斷崖高寺。百花深處。一僧歸。空遺舊迹。走狗鬪雞。想當年僭祭。望郊臺。淒涼雲樹。香水鴛鴦去。酒城傾墜。茫茫練瀆。無邊秋水。〔生〕

〔北收江南〕呀。看滿日興亡。真慘悽。笑吳是何人。越是誰。功名到手未嫌遲。從今號子皮。從今號子皮。今來古往不許外人知。〔旦〕

〔南漿水令〕採蓮涇紅芳盡死。越來溪吳歌慘悽。宮中鹿走草萋萋。黍離故墟。過客傷悲。離宮廢。誰避暑。瓊姬墓冷蒼烟蔽。空園滴。梧桐夜雨。臺城上。臺城上。夜烏啼。〔生〕

〔北清江引〕人生聚散皆如此。莫論興和廢。富貴似浮雲。世事如兒戲。唯願普天下做夫妻。都是咱共你。

盡道梁郎識見無。

反編勾踐破姑蘇。

大明今日歸一統。

安問當年越與吳。

浣紗記終

王  
比

王  
巴





目錄

- |      |      |
|------|------|
| 第一齣  | 副末開場 |
| 第二齣  | 高堂稱壽 |
| 第三齣  | 牛氏規奴 |
| 第四齣  | 蔡公逼試 |
| 第五齣  | 南浦囑別 |
| 第六齣  | 丞相教女 |
| 第七齣  | 才俊登程 |
| 第八齣  | 文場選士 |
| 第九齣  | 臨妝感歎 |
| 第十齣  | 杏園春宴 |
| 第十一齣 | 蔡母嗟兒 |

第十二齣 奉旨招婿

第十三齣 官媒議婚

第十四齣 激怒當朝

第十五齣 金閨愁配

第十六齣 丹陛陳情

第十七齣 義倉賑濟

第十八齣 再報佳期

第十九齣 強就鸞凰

第二十齣 勉食姑嫜

第二十一齣 糟糠自厭

第二十二齣 琴訴荷池

第二十三齣 代嘗湯藥



第二十四齣 宦邸憂思

第二十五齣 祝髮買葬

第二十六齣 拐兒給誤

第二十七齣 感格墳成

第二十八齣 中秋望月

第二十九齣 乞丐尋夫

第三十齣 矚詢衷情

第三十一齣 幾言諫父

第三十二齣 路途勞頓

第三十三齣 聽女迎親

第三十四齣 寺中遺像

第三十五齣 兩賢相邁

第三十六齣

孝婦題真

第三十七齣

書館悲逢

第三十八齣

張公遇使

第三十九齣

散髮歸林

第四十齣

李旺回話

第四十一齣

風木餘恨

第四十二齣

一門旌獎

# 琵琶記

明高明著

## 第一齣 副末開場

〔水調歌頭〕〔副末上〕秋燈明翠幕。夜案覽芸編。今來古往。其間故事幾多般。少甚佳人才子。也有神仙幽怪。瑣碎不堪觀。正是不關風化體。縱好也徒然。論傳奇。樂人易。動人難。知音君子。這般另作眼兒看。休論插科打諢。也不尋宮數調。只看子孝共妻賢。正是驂騮方獨步。萬馬敢爭先。〔問內科〕且問後房子弟。今

日敷演誰家故事。那本傳奇。〔內應科〕三不從琵琶記。〔末〕原來是這本傳奇。待小子略道幾句家門。便見戲文大意。

〔沁園春〕趙女姿容。蔡邕文業。兩月夫妻。奈朝廷黃榜。遍招賢士。高堂嚴命。強赴春闈。一舉鰲頭。再婚牛氏。利縮名牽。竟不歸。饑荒歲。雙親俱喪。此際實堪悲。堪悲。趙女支持。翦下香雲。送舅姑。把麻裙包土。築成墳墓。琵琶寫怨。逕往京

畿孝矣伯喈賢哉牛氏書館相逢最慘悽重廬墓一夫二婦旌表門閭。

極富極貴牛丞相。

施仁施義張廣才。

有貞有烈趙真女。

全忠全孝蔡伯喈。

第一齣 高堂稱壽

〔瑞鶴仙〕〔生上〕十載親燈火。論高才絕學。休誇班馬。風雲太平日。正驂騮欲  
騁。魚龍將化。沈吟一和。怎離卻雙親膝下。且盡心甘旨。功名富貴。付之天也。〔鷓

鴣天〕宋玉多才未足稱。子雲識字浪傳名。奎光已透三千丈。風力行看九萬程。經世手。濟時英。玉

堂金馬豈難登。要將萊綵歡親意。且戴儒冠盡子情。蔡邕沈酣六籍。貫串百家。自禮樂名物。以及詩

賦詞章。皆能窮其妙。由陰陽星曆。以至聲音書數。靡不得其精。抱經濟之奇才。當文明之盛世。幼而

學。壯而行。雖望青雲之萬里。入則孝。出則弟。怎離白髮之雙親。到不如盡菽水之歡。甘齋鹽之分。正

是行孝于己。責報于天。自家新娶妻房。纔方兩月。卻是陳留郡人。趙氏五娘。儀容俊雅。也休誇桃李

之姿。德性幽閒。儘可寄蘋蘩之託。正是夫妻和順。父母康寧。詩中有云。爲此春酒。以介眉壽。今喜雙

親既壽而康。對此春光。就花下酌盃酒。與雙親稱壽。多少是好。昨已囑付五娘子安排。不免催促則個。娘子。酒席完備了未。請爹媽出來。

〔寶鼎現〕〔旦內應科外蔡公淨蔡婆上外〕小門深巷。春到芳草。人間清晝。〔淨〕人老去。星星非故。春又來。年年依舊。〔旦趙五娘上〕最喜今朝春酒熟。滿日花開如繡。

〔合〕願歲歲年年。人在花下。常斟春酒。〔外〕孩兒。你請我兩個出來做甚麼。〔生跪科〕告爹媽得知。人生百歲。光陰幾何。幸喜爹媽年滿八旬。孩兒一則以喜。一則以懼。當此青春光景。閒居無事。聊具一杯蔬酒。與爹媽稱慶則箇。〔淨笑介〕阿老有得喫。〔外〕阿婆。這是子孝雙親樂。家和萬事成。

〔錦堂月〕〔生進酒科生〕簾幙風柔。庭幃晝永。朝來峭寒輕透。親在高堂。一喜又還一憂。惟願取百歲椿萱。長似他三春花柳。〔合〕酌春酒。看取花下高歌。共祝眉壽。

〔前腔〕〔旦〕輻輳。獲配鸞儷。深慚燕爾。持杯自覺嬌羞。怕難主蘋蘩。不堪侍奉。

箕箒。惟願取偕老夫妻。長侍奉暮年姑舅。〔合前〕

〔前腔〕〔外〕還愁白髮蒙頭。紅英滿眼。心驚去年時候。只恐時光。催人去也難留。孩兒。惟願取黃卷青燈。及早換金章紫綬。〔合前〕

〔前腔〕〔淨〕還憂松竹門幽。桑榆暮景。明年知他健否安否。歎蘭玉蕭條。一朵桂花難茂。媳婦。惟願取連理芳年。得早遂孫枝榮秀。〔合前〕

〔醉翁子〕〔生〕回首歎瞬息烏飛兔走。喜爹媽雙全。謝天相佑。〔旦〕不謬。更清  
淡安閒。樂事如今誰更有。〔合〕相慶處。但酌酒高歌。共祝眉壽。〔外〕孩兒。你今日爲

我兩個慶壽。這便是你的孝心。人生須要忠孝兩全。方是個丈夫。我纔想將起來。今年是大比之年。昨日郡中有吏來辟召。你可上京取應。倘得脫白掛綠。濟世安民。這纔是忠孝兩全。〔生〕爹媽高年  
在堂。無人侍奉。孩兒豈敢遠離。實難從命。

〔前腔〕〔外〕卑陋論做人。要光前耀後。勸我兒青雲萬里。早當馳驟。〔淨〕聽剖。  
真樂在田園。何必區區公與侯。〔合前〕

〔僥僥令〕〔生日〕春花明彩袖。春酒泛金甌。但願歲歲年年人長在。父母共夫妻相勸酬。

〔前腔〕〔外淨〕夫妻好廝守。父母願長久。坐對兩山排闥青來好。看將一水護田疇。綠遶流。

〔十一時〕山青水綠還依舊。歎人生青春難又。惟有快活是良謀。

逢時對景且高歌。

須信人生能幾何。

萬兩黃金未爲貴。

一家安樂值錢多。

### 第二齣 牛氏規奴

〔末老院子上〕風送爐香歸別院。日移花影上閒庭。晝長人靜無他事。惟有鶯啼三兩聲。小子不是別人。卻是牛太師府裏一個院子。若論俺太師的富貴。真個只有天在上。更無山與齊。舉頭紅日近。回首白雲低。怎見得富貴。他勢壓中朝。資傾上苑。白日映沙堤。青霜凝畫戟。門外車輪流水。城中甲第連天。瓊樓酬月十二層。錦障藏春五十里。香散綺羅。寫不盡園林景致。影搖珠翠。描不就庭院風

光。好耍子的油碧車輕金犢肥。沒尋處的流蘇帳煖春雞報。畫堂內持觴勸酒。走動的是紫綬金貂。繡屏前品竹彈絲。擺列的是朱脣粉面。玳瑁筵前蒸寶香。真箇是朝朝寒食。琉璃影裏燒銀燭。果然是夜夜元宵。這般樣福地洞天。可知有仙姝玉女。休誇富貴的牛太師。且說賢德的小娘子。真箇好一位小娘子呵。看他儀容嬌媚。一個沒包彈的俊臉。似一片美玉無瑕。體態幽閒。半點難勾引的芳心。如幾層清水徹底。珠翠叢中長大。倒堪雅淡梳妝。綺羅隊裏生來。卻厭繁華氣象。怪聽笙歌聲韻。惟貪針指工夫。愛景清幽。鎮白日何曾離繡閣。笑人游冶。傍青春那肯出香閨。開遍海棠花。也不問夜來多少。飛殘楊柳絮。竟不道春去如何。要知他半點貞心。惟有穿瑣窗的皓月。能回他一雙嬌眼。除非翻翠幌的清風。決非慕司馬的文君。肯學選伯鸞的德耀。更羨他知書知禮。是一箇不趨跲的秀才。若論他有德有行。好一位戴冠兒的君子。多應是相門相種。可惜不做廝兒。少甚麼王子王孫。爭要求爲佳配。呀。理會得麼。他是玉皇殿前掌書仙。一點塵心謫九天。莫怪蘭香熏透骨。霞衣曾惹御爐烟。呀。好怪麼。只見府堂中老姥姥和惜春姐兩個。笑哈哈舞將出來。我且躲在一邊。看他來此做甚麼。〔淨老姥姥丑惜春上〕



〔鴈兒落〕〔淨〕庭院重重。怎不怨苦。要尋個男兒。又無門路。〔丑〕甚年能穀和一丈夫。一處裏雙雙鴈兒舞。〔相見科末〕來。我且問你兩個。往常間不曾恁的快活。今日如何這般快活。〔丑〕院公。你那得知我喫小姐苦哩。並不許半步胡踹。又不要我說男兒那邊廂去。咳苦也。你不要男兒。我須要哩。他也道我和他相似。笑也不許我笑一笑。今日天可憐見。喫我千方百計去說動他。只限我半個時辰去後花園閒耍一遭。你道我如何不快活。〔淨〕院公。便是我也千不合萬不合。前生不曾種得福田。爹娘把我送在府堂中做個丫頭。到今年紀老了。不曾得一日眉頭舒展。今日天可憐見。老相公入朝。我纔得偷身來此閒耍一遭。你道我如何不快活。〔末〕元來恁的。可知道你二人快活也。〔淨〕院公。你伏侍老相公。卻是公的。又撞着公的。我與惜春伏侍小姐。卻是雌的。又撞雌的。〔末〕呀。老姥姥。你怎的說這話。惜春年紀小。也怪他傷春不得。你年紀這般老大。也說這般傷春的話。成甚麼樣子。〔淨〕哼。老畜生。倒喫你識破了。卻不道秋茄晚結。菊花晚發。我雖然老便老。似京棗。外面皺。裏頭好。你不聞東村有個李太婆。年紀七八十歲。頭光撻撻的。也只要嫁人。人問道婆婆你這的老了。又要去嫁人怎的。那婆婆做四句詩應得好。〔末〕如何說。〔淨〕道是人生

七十古來稀。不去嫁人待何時。下了頭髻牀上睡。枕頭上架兩個大搥槌。〔末〕你有些欠尊重。〔丑〕休閒話。今日能設得來此花園遊嬉。也不容易。又撞着院公在此。咱每三箇何不做個耍子。〔末〕也說得是。還是做甚麼耍子好。〔淨〕院公。和你踢氣毬耍子。〔末〕不好。〔淨〕怎的不好。〔西江月〕〔末〕白打從來逞藝。官場自小馳名。如今年老脚踐踏。圓社無心馳騁。空使繡襦汗溼。漫教羅襪生塵。兀的是少年子弟俏門庭。老姥姥。不似你寶妝行徑。〔丑〕院公踢氣毬不好。便和你鬪百草耍子。〔末〕也不好。〔丑〕怎的不好。〔末〕香徑裏攀殘柳眼。雕欄畔折損花容。又無巧藝動王公。枉費工夫何用。驚起嬌鶯語燕。打開浪蝶狂蜂。若還尋得個並頭紅。惜春姐。早把你芳心引動。〔淨丑〕院公。你道兩樣都不好。如今打鞦韆耍子好麼。〔末〕這個卻好。你聽我說。玉體輕流香汗。繡裙蕩漾明霞。纖纖玉手綵繩拿。真箇堪描堪畫。本是北方戎戲。移來上苑豪家。女娘撩亂隔牆花。好似半仙戲耍。〔淨丑〕恁地便打鞦韆。只是沒有架子。〔末〕這花園中那里得他。一來老相公不喜。二來小娘子不好。縱有也倒壞了。〔丑〕院公。沒奈何我每三個在這里斲輪做個鞦韆架。一人打。兩人擡。〔末〕如此也好。誰人先打。〔淨丑〕我兩人擡。院公先打起。〔做架科末〕你兩人不要跌了我。〔淨丑〕院公你放心。只管

上去打。〔末打科〕

〔翠地錦襦〕〔末〕花紅柳綠草芊芊。正值春光豔陽天。我和你。你不來。此處打鞦韆。爲人一生也徒然。〔放跌科末〕你兩個跌得我好。如今輪該老姥姥打。〔淨〕你兩個也不要跌了我。〔末〕老姥姥放心。不妨事。只管打。〔淨打科〕

〔前腔〕〔淨〕春光明媚景色鮮。遊遍花塢聽杜鵑。那更上苑柳如綿。我和你。不  
打鞦韆。枉少年。〔放跌科淨〕你兩個騙得我好。如今輪該惜春打。〔丑〕你兩人也不要跌了我。

〔淨〕惜春放心。只管打便罷。〔丑打科〕

〔前腔〕〔丑〕奴是人間快活仙。喫了飽飯愛去眠。莫教小姐來撞見。那時高高  
吊起打三千。〔放跌科貼牛氏上〕莫信直中直。須防仁不仁。是耍得好呵。〔末淨走下丑做不知云〕

你兩個騙得我好。如今我打了。又該院公打。〔貼扯丑耳科〕賤人。怎的爲人不尊重。只要閒嬉并閒  
哄。〔丑驚科〕小姐。教人怎不去閒哄。你看那鞦韆架尙兀自走動哩。〔貼〕賤人。我只教你在此閒  
片時。誰許你如此。〔丑〕小姐。奴家心裏憂悶。只得在此消遣則個。〔貼〕賤人。你心中憂悶怎的。〔丑〕

小姐。奴家名喚做惜春。見這春去了。便自傷春起來。教人如何不悶。〔貼〕賤人。有甚傷春處。〔丑〕小姐。我早晨裏只聽疎疎辣辣寒風吹散了一簾柳絮。餉午間只見浙零零細雨打壞了滿樹梨花。一霎時嚙幾對黃鸝。猛可地叫數聲杜宇。奴家見此春去。如何不悶。〔貼〕春光自去。有甚麼悶來。我和你  
去習學女工便了。〔丑〕咳苦也。這般天氣。誰不去閒嬉。小姐卻教惜春去習女工。兀的不是悶殺惜  
春麼。〔貼〕婦人家誰許你閒嬉。不習女工。有甚勾當。你卻不學那不出閨門的。〔丑〕小姐。你有盈箱  
羅綺。滿頭珠翠。少甚麼子。卻這般自苦。〔貼〕賤人好怪麼。做女工是你本分的事。問有和沒有做甚  
麼。〔丑〕恁地惜春拜辭小姐去也。〔貼〕你拜辭我那里去。〔丑〕小姐。我去伏侍別人。與他傳消息。  
隨趁也得些快活。〔貼〕咳。賤人伏侍我。我有甚虧了你。〔丑〕小姐。我伏侍着你時節。見男兒也不許  
我擡頭看一看。前日豔陽天氣。花紅柳綠。貓兒也動心。你也不動一動。如今暮春時候。烏啼花落。狗  
兒也傷情。你也不傷一傷。惜春其實難和小姐過活。〔貼〕呀。這賤人。你是顛是狂說這般話。我就去  
對老相公說。好生施行你。〔丑跪科〕小姐。可憐見惜春心裏悶。因此這般說。〔貼〕賤人。我饒你這遭。  
你看麼。

〔祝英臺近〕〔貼〕綠成陰。紅似雨。春事已無有。〔丑〕聞說西郊。車馬尙馳驟。〔貼〕怎如柳絮。簾櫳。梨花庭院。〔合〕好天氣。清明時候。〔玉樓春〕〔丑〕清明時節單衣試。爭奈書長人靜。重門閉。〔貼〕我芳心不解亂縈牽。羞睹游絲與飛絮。〔丑〕小姐。我在繡牕欲待拈針指。忽聽鶯燕雙雙語。〔貼〕賤人。無情何事管多情。任取春光自來去。〔丑〕小姐。你有甚麼法兒。教惜春休悶哩。〔貼〕你且聽我說。

〔祝英臺序〕〔貼〕把幾分春。三月景。分付與東流。〔丑〕小姐。如今鳥啼花落。你須煩惱些麼。〔貼〕啼老杜鵑。飛盡紅英。端不爲春閒愁。〔丑〕你不閒愁。也還去賞翫麼。〔貼〕休休。婦人家不出閨門。怎去尋花穿柳。〔丑〕小姐。你不去賞翫。只怕消瘦了你。〔貼〕我花貌誰肯因春消瘦。

〔前腔〕〔丑〕春晝只見燕成雙。蝶引隊。鶯語似求友。〔貼〕呀。賤人。你是人。卻說那蟲蟻做甚麼。〔丑〕那更柳外畫輪。花底雕鞍。都是少年閒遊。〔貼〕這賤人。你是婦人家。說那男兒的事做甚麼。〔丑〕難守。繡房中清冷無人。我待尋一個佳偶。〔貼〕呀。你倒思量丈

夫起來。〔丑〕這般說。我終身休配鸞儷。

〔前腔〕〔貼〕惜春知否。我爲何不捲珠簾。獨坐愛清幽。〔丑〕清幽清幽。怎奈人愁。〔貼〕縱有千斛悶懷。百種春愁。難上我的眉頭。〔丑〕小姐。只怕你不常恁的。〔貼〕休憂。任他春色年年。我的芳心依舊。〔丑〕只怕風流年少的哄動你。〔貼〕這文君。可不擔閣了相如琴奏。

〔前腔〕〔丑〕今後。方信你徹底澄清。我好沒來由。〔貼〕惜春你怎的不收斂了心。〔丑〕想像暮雲。分付東風。情到不堪回首。〔貼〕你怎的不學着我。〔丑〕姐姐聽剖。你是蕊宮瓊苑神仙。不比塵凡相誘。〔貼〕恁地自隨我習女工便了。〔丑〕我謹隨侍。娘行拈針挑繡。〔丑〕姐姐。你聽那子規卻是啼得好哩。

休聽枝上子規啼。

悶在停針不語時。

窗外日光彈指過。

席前花影坐間移。

第四齣 蔡公逼試

〔一翦梅〕〔生上〕浪暖桃香欲化魚。期逼春闈。詔赴春闈。郡中空有辟賢書。心戀親闈。難捨親闈。世間好物不堅牢。彩雲易散琉璃碎。蔡邕本欲甘守清貧。力行孝道。誰知朝廷黃榜招賢。郡中把我名字保申上司去了。一壁廂已有吏來辟召。自家力以親老爲辭。這吏人雖則去。只怕明日又來。我只得力辭便了。正是人爵不如天爵貴。功名爭似孝名高。

〔宜春令〕雖然讀萬卷書。論功名非吾意兒。只愁親老。夢魂不到春闈裏。便教我做倒九棘三槐。怎撇得萱花椿樹。天那。我這衷腸。一點孝心對誰語。

〔前腔〕〔末張太公上〕相鄰並相依倚。往常間有事。來相報知。〔生〕來的卻是張太公呵。〔相見科末〕秀才。試期逼矣。早辦行裝前途去。〔生〕公公。我雙親年老。不去。〔末〕呀。秀才。子雖念親老孤單。親須望孩兒榮貴。你趁此青春。不去更待何日。〔生〕公公言極有理。爭奈父母無人奉侍。如何去得。〔末〕你既不肯去呵。且看老員外和老安人出來如何說。我想起來。也只是教你去的分曉。道猶未了。老員外來也。〔外上〕

〔前腔〕時光短。雪鬢催。守清貧不圖甚的。有兒聰慧。但得他爲官吾心足矣。〔外

末相見科外。孩兒。天子詔招取賢良。秀才每都求科試。你快赴春闈。急急整着行李。〔末〕老安人也出來了。〔淨上〕

〔前腔〕娘年老。八十餘。眼兒昏。又聾着兩耳。又沒個七男八婿。只有一個孩兒。要他供甘旨。方纔得六十日夫妻。老賊強逼他爭名奪利。天那。細思之。怎不教老娘嘔氣。〔相見科淨〕孩兒。我不合娶個媳婦與你。方纔得兩箇月。你渾身便瘦了一半。若再過三年。

怕不成一個枯體。〔末〕呀。老安人。你要他夫妻不諧呵。〔外〕孩兒。如今黃榜招賢。試期已逼。郡中旣然辟召你。你的學問可知。如何不去赴選。〔生〕告爹爹得知。孩兒非不要去。爭奈爹媽年老。家中無人侍奉。〔末〕老員外和老安人。不可不作成秀才去走一遭。〔淨〕咳。太公你豈不知道。我家中又沒有七子八婿。只有一個孩兒。如何去得。〔外〕呀。你怎說這話。如今去赴選的。家中都有七子八婿麼。〔淨〕老賊。你如今眼又昏。耳又聾。又走動不得。你教他去後。倘有些箇差池。兀教誰來看顧你。真個沒飯喫。便餓死你。沒衣穿。便凍死你。你知道麼。〔外〕你婦人家理會得甚麼。孩兒若做得官時。也改換我門閭。如何不教他去。〔生〕爹爹說得自是。只是孩兒難去。



〔繡帶兒〕〔生〕親年老。光陰有幾。行孝正當今日。〔末〕秀才此行。必定脫白掛綠。〔生〕終不然爲着一領藍袍。卻落後五彩斑衣。思之。此行榮貴雖可擬。怕親老等不得榮貴。〔外〕孩兒。春闈裏紛紛的都是大儒。難道是沒爹娘的方去求試。

〔前腔〕〔末〕秀才。你休疑。男兒漢。凌雲志氣。何必苦恁淹滯。秀才你此回不去呵。可不干費了十載青燈。枉捱過半世黃齋。須知。此行是親志。你休固拒。秀才。那些個養親之志。〔淨〕我百年事只有此兒。老賊。難道是庭前森森丹桂。

〔太師引〕〔外〕他意見我也難提起。這其間就裏我自知。〔末〕老員外知他爲着甚麼。〔外〕他戀着被窩中恩愛。捨不得離海角天涯。〔生〕孩兒豈有此心。〔外〕你是個讀書之人。我說一箇比方與你聽。塗山四日離大禹。你今畢姻已曾兩月。直恁的捨不得分離。〔末笑科〕呀。秀才。你敢是如此麼。〔生〕太公。卑人怎敢。〔末〕秀才。你貪鴛侶。守着鳳幃。只怕誤了你鵬程鸚薦消息。

〔前腔〕〔淨〕太公。他意見只要供甘旨。又何曾貪歡戀妻。自古道曾參純孝。何

曾去應舉及第。功名富貴天付與。天若與不求而至。〔生〕娘言是望爹行聽取。〔外〕呀。娘言的是。父言的非呵。你敢是戀新婚。逆親言麼。〔生跪天科〕天那。蔡邕若是戀着新婚。不肯去呵。天須鑒蔡邕不孝的情罪。〔外怒介〕畜生。我教你去赴選。也只是要改換門閥。光顯祖宗。你卻七推八阻。有許多說話。〔生〕爹爹。孩兒豈敢推阻。爭奈爹媽年老。無人侍奉。萬一有些差池。一來人道孩兒不孝。撇了爹娘。去取功名。二來人道爹爹所見不達。止有一子。教他遠離。孩兒以此不敢從命。〔外〕不從我命。也由你。你且說如何喚做孝。〔淨〕老賊。你年紀八十餘歲。也不識做孝。披麻帶索便喚做孝。〔外〕咦。你曉得甚麼。〔生〕告爹爹。凡爲人子者。冬溫夏凊。昏定晨省。問其煖寒。搔其痲痒。出入則扶持之。問所欲則敬進之。所以父母在不遠遊。出不易方。復不過時。古人的孝。也只是如此。〔外〕孩兒。你說的都是小節。不曾說着大孝。〔淨〕老賊。你又不曾死。只管教他做大孝。越出去赴選不得。〔末〕咦。這話有些不祥。〔外〕孩兒。你聽我說。夫孝始于事親。中于事君。終于立身。身體髮膚。受之父母。不敢毀傷。孝之始也。立身行道。揚名後世。以顯父母。孝之終也。是以家貧親老。不爲祿仕。所以爲不孝。你若是做得官時節。也顯得父母好處。兀的不是大孝。是甚麼。〔生〕爹爹說得

極是。但孩兒此去。知道做得官否。若還不中時節。既不能設事親。又不能設事君。卻不兩下擔閣了。  
〔末〕秀才所見差矣。老漢嘗聞古人云。幼而學。壯而行。懷寶迷邦。謂之不仁。孔席不暇煖。墨突不待黔。伊尹負鼎俎于湯。百里奚五羊皮自鬻。也只要順時行道。濟世安民。自古道學成文武藝。貨與帝王家。秀才你這般才學。如何不去做官。〔淨〕太公。你都有好言勸我孩兒去赴選。我有個故事說與你聽。〔末〕老漢願聞。〔淨〕在先東村李員外。有個孩兒。也讀兩行書。他爹爹每日鬧吵。只是教孩兒去求官。孩兒喫不過爹爹鬧吵。去到長安。那里無人擡舉。他遂流落去街上乞食。見個平章宰相。他疾忙在地上拜着。叫聲擡舉他。那宰相道。我與你做個養濟院大使。去管你爹娘。這孩兒自思道。做個養濟院大使。如何管得自己的父母。比及他回家。不想他父母無人供養。流落在養濟院里居住。他父母見孩兒回來。說道我教孩兒去得是。今日我孩兒做個頭目。衆人也不敢欺負我。你如今勸我孩兒去赴選。千萬叫他做個養濟院頭目回來。衆人也不敢欺負我。〔末笑科〕老安人你說這乞丐事。儘教我聽了半日。〔外〕孩兒。你趁早收拾行李起程。〔生〕爹爹。孩兒去則不妨。只是爹媽年老。教誰看管。〔末〕秀才不必憂慮。自古道千錢買鄰。八百買舍。老漢既忝在鄰居。你但放心前去。若是

宅上有些小欠缺。老漢自當應承。〔生〕如此多謝公公。凡事仗托周濟。此行若獲寸進。決不敢忘恩。卑人沒奈何。只得收拾行李便去。

〔三學士〕〔生〕謝得公公意甚美。凡事仗托扶持。假饒一舉登科日。難道是雙親未老時。只恐錦衣歸故里。怕雙親不見兒。

〔前腔〕〔外〕萱室椿庭衰老矣。指望你改換門閭。孩兒。你道是無人供養。我若是你做官來時節呵。三牲五鼎供朝夕。須勝似啜菽并飲水。你若錦衣歸故里。我便死呵。一靈兒終是喜。

〔前腔〕〔末〕託在鄰家相依倚。自當效些區區。秀才。你爲甚十年窗下無人問。只圖個一舉成名天下知。你若不錦衣歸故里。誰知你讀萬卷書。

〔前腔〕〔淨〕一旦分離掌上珠。我這老景憑誰。苦忍將父母飢寒死。博得孩兒名利歸。你縱然錦衣歸故里。補不得你名行虧。

急辦行裝赴試闈。

父親嚴命怎生違。

一舉首登龍虎榜。

十年身到鳳凰池。

### 第五齣 南浦囑別

〔謁金門〕〔旦上〕春夢斷。臨鏡綠雲撩亂。聞道才郎遊上苑。又添離別嘆。〔生上〕苦被爹行逼遣。脈脈此情何限。〔合〕骨肉一朝成拆散。可憐難捨拚。〔旦〕官人。雲情雨意。雖可拋兩月之夫妻。雪鬢霜鬢。竟不念八旬之父母。功名之念一起。甘旨之心頓忘。是何道理。〔生〕娘子。膝下遠離。豈無眷戀之意。奈堂上力勉。不聽分割之詞。咳。教卑人如何是好。〔旦〕官人。我猜着你了。

〔忒忒令〕〔旦〕你讀書思量做狀元。我只怕你學疎才淺。〔生〕娘子那見我學疎才淺。〔旦〕官人。只是孝經曲禮。你早忘了一段。〔生〕咳。我幾曾忘了。〔旦〕卻不道夏清與冬溫。昏須定。晨須省。親在遊怎遠。

〔前腔〕〔生〕我哭哀哀推辭了萬千。〔旦〕那張太公如何。〔生〕他鬧吵吵抵死來相勸。〔旦〕官人。你不去時。也須由你。〔生〕將我深罪。不由人分辯。〔旦〕罪你甚的。〔生〕他道我

戀新婚。逆親言。貪妻愛。不肯去赴選。

〔沈醉東風〕〔旦〕你爹行見得好偏。只一子不留在身畔。官人。公婆如今在那裏。〔生〕在堂上。〔旦〕既在堂上。我和你去說。〔生〕娘子。你怎的又不去了。〔旦〕罷罷罷。我和你去說時節呵。他又道我不賢。要將伊迷戀。苦這其間教人怎不悲怨。〔合〕爲爹淚漣。爲娘淚漣。何曾爲着夫妻上掛牽。

〔前腔〕〔生〕做孩兒節孝怎全。做爹行不從幾諫。〔旦〕官人。你爲人子的。不當恁的埋冤他。〔生〕非是我要埋冤。只愁他影隻形單。我出去有誰看管。〔合〕爲爹淚漣。爲娘淚漣。何曾爲着夫妻上掛牽。〔生〕呀。爹媽來了。娘子你且搵了眼淚。

〔臘梅花〕〔外淨上〕孩兒出去在今日中。爹爹媽媽來相送。但願魚化龍。青雲得路。桂枝高折步蟾宮。〔外〕孩兒你行李收拾了未。〔生〕行李收拾已了。〔外〕收拾既了。如何不去。〔淨〕老賊。他若出去了。家中別無第二人。止有一個媳婦。如何不分付幾句。〔生〕孩兒沒別事。只待張太公來。把爹媽拜托與他。教他早晚應承。孩兒庶可放心前去。〔旦〕呀。張太公早來。〔末上〕

仗劍對樽酒。恥爲遊子顏。所志在功名。離別何足歎。〔生〕太公。卑人如今出去。家中並無親人。爹媽年老。只有一個媳婦。卻是女流。凡事全賴公公相與扶持。家中倘有些小欠缺。亦望公公周濟。昨日已蒙親許。今日特此拜懇。卑人倘有寸進。自當效結草銜環之報。決不敢忘恩。〔末〕秀才。受人之託。必當終人之事。況一言既出。駟馬難追。昨日已許秀才。去後決不相誤。〔生〕如此多謝公公。〔外〕孩兒。既蒙張太公金諾。必不食言。你可放心早去。〔生〕孩兒就此拜辭爹媽便去。

〔園林好〕〔生〕兒今去爹媽休得要意懸。兒今去今年便還。但願得雙親康健。  
〔合〕須有日拜堂前。

〔前腔〕〔外〕我孩兒不須掛牽。爹只望孩兒貴顯。若得你名登高選。〔合〕須早把信音傳。

〔江兒水〕〔淨〕膝下嬌兒去。堂前老母單。臨行密密縫針線。眼巴巴望着關山遠。冷清清倚定門兒。〔生〕母親。且自寬懷。〔淨〕遣。〔淨〕教我如何消遣。〔合〕要解愁煩。須是頻寄音書回轉。

〔前腔〕〔旦〕妾的衷腸。事有萬千。〔生〕娘子。你有甚麼事。當說與我知道。〔旦〕說來又恐添縈絆。〔生〕娘子。有甚縈絆。〔旦〕六十日夫妻恩情斷。八十歲父母教誰看管。〔生〕娘子。你這般說。莫不怨着我麼。〔旦〕教我如何不怨。〔合前〕

〔五供養〕〔末〕貧窮老漢。託在隣家。事體相關。秀才此行雖勉強。不必恁留連。〔生〕卑人去後。只慮父母獨自在堂。難度歲月。〔末〕秀才放心。你爹娘早晚間吾當陪伴。〔生悲介末〕丈夫非無淚。不灑別離間。〔合〕骨肉分離。寸腸割斷。〔生跪告介〕

〔前腔〕公公可憐。俺爹娘望你周全。〔末扶起介生〕此身還貴顯。自當效啣環。〔旦挽生背介〕有孩兒也枉然。你爹娘倒教別人看管。此際情何限。偷把淚珠彈。

〔合前〕

〔玉交枝〕〔外〕別離休歎。我心中非不痛酸。孩兒非爹苦要輕拆散。也只是圖你榮顯。〔淨〕孩兒。蟾宮桂枝須早攀。北堂萱草時光短。〔合〕又未知何日再圓。又未知何日再圓。



〔前腔〕〔生〕雙親衰倦。娘子。你扶持看他老年。飢時勸他加餐飯。寒時頻與衣穿。〔旦〕官人。我做媳婦事舅姑。不待你言。你做孩兒離父母。何日返。〔合前〕

〔川撥棹〕〔外〕孩兒歸休晚。莫教人凝望眼。〔生〕但有日回到家園。怕回來雙親老年。〔合〕怎教人心放寬。不由人不珠淚漣。

〔前腔〕〔旦〕官人。我的埋冤怎盡言。〔生〕你埋冤我如何。〔旦〕我的一身難上難。〔生〕娘子。你寧可將我來埋冤。莫將我爹娘冷眼着。〔合前〕

〔餘文〕〔合〕生離遠別何足歎。但願得你名登高選。衣錦還鄉。教人作話傳。

此行勉強赴春闈。

專望明年衣錦歸。

世上萬般哀苦事。

無過遠別共生離。

〔外淨末下旦〕官人。你如何割捨得便去了。〔生〕咳。卑人如何捨得。

〔犯尾引〕〔旦〕懊恨別離輕。悲豈斷絃。愁非分鏡。只慮高堂。風燭不定。〔生〕腸已斷。欲離未忍。淚難收。無言自零。〔合〕空留戀。天涯海角。只在須臾頃。

〔犯尾序〕〔旦〕無限別離情。兩月夫妻。一旦孤另。官人。你此去經年。望迢迢玉京。思省。〔生〕娘子。莫不是慮着山遙水遠麼。〔旦〕奴不慮山遙水遠。〔生〕莫不是慮着衾寒枕冷麼。〔旦〕奴不慮衾寒枕冷。奴只慮公婆沒主。一旦冷清清。

〔前腔〕〔生〕我何曾想着那功名。〔旦〕官人。你不想着功名。如今又去怎的。〔生〕欲盡子情。難拒親命。娘子。年老爹娘望伊家看承。畢竟你休怨朝雲暮雨。且爲我冬溫夏清。思量起。如何教我割捨得眼睜睜。

〔前腔〕〔旦〕官人。你襦衣纔換青。快着歸鞭。早辦回程。十里紅樓休戀着娉婷。叮嚀。不念我芙蓉帳冷。也思親桑榆暮景。咳。我頻囑付。知他記否。空自語惺惺。〔前腔〕〔生〕娘子。你寬心須待等。我肯戀花柳。甘爲萍梗。只怕萬里關山。那更音信難憑。須聽我沒奈何分情破愛。誰下得虧心短行。從今後。相思兩處。一樣淚盈盈。〔旦〕官人此去。千萬早早回程。〔生〕卑人有父母在堂。豈敢久戀他鄉。〔旦〕須是早寄個音

信回來。〔生〕音信不妨。只怕關山阻隔。〔拜別介〕

〔鷓鴣天〕〔牛〕萬里關山萬里愁。〔旦〕一般心事一般憂。〔生〕桑榆暮景應難保。客館風光怎久留。〔生下旦〕他那裏謾凝眸。正是馬行十步九回頭。歸家只恐傷親意。閣淚汪汪不敢流。

纔斟別酒淚先流。

郎上孤舟妾倚樓。

片帆漸遠皆回首。

一種相思兩處愁。

## 第六齣 丞相教女

〔末院子上〕珠幌斜連雲母帳。玉鉤半捲水晶簾。輕烟裊裊歸香閣。月影騰騰轉畫簷。小子不是別人。是牛太師府中一個院子。這幾日老相公久留省中。未曾回府。府裏幾個使女。每日在後花園閒耍。今日知道老相公回來。都不見了。小子不免灑掃書館。伺候老相公回來。呀。好怪麼。只見一個婆子走入來做甚麼。〔淨媒婆上〕

〔字字雙〕我做媒婆甚妖嬈。談笑說開說合口如刀。波俏合婚問卜若都好。有鈔只怕假做庚帖被人告。喫拷。〔末〕你來這裏做甚麼。〔淨〕老媳婦特來與張尙書的舍人

做媒。〔末〕咳。我這小娘子的媒怕難做。〔淨〕如何難做。〔末〕老相公不肯輕許。〔淨〕院公。我這頭親事你老相公必然許我。〔末〕呀。且慢着。又有一個婆子來了。〔丑媒婆上〕

〔前腔〕我做媒婆甚艱辛。尋趁有個新郎要求親。最緊咱每只得便忙奔討信。

〔淨〕你這老乞婆來這裏怎的。〔丑〕真個是路上更有早行人。心悶。〔末〕你這婆子也來這裏做甚麼。〔丑〕告勾管哥得知。老媳婦特來與樞密的舍人求親。〔末〕我方纔正對那婆子說了。這媒怕難做。〔丑〕如何難做。〔末〕我老相公要揀擇得仔細。〔丑〕院公你休管。我說這樁親事。必定成也。〔淨〕呀。我是張媒婆。幾年在府前住。今日這媒。倒喫你老乞婆做去了。〔丑〕呀。老乞婆。偏你會做媒。但是門當戶對的便好了。終不然你在府前住。定要你做媒。你與乞兒做媒。也嫁了他。〔末〕你休鬧。老相公回來了。你每且躲開一邊立地。〔外牛太師上〕

〔齊天樂〕鳳凰池上歸來環珮。袞袖御香猶在。棨戟門前。平沙堤上。何事車填馬隘。星霜鬢改。怕玉鉉無功。赤烏非材。回首庭前。淒涼丹桂好傷懷。下官這幾日。久留省府。不曾回家。左右。方纔甚麼人。在我廳前喧鬧。〔末〕有事不敢不報。無事不敢亂傳。適間有

兩個婆子來老相公處求親。〔外〕着他進來。你這兩個婆子做甚麼。〔淨〕奴家是張尙書府裏差來求親。〔丑〕奴家是李樞密府裏差來做媒。〔外〕不揀甚麼人家。但是有才學。做得天下狀元的。方可嫁他。若是其餘。不許問親。〔淨〕告相公得知。我的新郎。術人算他命。道他今年定做狀元。〔丑〕告相公得知。他的新郎命不好。只有奴家這個新郎。人算他命。今科必定得中狀元。〔淨丑相打介外〕呀。這兩個婆子到我跟前無禮。左右。不揀有甚麼庚帖。都與我扯破。把那兩個弔起。各打十八。〔末扯打介外〕急把媒婆打離廳。〔末〕除非狀元方可問姻親。〔淨〕甘喫打十七八下黃荆杖。〔丑〕那些個成與不成喫百瓶。〔末淨丑下外〕光陰似箭催人老。日月如梭趲少年。自家沒了夫人。只有一個女兒。如今不覺長成。未曾問親。只一件。我的女孩兒性格溫柔。是事實會。若將他嫁個膏粱子弟。怕壞了他。只將他嫁個讀書君子。成就他做個賢婦。多少是好。我這幾日不在家。適聽得那使喚的。每日都在後花園中閒耍。這是我的女孩兒不拘束他。古人云。欲治其國。先齊其家。不免喚出女孩兒和老姥姥惜春過來。好生訓誨他一番。〔貼帶淨丑上〕

〔花心動〕幽閣深沈。問佳人爲何懶添眉黛。繡線日長。圖史春閒。誰解屢傍妝

臺。絳羅深護奇葩小。不許蜂迷蝶猜。〔淨丑〕笑瑣窗多少玉人無賴。〔外〕孩兒。婦人之德。不出閨門。你如今長成了。方纔有媒婆來與你議親。今日是我的孩兒。異日做他人的媳婦。我這幾日不在家。你卻放老姥姥惜春每都到後花園中間耍。不習女工。是何道理。我想起來。都是你不拘束他。倘或做出歹事來。可不把你名兒污了。〔貼〕謝得爹爹教道。孩兒從今自拘束他。〔外〕怒介。老姥姥你年紀大矣。你做管家婆。倒哄着女使每閒耍。是何所爲。〔淨〕不干老身事。都是惜春小丫頭。〔丑〕不干惜春事。都是老姥姥。〔外〕這兩個賤人尙自相推。都拿下打。〔貼跪稟介〕爹爹息怒。〔外〕你且起來。

〔惜奴嬌〕孩兒。你杏臉桃腮。當有松筠節操。蕙蘭襟懷。閨中言語。不出閨闥之外。老姥姥不教我孩兒伊之罪。惜春這風情。今休再。〔合〕記再來。但把不出閨門的語言相戒。

〔前腔〕〔貼〕堪哀。萱室先摧。嘆婦儀姆教未曾諳解。蒙爹爹嚴訓。從今怎敢不改。老姥姥早晚望伊家將奴誨。惜春改前非休違背。〔合前〕

〔黑麻序〕〔淨〕看待父母心。婚姻事。須要早諧。勸相公早畢兒女之債。〔外〕休呆。如何女子前。胡將口亂開。〔合〕記今來。但把不出閨門的語言相戒。

〔前腔〕〔丑〕輕浼。我受寂寞。擔煩惱。教我怎捱。細思之。怎不教人珠淚盈腮。〔貼〕寧耐。溫衣并美食。何須苦掛懷。〔合前〕

婦人不可出閨門。

多謝嚴君教育恩。

休道成人不自在。

須知自在不成人。

### 第七齣 才俊登程

〔滿庭芳〕〔生末淨丑上生〕飛絮沾衣。殘花隨馬。輕寒輕暖。芳辰江山風物。偏動別離人。還首高堂漸遠。歎當時恩愛輕分。傷情處。數聲杜宇。客淚滿衣襟。

〔前腔〕〔末〕萋萋芳草色。故園入望。日斷王孫。謾憔悴郵亭。誰與溫存。〔淨丑〕

聞道洛陽近也。還又隔幾座城闌。〔合〕澆愁悶。解鞍沽酒。同醉杏花村。〔浣溪沙〕

〔生〕千里鶯啼綠映紅。〔丑〕水村山郭酒旗風。〔淨〕行人如在畫圖中。〔末〕不暖不寒天氣好。或來

或往旅人逢。〔合〕此時誰不嘆西東。〔相見介淨〕動問老兄尊姓。〔生〕小子姓蔡。〔淨〕貴表。〔生〕伯喈。〔丑〕動問老兄尊姓。〔末〕小子姓李。〔丑〕貴表。〔末〕羣玉。〔生〕動問老兄尊姓。〔淨〕小子姓落。〔生〕貴表。〔淨〕得嬉。〔末〕動問老兄尊姓。〔丑〕小子姓常。〔末〕貴表。〔丑〕白將。〔淨〕久聞列位高名。今日幸會。都是往長安赴選。〔笑介〕年兄年弟。休得拋撇。既然如此。且在此歇息片時。講些學識。說些志氣何如。〔衆〕正合愚意。〔丑〕敢問蔡兄。學識如何。〔生〕小子坐則讀。行則吟。窮年屹屹苦搜尋。文章驚世無敵手。盡是當年惜寸陰。〔丑〕有意思。有意思。〔淨〕敢問李兄。學識如何。〔末〕小子不將窮達付前緣。常把勤勞契上天。人事盡時天理見。才高豈得困林泉。〔淨〕自然。自然。〔生〕敢問落兄。學識如何。〔淨〕小子讀書費力。每在螢窗講習。常念青春不再。那更白日可惜。熟讀孝經曲禮。博覽詩書周易。春秋諸子百家。篇篇義理細繹。前日行到學中。夫子潛自叫屈。〔末〕呀。聖人如何叫屈。〔淨〕道是可惜這個秀才。眼中一字不識。〔末〕你卻說一場春夢。〔生〕敢問常兄。學識如何。〔丑〕小子言不妄發。寫字極有方法。先將好墨磨濃。次把純毫蘸着。推開淨几明窗。展舒錦箋繡札。不問真草隸篆。寫出都是法帖。大字麓如庭柱。小字細似頭髮。王羲之拜我爲師。歐陽詢見我說殺。〔笑介〕



早間寫個八字。忘了一撇一捺。〔末〕又道是一筆走龍蛇。〔淨〕閒話休講。如今天色將晚。不免起程。趨行幾步。

〔八聲甘州歌〕〔生〕衷腸悶損。歎路途千里。日日思親。青梅如豆。難寄隴頭音信。高堂已添雙鬢雪。客路空瞻一片雲。〔合〕途中味。客裏身。爭如流水蘸柴門。休回首。欲斷魂。數聲啼鳥不堪聞。

〔前腔〕〔末〕風光正暮春。便縱然勞役。何必愁悶。綠陰紅雨。征袍上染惹芳塵。雲梯月殿圖貴顯。水宿風餐莫厭貧。〔合〕乘桃浪。躍錦鱗。一聲雷動過龍門。榮歸去。綠綬新。休教妻嫂笑蘇秦。

〔前腔〕〔淨〕誰家近水濱。見畫橋烟柳。朱門隱隱。鞦韆影裏。牆頭上露出紅粉。他無情笑語聲漸杳。卻不道惱殺多情牆外人。〔合〕思鄉遠。愁路貧。肯如十度謁侯門。行看取。朝紫宸。鳳池鰲禁聽絲綸。

〔前腔〕〔丑〕遙瞻霧靄紛。想洛陽宮闕。行行將近。途程勞倦。欲待共飲芳樽。垂

楊瘦馬莫暫停。只見古樹昏鴉棲漸盡。〔合〕天將暝。日已曛。一聲殘角斷樵門。尋宿處。行步緊。前村燈火已黃昏。

〔餘文〕向人家忙投奔。解鞍沽酒共論文。今夜雨打梨花深閉門。

江山風物自傷情。

南北東西爲利名。

路上有花并有酒。

一程分作兩程行。

### 第八齣 文場選士

〔末上〕禮闈新榜動長安。九陌人人走馬看。一日聲名遍天下。滿城桃李屬春官。自家不是別人。卻是禮部一個祇候的便是。今歲乃大比之年。朝廷委命試官。已在貢院之內。各省中式舉人。俱列棘闈之前。如今試官將次升堂。小人只得在此聽候。正是一封纔下興賢詔。四海都無遺棄才。道猶未了。試官大人早到。〔淨試官上〕

〔生查子〕承恩拜試官。聲價重丘山。左右。那來科舉的。只問有文才。何必拘鄉貫。

〔末〕那有文材的。如何發落他。〔淨〕取他居上第。做個清要官。〔末〕那沒文材的。如何發落

他〔淨〕縱有父兄勢也教空手還。〔末〕好公道老爺。〔淨〕左右。今年卻是大比之年。我爲國薦賢。但是各省府縣赴試的秀才。都喚入來。〔末〕領鈞旨。〔生上〕

〔賞宮花〕槐花正黃。赴科場舉子忙。太學拉朋友。一齊整行裝。〔合〕五百英雄都在此。不知誰做狀元郎。

〔前腔〕〔丑上〕天地玄黃。略記得三兩行。才學無此三子。只是賭命強。〔合前末〕叫開門生。貢院門已開。列位尊兄依次而進。〔淨〕左右。這些秀才。每人給與卷子一本。蠟燭一條。各分東西廊下。伺候題目。〔末〕領鈞旨。〔相見介〕淨你每衆秀才聽着。朝廷制度。開科取士。須有定期。立意命題。任從時好。下官是個風流試官。不比往年的試官。往年第一場考文。第二場考論。第三場考策。我今年第一場做對。第二場猜謎。第三場唱曲。若是做得對好。猜得謎着。唱得曲好。就取他頭名狀元。插金花。飲御酒。遊街兒耍子。若是對得不好。猜得不着。唱得不好。就將他黑墨搽臉。亂棒打出去。〔生丑〕學生領命。〔淨〕東廊下秀才蔡邕過來領題。〔生〕有。〔淨〕我出天文門一個對。與你對。

〔生〕願聞。〔淨〕星飛天放彈。〔生〕日出海拋毬。〔淨〕妙哉。妙哉。且站一邊。西廊下秀才落得嬉過來

領題。〔丑〕快些。〔淨〕毛詩三百首。〔丑〕還有十一篇。〔淨〕好不好。且站一邊。蔡邕過來。我出天下八個省名的謎兒與你猜。〔生〕願聞。〔淨〕一聲霹靂震天開。兩個肩頭不得閒。去買紙來作袂褙。欠人錢債未曾還。〔生〕第一句是京東京西。第二句是江東江西。第三句是湖東湖西。第四句是浙東浙西。〔淨〕妙哉。妙哉。且站一邊。落得嬉過來。我出山上四樣樹名的謎兒與你猜。〔丑〕快些。〔淨〕雨中妝點望中黃。獨立深山分外長。廟廊之材應見取。家家織就綺羅裳。〔丑〕第一句是栢樹。第二句是槐樹。第三句是楓樹。第四句是柳樹。〔淨〕不是不是。且站一邊。蔡邕過來。我唱一隻曲兒。你末後湊一句。要押得韻着。〔生〕願聞高音。

〔北江兒水〕〔淨〕長安富貴眞罕有。食味皆山獸。熊掌紫駝峯。四座馨香透。你押下韻。〔生〕奉與試官來下酒。〔淨笑介〕妙哉。妙哉。三場都好。這是個眞秀才。且在東廊下伺候。落得嬉過來。我再唱一隻曲兒。你末後也湊一句。要押得韻着。〔丑〕快唱。

〔前腔〕〔淨〕看你腹中何所有。一袋醃醢臭。若還放出來。見者都奔走。你押下韻。〔丑〕把與試官來下酒。〔淨〕不濟不濟。將他黑墨搽臉。亂棒打出去。〔丑〕不須打。正是薄命劉

生終下第。厚顏季子且回家。〔下淨〕蔡秀才。今科中式舉人雖多。只有你才學高邁。文字老成。俺就復奏聖上。將你取爲第一甲頭名狀元。冠帶遊街赴宴。左右。取冠帶過來。〔末取上〕正是袍笏賜進士。鐵鉞贈將軍。〔淨〕蔡狀元換了冠帶。今就隨我入朝謝恩。〔換冠帶介〕

〔懶畫眉〕〔生〕君恩喜見上頭時。今日方顯男兒志。布袍脫下換羅衣。腰間橫繫黃金帶。駿馬雕鞍真是美。

〔前腔〕〔淨〕狀元。你讀書萬卷非容易。喜得登科擢上第。功名分定豈誤期。那更三千禮樂無敵手。五百英雄盡讓伊。

〔前腔〕〔末〕人生當用顯門閭。廕子封妻榮自己。馬前喝道狀元歸。雁塔揮毫題姓字。一舉成名天下知。

一舉鰲頭獨占魁。

誰知平地一聲雷。

明朝跨馬春風裏。

盡是皇都得意回。

第九齣 臨妝感歎

〔破齊陣引〕〔日上〕翠減祥鸞羅幌。香銷寶鴨金爐。楚館雲閒。秦樓月冷。動是離人愁思。目斷天涯雲山遠。親在高堂雪髮疎。緣何書也無。〔古風〕明月匣中鏡。盈盈曉來妝。憶昔事君子。雞鳴下君牀。臨鏡理笄總。隨君問高堂。一旦遠別離。鏡匣掩青光。流塵暗綺疏。青苔生洞房。零落金釵鈿。慘淡羅衣裳。傷哉憔悴容。無復蕙蘭芳。有懷悽以楚。有路阻且長。妾身豈歎此。所憂在姑嫜。念彼狼狽遠。眷此桑榆光。願言盡婦道。遊子不可忘。勿彈綠綺琴。絃絕令人傷。勿聽白頭吟。哀音斷人腸。人事多錯迕。羞彼雙鴛鴦。奴家自嫁與蔡伯喈。纔方兩月。指望與他同事雙親。偕老百年。誰知公公嚴命。強他赴選。自從去後。竟無消息。把公婆拋撇在家。教奴家獨自應承。奴家一來要成丈夫之名。二來要盡爲婦之道。盡心竭力。朝夕奉養。正是天涯海角有窮時。只有此情無盡處。

〔風雲會四朝元〕春闈催赴。同心帶綰初。嘆陽關聲斷。送別南浦。早已成間阻。謾羅襟淚漬。謾羅襟淚漬。和那寶瑟塵埋。錦被羞鋪。寂寞瓊窗。蕭條朱戶。空把流年度。嗟。暝子裏自尋思。妾意君情一日如朝露。君行萬里途。妾心萬般苦。君

還念妾。迢迢遠遠。也須回顧。

〔前腔〕朱顏非故。綠雲懶去梳。奈畫眉人遠。傅粉郎去。鏡鸞羞自舞。把歸期暗數。把歸期暗數。只見雁杳魚沈。鳳隻鸞孤。綠遍汀洲。又生芳杜。空自思前事。嗟。日近帝王都。芳草斜陽。教我望斷長安路。君身豈蕩子。妾非蕩子婦。其間就裏。千千萬萬。有誰堪訴。

〔前腔〕輕移蓮步。堂前問舅姑。怕食缺須進。衣綻須補。要行時須與扶。奈西山暮景。奈西山暮景。教我倩着誰人。傳語我的兒夫。你身上青雲。只怕親歸黃土。我臨別也曾多囑付。嗟。那些個意孜孜。只怕十里紅樓。貪戀着他人豪富。丈夫。你雖然是忘了奴。也須念父母。苦無人說與。這淒淒冷冷。怎生辜負。

〔前腔〕文場選士。紛紛都是才俊徒。少甚麼鏡分鸞鳳。都要榜登龍虎。偏是他將奴誤。也不索氣盡。也不索氣盡。既受託了蘋蘩。有甚推辭。索性做個孝婦賢妻。也落得名標青史。今日呵。不枉受了些閒悽楚。嗟。俺這裏自支吾。休得污了他

的名兒。左右與他相回護。丈夫。你便做腰金衣紫。須記得荆釵與裙布。苦一場愁緒。堆堆積積。宋玉難賦。

回首高堂日已斜。

遊人何事在天涯。

紅顏勝人多薄命。

莫怨春風當自嗟。

### 第十齣 杏園春宴

〔末首領官上〕朝爲田舍郎。暮登天子堂。將相本無種。男兒當自強。自家不是別人。卻是河南府一個首領官。往年狀元及第。赴宴遊街。但是鞍馬酒席供設。祇應等件。都是府尹提調。今年蔡伯喈做狀元。循例赴宴。府尹卻委着當職提調。昨日已分付太僕寺掌鞍馬的令史。并洛陽縣管排設的驛丞。專聽俺這裏鳴鼓三聲。都要到此聚會聽點。〔搥鼓介〕掌鞍馬的在那裏。〔丑令史上〕有問卽對。無問不答。相公有何鈞旨。〔末〕鞍馬備辦了未曾。〔丑〕告相公得知。俺這裏在先有一萬匹好馬。〔末〕怎見得好馬。〔丑〕但見耳批雙竹。鬃散五花。展開鳳臆龍鬣。昂起豹頭虎額。響篤篤翠蹄削玉。點滴滴赤汗流珠。隅目青熒夾鏡懸。肉駿碾礪連錢動。一躍時尾捎雲漢。橫驀過玄圃崆峒。一霎時



走遍神州。直趕上流星掣電。九方臯管教他稱賞。千金價不枉了追求。〔末〕有甚顏色的。〔丑〕布汗。論聖。虎刺。合里烏。赭啞兒。爺屈良。蘇盧。棗騮。栗色。燕色。兔黃。真白。玉面。銀鬃。繡膊。青花。正見五花散作雲滿身。萬里方看汗流血。〔末〕有甚麼好名兒。〔丑〕飛龍。赤兔。腰裏。驊騮。紫燕。驢驢。嚙膝。踰暉。騏驎。山子。白義。絕塵。浮雲。赤電。絕羣。逸驃。駮驪。龍子。麟駒。騰霜。聰皎。雪驄。凝露。聰。照影。聰。懸光。驄。決波。駒。飛霞。驃。發電。赤流。金駟。翔麟。紫奔。虹赤。照夜白。一丈烏。九花虬。望雲。騅。忽雷。駁。卷毛。騮。驪子。花。玉逍遙。紅叱撥。紫叱撥。金叱撥。正是青海月氏生下。大宛越脫將來。〔末〕有甚麼好廐。〔丑〕飛龍。祥麟。吉良。龍媒。駒駮。馱馱。鷓鴣。出羣。天花。鳳苑。奔星。內駒。左飛。右飛。左坊。右坊。東南內。西南內。正是盡印三花。飛鳳字。中藏萬匹好龍媒。〔末〕卻怎的打扮。〔丑〕錦鞵。燦爛披雲。銀鐙。熒煌曜日。香羅。帕深覆金鞍。紫游。韁牽動玉勒。瑪瑙。妝就轡頭。珊瑚。做成鞍子。正是紅纓。紫鞵。珊瑚。鞭。玉鞍。錦籠。黃金。勒。〔末〕如今選多少在這里。〔丑〕告相公。如今無了。〔末〕如何無了。〔丑〕元有一萬匹馬。卻有一千三百個漏蹄。二千七百個抹鬘。三千八百個熟瘤。二千二百個慈眼。那更鞍橋。又破損。坐褥。又傾欹。抽轡。盡是麻繩。鞭子。無非荆杖。餓老。鷓。全然拉塔。雁翅。板一發彫零。鞍轡。既不周全。牽鞵。何曾完備。此

般物件。其實不中。〔末〕休胡說。若還不完備時節。我稟過府尹大人。好生打你。〔丑〕相公可憐見。容小人一壁廂自理會。〔末〕鞍馬若完備時節。可牽在午門外廂。等候狀元謝恩出來乘坐。〔丑〕理會得。只教他春風得意馬蹄疾。一日看遍長安花。〔下末〕管排設的在那里。〔淨驛丞上〕廳上一呼。階下百諾。相公有何鈞旨。〔末〕排設完備了未曾。〔淨〕告相公。俺揀上等排設。俟候點視。〔末〕怎見得上等排設。〔淨〕但見珠簾高捲。繡幕低垂。珊瑚席鐔鐔得精神。玳瑁筵安排得奇巧。金爐內慢騰騰燒瑞腦。玉瓶中嬌滴滴插奇花。四圍環繞畫屏山。滿座重鋪錦褥子。金盤犀筯光錯落。掩映龍鳳珍羞。銀海瓊舟影蕩搖。翻動葡萄玉液。灑掃得乾乾淨淨。並無半點塵埃。鋪陳得整整齊齊。另是一般氣象。正是移將金谷繁華景。妝點瓊林錦繡仙。〔末〕安排既齊整。你每且退去。待等狀元遊街了赴宴。〔淨〕領鈞旨。正是瓊林勝處風光好。別是人間一洞天。〔下衆〕遠遠望見一族人馬鬧吵。想是狀元來了。〔末下生淨丑騎馬上〕

〔宰地錦襠〕嫦娥翦就綠雲衣。折得蟾宮第一枝。宮花斜插帽簷低。一舉成名天下知。

〔哭岐婆〕洛陽富貴。花如錦綺。紅樓數里。無非嬌媚。春風得意馬蹄疾。天街賞  
遍方歸去。〔生淨先下丑墜馬介〕救命救命。爹爹妳妳伯伯叔叔哥哥嫂嫂孩兒媳婦都來救命。

〔末騎馬上〕

〔水底魚兒〕朝省尙書。昨日蒙聖旨。道狀元及第。教咱去陪宴席。〔丑叫〕踏壞了  
人了。〔末〕越着鞭越退。這人心下疑。〔丑〕救命救命。〔末〕轉頭回望。叫我的還是  
誰。漢子你是誰。〔丑〕我是墜馬的狀元。〔末扶介〕快起來。〔丑〕尊官是誰。〔末〕我是中書省陪宴官。不  
知足下爲甚麼馬。

〔北叨叨令〕〔丑〕鬧吵吵街市上遊人亂。〔末〕你馬驚了呵。〔丑〕惡頭口抵死要回  
身轉。〔末〕怎的不牽過一邊。〔丑〕我戰兢兢只怕韁繩斷。〔末〕爲甚不打他。〔丑〕怯書生  
早已神魂散。〔末〕你不害事麼。〔丑呻吟介〕險些三跌折了腿也麼哥。險些三春破了頭  
也麼哥。我好似小秦王三三跳澗。〔末〕這馬如今那里去了。〔丑〕問他那裏去了。傷人乎。不問  
馬。〔末〕咳。你兀自文縹縹的。我且就這裏人家借一個馬與你騎。〔丑〕你靜辦。若借馬與我騎。便索

死。〔末〕呀。怎的便死。〔丑〕你不聞孔夫子說道。有馬者。借人乘之。今亡矣夫。〔末〕一口胡柴呀。遠遠望見一族人馬來。有馬就借一匹與你騎。〔丑〕不須得。不須得。〔生淨騎馬上〕

〔空地錦襠〕荷衣新染御香歸。引領羣仙下翠微。杏園惟有後題詩。此是男兒得志時。〔丑〕狀元。你每列位騎馬遊街。且是好。只不要似我騎馬。舂破了頭。跌折了脚。〔生〕足下原來墜馬呵。〔丑〕可知哩。〔末〕不是下官搭救時節。險些送了一條性命。〔淨〕如此更賴足下之力。

〔生〕請整頓同行。〔丑〕你們三位自去赴宴。我到太平坊下李郎中家去便來。〔衆〕你去做甚麼。〔丑〕我去醫攔撲傷損瘡。〔衆〕休要推故。我去借一個馬與你騎了同去。〔丑〕小子告退。你三位自去。〔末〕朝廷事例。如何不去赴宴。〔丑〕赴宴也好。只是騎馬不得。這等你三位騎馬前去。我隨後提着胡牀來。〔末〕成甚麼模樣。〔丑〕這個不妨。卻有兩說。路上人問你。便說道是使喚的伴當。若是筵席之中。卻說是打伴當的人。〔末〕好窮對副。

〔哭岐婆〕〔衆〕玉鞭裊裊。如龍驕騎。黃旗影裏。笙歌鼎沸。如今端的是男兒行。看錦衣歸故里。〔末〕這裏便是杏園。請列位駐馬。〔丑〕左右。馬都牽到僻處去。倘或人道四位官

員如何有三個馬。不像模樣。〔末〕好高見識。如今請列位照依年例。留下佳作。〔淨〕蔡兄先請。〔生〕五百名中第一仙。花如羅綺柳如烟。綠袍乍着君恩重。黃榜初開御墨鮮。禮樂三千傳紫禁。風雲九萬上青天。時人謾說登科早。未許嫦娥愛少年。〔淨〕妙妙。紫金闕無極無上聖。〔末〕這裏不是玉皇閣。休要誦他的寶號。如今卻輪當足下。〔淨〕我也有四句。遲日江山麗。春風花草香。〔末〕且住。使不得。這是古詩。〔淨〕呀。我前日三場。也都是別人的文章。尙自中了。如何一首別人的詩。倒使不得起來。〔末〕休道是七步成章。〔淨〕咳。你道我真個不會作詩呵。我且將就做一首與列位看看。赴選何曾入棘闈。此身未擬着荷衣。三場盡是情人做。一字全然匪我爲。自笑持盃饜戀酒。卻愁把筆怎題詩。有人問我求佳作。〔衆〕如何答他。〔淨〕問我先生便得知。〔末〕又道是當仁不讓于師。〔丑〕倉官不識串字。中中。〔末〕且休誇口。如今又輪當足下。〔丑〕有有。列位做律詩。都把那赴試的事爲題。恐是熟套。小子如今另立一題。〔末〕你把甚麼爲題。〔丑〕便把小子方纔墜馬爲題。胡做古風一篇。以紀其事如何。〔衆〕尤妙。尤妙。〔丑〕君不見去年騎馬張狀元。跌了左腿不相聯。又不見前年跨馬李試官。跌了窟臀沒半邊。世上三般拚命事。行船走馬打鞦韆。小子今年大拚命。也來隨趁跨金鞍。跨

金鞍。災怎躲。叵耐畜生侮弄我。大叫三聲不肯行。連攏兩攏不是耍。便把韁繩緊緊拿。縱有長鞭怎敢打。須臾之間掉下來。一似狂風吹片瓦。昨日行過樞密院。三個軍人來唱喏。小子慌忙走將歸。  
〔末〕卻如何。〔丑〕怕他請我教戰馬。〔末〕又說夢話。諸公請依位而坐。左右看酒。〔雜承直上〕色動玉壺無表裏。光搖金盞有精神。告相公。酒在此。〔衆把酒介〕

〔五供養〕〔末〕文章過晁董。對丹墀已膺天寵。〔合〕赴瓊林新宴。顛宮花。緩引黃金鞚。

〔前腔〕〔淨丑〕九重天上聲名重。紫泥封已傳丹鳳。〔合〕便催歸玉簡。侍宸旒。他日歸來金蓮送。

〔山花子〕〔末〕玳筵開處遊人擁。爭看五百名英雄。〔生〕喜鰲頭一戰有功。荷君恩奏捷詞鋒。〔合〕太平時車馬已同。干戈盡戢文教崇。人間此時魚化龍。留取瓊林。勝景無窮。

〔前腔〕〔淨〕三千禮樂如泉涌。一筆掃萬丈長虹。〔丑〕看奎光飛躔紫宮。光耀

萬玉班中〔合前〕

〔前腔〕〔生〕青雲路通。一舉能高中。三千水擊飛冲。〔淨〕又何必扶桑掛弓也。強如劍倚崆峒。〔合前〕

〔前腔〕〔丑〕恩深九重。絲絡八珍送。無非翠釜駝峯。〔末〕看吾皇待賢恁隆。不枉了十年窗下把書來攻。〔合前〕

〔大和佛〕〔生〕寶篆沈烟香噴濃。〔衆〕濃熏綺羅叢。瓊舟銀海。翻動酒鱗紅。一飲盡教空。〔生悲介〕持盃自覺心先痛。縱有香醪。欲飲難下我喉嚨。他寂寞高堂淑水誰供奉。俺這裏傳盃誼闋。〔衆〕狀元。你休得要對此歡娛意忡忡。

〔舞霓裳〕願取羣賢盡貞忠。盡貞忠。管取雲臺畫形容。畫形容。時清莫報君恩重。惟有〔封書上勸東封。更撰個河清德頌。乾坤正。看玉柱擎天又何用。〕

〔紅繡鞋〕〔合〕猛拚沈醉東風。東風。倩人扶上玉驄。玉驄。歸去路。望畫橋東。花影亂。日朦朧。沸笙歌。引紗籠。

〔意不盡〕〔合〕今宵添上繁華夢。明早遙聽清禁鐘。皇恩謝了。鵷行豹尾陪侍從。

名傳金榜換藍袍。

酒醉瓊林志氣豪。

世上萬般皆下品。

思量惟有讀書高。

第十一齣 蔡母嗟兒

〔憶秦娥先〕〔旦上〕長吁氣。自憐薄命相遭際。相遭際。暮年姑舅。薄情夫婿。〔清平樂〕夫妻纔兩月。一旦成分別。沒主公婆甘旨缺。幾度思量悲咽。家貧先自艱難。那堪不遇豐年。恁的千辛萬苦。蒼天也不相憐。奴家自從兒夫去後。遭此飢荒。況兼公婆年老。朝不保夕。教奴家獨自如何應奉。婆婆日夜埋怨着公公。當初不合教孩兒出去。公公又不伏氣。只管和婆婆閒爭。外人無理會得。只道是媳婦不會看承。以致公婆日夜鬧吵。且待公婆出來。再三勸解則個。

〔憶秦娥後〕〔外上〕孩兒一去無消息。雙親老景難存濟。〔淨扯外耳介〕難存濟。

不思前日強教孩兒出去。〔旦勸介淨〕老賊。你抵死教孩兒出去赴選。今日沒有飯喫。他便做



得狀元。濟你甚事。若是孩兒在家。也會區處。終不到得恁的狼狽。如今凍得你好。餓得你好。老賊。你死了休。〔外〕老乞婆。你埋怨我則甚。我是神仙。知道今日恁的飢荒苦。這般年時。誰家不忍飢受餓。誰似你這般埋怨我。休休。我死。我死。今日飢荒也是死。被你埋怨不過也索死。〔欲死旦扯住介淨〕老賊。你便死也消不得我這場嘔氣。〔旦〕公公婆婆且息怒。聽奴家一言分割。當初公公教孩兒出去時節。不道今日恁的飢荒。婆婆難埋怨公公。今日婆婆見這般飢荒。孩兒又不在眼前。心下焦躁。公公也休怪婆婆埋怨。請自寬心。如今奴家把些釵梳首飾之類。典些糧米。以充公婆一時口食。寧可餓死奴家。決不將公婆落後。〔淨〕媳婦你說得好。我只是恨這老賊。

〔金索掛梧桐〕區區一個兒。兩口相依倚。沒事爲着功名。不要他供甘旨。你教他做官。要改換門閭。只怕他做得官時你做鬼。老賊。你圖他三牲五鼎供朝夕。今日裏要一口粥湯。卻教誰與。你相連累我孩兒。因你做不得好名儒。〔合〕空爭着閒是閒非。空爭着閒是閒非。只落得雙垂淚。

〔前腔〕〔外〕養子教讀書。指望他身榮貴。黃榜招賢。誰不去求科試。老乞婆。我說

個比方與你聽。譬如范杞良差去築城池。他的娘親埋怨誰。〔淨〕老賊。你倒好比方。他是奉官差哩。〔外〕合生合死皆由命。少甚麼孫子森森也忍飢。〔淨〕老賊。你固自口硬。再過幾時。餓得你口嗅屎哩。〔外〕休聒絮。畢竟是咱每兩口受孤恓。〔合前〕

〔前腔〕〔旦〕婆婆。孩兒雖暫離。須有日回家裏。〔淨〕媳婦。我豈不知我有一日回家。只是眼下受餓難過。〔旦〕婆婆。奴有些釵梳解當充糧米。〔淨〕老賊。我若沒有這般孝順的媳婦會擺佈。可不把我的肝腸也餓斷了。〔外〕老乞婆。這是時年如此。你苦死埋怨我怎的。〔旦〕公公。婆婆恁的閒爭呵。教旁人道媳婦每有甚差池。致使公婆爭鬪起。婆婆。他心中愛子。指望功名就。公公。他眼下無兒。因此埋怨你。難逃避。兀的不是從天降下這災危。〔合前〕

〔劉潑帽〕〔外〕天那。我每不久須傾棄。歎當初是我不是。不如我死了無他慮。〔合〕一度裏思量。一度裏肝腸碎。

〔前腔〕〔淨〕有兒卻遣他出去。教媳婦怎生區處。媳婦。可憐悞你芳年紀。〔合前〕

〔前腔〕〔旦〕公公婆婆。媳婦便是親兒女。勞役事本分當爲。但願公婆從此相和美。〔合前〕

形衰力倦怎支吾。

口食身衣只問奴。

莫道是非終日有。

果然不聽自然無。

### 第十二齣 奉旨招婿

〔末上〕縹緲紗窗映霧烟。深沈華屋鎖嬋娟。屏間孔雀人難中。幕裏紅絲誰敢牽。自家是牛太師府中一個院子。這幾日聽得府中喧傳太師要招女婿。況我這個小娘子不比別的小娘子。一來是丞相之女。二來他才貌兼全。必須有文章有官職有福分的。方可中選。且在此俟候。相公出來。便知端的。〔外牛太師上〕

〔似娘兒〕華髮漸星星。憐愛女欲遂姻盟。蟾宮桂子才堪稱。紅樓此日。紅絲待選。須教紅葉傳情。左右那裏。〔末〕廳上一呼。階下百諾。不知老相公有何鈞旨。〔外〕自古道男子生而願爲之有室。女子生而願爲之有家。我老夫人傾棄多年。只有一個小姐。美貌娉婷。昨日見官

裏問我道。你的女孩兒曾嫁人未。我回言道。未曾嫁人。官裏道。既不曾嫁人。如今新狀元蔡邕。好人。物。好才學。朕與你主婚。你可招他爲婿。你意如何。俺奉着聖旨。就謝了恩。你每道此事如何。〔末〕覆相公。男大須婚。女大須嫁。小姐是瑤臺閬苑神仙。狀元是天祿石渠貴客。況且玉音主盟。金口說合。若做了百年夫婦。不枉了一對姻緣。這是佳人才子兩堪誇。天付姻緣事不差。試看月輪還有意。定知丹桂近仙娃。〔外笑介〕你言正合我意。你就去喚府前官媒婆來。同去蔡狀元處說親。〔末〕領鈞旨。〔喚介丑媒婆拿秤斧上〕

〔醉太平〕我做聰俊的媒婆。兩脚疾走如梭。生得不矮又不癯。人人都來請我。我更要金多銀多。綾羅段匹多。方肯做。又且張家李家誇談我。〔末〕誇談你甚的。

〔丑〕道我每須勝是別媒婆。媒婆媒婆。兩脚奔波。一斗好酒。一隻肥鵝。送到家裏。我和老公笑呵呵。〔末〕婆子休閒說。且去見老相公。〔外〕婆子。你手裏拿着甚麼東西。〔丑〕這是斧頭。〔外〕要他何用。〔丑〕這是媒婆的招牌。〔外〕如何將他做招牌。〔丑〕告相公得知。毛詩有云。析薪如之何。匪斧弗克。娶妻如之何。匪媒弗得。以此將他爲招牌。〔末〕休在班門弄斧。〔外〕媒婆。你要秤何用。〔丑〕

相公。這喚作量人秤。量是要緊的。大凡做媒時節。先把新婦新郎秤得一般。方纔與他說親。久後夫妻也和順。若是輕重了。夫妻到底相嫌。〔外〕休閒說。媒婆。我昨日奉聖旨。教我將小姐招贅蔡狀元爲婿。你如今去他跟前說知。若得成就了這頭親事。我多多賞你。〔丑〕這個有甚難處。一來奉當今聖旨。二來託相公威名。三來小姐才貌兼全。是人知道。蔡狀元有何不可。〔末〕這話極說得是。〔外〕媒婆。你近前來聽我說。

〔瑣窗郎〕吾家一女娉婷。不曾許與公卿。昨承聖旨。招選書生。媒婆。你和他說。不須用白璧黃金爲聘。〔合〕說道姻緣前世已曾定。今日裏共歡慶。

〔前腔〕〔丑〕住東京極有名聲。相公。論媒婆非自逞。今朝事體。管取完成。怕有一輕一重。全憑這條官秤。〔合前〕

〔前腔〕〔末〕雖然他高占魁名。得相招多少榮榮。依繡幕選中雀屏。媒婆。此一去他必從命。〔合前〕

爲傳芳信仗良媒。

管取門楣得俊才。

百年夫婦今朝合。

一段姻緣天上來。

第十三齣 官媒議婚

〔高陽臺〕〔生上〕夢繞親闈。愁深旅邸。那堪音信遼絕。淒楚情懷。怕逢淒楚時節。重門半掩。黃昏雨。奈寸腸此際千結。守寒窗一點孤燈。照人明滅。當時輕散輕別。歎玉簫聲杳。庾樓明月。一段愁煩。翻成兩下悲咽。枕邊萬點思親淚。伴漏聲到曉方徹。鎖愁眉。慵臨青鏡。頓添華髮。〔木蘭花〕鰲頭可羨。須知富貴非吾願。雁足難憑。沒個音信寄子情。田園將蕪。不知松菊猶存否。光景無多。怎奈椿萱老去何。自家爲父母所強。來此赴選。誰知逗遛在此。竟不能歸。今又復拜皇恩。除爲議郎。雖則任居清要。爭奈父母年老。安敢久留。天那。知我的父母安否如何。知我的妻室侍奉如何。欲待上表辭官。又未知聖意如何。苦好似和針吞卻線。刺人腸肚繫人心。〔末丑上〕

〔勝葫蘆〕〔末〕特奉皇恩賜結婚。來此把信音傳。〔丑〕若是仙郎肯與諧姻眷。一場好事。管取今朝便團圓。〔生〕兒家門戶重重閉。春色緣何得入來。未審何人到此。〔末丑〕

小人是牛太師府裏一個院子。老媳婦是媒婆。我兩人奉天子之洪恩。領太師之嚴命。特與狀元諧一佳偶。〔生〕元來如此。不索多心。且聽我說。

〔高陽臺〕宦海沈身。京塵迷目。名韁利鎖難脫。日斷家山。空勞魂夢飛越。〔丑〕

狀元是好一個小姐。〔生〕閒聒閒藤野蔓。休纏也。俺自有正兔絲。親瓜葛。是誰人無端調引。謾勞饒舌。

〔前腔〕〔末〕闕閱紫閣名公。黃扉元宰。三槐位裏排列。金屋嬋娟。妖嬈那更貞潔。〔丑〕歡悅秦樓。此日招鳳侶。遣妾每特來執伐。望君家殷勤肯首。早諧結髮。

〔前腔〕〔生〕非別千里關山。一家骨肉。教我怎生拋撇。妻室青春。那更親髻垂雪。〔丑〕狀元老公相見你這般青春年少。纔肯把小姐嫁與你。你不必推故。〔生〕差迭。須知少年

自有人愛了。謾勞你嫦娥提挈。滿皇都豪家無數。豈必卑末。

〔前腔〕〔末〕不達相府尋親。侯門納禮。兀自拒他不屑。繡幕奇葩。春光正當十八。〔丑〕休撇。知君是個折桂手。留此花待君攀折。況親奉丹墀詔旨。非我自相

攬掇。

〔前腔〕〔生〕心熱自小攻書。從來知禮。忍使行虧名缺。父母俱存。娶而不告。須難說。悲咽門楣相府。雖要選。奈屢屢佳人實難存活。〔丑〕狀元。小姐生得十分美貌。你休錯過了。〔生〕縱然有花容月貌。怎如我自家骨血。

〔前腔〕〔末〕迂闊他勢壓朝班。威傾京國。你卻與他相別。只怕他轉日迴天。那時須有個決裂。〔丑〕虛設。夜靜水寒魚不餌。笑滿船空載明月。下絲綸不愁無處。笑伊村殺。

〔餘文〕〔生〕明朝有事朝金闕。歸家奉親心下悅。〔末〕狀元。只怕聖旨不從。空自說。〔生〕不須多說。你若果奉聖旨來。我明日上表辭官。一就辭婚便了。

君王詔旨不相從。

明日應須奏九重。

有緣千里能相會。

無緣對面不相逢。

第十四齣 激怒當朝



〔出隊子〕〔外牛太師上〕朝夕縈挂。只爲孩兒多用心。不知月老事何因。爲甚冰人沒信音。顛望多時。情緒轉深。目斷青鸞瞻碧霧。情深紅葉看金溝。自家昨遣院子和官媒去蔡狀元處說親。尙未回音。且待他來。便知端的。

〔前腔〕〔末丑上〕喬才堪笑。故阻佯推不肯從。豈無佳壻近乘龍。有甚福緣能跨鳳。料想書生。只是命窮。〔相見介外〕媒婆你回來了。事體若何。〔丑〕覆相公得知。他千不肯。萬不肯。只是不肯不肯。〔末〕你且住休。待小人覆知相公。蔡狀元道。他家中有垂白之父母。年少之妻房。明日要上表辭官家去。實難從命。

〔雙鷓鴣〕〔外〕聽伊說。教人怒起。漢朝中惟吾獨貴。我有女。偏無貴戚豪家求配。奉聖旨使我招狀元爲壻。媒婆。不知他回話有何言語。

〔前腔〕〔丑〕媒婆告相公知。恨那人作怪踐蹊。千不肯。萬推辭。〔外〕我奉聖旨招他爲壻。你會把這話對他說麼。〔丑〕這話頭不惹些兒。道始得及第。縱有花容月貌。休提他罵相公罵小姐。〔外〕他罵小姐甚麼。〔丑〕道脚長尺二。〔末〕這般說謊沒巴臂。

〔跪介〕

〔前腔〕恩官且聽咨啓。蔡狀元聞說皺眉。忠和孝。恩和義。念父母八十年餘。況已娶了妻室。再婚重娶非禮。待早朝。上表文。要辭官家去。請相公別選一佳婿。〔前腔〕〔外〕他元來要奏丹墀。敢和我廝挺相持。細思之。可奈他將人輕覷。我就寫表奏與吾皇知。與他官拜清要地。務要來我處爲門楣。

〔意不盡〕〔衆〕這讀書輩沒道理。不思量違背了聖旨。只教他辭官辭婚俱未得。〔外〕自古道殺人可恕。情理難容。我的聲名。誰不欽敬。多少貴戚豪家。求爲吾婿而不可得。叵耐一書生顛倒不肯。反要辭官家去。且由他。左右。你和官媒婆再去蔡狀元處說。看他如何。我如今先去奏知官裏。只教不准他上表便了。

枉把封章奏九重。

不如及早便相從。

羈縻鸞鳳青絲網。

牢絡鴛鴦碧玉籠。

第十五齣

金閨愁配

〔剔銀燈〕〔貼上〕忒過分爹行所爲。但索強全不顧人議。背飛鳥硬求來諧比翼。隔牆花強攀做連理。姻緣還是怎的。天那。我待對爹爹說呵。婚姻事女孩兒家怎提。姻緣。姻緣。是非偶然。好笑我爹爹定要將奴家招贅蔡狀元爲婿。那狀元不肯。俺這裏也索罷了。誰想爹爹苦不放過。天那。他既不肯。便做了夫妻。到底也不和順。奴家待將此事對爹爹說。只是此事不是女孩兒每說的話。苦好悶呵。〔淨魃地上探介〕慚愧。慚愧。今日也能勾得小姐悶也。小姐。你想着甚麼。〔貼〕我不想着甚麼。〔淨〕你既不想着甚麼。爲何手托香腮。在此憂悶。我且問你。你往常間件件不煩惱。事事不動情。我想起來你都是佯詐。今日莫不是對景傷情麼。〔貼〕老姥姥。你說那裏話。我爲爹爹做事不停當。以此憂悶。〔淨〕老相公做甚事不停當。〔貼〕我爹爹要將奴家嫁與蔡狀元。使官媒婆去說。狀元不肯從命。他既然不肯。俺這裏也索罷了。如今爹爹苦不放過他。又叫媒婆去說。老姥姥。你怎生與我對爹爹說一聲也好。〔淨〕小姐。這是你爹爹的主意。如何。總我每說。

〔桂枝香〕書生愚見。忒不通變。不肯坦腹東牀。謾自去哀求金殿。想他每就裏。想他每就裏。將人輕賤。小姐。非爹胡纏。怕被人傳。〔貼〕呀。怕人傳甚麼。〔淨〕道你是

相府公侯女。不能彀嫁狀元。

〔前腔〕〔貼〕百年姻眷。須教情願。他那裏抵死推辭。俺這裏不索留戀。想他每就裏。想他每就裏。有些牽絆。〔淨〕有甚牽絆。〔貼〕怕恩多成怨。滿皇都少甚麼公侯子。何須去嫁狀元。

〔大迓鼓〕〔淨〕非干是你爹意堅。只怕春花秋月。誤你芳年。況兼他才貌真堪羨。又是五百名中第一仙。故把嫦娥付與少年。

〔前腔〕〔貼〕姻緣雖在天。若非人意。到底埋怨。料想赤繩不曾綰。多應他無玉種藍田。休把嫦娥強與少年。

匹配本自然。

何須苦相纏。

眼前雖成就。

到底也埋怨。

第十六齣 丹陛陳情

〔北點絳脣〕〔末上〕夜色將闌。晨光欲散。把珠簾捲。移步丹墀。擺列着金龍案。

〔北混江龍〕官居宮苑。謾道是天威咫尺。近龍顏。每日間親隨車駕。只聽鳴鞭。去螭頭上拜跪。隨着豹尾盤旋。朝朝宿衛。早早隨班。做不得卿相當朝一品貴。先隨着朝臣待漏五更寒。空嗟嘆。山寺日高僧未起。算來名利不如閒。自家是漢朝一個小黃門。往來紫禁。侍奉丹墀。領百官之奏章。傳一人之命令。正是王德無瑕。因官習。天顏有喜。近臣知。如今天色漸明。正是早朝時分。官裏升殿。怕有百官奏事。只得在此祇候。〔內問〕怎見得早朝時分。〔末〕但見銀河清淺。珠斗斑斕。數聲角吹落殘星。三通鼓報傳清曙。銀箭銅壺。點點滴滴。尙有九門寒漏。瓊樓玉宇。聲聲隱隱。已聞萬井晨鐘。曠曠矇矇。蒼茫紅日映樓臺。拂拂霏霏。葱菁瑞烟浮禁苑。裊裊巍巍。千尋玉掌。幾點灑灑露未晞。澄澄湛湛。萬里璇空。一片團團月初墜。三唱天雞。咿咿喔喔。共傳紫陌更闌。百轉流鶯。間間關關。報道上林春曉。午門外碌碌刺刺。車兒碾得塵飛。六宮裏嘔嘔啞啞。樂聲奏如鼎沸。只見那建章宮。甘泉宮。未央宮。長楊宮。五柞宮。長秋宮。長信宮。長樂宮。重重疊疊。萬萬千千。盡開了玉關金鎖。又見那昭陽殿。金華殿。長生殿。披香殿。金鑾殿。麒麟殿。太極殿。白虎殿。隱隱約約。三三兩兩。俱捲上繡箔珠簾。半空中忽聽得一聲轟轟烈烈。如雷如霆。震耳

的鳴梢響。合殿裏只聞得一陣氤氳氳。非烟非霧。撲鼻的御爐香。縹縹緲緲。紅雲裏雉尾扇遮着。赭黃袍。深深沈沈。丹陛間龍鱗座覆着彤芝蓋。左列着森森嚴嚴。前前後後的羽林軍。期門軍。控鶴軍。神策軍。虎賁軍。花迎劍佩星初落。右列着濟濟鏘鏘。高高下下的金吾衛。龍虎衛。拱日衛。千牛衛。驃騎衛。柳拂旌旗露未乾。金間玉。玉間金。炯炯燦燦。燦燦爛爛的神仙儀從。紫映緋。緋映紫。行行列列。整整齊齊的文武官寮。螭頭陛下。立着一對妖妖嬈嬈。花容月貌。繡鸞袍。鴛鴦靴的奉引昭容。豹尾班中。擺着一對端端正正。銅肝鐵膽。白象簡。獬豸冠的糾彈御史。拜的拜。跪的跪。那一個敢挨挨。撈撈縱縱。誼誼。升的升。下的下。那一個不欽欽。敬敬依禮法。但願得常瞻仙仗。聖德日新。日日新。與羣臣共拜天顏。聖壽萬歲。萬歲萬歲。從來不信叔孫禮。今日方知天子尊。道猶未了。一個奏事官人早到。

〔點絳脣〕〔生上〕月淡星稀。建章宮裏千門曉。御爐烟裊。隱隱鳴梢杳。忽憶年時。問寢高堂早。雞鳴了。悶縈懷抱。此際愁多少。不寢聽金鑰。因風想玉珂。明朝有封事。數問夜如何。自家爲父母在堂。故上表辭官回去侍奉。如今天色已明。這是午門外廂。不免進入去。

咱〔末〕奏事官指笏三舞蹈。

〔神仗兒〕〔生〕揚塵舞蹈。揚塵舞蹈。遙瞻天表。見龍鱗日耀。咫尺重瞳高照。遙拜着赭黃袍。遙拜着赭黃袍。

〔滴漏子〕臣邕的。臣邕的。荷蒙聖朝。臣邕的。臣邕的。拜還紫誥。〔末〕狀元。你莫不是嫌官小麼。〔生〕念邕非嫌官小。奈家鄉萬里遙。雙親又老。干瀆天威。萬乞恕饒。〔末〕狀元。吾乃黃門。職掌奏章。有何文表。就此批宣。〔生跪介〕

〔入破第一〕議郎臣蔡邕啓。今日蒙恩旨。除臣爲議郎之職。重蒙賜婚牛氏。干瀆天威。臣謹誠惶誠恐。稽首頓首。伏念微臣。初來有志。誦詩書。力學躬耕。修己不復貪榮利。事父母。樂田里。初心願如此而已。不想州司。謬取臣邕充試。到京畿。豈料蒙恩。叨居上第。

〔破第二〕重蒙聖恩。婚賜牛公女。臣草茅疎賤。如何當此隆遇。況臣親老。一從別後。光陰又幾。廬舍田園。荒蕪久矣。〔末〕老親在堂。必自有人侍奉。狀元不必憂慮。

〔袞第三〕〔生〕但臣親老髻髮白。筋力皆癯瘁。形隻影單。無兄弟。誰奉侍。況隔千山萬水。生死存亡。雖有音書難寄。最可悲。他甘旨不供。我食祿有愧。〔末〕聖上

作主。太師聯姻。狀元。這也是奇遇。

〔歇拍〕〔生〕不告父母。怎諧匹配。臣又聽得家鄉里。遭水旱。遇荒飢。多想臣親必做溝渠之鬼。未可知。怎不教臣悲傷淚垂。〔哭介末〕狀元。此非哭泣之處。不得驚動天

聽。

〔中袞第五〕〔生〕臣享厚祿。挂朱紫。出入承明地。惟念二親寒無衣。飢無食。喪溝渠。憶昔先朝朱買臣。守會稽。司馬相如持節錦歸。

〔煞尾〕他遭遇聖時。皆得回鄉里。臣何故別父母。遠鄉閩。沒音書。此心違。伏望陛下特憫微臣之志。遣臣歸。得侍雙親。隆恩無比。

〔出破〕若還念臣有微能。鄉郡望安置。庶使臣忠心孝意得全美。臣無任瞻天仰聖。激切屏營之至。〔末〕狀元元來如此。吾當與狀元轉達天聽。可在午門外廂俟候聖旨。正是



眼望旌旗捷。耳聽好消息。〔下生起介〕

〔神仗兒〕揚塵舞蹈。揚塵舞蹈。見祥雲縹緲。想黃門已到。料應重瞳看了。多應是念我私情烏鳥。顛望斷九重霄。顛望斷九重霄。黃門已將我奏章傳達。未知聖意允否。不免乘閒禱告天地一番。

〔滴漏子〕天憐念。天憐念。蔡邕拜禱。雙親的。雙親的。死生未保。天那。可憐恩深難報。一封奏九重。知他聽否。爹娘呵。俺和你會合分離。都在這遭。黃門去了多時。怎的不見回報。想必是官裏准了。天那。若能殼回家侍奉父母。蔡邕何須做官。〔末奉詔同一昭容上〕

〔前腔〕今日裏。今日裏。議郎進表。傳達上。傳達上。聖目看了。〔生〕聖目看了如何說。

〔末〕道太師昨日先奏。把乘龍女婿招。多少是好。〔生〕黃門大人。你莫不是哄我。

〔末〕見有玉音傳降聽剖。聖旨已到。跪聽官讀。皇帝詔曰。孝道雖大。終于事君。王事多艱。豈遑報父。朕以涼德。嗣續丕基。眷茲警動之風。未遂雍熙之化。爰招俊髦。以輔不逮。咨爾才學。允愜輿情。是用擢居議論之司。以求繩糾之益。爾當恪守乃職。勿有固辭。其所議婚姻事。可曲從師相之請。

以成桃夭之化。欽予是命。裕汝乃心。謝恩。〔生〕黃門大人。煩你與我再去奏知官裏。我情願不做官。  
〔末〕咳。這狀元好不曉事。聖旨誰敢違背。〔生〕黃門大人。你不去時節。待我自去拜還聖旨如何。  
〔末〕呀。這狀元好怪麼。這所在你如何去得。〔生哭介〕

〔啄木兒〕我親衰老。妻幼嬌。萬里關山音信杳。他那裏舉日悽悽。俺這裏回首迢迢。他那裏望得眼穿兒不到。俺這裏哭得淚乾親難保。閃殺人一封丹鳳詔。  
〔前腔〕〔末〕狀元。你何須慮。不用焦。人世上離多歡會少。大丈夫當萬里封侯。肯守着故園空老。畢竟事君事親一般道。人生怎全忠和孝。卻不見母死王陵歸漢朝。

〔二段子〕〔生〕這懷怎剖。望丹墀天高聽高。這苦怎逃。望白雲山遙路遙。  
〔前腔〕〔末〕狀元。你做官與親添榮耀。高掌管取加封號。與他改換門閭。偏不是好。

〔歸朝歡〕〔生〕冤家的。冤家的。苦苦見招。俺媳婦埋冤怎了。飢荒歲。飢荒歲。怕

他怎熬。俺爹娘怕不做溝渠中餓殍。

〔前腔〕〔末〕狀元。譬如四方戰爭多征調。從軍遠戍沙場草。也只是爲國忘家。怎憚勞。

家鄉萬里信難通。

爭奈君王不肯從。

情到不堪回首處。

一齊分付與東風。

### 第十七齣 義倉賑濟

〔普賢歌〕〔丑上〕身充里正實難當。雜泛差徭日夜忙。官司點義倉。並無此子糧。拚一頓拖翻喫大棒。我做都官管百姓。另是一般行徑。破靴破帽破衣裳。打扮須要厮稱。到官府百般下情。下鄉村十分豪興。討官糧大大做個官升。賣私鹽輕輕弄條喬秤。點催首放富差貧。保解戶欺軟怕硬。猛拚打強放潑。畢竟是個畢竟。誰知天不由人。萬事皆從前定。騙得五兩十兩。到使五錠十錠。田園盡都典賣。並無些子餘剩。叵耐廳前首領。嫌恨司房喬令。把我千樣凌辱。將我萬般督併。動不動去了破帽。打得我黃腫成病。幾番要自縊投河。不要了這條性命。今番又點義倉。並

無糧米抵應。若還把我拖翻。便叫高臺明鏡。小人也不是都官。也不是里正。休將屈棒。錯打了平民。

〔內問〕你是誰。〔丑〕我是搬戲的副淨。〔內〕休道出本來面目。〔丑〕苦往常間把義倉穀子偷將家去。養老婆孩兒了。今日上司官點義倉放穀。賑濟貧民。倉中沒有一些。那裏討還他。沒奈何我待把家私并老婆兒子都賣了。也賠不起。不免去與李社長商量。則個轉灣抹角。兀的便是李社長家裏。李社長。李社長。〔淨〕誰叫老爺。〔丑〕咦。你慣要做大。且出來。

〔前腔〕〔淨上〕身充社長管官倉。老小一家都在倉裏養。〔丑〕好好。你一家老小都

在倉裏養。事發時節。如何擺佈。〔淨〕事發儘不妨。里正先喫棒。〔丑〕尊兄饒得你過麼。〔淨〕

先打了都官。方纔打社長。老夫年傍八旬。家中只有三人。因充社長勾當。誰知也不安寧。又要

告官書題粉壁。又要勸民栽種翻耕。又要管淘河砌砌。又要辦木桶麻繩。若有人家嫁娶。須索請我去做賓。人人稱我年高伏衆。個個叫我社長官人。若得一紙狀子。強似廳上縣丞。原告許我銀子三錠五錠。被告送我豬脚十斤廿斤。若還得了兩家財物。只得朦朧寫個回文。每日去幹得泄水功德。竟不知自家家裏禍因。大的孩兒不孝不義。小的媳婦逼勘離分。單單只有第三個孩兒本分。常常

搶去了老夫的頭巾。激得我老夫性發。只得唱個陶真。〔丑〕呀。陶真怎的唱。〔淨〕呀。到被你聽見了。也罷。我唱你打和。〔丑〕使得。〔淨〕孝順還生孝順子。〔丑〕打打哈蓮花落。〔淨〕忤逆還生忤逆兒。〔丑〕打打哈蓮花落。〔淨〕不信但看簷前水。〔丑〕打打哈蓮花落。〔淨〕點點滴滴不差移。〔丑〕打打哈蓮花落。〔淨〕住休。〔丑〕你若不叫住。我直唱到天明。〔淨〕里正。你叫我出來。有甚事說。〔丑〕社長哥。今日官司給散義倉。倉中又無稻子。如何是好。我和你不免合賠些子。〔淨〕呀。倉中稻子都是你搬去喫了。怎的叫我和你合賠。小畜生到不虧了你。上司來時。干我甚事。我自回去抱子弄孫嬉他娘。正是閉門不管窗前月。一任梅花自主張。〔下丑〕苦李社長又去了。上司官又來了。如何是好。呀。喝道聲漸漸近了。只得迎接則箇。〔外放糧官末皂隸上〕

〔前腔〕〔外〕親承朝命賑飢荒。〔末〕躍馬揚鞭到此方。〔丑〕里正接老爺。〔末〕起去。疾忙開義倉。支與百姓糧。從實支收休要謊。〔外〕里正將支收簿來看。〔丑〕簿在此。〔外〕

〔讀介〕元管二十九石。新收三十六石。除支一十九石。見在四十六石。左右開倉。呀。這倉裏那有四十六石。〔丑〕有有。相公。〔外〕左右與他取了甘結。一面着他喚飢民來支糧。〔丑〕一心忙似箭。兩脚

走如飛。〔下外〕左右。這廝說謊。倉裏那得這些稻子。〔末〕相公且由他。若是不足數。只要他賠償便了。〔外〕也說得是。〔丑瞎子上〕

〔吳小四〕肚又飢。眼又昏。家私沒半分。子哭兒啼不可聞。聞知相公來濟民。請些官糧去救貧。〔作錯跪介〕相公可憐見。〔末〕相公在這裏。〔外〕老的姓甚名誰。家裏有幾口。

〔丑〕小的姓丘名乙己。家住上大村。有三千七十口。〔外〕胡說。那裏有許多口。〔丑〕告相公得知。上大人。丘乙己。化三千。七十士。〔末〕一口胡柴。〔外〕你實有幾口。〔丑〕小的夫妻兩口。孩兒兩口。〔外〕支糧與他。〔末〕支四口糧了。〔丑〕多謝相公。正是一日不識羞。三日不忍餓。〔下淨聾子上〕

〔前腔〕歎連朝飢怎忍。家中有五六人。前日老婆典了裙。今日媳婦又典棍。恰好遇官司來濟貧。相公可憐見。〔外〕老的姓甚名誰。家裏有幾口。〔淨作聾外復問介淨〕小的姓

大名比丘僧。住在祇樹給孤獨園。有一千二百五十口。〔外〕胡說。那裏有許多口。〔淨〕告相公得知。彌陀經中道。祇樹給孤獨園。與大比丘僧一千二百五十人俱。〔末〕佛口蛇心。〔外〕你實有幾口。

〔淨〕小的有兩個媳婦。三個孩兒。和我共六口。〔外〕支糧與他。〔末〕支六口糧了。〔淨〕多謝相公。正

是今日得君提掇起。免教人在污泥中。〔下旦上〕

〔搗練子〕嗟命薄。歎年艱。含羞忍淚向人前。猶恐公婆懸望眼。路逢險處難迴避。事到頭來不自由。奴家少長閨門。豈識途路。今日見官司放糧濟貧。只得去請些稻子。以救公婆之命。〔外〕婦人。你姓甚名誰。來此怎的。〔旦〕告相公。奴家姓趙。名五娘。公公蔡崇簡。因兒夫出外。特來請些糧米。以救公婆之命。〔外〕你丈夫那里去了。使你婦人家來請糧。

〔普天樂〕〔旦〕兒夫一向留都下。〔外〕你家裏還有誰。〔旦〕只有年老爹和媽。〔外〕有弟兄麼。〔旦〕弟和兄更沒一個。〔外〕既沒有弟兄。誰看承你的爹媽。〔旦〕看承盡是奴

家。〔外〕這般說起來。你好苦呵。婦人家不出閨門。你何不使個男子漢來請糧。〔旦〕作悲介。歷盡苦

誰憐我。相公。怎說得不出閨門的清平話。〔外〕你家裏有幾口。〔旦〕只有三口。〔外〕左右

支糧與他。〔末〕沒糧了。〔旦〕哭。若無糧。我也不敢回家。〔外〕怎的不敢回家。〔旦〕相公。豈

忍見公婆受餒。天那。嘆奴家命薄。直恁折挫。〔外〕左右。這倉中稻子沒了。一來湊原數不

起。一來這婦人說得好苦。你去拿那里正來。要這斷賠償。〔末〕領鈎旨。假饒走上焰摩天。脚下騰雲

須趕上。〔旦〕望相公可憐見。主張些糧米。與奴家救濟公婆之命。〔外〕我自有的分曉。〔末押丑上介〕似甕中捉鱉。手到拿來。〔外〕里正。這倉中稻子。湊原數不起。盡是你自偷了。你好好招伏。〔丑〕相公。小人招不得。自古道東量西折。難教小人賠償。〔外〕畜生。尖斛量入。平斛量出。如何會折了許多。左右。拿下打四十。〔丑〕相公不要打。小人情願招了。〔讀招介〕招狀人姓猫名狸。見年三十有餘。身上並無疾病。只有白帶不除。今與短狀招伏。因爲官糧久虧。說到義倉情弊。中間無甚蹊蹺。稻熟排門收斂。斂了各自將歸。並無倉廩盛貯。那有帳目收支。縱然有得些小。胡亂寄在民居。官司差人點視。便糴些穀支持。上下得錢便罷。不問倉實倉虛。假饒清官廉吏。被我影射片時。東家借得十扛。西家借得五箕。但見倉中有穀。其間就裏怎知。年年把常常事。番番一似耍嬉。不道今年荒旱。不道今年民飢。不因分俵賑濟。如何會泄天機。假饒奏到三十三天。我里正無甚罪過。〔末〕爲甚的。〔丑〕只是點糧詐錢的做馬做驢。招狀執結是實。伏乞相公指揮。〔外〕左右押這廝去。就要賠償。〔末押丑下〕正是懼法朝朝樂。欺公日日憂。〔末押丑上〕假饒人心似鐵。怎逃官法如爐。告相公。里正賠償的稻子有了。〔外〕支與那婦人去。〔旦〕多謝相公。〔末與旦丑覷覷科〕由你半路去。我好歹與你



奪了便罷。〔旦〕謝得恩官爲主維。〔丑〕只教中路有災危。〔外〕當權若不行方便。如入寶山空手回。  
〔外末丑下旦〕一斟一酌。莫非前定。今日奴家去請糧。誰知道里正作弊。倉中沒了。若不得相公督  
併。里正賠償。奴家如何得這些穀回家救濟二親。正是飢時得一口。強似飽時得一斗。〔欲下丑上  
攔住介〕恩人相見。分外眼明。仇人相見。分外眼睜。我也會見你過來呵。你快把稻子還我。萬事全  
休。〔旦〕呀。相公與奴家的稻子。如何還你。〔丑〕咳。方纔不是你只管告不休。相公如何要我賠償這  
稻子。是我賣老小賣家私的。你如何拿去。〔搶介旦〕里正官人。你要用強。可憐奴家艱辛。〔丑〕可憐  
你甚的。

〔鎖南枝〕〔旦〕兒夫去。竟不還。公婆兩人都老年。自從昨日到如今。不能穀一  
餐飯。〔丑〕你公婆沒飯喫。也不干我事。〔旦〕奴請糧。他在家懸望眼。念我年老公婆做  
方便。〔拜丑介丑〕不要拜。不要拜。這般時年。我做不得方便。你將稻子還我便罷。

〔前腔〕〔旦〕鄉官可憐見。這些稻子呵。是我公婆命所關。若是必須將去。寧可脫  
下衣裳。就問鄉官換。〔作脫衣介丑〕不要不要。你身上也寒冷。〔旦〕寧使奴身上寒。只要

與公婆救殘喘。〔丑〕娘子罷罷。你說起這話。都是孝心。我不忍問。你取了。莫怪莫怪。你去罷。〔旦〕如此多謝。〔丑虛下。躲介。旦〕謝天謝地。且喜里正去了。不免趨行幾步。〔丑上推旦奪下介〕

〔前腔〕〔旦〕奪將去。真可憐。公婆望奴不見還。縱然他不埋冤。道我做媳婦的。有何幹。他忍飢添我夫罪愆。教我怎見得我夫面。千死萬死。終久是死。不如早死爲強。此間有一口古井。不免投入死休。〔欲投井介〕

〔前腔〕將身赴井泉。思量左右難。我丈夫當年分散。叮嚀囑付爹娘。教我與他相看管。苦我死卻他形影單。夫婿與公婆。可不兩埋怨。

〔前腔〕〔外上〕媳婦去。不見還。教人在家凝望眼。〔跌倒旦扶介外〕呀。你在這里閒行。教我望得肝腸斷。〔旦〕公公。奴請糧爲你供午餐。又誰知被人騙。〔外〕媳婦卻怎麼說。〔旦〕公公。奴家請得些稻子。到半途之中。卻被里正奪去了。〔外哭〕天那。元來如此。

〔前腔〕思量我命乖蹇。不由人不珠淚漣。料想終須餓死。不如早赴黃泉。免把你廝牽絆。媳婦。婆老年。不久延。你須是好看管。呀。元來這里有一口古井。不免投入死休。

〔前腔〕〔旦〕公公。你若身傾棄。我苦怎言。公還死了婆。怎免你兩人。一旦身亡。教我獨自如何展。公公。你喫苦辛。其實難過遣。我痛傷悲。只得強相勸。

〔前腔〕〔外〕媳婦。你衣衫盡解典。囊篋已罄然。縱使目前存活。到底日久日深。你與我難相念。苦衣食缺。你行孝難。活冤家。不如早拆散。〔欲投井。旦救介。末挑穀上。〕

〔前腔〕不豐歲。荒歉年。官司把糧來給散。見一個年老的公公。在那裏頻嗟嘆。待向前仔細看。呀。我道是誰。元來是蔡老員外和五娘子呵。你兩人在此有何幹。〔旦〕公

公。一言難盡。奴家今日聞知官司給散義倉。去請些糧米。與公婆充飢。誰想里正作弊。倉中沒了稻子。謝得相公。着令里正賠納。把些與奴家。來到半途。被里正奪去。奴家害羞回來。公公見說。也要投井死。奴家正在此勸解公公。〔末〕咳。五娘子你差了。老夫方纔也請得些官糧。正要將來分送你公公。你怎的不來與我商量。卻自家出去。被那狂徒欺侮。

〔前腔〕我聽你說這言。待我趕去。罵那廝鐵心腸。昧心漢。〔旦〕公公。他去得遠了。〔外〕罷罷。太公。我和你是良善之人。不要與那狂徒一般見識。只是這幾日。餓得難過。〔末〕員外。你且

不須憂慮。我也請得些官糧。和你兩下分一半。〔旦〕這是公公請的。如何使得。〔末〕咳。五娘子。你休恁推。莫棄嫌。且將回權做兩廚飯。〔旦〕如此多謝了公公。〔末〕怎說這話。五娘子。你伯喈當初出去。把爹娘囑付與老夫。今日是荒年飢歲。虧殺你獨自支吾。終不然我自溫飽。教你忍飢受餓。古語云。濟人須濟急時無。你胡亂將這些救濟公姑則個。五娘子。你先回去。我和你公公隨後緩緩的來。

〔洞仙歌〕〔旦〕苦家私沒半分。靠着奴此身。只要救公婆。豈辭多苦辛。〔合〕空把淚珠搵。可憐飢與貧。這苦說不盡。

〔前腔〕〔外〕太公。我本爲泉下人。他救我一命存。只怕我不久身亡。報不得媳婦恩。〔合前〕

〔前腔〕〔末〕見說不可聞。況我託在隣。終不然我享安和。忍見你受飢窘。〔合前〕  
命薄多年受苦辛。不如身死早離分。

惟有感恩并積恨。萬年千載不成塵。

第十八齣 再報佳期

〔蠻牌令〕〔丑媒婆上〕終日走千遭。走得脚無毛。何曾見湯水面。花紅也不曾見半分毫。到不如做個虔婆頂老。也落得些鴨汁喫飽。窮酸秀才直恁喬。老婆與他。故推不要。咳。我做媒婆做到老。不曾見這般好笑。叵耐一個秀才。老婆與他不要。別人見了媒婆。歡歡喜喜。他反和我尋爭尋鬧。老相公又不肯干休。只管在家囉哩。把媒婆放在中間。旋得七顛八倒。走得我鞋穿襪綻。說得我唇乾口燥。也不怕你親事不成。也不怕你姻緣不到。只怕你紅羅帳裏快活。不叫媒婆聒噪。這裏便是狀元貴館。呀。恰好的狀元出來了。

〔金蕉葉〕〔生上〕愁多怨多。俺爹娘知他怎麼。擺不脫功名奈何。送將來冤家怎躲。〔相見介丑〕狀元。賀喜賀喜。牛太師選定今日與小姐畢姻。請狀元早赴佳期。〔生〕天那。此事如何是好。〔丑〕狀元。事皆前定。不必再推。

〔三換頭〕〔生〕名韁利鎖。先是將人摧挫。況鸞拘鳳束。甚日得到家。我也休怨他。這其間只是我不合來長安看花。閃殺我爹娘也。淚珠空暗墮。〔合〕這斷姻

緣也。只是無如之奈何。

〔前腔〕〔丑〕鸞臺罷妝。鵲橋初駕。佳期近也。請仙郎到河。〔生〕媒婆。我去也不妨。只是一心挂兩頭。如何是好。〔丑〕狀元。此事明知牽挂。這其間只得把那壁廂且都拚捨。況奉君王詔。怎生別了他。〔合前〕狀元。門首轎馬都已齊備了。

及早赴佳期。

歡娛成怨悲。

情知不是伴。

事急且相隨。

### 第十九齣 強就鸞凰

〔傳言玉女〕〔外牛太師上〕燭影搖紅。簾幕瑞烟浮動。畫堂中珠圍翠擁。妝臺對月。下鸞鶴神仙儀從。玉簫聲裏。一雙鳴鳳。左右何在。〔院子上〕獨立畫堂聽命令。珠簾底

下一聲傳。老相公有何指揮。〔外〕左右。我今日與小姐畢姻。筵席安排了未。〔院子〕安排完備了。

〔外〕完備得如何。〔水調歌頭〕〔院子〕屏開金孔雀。褥隱繡芙蓉。獸爐煙裊。蓮臺絳燭吐春紅。廣設珊瑚席子。高把真珠簾捲。環列翠屏風。人間丞相府。天上蕊珠宮。錦遮圍。花爛熳。玉玲瓏。繁絃脆管。

歡聲鼎沸。畫堂中簇擁金釵十二。座列三千珠履。談笑盡王公。正是門闌多喜氣。女壻近乘龍。〔外〕  
狀元來未。〔院子〕望見一簇人馬喧鬧。想是狀元來了。〔生上〕

〔女冠子〕馬蹄篤速。傳呼齊擁雕轂。〔外〕金花帽簇。天香袍染。丈夫得志。佳壻  
坦腹。惜春。狀元已到。請小姐出來拜堂。〔貼上〕

〔前腔〕妝成聞喚促。又將彩扇重遮。羞蛾輕蹙。〔淨丑執掌扇上合〕這姻緣不俗。

金榜題名。洞房花燭。〔淨〕狀元和小姐兩個。各自立一邊。請陰陽先生讚禮。〔末賓人上〕稟相

公告廟。維大漢太平年。團圓月。和合日。吉利時。嗣孫牛某。有女及笄。奉聖旨招贅新狀元蔡邕爲壻。

以此吉辰。敢申虔告。告廟已畢。請與新人揭起方巾。〔丑〕待我來。伏以窈窕青娥。二八春。綠雲之上

覆方巾。玉纖揭起西川錦。露出嬌容。賽玉真。掌禮。請喝拜。〔末〕竊以禮重婚姻。茲實人倫之大。義當

配偶。爰思宗系之承。張設青爐。熒煌花燭。祀供蘋藻。首嚴見廟之儀。贊備棗榛。抑講拜堂之禮。集珠

履玳簪之客。環金釵玉珥之賓。慶會良宵。觀光盛事。香熏寶鴨。濃騰裊裊之煙。步擁金蓮。請下深深

之拜。〔喝拜介〕拜禮已畢。請狀元小姐把酒。

〔畫眉序〕〔生〕攀桂步蟾宮。豈料絲蘿在喬木。喜書中今朝有女如玉。堪觀處絲幙牽紅。恰正是荷衣穿綠。〔合〕這回好個風流壻。偏稱洞房花燭。

〔前腔〕〔外〕君才冠天祿。我的門楣稍賢淑。看相輝清潤瑩然冰玉。光掩映孔雀屏開。花爛漫芙蓉穩褥。〔合前〕

〔前腔〕〔貼〕頻催少膏沐。金鳳斜飛鬢雲矗。喜逢他蕭史。愧非弄玉。清風引珮下瑤臺。明月照妝成金屋。〔合前〕

〔前腔〕〔淨丑〕湘裙展六幅。似天上嫦娥降塵俗。喜藍田今已種成雙玉。風月賽閨苑三千。雲雨笑巫山二六。〔合前〕

〔滴溜子〕〔生〕謾說道姻緣事。果諧鳳卜。細思之。此事豈吾意欲。有人在高堂孤獨。可惜新人笑語喧。不知我舊人哭。兀的東牀難教我坦腹。

〔鮑老催〕〔衆〕翠眉謾蹙。赤繩已繫夫婦足。芳名已注婚姻牘。狀元空嗟怨。枉歎息。休摧挫。畫堂富貴如金谷。休戀故鄉深處好。受恩深處親骨肉。



〔滴滴金〕金猊寶鼎香馥郁。銀海瓊丹汎醴醪。輕飛彩袖呈嬌舞。轉鶯喉。歌麗曲。歌聲斷續。持觴勸酒人共祝。人共祝。百年夫婦永和睦。

〔鮑老催〕意深愛篤。文章富貴珠萬斛。天教豔質爲眷屬。似蝶戀花。鳳棲梧。鸞停竹。男兒有書須勤讀。書中自有黃金屋。也有千鍾粟。

〔雙聲子〕郎多福。郎多福。看紫綬黃金束。娘萬福。娘萬福。看花誥紋犀軸。兩意篤。兩意篤。豈非福。豈非福。似紋鸞綵鳳。兩兩相逐。

〔餘文〕郎才女貌真不俗。占斷人間天上福。百歲姻緣萬事足。

清風明月兩相宜。

女貌郎才天下奇。

正是洞房花燭夜。

果然金榜挂名時。

### 第二十齣 勉食姑嫜

〔薄倖〕〔旦上〕野曠原空。人離業敗。謾盡心行孝。力枯形憊。幸然爹媽此身安泰。栖惶處。見慟哭飢人滿道。歎舉日將誰荷賴。曠野蕭疎絕煙火。日色慘淡黯村塢。死

別空原婦泣夫。生離他處兒牽母。觀此悒惶實可憐。思量轉覺此身難。高堂父母老難保。上國兒郎去不還。力盡計窮淚亦竭。看看氣盡知何日。高岡黃土漫成堆。誰把一抔掩奴骨。奴家自從丈夫去後。頓遭飢荒。衣衫首飾。盡皆典賣。家計蕭然。爭奈公婆年老。死生難保。朝夕又無甘旨膺奉。如何是好。只得安排一口淡飯。與公婆充飢。奴家自把些穀膜米皮饌饌來喫。苟留殘喘。喫時又怕公婆看見。只得迴避。免致他煩惱。如今飯已熟了。不免請出公婆早膳則個。

〔夜行船〕〔外淨上〕苦忍飢擔餓何日了。孩兒一去。竟無音耗。〔淨〕甘旨蕭條。米

糧缺少。〔合〕天那。真個死生難保。〔旦〕請公公婆婆早膳。〔淨〕媳婦有果蔬麼。〔旦〕沒有。〔淨〕

有下飯麼。〔旦〕也沒有。〔淨〕賤人。前日早膳還有些下飯。今日只得一口淡飯。再過幾日。連淡飯也沒有了。快抬去。〔外〕咳。這般時年。胡亂喫一口充飢。還要分甚麼好歹。

〔鑼鼓令〕〔淨〕我終朝受餒。賤人。你將來的飯教我怎喫。可疾忙便擡。非干是我有些饒態。

〔前腔〕〔外〕阿婆。你看他衣衫都解。好茶飯將甚去買。兀的是天災。教媳婦每難

佈擺。

〔前腔〕〔旦〕婆婆息怒且休罪。待奴家霎時將去再安排。思量到此珠淚滿腮。看看做鬼溝渠裏埋。縱然不死也難捱。教人口只恨蔡伯喈。

〔前腔〕〔淨〕如今我試猜。多應他犯着獨疔病來。背地裏自買些鮭菜。〔外〕阿婆。他那裏得錢去買。〔淨〕阿公。我喫飯他緣何不在。這些三意兒真是歹。

〔前腔〕〔外〕阿婆。他和你甚相愛。不應反面直恁的乖。〔旦背介〕我千辛萬苦有甚疑猜。可不道我臉兒黃瘦骨如柴。〔淨〕擡去擡去。〔外〕媳婦。婆婆喫不得。你且收去。〔旦收

介〕婆婆耐煩。待奴家去佈擺些東西。再安排過來。〔淨〕你去你去。〔旦〕正是啞子謾嘗黃柏味。難將苦口向人言。〔下淨〕阿公。親的到底是親。親生兒子不留在家。到倚靠着媳婦供養。你看前日兀自有些鮭菜。今日只得些淡飯。教我怎的喫。再過幾日。連飯也沒了。我看他前日自喫飯時節。百般躲避我。敢是他背地裏自買些下飯受用分曉。〔外〕阿婆休要錯疑了。我看媳婦不是這般樣人。〔淨〕恁的等他自喫時節。我和你潛地裏去探一探。便知端的。〔外〕也說得是。只一件那。〔淨〕卻怎的。

荒年有飯休思菜。

媳婦無良把我虧。

混濁不分鱧共鯉。

水清方見兩般魚。

第二十一齣 糟糠自厭

〔山坡羊〕〔旦上〕亂荒荒不豐稔的年歲。遠迢迢不回來。的夫婿。急煎煎不耐煩的。一親。軟怯怯不濟事的孤身己。苦衣盡典。寸絲不挂體。幾番拚死了奴身己。爭奈沒主公婆。教誰看取。〔合〕思之。虛飄飄命怎期。難捱實不不災共危。

〔前腔〕滴溜溜難窮盡的珠淚。亂紛紛難寬解的愁緒。骨崖崖難扶持的病身。戰兢兢難捱過的時和歲。這糠我待不喫你呵。教奴怎忍饑。我待喫你呵。教奴怎生喫。思量起來。不如奴先死。圖得不知他親死時。〔合前〕奴家早上安排些飯與公婆喫。豈不欲買些鮭菜。爭奈無錢可買。不想婆婆抵死埋怨。只道奴家背地自喫了甚麼東西。不知奴家喫的是米膜糠粃。又不敢教他知道。便做他埋怨殺我。我也不分說。苦這糠粃怎的喫得下。〔喫吐介〕

〔孝順歌〕嘔得我肝腸痛。珠淚垂。喉嚨尙兀自牢啞住。糠那。你遭龔被春杵。篩

你簸颺你。喫盡控持。好似奴家身狼狽。千辛萬苦皆經歷。苦人喫着苦味。兩苦相逢。可知道欲吞不去。〔外淨潛上探覷介〕

〔前腔〕〔旦〕糠和米本是相依倚。被簸颺作兩處飛。一賤與一貴。好似奴家與夫婿。終無見期。丈夫你便是米呵。米在他方沒尋處。奴家恰便似糠呵。怎的把糠來救得人饑餒。好似兒夫出去。怎的教奴供饜得公婆甘旨。〔外淨潛下介〕

〔前腔〕思量我生無益。死又值甚的。不如忍饑死了爲怨鬼。只一件。公婆老年紀。靠奴家相依倚。只得苟活片時。片時苟活雖容易。到底日久也難相聚。謾把糠來相比。這糠呵。尙兀自有人喫。奴家的骨頭。知他埋在何處。〔外淨上淨〕媳婦。你在這裏喫甚麼。〔丑〕奴家不會喫甚麼。〔淨搜拿介旦〕婆婆你喫不得。〔外〕咳。這是甚麼東西。

〔前腔〕〔旦〕這是穀中膜。米上皮。〔外〕呀。這便是糠。要他何用。〔旦〕將來饜饌堪療饑。

〔淨〕咳。這糠只好將去餵豬狗。如何把來自喫。〔旦〕嘗聞古賢書。狗彘食人食。也強如草根樹皮。〔外淨〕恁的苦澀東西。怕不噎壞了你。〔旦〕齧雪吞氈。蘇卿猶健。餐松食柏。到

做得神仙侶。這糠呵。縱然喫些。二何慮。〔淨〕阿公。你休聽他說謊。糠糝如何喫得。〔旦〕爹媽休疑。奴須是你孩兒的糟糠妻室。〔外淨看哭介〕媳婦。我元來錯埋冤了你。兀的不痛殺我也。

〔悶倒旦叫哭介〕

〔雁過沙〕〔旦〕苦沈沈向冥途。空教我耳邊呼。公公婆婆。我不能穀盡心相奉事。反教你爲我歸黃土。教人道你死緣何故。公公婆婆。怎生割捨得拋棄了奴。〔外

醒介旦〕謝天謝地。公公醒了。公公你闌闌。

〔前腔〕〔外〕媳婦。你擔飢事姑舅。媳婦。你擔飢怎生度。〔旦〕公公且自寬心。不要煩惱。

〔外〕媳婦。我錯埋冤了你。你也不推辭。到如今始信有糟糠婦。媳婦。料應我不久歸陰府。也省得爲我死的。累你生的受苦。〔旦扶外起介〕公公且在牀上安息。待我看

婆婆如何。〔叫不醒介〕呀。婆婆不濟事了。如何是好。

〔前腔〕婆婆氣全無。教奴怎支吾。咳。丈夫呵。我千辛萬苦。爲你相看顧。如今到此難回護。我只愁母死難留父。況衣衫盡解。囊篋又無。〔外〕媳婦。婆婆還好麼。〔旦〕婆婆

不好了。

〔前腔〕〔外〕天那。我當初不尋思。教孩兒往帝都。把媳婦閃得苦又孤。婆婆送入黃泉路。算來是相耽誤。不如我死。免把你再辜負。〔旦〕公公休說這話。且自將息。〔外〕

媳婦。婆婆死了。衣衾棺槨。是件皆無。如何是好。〔旦〕公公寬心。待奴家區處。〔末上〕福無雙降。猶難信。禍不單行。卻是真。老夫爲何道此兩句。爲隣家蔡伯喈妻房趙氏五娘。他嫁得伯喈。方纔兩月。伯喈便出去赴選。自去之後。連遭飢荒。公婆年紀皆在八十之上。家裏更沒個相扶持的。甘旨之奉。虧殺這五娘子。把些衣服首飾之類。盡皆典賣。辦些糧米。供給公婆。卻背地裏把糠粃餵充飢。這般荒年飢歲。少甚麼有三五個孩兒的人家。供饌不得爹娘。這個小娘子。真個今人中少有。古人中難得。那婆婆不知道。顛倒把他埋冤。適來聽得他公婆知道。卻又痛心。都害了病。如今不免到他家裏探望則個。呀。五娘子。你爲甚的慌慌張張。〔旦〕公公。天有不測風雲。人有旦夕禍福。奴家婆婆死了。〔末〕咳。你婆婆既死了。你公公如今在那裏。〔旦〕在牀上睡着。〔末〕待我看一看。〔外〕太公。休怪我。起來不得了。〔末〕老員外。快不要勞動。〔旦〕太公。我婆婆衣衾棺槨。是件皆無。如何是好。〔末〕五

娘子。你不要愁煩。我自有區處。

〔玉胞肚〕〔旦〕千般生受。教奴家如何措手。終不然把他骸骨。沒棺材送在荒坵。〔合〕相看到此。不由人不淚珠流。不是冤家不聚頭。

〔前腔〕〔末〕五娘子不必多憂。資送婆婆。在我身上有。但你小心承直公公。莫教他又成不救。〔合前〕

〔前腔〕〔外〕張公護救。我媳婦實難啓口。孩兒去後。又遇饑荒。把衣衫典賣無留。〔合前末〕老員外。你請進裏面去歇息。待我一霎時叫家僮討棺木來。把老安人殯斂了。選個吉日。送在南山安葬去。〔外〕如此多謝太公周濟。

只爲無錢送老娘。  
須知此事有商量。  
歸家不敢高聲哭。  
惟恐猿聞也斷腸。

第二十二齣 琴訴荷池

〔一枝花〕〔生上〕閒庭槐影轉。深院荷香滿。簾垂清晝永。怎消遣。十二欄杆。無



事閒凭遍悶來把湘簟展。夢到家山。又被翠竹敲風驚斷。〔南鄉子〕翠竹影搖金。水

殿簾櫳映碧陰。人靜晝長無個事。沈吟。碧酒金樽懶去斟。幽恨苦相尋。離別經年沒信音。寒暑相催人易老。關心。卻把閒愁付玉琴。院子將琴書過來。〔末將琴書上〕黃卷看來消白日。朱絃動處引清風。炎蒸不到珠簾下。人在瑤池園苑中。相公。琴書在此。〔生〕院子。你與我喚那兩個學僮過來。〔末叫介淨執扇丑持香上〕

〔金錢花〕自少承直書房。書房快活其實難當。難當只管打扇與燒香。荷亭畔。好乘涼。喫飽飯。上眠牀。〔參見介生〕我在先得此材于爨下。斲成此琴。即名焦尾。自來此間。

久不整理。今日當此清涼。試操一曲。以舒悶懷。你三人一個打扇。一個燒香。一個管文書。休得嫚誤。

〔衆〕領鈞旨。〔生操琴介〕

〔懶畫眉〕強對南薰奏虞絃。只覺指下餘音不似前。那些三個流水共高山。呀。只見滿眼風波惡。似離別當年懷水仙。〔淨困掉扇介末〕告相公。打扇的壞了扇。〔生〕背起打十三。那斷不中用。只教他燒香。〔末〕領鈞旨。

〔前腔〕〔生〕頓覺餘音轉愁煩。似寡鵠孤鴻和斷猿。又如別鳳乍離鸞。呀。只見殺聲在絃中見。敢只是螳螂來捕蟬。〔丑〕困滅香介淨告相公。燒香的滅了香。〔生〕背起打十三。那厮不中用。只教他管文書。〔末〕領鈞旨。

〔前腔〕〔生〕藍田日暖玉生烟。似望帝春心託杜鵑。好姻緣翻做惡姻緣。只怕眼底知音少。爭得鸞膠續斷絃。〔末〕掉文書介丑告相公。管文書的亂了文書。〔生〕背起打十三。〔貼上生〕左右。夫人來也。且各迴避。〔衆〕正是有福之人人伏事。無福之人伏事人。〔末丑淨下〕

〔滿江紅〕〔貼〕嫩綠池塘。梅雨歇。薰風乍轉。瞥然見。新涼華屋。已飛乳燕。簾展湘波。紈扇冷。歌傳金縷。瓊卮暖。〔衆〕炎蒸不到水亭中。珠簾捲。〔貼〕相公。元來在此操琴呵。〔生〕夫人。我當此清涼。聊托此以散悶懷。〔貼〕奴家久聞相公高於音樂。如何來到此間。絲竹之音。杳然絕響。斗膽請再操一曲。相公肯麼。〔生〕夫人待要聽琴。彈甚麼曲好。我彈一曲雉朝飛何如。〔貼〕這是無妻的曲。不好。〔生〕呀。說錯了。如今彈一曲孤鸞寡鵠何如。〔貼〕兩個夫妻正團圓。

說甚麼孤寡。〔生〕不然彈一曲昭君怨何如。〔貼〕兩個夫妻正和美。說甚麼宮怨。相公當此夏景。只彈一曲風入松好。〔生〕這個卻好。〔彈介貼〕相公你彈錯了。〔生〕呀。到彈出思歸引來。待我再彈。〔貼〕相公你又彈錯了。〔生〕呀。又彈出個別鶴怨來。〔貼〕相公。你如何恁的會差。莫不是故意賣弄。欺侮奴家。〔生〕豈有此心。只是這絃不中用。〔貼〕這絃怎的不中用。〔生〕俺只彈得舊絃慣。這是新絃。俺彈不慣。〔貼〕舊絃在那裏。〔生〕舊絃撇下多時了。〔貼〕爲甚麼撇了。〔生〕只爲有了這新絃。便撇了那舊絃。〔貼〕相公何不撇了新絃。用那舊絃。〔生〕夫人。我心裏豈不想那舊絃。只是新絃又撇不下。〔貼〕你新絃既撇不下。還思量那舊絃怎的。我想起來。只是你心不在焉。特地有許多說話。

〔桂枝香〕〔生〕夫人。舊絃已斷。新絃不慣。舊絃再上不能。待撇了新絃難拚。我一彈再鼓。一彈再鼓。又被宮商錯亂。〔貼〕相公。你敢是心變了麼。〔生〕非干心變。這般好涼天。正是此曲纔堪聽。又被風吹別調間。

〔前腔〕〔貼〕相公。非彈不慣。只是你意慵心懶。既道是寡鵠孤鸞。又道是昭君宮怨。那更思歸別鶴。思歸別鶴。無非愁歎。相公。我看你多敢是想着誰。〔生〕夫人。我不想着

甚麼人〔貼〕相公。有何難見。你既不然。我理會得了。你道是除了知音聽。道我不  
是知音不與彈。〔生〕夫人。那有此意。〔貼〕相公。這個也由你。畢竟你無心去彈他。何似教惜春安  
排酒過來。與你消遣何如。〔生〕我懶飲酒。待去睡也。〔貼〕相公休阻妾意。老姥姥惜春看酒來。

〔淨丑持酒上〕

〔燒夜香〕〔淨〕樓臺倒影入池塘。綠樹陰濃夏日長。〔丑〕一架荼蘼滿院香。〔合〕  
和你捧霞觴。納晚涼。捲起珠簾。明月正上。〔貼〕將酒過來。

〔梁州序〕〔貼〕新篁池閣。槐陰庭院。日永紅塵隔斷。碧欄杆外。寒飛漱玉清泉。  
自覺香肌無暑。素質生風。小簟瑯玕展。晝長人困也好清閒。忽被棋聲驚晝眠。  
〔合〕金縷唱。碧筒勸。向冰山雪巘排佳宴。清世界。幾人見。

〔前腔〕〔生〕薔薇簾箔。荷花池館。一陣風來香滿。湘簾日永。香消寶篆沈烟。謾  
有枕欹寒玉。扇動齊紈。怎遂黃香願。〔作悲介貼〕相公你爲甚的下淚。〔生〕猛然心地  
熱。透香汗。我欲向南窗一醉眠。〔合前〕

〔前腔〕〔貼〕向晚來雨過南軒。見池面紅妝零亂。漸輕雷隱隱。雨收雲散。只覺荷香十里。新月一鉤。此景佳無限。蘭湯初浴罷。晚妝殘。深院黃昏懶去眠。〔合前〕

〔前腔〕〔生〕柳陰中忽噪新蟬。見流螢飛來庭院。聽菱歌何處。畫船歸晚。只見玉繩低度。朱戶無聲。此景尤堪戀。起來攜素手。鬢雲亂。月照紗櫺人未眠。〔合前〕

〔節節高〕漣漪戲彩鴛。把露荷翻。清香瀉下瓊珠濺。香風扇。芳沼邊。閒亭畔。坐來不覺神清健。蓬萊閬苑何足羨。〔合〕只恐西風又驚秋。不覺暗中流年換。

〔前腔〕〔丑〕清宵思爽然。好涼天。瑤臺月下清虛殿。神仙眷。開玳筵。重歡宴。任教玉漏催銀箭。水晶宮裏把笙歌按。〔合前〕

〔餘文〕〔衆〕光陰迅速如飛電。好良宵可惜漸闌。管取歡娛歌笑喧。〔生〕樵樓上幾鼓了。〔淨〕三鼓了。

歡娛休問夜如何。

此景良宵能幾何。

遇飲酒時須飲酒。

得高歌處且高歌。

第二十三齣 代嘗湯藥

〔霜天曉角〕〔旦上〕難捱怎避。災禍重重至。最苦婆婆死矣。公公病又將危。屋漏更遭連夜雨。船遲又被打頭風。奴家自從婆婆死後。萬千狼狽。誰知公公病又將危。如今贖得些藥。已煎在此。不免再安排一口粥湯。

〔犯胡兵〕囊無半點調藥費。良醫怎求。天那。然縱救得目前。飯食何處有。料應難到後。謾說道有病遇良醫。饑荒怎救。公公這病呵。

〔前腔〕愁萬苦千恁生受。妝成這症候。藥呵。縱然救得目前。怎免得憂與愁。料應不會久。他只爲不見孩兒。纔得這病。若要這病好時呵。除非是子孝父心寬。方纔可救。藥已熟了。且扶公公出來喫些。看何如。〔旦下扶外上〕

〔霜天曉角〕〔外〕神散魂飛。料應不久矣。〔旦〕公公請闌。〔外〕我縱然擡頭強起。形衰倦。怎支持。〔旦〕公公。藥已熟了。慢慢喫些。〔外〕媳婦。我喫不得這藥了。

〔香遍滿〕〔旦〕論來湯藥。須索是子先嘗。方進與父母。公公莫不是爲無子先

嘗。恰便尋思苦。〔外〕喫藥吐介旦公公。且耐煩喫些。〔外〕媳婦。這藥我喫不得了。我寧可早死了罷。免得累你。〔旦〕公公。你須索闌閩。怎捨得一命殞。〔外〕媳婦。你喫糠。省錢贖藥與我喫。我怎的喫得下。〔旦〕苦元來不喫藥也。只爲着糟糠婦。〔旦〕公公。你既不喫藥。且喫一口粥湯。看如何。〔外〕喫粥吐介旦公公。還慢慢喫些。〔外〕媳婦。我肚腹膨脹。怎喫得下。

〔前腔〕〔旦〕公公。你萬千愁苦。堆積在悶懷。成氣壘。可知道喫了吞還吐。〔外〕媳婦。我不濟事了。必是死也。孩兒又不回來。只是虧了你。〔旦〕公公。且自寬心。不要煩惱。〔旦〕背哭介

怕添親怨憶。暗將珠淚墮。〔外〕媳婦。你喫糠。卻教我喫粥。我怎的喫得下哩。〔旦〕苦元來不喫粥也。只爲糟糠婦。〔外〕媳婦。我死也不妨。只怨孩兒不在家。虧殺了你。你近前來。有兩句言語分付你。〔旦〕公公如何。〔外〕作跌倒拜介

〔青歌兒〕媳婦。我二二年謝得你相奉事。只恨我當初把你相擔誤。天那。我待欲報你的深恩。待來生我做你的媳婦。怨只怨蔡伯喈不孝子。苦只苦趙五娘辛勤婦。〔旦〕公公。奴身不足惜。

〔前腔〕我一怨你身死後有誰來祀。二怨你有孩兒不得相看顧。三怨你三年間沒一個飽暖的日子。三載相看甘共苦。一朝分別難同死。〔外〕媳婦。我死呵。

〔前腔〕你將我骨頭休埋在土。〔旦〕呀。公公百歲後。不埋在土。卻放在那里。〔外〕媳婦。都是我當初不合教孩兒出去。誤得你恁的受苦。我甘受折罰。任取屍骸露。〔旦〕公公。你休這般說。被人談笑。〔外〕媳婦。不笑着你。留與傍人道。蔡伯喈不葬親父。怨只怨蔡伯喈不孝子。苦只苦趙五娘辛勤婦。〔旦〕公公。倘你死呵。

〔前腔〕公婆已得做一處所。料想奴家不久也歸陰府。苦可憐一家三個怨鬼在冥途。三載相看甘共苦。一朝分別難同死。〔外〕媳婦。我畢竟是死了。你替我請張太公

過來。〔旦〕公公說猶未了。恰好張太公來也。〔末上〕歲歉無夫婿。家貧喪老親。可憐貞潔女。日夜受艱辛。五娘子。你公公病症何如。〔旦〕太公。我公公的病症。十分危篤。〔末〕如此待我向前看看。老員外。你貴體若何。〔外〕苦張太公。我不濟事了。畢竟是個死。你今來得恰好。我憑你爲證。寫下遺囑與媳婦收執。待我死後。教他休要守孝。早早改嫁便了。〔旦〕公公。你休那般說。自古道。忠臣不事二君。



烈女不更二夫。公公休要寫。〔外〕媳婦。你取紙筆過來。〔旦〕公公。奴家生是蔡郎妻。死是蔡郎婦。千萬休寫。枉自勞神。〔外〕媳婦。你不取紙筆來。要氣殺我也。〔末〕五娘子。你休逆他。嫁與不嫁在乎你。且取將過來。〔旦取上外作寫介〕咳。這一管筆倒有千斤來重。

〔羅帳裏坐〕媳婦。你艱辛萬千。是我擔誤了伊。你不嫁人呵。身衣口食。怎生區處。休休。當初元是我拆散了你夫妻。我如今死了呵。終不然教你又守着靈幃。〔放筆介〕已知死別在須臾。更與甚麼生人做主。

〔前腔〕〔末〕這中間就裏。我難說怎提。五娘子。你若不嫁人。恐非活計。若不守孝。又被人談議。可憐家破與人離。怎不教人淚垂。

〔前腔〕〔旦〕公公嚴命。非奴敢違。若是教我嫁人呵。那些三個不更二夫。卻不誤奴一世。公公。我一馬一鞍。誓無他志。可憐家破與人離。怎不教人淚垂。〔外〕張太公。我憑你爲證。留下這條拄杖。待我那不孝子回來。把他與我打將出去。〔外倒旦扶介〕

公公病裏莫生嗔。

員外寬心保自身。

正是藥醫不死病。

果然佛度有緣人。

第二十四齣 官邸憂思

〔喜遷鶯〕〔生上〕終朝思想。但恨在眉頭。人在心上。鳳侶添愁。魚書絕寄。空勞

兩處相望。青鏡瘦顏羞照。寶瑟清音絕響。歸夢杳。繞屏山烟樹。那是家鄉。〔踏莎

行〕怨極愁多。歌慵笑懶。只因添個鴛鴦伴。他鄉遊子不能歸。高堂父母無人管。湘浦魚沈。衡陽鴈

斷。音書要寄無方便。人生光景幾多時。蹉跎負卻平生願。

〔鴈魚錦〕思量。那日離故鄉。記臨期送別多惆悵。攜手共那人不廝放。教他好看承我爹娘。料他每應不會遺忘。聞知飢與荒。只怕捱不過歲月難存養。若望不見我信音。卻把誰倚仗。

〔前腔〕思量。幼讀文章。論事親爲子也。須要成模樣。真情未講。怎知道喫盡多魔障。被親強來赴選場。被君強官爲議郎。被婚強做鸞凰。三被強。我衷腸事說與誰行。埋怨難禁這兩廂。這壁廂道咱是個不撐達。害羞喬相識。那壁廂道咱

是個不覩親負心的薄倖郎。

〔前腔〕悲傷。鷺序鴛行。怎如那慈烏返哺能終養。謾把金章綰着紫綬。試問斑衣今在何方。斑衣罷講。縱然歸去。又恐怕帶麻執杖。天那。只爲那雲梯月殿多勞攘。落得淚雨如珠兩鬢霜。

〔前腔〕幾回夢裏。忽聞雞唱。忙驚覺。錯呼舊婦。同問寢堂上。待朦朧覺來。依然新人鴛幃鳳衾和象牀。怎不怨香愁玉無心緒。更思想。被他攔當。教我怎不悲傷。俺這裏歡娛夜宿芙蓉帳。他那裏寂寞偏嫌更漏長。

〔前腔〕謾悒快。把歡娛翻成悶腸。菽水旣清涼。我何心貪着美酒肥羊。閃殺人花燭洞房。愁殺我掛名金榜。越地裏。自思量。正是歸家不敢高聲哭。只恐猿聞也斷腸。院子何在。〔末上〕有問卽對。無問不答。相公有何指揮。〔生〕院子。你是我心腹之人。有一件

事和你商量。你休要走了我的消息。〔末〕小人安敢。〔生〕我自從離了父母妻室。來此赴選。不擬一擢高科。拜授當職。將謂數月之後。可作歸計。誰知又被牛太師招爲門婿。一向逗留在此。不得還家。

見父母一面。故此要和你商量個計策。〔末〕相公。自古道不鑽不穴。不道不知。小人每常間見相公憂悶不樂。豈知這般就裏。相公何不說與夫人知道。〔生〕院子。我夫人雖則賢慧。爭奈老相公之勢。炙手可熱。待說與夫人知道。一霎時老相公得知。只道我去了不來。如何肯放我去。不如姑且隱忍。和夫人都瞞了。且待任滿尋個歸計。〔末〕這的卻是。老相公若還知道。如何肯放相公回去。〔生〕院子。我如今要寄一封書家去。沒個方便的人。欲待使人逕去。又怕老相公知道。你與我出街坊上體探。倘有我鄉里人來此做買賣。待我寄一封家書回去。〔末〕小人謹領便去。

終朝長相憶。

尋便寄書人。

眼望旌捷旗。

耳聽好消息。

### 第二十五齣 祝髮買葬

〔金瓏璫〕 〔旦上〕 飢荒先自窘。那堪連喪雙親。身獨自。怎支分。我衣衫都解盡。首飾並沒分文。無計策。只得翦香雲。〔蝶戀花〕 萬苦千辛難擺撥。力盡心窮。兩淚空流血。裙布釵荆今已竭。萱花椿樹連摧折。金刀盈盈明似雪。遠照烏雲。掩映愁眉月。一片孝心難盡說。一齊

分付青絲髮。奴家前日婆婆沒了。已得張太公周濟。如今公公又沒了。無錢資送。難再去求告他。我思想起來。沒奈何了。只得翦下頭髮。賣幾貫鈔。爲送終之用。雖然這頭髮值錢不多。也只把他做些意見。恰似教化一般。苦。不幸喪雙親。求人不可頻。聊將青絲髮。斷送白頭人。

〔香羅帶〕一從鸞鳳分。誰梳鬢雲。妝臺懶臨生暗塵。那更釵梳首飾典無存也。頭髮。是我擔閣你度青春。如今又翦你資送老親。翦髮傷情也。怨只怨結髮薄倖人。

〔前腔〕思量薄倖人。辜奴此身。欲翦未翦。教我先淚零。我當初早披剃入空門也。做個尼姑去。今日免艱辛。咳。只有我的頭髮恁般苦。少甚麼佳人的。珠圍翠擁蘭麝熏。呀。似這般狼狽呵。我的身死兀自無埋處。說甚麼翦頭髮愚婦人。

〔前腔〕堪憐愚婦人。單身又貧。頭髮。我待不翦你呵。開口告人羞怎忍。我待翦你呵。金刀下處應心瘵也。卻將堆鴉髻舞鸞鬢。與烏烏報答鶴髮親。教人道霧鬢雲鬢女。斷送霜鬢雪鬢人。〔翦下哭介〕

〔臨江仙〕連喪雙親無計策。只得翦下香鬟。非奴苦要孝名傳。正是上山擒虎易。開口告人難。頭髮既已翦下。免不得將去貨賣。穿長街。抹短巷。叫一聲賣頭髮。

〔梅花塘〕賣頭髮。買的休論價。念我受飢荒。囊篋無些個。丈夫出去。那堪連喪了公婆。沒奈何。只得翦頭髮資送他。呀。怎的都沒人買。

〔香柳娘〕看青絲細髮。看青絲細髮。翦來堪愛。如何賣也。沒人買。這飢荒死喪。這飢荒死喪。怎教我女裙釵。當得恁狼狽。況連朝受餒。況連朝受餒。我的脚兒怎擡。其實難捱。〔做跌倒起介〕

〔前腔〕往前街後街。往前街後街。並無人采。我待再叫一聲。咽喉氣噎。無如之奈。苦我如今便死。我如今便死。暴露我屍骸。誰人與遮蓋。天那。我到底也只是個死。將頭髮去賣。將頭髮去賣。賣了把公婆葬埋。奴便死何害。〔作倒介末上〕慈悲勝念千

聲佛。造惡徒燒萬炷香。今日蔡老員外病症不知如何。我且去看一看。呀。五娘子你爲何倒在街上。

〔旦〕苦。太公可憐見。救奴家則個。〔末杖扶介〕五娘子。你手裏拿着頭髮做甚麼。〔旦〕奴家公公又

沒了。無錢資送。只得把自己頭髮剪下。欲賣幾文鈔。爲送終之用。〔末哭介〕元來你公公又死了。呵。你怎的不來和我商量。把這頭髮剪下做甚麼。〔旦〕奴家多番來定害公公。不敢再來相惱。〔末〕呀。你說那里話。五娘子。

〔前腔〕你兒夫曾付託。兒夫曾付託。我怎生違背。你無錢使用。我須當貸。你將頭髮剪下。將頭髮剪下。又跌倒在長街。都緣我之罪。〔合〕歎一家破敗。歎一家破敗。否極何時泰來。各出珠淚。

〔前腔〕〔旦〕謝公公慷慨。謝公公慷慨。把錢相貸。我公婆在地下相感戴。只恐奴身死也。恐奴身死也。兀自没人埋。公公。誰還你恩債。〔合〕歎一家破敗。否極何時泰來。各出珠淚。〔末〕五娘子。你先回家去。我卽着人送些布帛米穀之類。與你使用。〔旦〕如此多謝公公。請收這頭髮。〔末〕咳。難得難得。這是孝婦的頭髮。剪來斷送公婆的。我留在家中。不惟傳留做個話名。後日蔡伯喈回來。將與他看。也使他惶愧。

謝得公公救妾身。

伊夫曾託我親鄰。

從空伸出拿雲手。

提起天羅地網人。

第二十六齣 拐兒給誤

〔打球場〕〔淨上〕幾年間。爲拐兒。脫空說謊爲最。遮莫你是怎生備俏的。也落在  
我圈套。自家脫空爲活計。掏摸作生涯。劍舌鎗唇伶俐的。也引教他懵懂。虛脾甜口慳吝的。也哄教  
他粧風。鄉貫何曾有定居。姓名誰人知真實。粧成圈套。見了的便自入來。做就機關。入着的怎生出  
去。騙了鍾馗手裏寶劍。拐了洞賓瓢裏仙丹。果然來無跡。去無蹤。對面騙人如撮弄。縱使和你行。和  
你坐。當場賺你怎埋冤。拐兒陣裏先鋒。哄局門中大將。何用剜牆挖壁。強如黑夜偷兒。不索挾斧持  
刀。真個白晝劫賊。正是天不生無祿之人。地不長無根之草。自家打聽得蔡狀元家住陳留。父母在  
堂。久無消息。他如今要寄家書回去。況我在陳留走得慣熟。頗習語音。不免粧扮做陳留人。假寫他  
父母家書遞與他。必有回音。倘或附帶些金帛回家。也不見得覓卻一個小富貴。便不然也索與我  
些路費回家。這里便是蔡狀元府前。不免進入去。咱呀。怎的不見一個人。我且咳嗽一聲。〔末上〕候  
門深似海。不許外人敲。〔相見介〕你是那裏人。來此有甚勾當。〔淨〕小子從陳留來。蔡相公的老大



人有家書在此。〔末〕呀。我相公正要乘便寄家書回去。你來得恰好。待我請相公出來。〔請介生上〕  
〔鳳凰閣〕尋鴻覓雁。寄個音書無便。謾勞回首望家山。和那白雲不見。淚痕如  
線。想鏡裏孤鸞影單。〔末〕告相公得知。有一個漢子。說他從陳留郡來。有老相公的家書在此。  
〔生〕快請他進來。〔相見介生〕多承足下帶得我家書來呵。〔淨〕小子奉老大人尊命。特遞在此。

〔淨遞書介〕

〔一封書〕〔生〕一從你去離。我在家中常念你。功名事怎的。想多應折桂枝。幸  
得爹娘和媳婦。各保安康無禍危。謝天謝地。且喜家中多安樂。見家書。可知之。及早  
回來莫更遲。天那。我豈不要回去。爭奈不由我。院子。你引鄉親到後堂茶飯。一面取紙筆。待我寫

家書。就附與他去。可取些金珠碎銀過來。〔生寫書介〕

〔下山虎〕男豈百拜大人尊前。一自離膝下。頓經數年。目斷萬里關山。鎮日望  
懸。一向那堪音信斷。名利事。歎牽綰。謾勞珠淚漣。上表辭金殿。要辭了官。爭奈  
君王不見憐。

〔蠻牌令〕忽爾拜尊翰。激切意懸懸。幸喜爹娘和媳婦。盡安健。奈兒身淹留旅邸。不能穀承奉慈顏。匆匆的聊附寸牋。草草伏乞尊照不宣。鄉親我這一封書。并這金珠。托你將到俺家裏。與老相公收下。傳示家中大小。俺早晚便回來。教他放心。不須憂慮。〔淨〕小子理會得。〔生〕這些碎銀。送與鄉親路上做盤費。〔淨〕多謝。多謝。

〔駐馬聽〕〔生〕書寄鄉關。說起教人心痛酸。鄉親傳示俺八旬爹媽。道與俺兩月妻房。隔涉萬水千山。啼痕緘處翠綃斑。夢魂飛遶銀屏遠。〔合〕報道平安。想一家賀喜。只說道再相見。

〔前腔〕〔末〕遙憶鄉關。有個人人凝望眼。他頻看飛雁。望斷孤舟。倚遍危欄。見這銀鈎飛動彩雲箋。又索玉筋界破殘妝面。〔合前〕

〔前腔〕〔淨〕西出陽關。卻歎今朝行路難。念取經年離別。跋涉萬里程途。帶着一紙雲箋。只怕豺狼紛擾路途間。雁鴻怕不到家鄉畔。〔合前〕

憑伊千里寄佳音。

說盡離人一片心。

須知相別經多載。

方信家書抵萬金。

## 第二十七齣 感格墳成

〔掛真兒〕〔旦上〕四顧青山靜悄悄。思量起暗裏魂銷。黃土傷心。丹楓染淚。謾把孤墳獨造。〔菩薩蠻〕白楊蕭瑟悲風起。天寒日淡空山裏。虎嘯與猿啼。愁人添慘悽。窮泉深杳杳。長夜何由曉。灑淚泣雙親。雙親聞不聞。奴家自從喪了公婆。家中十分狼狽。昨已多承張太公。將公婆靈柩。搬得到山。免不得造一所墳塋。把公婆安葬了。爭奈無錢倩人。難以再去求他。只得自家搬泥運土。〔裙包土介〕

〔五更轉〕把土泥獨抱。麻裙裏來難打熬。空山靜寂無人弔。但我情真實切。到此不憚勞。苦何曾見葬親兒不到。又道是三匝圍喪。那些個卜其宅兆。思量起是老親合顛倒。公公。你圖他折桂看花早。不想自把一身。送在白楊衰草。謾自苦。〔作悲介〕這苦憑誰告。

〔前腔〕我只憑十爪。如何能殼墳土高。苦只見鮮血淋漓溼衣襖。天那。我形衰

力倦。死也只這遭。休休。骨頭葬處。任他血流好。此喚做骨血之親。也教人稱道。教人道趙五娘真行孝。苦心窮力盡。形枯槁。只有這鮮血。到如今也出盡了。這墳成後。只怕我的身難保。呀。我氣力都用乏了。不免就此歇息睡覺呵。

〔卜算子先〕墳土未曾高。筋力還先倦。〔睡介山神上〕

〔粉蝶兒〕趙女堪悲。天教小神相濟。善哉。善哉。吾乃當山土地。今奉玉帝勅旨。爲見趙五娘行孝。特令差撥陰兵。與他併力築造墳臺。不免叫出南山白猿使者。北岳黑虎將軍。前來聽用。猿虎二將何在。〔淨丑扮猿虎上外〕吾奉玉帝勅旨。爲見趙五娘獨自在山築墳。特差汝等率領陰兵。與他併力。汝等可變作人形。與他運化土石。務要頃刻完成。不得驚動孝婦。〔淨丑〕領法旨。〔造墳介〕告大聖。墳臺已成了。〔外〕趙五娘。你擡起頭來。聽吾囑付。

〔好姐姐〕五娘聽吾道語。吾特奉玉皇勅旨。憐伊孝心。故遣陰兵來助你。〔合〕墳成矣。葬了一親尋夫婿。改換衣裝往帝畿。趙五娘。你好生記着。正是大抵乾坤都一照。

免教人在暗中行。〔外淨丑下旦醒介〕

〔卜算子後〕夢裏分明有鬼神。想是天憐念。呀。怪哉怪哉。奴家睡間。恍惚中似夢非夢。見神人囑付道。墳已成了。教奴家前往京畿。尋取丈夫。我思忖起來。獨自一身。幾時能彀得墳成。〔起看介〕呀。果然這墳臺都成了。謝天謝地。分明是神通變化。

〔五更轉〕怨苦知多少。兩三人口。只道同做餓殍。公公婆婆。今日幸賴神明救濟。成此墳臺。你兩人已得安妥。只一件。我未曾葬時節。也還恰象相親傍的一般。如今葬了呵。窮泉一閉。無日曉。歎如今永別。再無由相倚靠。我死和公婆做一處理呵。也得相伏侍。只愁我死在他途道。我的骨頭何由來到。從今去。墳呵。只願得中乾燥。福子蔭孫也都難料。呀。天那。便做蔭得個三公。也濟不得親老。淚暗滴。復把蒼天來禱。〔末同丑帶鉏器上〕

〔鑿鋤兒〕〔末〕悲風四起吹松柏。山雲黯淡日無色。〔丑〕虎嘯與猿啼。怎不慘感。

〔合〕趨步前來到峭壁。都與孝婦添助力。〔末〕老夫張廣才。只爲蔡老員外夫妻相繼棄世。虧殺他媳婦趙五娘子支持。如今又聞得他把裙包土。築造墳臺。我想人家造一所墳。沒有

千百工造不成。他獨自一個女流。如何成得此事。不免帶將小二。與他添助力氣。則個呵。好怪哉。如何墳都成了。只見松柏森森繞四圍。孤墳新土掩泉扉。五娘子。空山獨自無人問。爲築墳臺有阿誰。  
〔旦〕太公。夢裏鬼神多怪異。陰兵運石與搬泥。墳臺成了親分付。教奴尋壻到京畿。〔丑〕公公。自古流傳多有此。畢竟感格上蒼知。長城哭倒稱姜女。五娘子。你他日芳名一樣題。〔合〕正是善惡到頭終有報。只爭來早與來遲。

〔好姐姐〕〔旦〕公公。念奴血流滿指。獨自要墳成無計。深感老天。暗中相護持。〔合〕墳成矣。葬了一親尋夫壻。改換衣裝往帝畿。

〔前腔〕〔末〕五娘子。老夫帶領小二。待與你添助些力氣。誰知有神暗中相救濟。  
〔合前〕

〔前腔〕〔丑〕你每真個見鬼。這松柏孤墳在何處。恰纔小鬼是我粧扮的。〔合前〕  
孝心感格動陰兵。不是陰兵墳怎成。  
萬事勸人休碌碌。舉頭三尺有神明。

第二十八齣 中秋望月

〔念奴嬌引〕〔貼上〕楚天過雨。正波澄木落。秋容光淨。誰駕玉輪來海底。碾破瑠璃千頃。環珮風清。笙簫露冷。人在清虛境。〔淨丑〕眞珠簾捲。庾樓無限佳興。

〔臨江仙〕〔貼〕玉作人間秋萬頃。銀葩點破瑠璃。〔淨〕瑤臺風露冷仙衣。天香飄到處。此景有誰知。

〔丑〕未審明年明夜月。此時此景何如。〔貼〕珠簾高捲醉瓊卮。〔合〕正是莫辭終夕勸。動是隔年期。

〔貼〕老姥姥。今夜中秋。月色澄清。你與我請相公出來賞翫則個。〔淨〕是是。夫人請相公翫月。〔生

內應介〕我已睡了。不來。〔丑〕你甚麼嘴臉。可知道請他不來。〔貼〕惜春你再去請。〔丑〕我去請。相

公。夫人請相公出來翫月。〔生〕來也。〔丑笑介〕老姥姥。你看我嘴兒纔動一動。相公就出來了。

〔生上〕

〔生查子〕逢人曾寄書。書去神亦去。今夜好清光。可惜人千萬里。〔貼〕相公。今夜

中秋。月色可愛。我請你賞翫一番。你沒事推阻怎的。〔生〕月色有甚好處。〔貼〕相公。怎的不好。

〔醉江月〕你看玉樓金氣捲霞綃。雲浪空光澄徹。丹桂飄香清思爽。人在瑤臺銀闕。〔生〕影透鳳

幃光窺羅帳。露冷蛩聲切。關山今夜。照人幾處離別。〔淨〕須信離合悲歡。還如玉兔有陰晴圓缺。

便做人生長宴會。幾見冰輪皎潔。〔丑〕此夜明多。隔年期遠。莫放金樽歇。〔合〕但願人長久。年

年同賞明月。〔飲酒介〕

〔念奴嬌序〕〔貼〕長空萬里。見嬋娟可愛。全無一點纖凝。十二欄杆光滿處。涼浸珠箔銀屏。偏稱身在瑤臺。笑斟玉斝。人生幾見此佳景。〔合〕惟願取年年此夜。人月雙清。

〔前腔〕〔生〕孤影南枝乍冷。見烏鵲縹緲。驚飛栖止不定。萬點蒼山。何處是修竹吾廬。三逕。追省丹桂曾攀。嫦娥相愛。故人千里謾同情。〔合前〕

〔前腔〕〔貼〕光瑩我欲吹斷玉簫。乘鸞歸去。不知風露冷瑤京。環佩溼似月下歸來飛瓊。那更香霧雲鬢。清輝玉臂。廣寒仙子也堪並。〔合前〕

〔前腔〕〔生〕愁聽吹笛關山。敲砧門巷。月中都是斷腸聲。人去遠。幾見明月虧盈。惟應邊塞征人。深閨思婦。怪他偏向別離明。



〔古輪臺〕〔淨〕峭寒生。鴛鴦瓦冷。玉壺冰。欄杆露溼。人猶凭。貪看玉鏡。況萬里  
清明。皓彩十分端正。三五良宵。此時獨勝。〔丑〕把清光都付與酒杯傾。從教酪  
酏。拚夜深沈醉還醒。酒闌綺席。漏催銀箭。香銷金鼎。斗轉與參橫。銀河耿。轆轤  
聲已斷金井。

〔前腔〕〔淨〕閒評。月有圓缺陰晴。人世上有離合悲歡。從來不定。深院閒庭。處  
處有清光相映。也有得意人人。兩情暢詠。也有獨守長門伴孤另。君恩不幸。  
〔丑〕有廣寒仙子娉婷。孤眠長夜。如何捱得。更闌寂靜。此事果無憑。但願人長  
久。小樓翫月共同登。

〔餘文〕〔衆〕聲哀訴。促織鳴。〔貼〕俺這裏歡娛未罄。〔生〕他幾處寒衣織未成。  
今宵明月正團圓。幾處淒涼幾處諠。

但願人生得久長。

年年千里共嬋娟。

## 第二十九齣 乞丐尋夫

〔胡搗練〕〔旦上〕辭別去。到荒塚。只愁出路煞生受。畫取真容聊藉手。逢人將此免哀求。鬼神之道。雖則難明。感應之理。未嘗不信。奴家昨日獨自在山築墳。正睡間。忽夢一神人。自稱當山土地。帶領陰兵。與奴家助力。卻又囑付。教奴家改換衣裝。逕往長安尋取丈夫。待覺來。果然墳臺並已完備。這的分明是神通護持。正是寧可信其有。不可信其無。今二親既已葬了。只得改換衣裝。扮作道姑。將琵琶做行頭。沿街上彈幾個行孝的曲兒。抄化將去。只是一件。我幾年間和公婆廝守。如何捨得一旦撇了他。奴家自幼薄曉得些丹青。何似想像畫取公婆真容背着。一路去也。似相親傍的一般。但遇小祥忌辰。展開與他燒些香紙。奠些酒飯。也是奴家一點孝心。不免就此畫描真容則個。〔描畫介〕

〔三仙橋〕一從他每死後。要相逢不能覈。除非夢裏暫時略聚首。苦要描描不就。暗想像。教我未描先淚流。描不出他苦心頭。描不出他飢症候。描不出他望孩兒的睜睜兩眸。只畫得他髮颯颯。和那衣衫敝垢。休休。若畫做好容顏。須不是趙五娘的姑舅。

〔前腔〕我待要畫他個龐兒帶厚。他可又飢荒消瘦。我待要畫他個龐兒展舒。他自來長恁面皺。若畫出來真是醜。那更我心憂。也做不出他歡容笑口。不是我不會畫着那好的。我從嫁來他家。只見他兩月稍優游。其餘都是愁。那兩月稍優游。我又忘了。這三四年間。我只記他形衰貌朽。這真容呵。便做他孩兒收。也認不得是當初父母。休休。縱認不得是蔡伯喈當初爹娘。須認得是趙五娘近日來的姑舅。真容既已描就了。就在這裏燒些香紙。奠些酒飯。拜別了公婆出去。〔拜辭介〕

〔前腔〕公公婆婆。非是奴尋夫遠遊。只怕我公婆絕後。奴見夫便回。此行安敢久。苦路途中奴怎走。望公婆相保佑。我出外州。天那。他兀自沒人看守。如何來相保佑。這墳呵。只怕奴去後。冷清清有誰來祭掃。縱使遇春秋。一陌紙錢怎有。休休。你生是受凍餒的公婆。死做個絕祭祀的姑舅。奴家既辭了墳墓。只得背了真容。便索去辭張太公。呀。如何恰好張太公來也。〔末上〕衰柳寒蟬不可聞。金風敗葉正紛紛。長安古道休回首。西出陽關無故人。〔旦〕奴家適間拜辭了墳塋。正要到宅上來告別。〔末〕呀。五娘子。你

幾時去。〔旦〕太公。奴家今日就行了。〔末〕你背的是甚麼畫。〔旦〕是奴公婆的真容。待將路上去藉手乞告些盤纏。早晚與他燒香化紙。〔末〕是誰畫的。〔旦〕是奴家將就描摹的。〔末〕五娘子。你孝心所感。一定逼真。借我看一看。咳。畫得像。畫得像。〔作悲介〕老員外。老安人。〔鷓鴣天〕死別多應夢裏逢。謾勞孝婦寫遺蹤。可憐不得圖家慶。辜負丹青泣畫工。衣破損。鬢蓬鬆。千愁萬恨在眉峯。只怕蔡郎不識年來面。趙女空描別後容。五娘子。我聽得你要遠行。將幾貫錢與你路上少助些盤纏。〔旦〕多多定害公公了。奴家又有不識進退之懇。奴家去後。公婆墳塋。早晚望太公可憐見。看這兩個老的。在日之面。與奴家看管則個。〔末〕這個不妨。你但放心前去。老夫少不得如此。〔拜辭介〕

〔憶多嬌〕〔旦〕公公。他魂渺漠。我沒倚託。程途萬里。教我懷夜壑。此去孤墳望公公看着。〔合〕舉目瀟索。滿眼盈盈淚落。

〔前腔〕〔末〕五娘子。我承委託。當領略。這孤墳我自看守。決不爽約。但願你途中身安樂。〔合前〕

〔鬪黑麻〕〔旦〕奴深謝公公。便相允諾。從來的深恩。怎敢忘卻。只怕途路遠。體

怯弱。病染災纏。衰力倦腳。〔合〕孤墳寂寞。路途滋味惡。兩處堪悲。萬愁怎摸。

〔前腔〕〔末〕伊夫壻多應是貴官顯爵。伊家去須當審個好惡。五娘子。只怕你這般喬打扮。他怎知覺。一貴一貧。怕他將錯就錯。〔合前日〕公公。奴家拜別去也。〔末〕五

娘子且慢着。老夫還有幾句言語囑付你。〔日〕望公公指教。〔末〕五娘子。你少長閨門。豈識路途。當初蔡郎未別時節。你青春正媚。你如今又遭這飢荒貧苦。貌怯身單。正是桃花歲歲皆相似。人面年年自不同。蔡郎臨別之後。可不道來。〔日〕公公他道甚的。〔末〕他道是若有寸進。即便回來。如今年荒親死。一竟不回。你知他心腹事如何。正是畫虎畫皮難畫骨。知人知面不知心。唉。蔡郎元是讀書人。一舉成名天下聞。久留不知因個甚。年荒親死不回門。五娘子。你去京城須仔細。逢人下氣問虛真。若見蔡郎謾說千般苦。只把琵琶語句訴元因。未可便說他妻子。未可便說喪雙親。未可便說裙包土。未可便說翦香雲。若得蔡郎思故舊。可憐張老一親鄰。我今年已七十歲。比你公公少一句。你去時猶有張老來相送。你回時不知張老死和存。我送你去呵。正是流淚眼觀流淚眼。斷腸人送斷腸人。〔哭介日〕謝得公公訓誨。奴家銘心鏤骨。不敢有忘。如今只得告別去也。〔末〕五娘子。早去早回。

爲尋夫塚別孤墳。

只怕兒夫不認真。

惟有感恩并積恨。

萬年千載不成塵。

第二十齣 問詢衷情

〔菊花新〕〔生上〕封書遠寄到親闈。又見關河朔雁飛。梧葉滿庭除。爭似我悶

懷堆積。〔生查子〕封書寄遠人。寄上萬里親。書去神亦去。兀然空一身。自家喜得家書。報道平安。已

曾修書附回家去。不知何如這幾日常懷想念。翻成愁悶。正是雖無千丈線。萬里繫人心。〔貼上〕

〔意難忘〕綠鬢仙郎。懶拈花弄柳。勸酒持觴。眉顰知有恨。何事苦相防。〔生〕夫

人。此三個事惱人腸。〔貼〕相公。試說與何妨。〔生〕只怕你尋消問息。添我恹惶。〔貼〕

古人云。顰有爲顰。笑有爲笑。是以君子當食不嗟。臨樂不歎。無事而戚。謂之不祥。相公。你自來我家。

不明不暗。如醉如癡。鎮日憂悶。爲着甚的。還少了喫的。少了穿的。相公。我待道你少喫的呵。

〔紅衲襖〕你喫的是煮猩脣和燒豹胎。我待道你少穿的呵。你穿的是紫羅襪。繫

的是白玉帶。你出入呵。我只見五花頭踏在你馬前擺。三簷傘兒在你頭上蓋。相

公休怪奴家說。你本是草廬中一秀才。如今做着漢朝中梁棟材。你有甚不足。只管鎖了眉頭也。唧唧噥噥不放懷。〔生〕夫人。你道我有穿的呵。

〔前腔〕我穿的是紫羅襪。倒拘束得我不自在。我穿的是皂朝靴。怎敢胡去踹。你道我有喫的呵。我口裏喫幾口慌張張要辦事的忙茶飯。手裏拿着個戰兢兢怕犯法的愁酒杯。倒不如嚴子陵登釣臺。怎做得揚子雲閣上災。似我這般樣爲官呵。只管待漏隨朝。可不誤了秋月春花也。干碌碌頭又早白。〔貼〕相公。我知  
道了。

〔前腔〕莫不是丈人行性氣乖。〔生〕不是。〔貼〕莫不是妾跟前缺管待。〔生〕不是。

〔貼〕莫不是畫堂中少了二千客。〔生〕不是。〔貼〕莫不是繡屏前少了十二釵。

〔生〕也不是。〔貼〕相公呵。這意兒教人怎猜。這話兒教人怎解。我今番猜着你了。敢只是楚館秦樓。有個得意人兒也。悶懨懨常掛懷。〔生〕夫人。不是。

〔前腔〕有個人兒在天一涯。天那。我不能勾見他。只落得臉銷紅。眉鎖黛。〔貼〕我道甚

麼來。可知哩。〔生〕不是。我本是傷秋宋玉無聊賴。有甚心情去戀着閒楚臺。〔貼〕  
相公。你有甚事。明說與奴家知道。〔生〕夫人。三分話兒只恁猜。一片心兒直恁解。〔貼〕  
你有話如何不對我說。〔生〕罷罷。夫人。你休纏得我無言。若還提起那籌兒也。撲簌  
簌淚滿腮。〔貼〕由你。由你。我若不解勸。你又只管憂悶。待問着你。你又遮瞞我。我也莫奈何。相公。夫  
妻何事苦相防。莫把閒愁積寸腸。難道各人自掃門前雪。莫管他家瓦上霜。〔貼〕虛下潛聽介〔生〕天  
那。自古道難將我語和他語。未卜他心似我心。自家娶妻兩月。別親數年。朝夕思想。翻成愁悶。我這  
新娶的媳婦。雖則賢慧。我待將此事和他說。他也肯教我回去。只是他的爹爹。若知我有媳婦在家。  
如何肯放我回去。不如姑且隱忍。改日求一鄉郡除授。那時卻回去見雙親便了。咳。夫人。非是隄防  
你太深。只緣伊父苦相禁。正是夫妻且說三分話。〔貼〕呀。我理會得了。你道是未可全拋一片心。好  
好。你瞞我也由你。只是你爹娘和媳婦嗟怨你。

〔江頭金桂〕〔貼〕相公。我怪得你終朝嘖暗。只道你緣何愁悶深。教咱猜着啞謎。  
爲你沈吟。那籌兒沒處尋。我和你共枕同衾。你瞞我則甚。你自撇了爹娘媳婦。



屢換光陰。他那里須怨着你沒音信。笑伊家短行。無情忒甚。到如今兀自道。且說三分話。未可全拋一片心。

〔前腔〕〔生〕夫人。非是我聲吞氣忍。只爲你爹爹行勢逼臨。怕他知我要歸去。將人廝禁。要說又將口噤。我待解朝簪。再圖鄉任。那時節呵。他不隄防着我。須遣我到家林。我和你雙雙兩人歸畫錦。苦我雙親老景。我雙親老景。存亡未審。我實不瞞

你。前日曾附一封書回去。只怕雁杳魚沈。〔貼〕你既有書信附去。怎的也沒有回報。〔生〕又不是烽火連三月。真個家書抵萬金。〔貼〕元來如此。我去對爹爹說。和你同去便了。〔生〕你爹爹如何肯放我回去。你且休說破了。〔貼〕不妨事。我爹爹身爲太師。風化所關。具瞻在望。終不然恁的不顧仁義。〔生〕你休說。不濟事。干枉了。〔貼〕相公。你不必憂慮。我自自有道理。不由我爹爹不從。

雪隱鷺鷥飛始見。

柳藏鸚鵡語方知。

假如染就乾紅色。

也被傍人講是非。

第三十一齣 幾言諫父

〔西地錦〕〔外上〕好怪吾家門堵。鎮日不展愁眉。教人心下常縈繫。也只爲着門楣。入門休問榮枯事。觀着容顏便得知。自家招贅蔡伯喈爲婿。可謂得人。只一件。他自從到此。眉頭不展。面帶憂容。不知爲着甚麼。必有緣故。且待女孩兒出來問他。便知端的。〔貼上〕

〔前腔〕只道兒夫何意。如今就裏方知。萬里家山要同歸去。未審爹爹意何如。〔外〕孩兒。吾老入桑榆。自嘆吾之皓首。汝身乖琴瑟。每爲汝而懊懷。夫婿何故憂愁。孩兒必知端的。

〔貼〕告爹爹得知。他娶妻六十日。卽赴科場。別親三五年。竟無消息。溫清之禮旣缺。伉儷之情何堪。今欲歸故里。辭至尊家尊而同行。待共事高堂。執子道婦道以盡禮。〔外怒介〕呀。我乃紫閣名公。汝是香閨豔質。何必顧此糟糠婦。焉能事此田舍翁。他久別雙親。何不寄一封之音信。汝從來嬌養。安能涉萬里之程途。休惑夫言。唯從父命。〔貼〕爹爹。普觀典籍。未聞婦道而不拜舅姑。試論綱常。豈有子職而不事父母。若重唱隨之義。當盡定省之儀。彼荆釵布裙。旣已獨奉親闈之甘旨。此金屏繡褥。豈可久戀監宅之歡娛。爹爹身居相位。坐理朝綱。豈可斷他人父子之恩。絕他人夫婦之義。使伯喈有貪妻之愛。不顧父母之愆。俾孩兒有違夫之命。不事舅姑之罪。望爹爹容恕。特賜矜憐。〔外〕休胡

說他既有媳婦在家。你去做甚麼。

〔獅子序〕〔貼〕爹爹。他媳婦雖有之。念奴家須是他孩兒次妻。那曾有媳婦不侍親闈。〔外〕孩兒。你去有甚麼勾當。〔貼〕若論做媳婦的道理。須當奉飲食。問寒暄。相扶持。蘋蘩中饋。〔外〕便做有許多勾當。他有媳婦在家裏。你不去也不妨。〔貼〕爹爹。又道是養兒代老。積穀防飢。〔外〕既道是養兒代勞。積穀防飢。何似當初休教他來應舉。

〔太平歌〕〔貼〕爹爹。他求科舉。指望錦衣歸。不想道爹爹留他爲女婿。〔外〕這個是有緣千里能相會。須強他不得。〔貼〕他埋冤洞房花燭夜。那些個千里能相會。只要保全金榜掛名時。他事急且相隨。〔外〕孩兒。你到說我不是。這般埋冤着我。

〔賞宮花〕〔貼〕他終朝慘悽。我如何忍見之。〔外〕他自慘悽。你管他怎的。〔貼〕若論爲夫婦。須是共歡娛。〔外〕你對他說。他若在這裏。我教他做個大大的官。〔貼〕爹爹。他數載不通魚雁信。枉了十年身到鳳凰池。〔外〕呀。你聽着丈夫的言語。卻不聽我說。這妮子好癡迷呵。

〔降黃龍〕〔貼〕爹爹須知。非奴癡迷。已嫁從夫。怎違公議。〔外〕孩兒你去也不妨。只是我沒個親人在傍。如何捨得你去。〔貼〕爹猶念女。怎教他爹娘不念孩兒。〔外〕孩兒不是我不放你去。他既有媳婦在家。你去時節。只怕擔閣了你。〔貼〕休提。縱把奴擔閣。比擔閣他媳婦何如。〔外〕便不然。只教蔡伯喈自去便了。〔貼〕爹爹。那些個夫唱婦隨。嫁雞逐雞飛。〔外〕孩兒。他是貧賤之家。你如何伏侍他的父母。

〔大聖樂〕〔貼〕爹爹婚姻事難論高低。若論高低何似休嫁與。假饒親賤孩兒貴。終不然便拋棄。〔外〕他自有媳婦。你管他做甚麼。〔貼〕奴須是他親生兒子親媳婦。難道他是誰人我是誰。〔外〕孩兒。據你說起來。我到說得不是了。〔貼〕爹居相位。怎說着傷

風敗俗非理的言語。〔外怒介〕這妮子無禮。卻將言語來衝撞我。我的言語到不中聽呵。孩兒。夫

言中聽父言違。懊恨孩兒見識迷。我本將心托明月。誰知明月照溝渠。〔外下貼〕自古道酒逢知己

千鍾少。話不投機半句多。好笑我爹爹不顧仁義。卻道奴家把言語衝撞他。昨日我丈夫教我休說

破。我如今有何顏見他。只得且在此坐一坐。尋思個道理去回他則個。〔悶坐介生上〕

〔稱人心〕撇呆打墮。早被那人瞧破。他要同歸。知他爹爹怎麼。我料想他每不允諾。呀。夫人。你緣何獨坐。想你爹爹不肯麼。伊家道俐齒伶牙。爭奈爹爹行不可。

〔前腔〕〔貼〕天那。我爹爹全不顧人笑呵。這其間只是我見差。禍根芽從此起。災來怎躲。相公。他道我從着夫言。罵我不聽親話。

〔紅衫兒〕〔生〕夫人。你不信我。教伊休說破。到此如何。算你爹心性。我豈不料過。我爲甚亂掩胡遮。也只爲着這些。你直待要打破砂鍋。是你招災攬禍。

〔前腔〕〔貼〕不想道相揠靶。這做作難禁架。我見你每每咨嗟要調和。誰知好事多磨起風波。相公。把你陷在地網天羅。如何不怨我。天那。懊恨只爲我一個。卻擔閣了兩下。

〔醉太平〕〔生〕蹉跎。光陰易謝。縱歸去晚景之計如何。名韁利鎖。牢絡在海角天涯。知麼。多應我老死在京華。孝情事一筆都勾罷。苦這般摧挫。傷情萬感。淚珠偷墮。

〔前腔〕〔貼〕非詐。奴甘死也。縱奴不死時。君去須不可。〔生〕夫人。你如何說這話。〔貼〕相公。奴身值甚麼。只因奴誤你一家。差訛假饒做夫婦也難和。你心怨我心。縈掛奴身拚捨成伊孝名。救伊爹媽。〔生〕夫人。你不要這般說。萬一你爹爹知之。反加譴責。〔貼〕相公。妾當初勉承父命。遣事君子。不想君家有白頭之父母。青春之妻房。致君衷腸不滿。名行有虧。如今思之。誤君之父母者。妾也。誤君之妻房者。妾也。使君爲不孝薄倖之人。亦妾也。妾之罪大矣。縱偷生於今世。亦公議所不容。昔者聶政姊死。倚屍傍以成弟之名。王陵母死。伏劍下以全子之節。妾豈愛一身。誤君百行。妾當死於地下。以謝君家。小則可以解君之縈掛。大則可以救君之父母。近則可以成孝子之令名。遠則可以免後世之公議。妾死何憾焉。〔生〕夫人。你只知其一。不知其二。古人云。身體髮膚。受之父母。不敢毀傷。豈可陷親于不義。此事決然不可。〔貼〕相公。你也說得是。只是累你一時回去不得。如何是好。〔生〕夫人且慢着。怕你爹爹也有回心轉意時節。且更寧耐着如何。

一心只欲轉家鄉。

爭奈爹行不忖量。

大風吹倒梧桐樹。

自有傍人說短長。

第二十二齣 路途勞頓

〔月雲高〕〔旦上〕路途多勞倦。行行甚時近。未到洛陽城。盤纏多使盡。回首孤墳。空教奴望孤影。天那。他那里。誰徇采。俺這裏。誰投奔。正是西出陽關無故人。須信道家貧不是貧。〔蘇幕遮〕怯山登。愁水渡。暗憶雙親。淚把麻裙漬。回首孤墳何處是。兩下蕭條。一樣愁難訴。玉消容。蓮困步。愁寄琵琶。彈罷添淒楚。惟有真容時時顧。憔悴相看。無語恓惶苦。奴家爲尋丈夫。在路途上多少狼狽。況獨自一身。拿着一個琵琶。背着二親真容。登高履險。宿水餐風。其實難捱。只是一件。若去到洛陽。尋見丈夫。相逢如故。也不枉了這遭辛苦。倘或他駟馬高車。前呼後擁。見奴家這般襤縷。不肯相認。可不擔閣了奴家。

〔前腔〕暗中思忖。此去好無准。只怕他身榮貴。把咱不廝認。若是他不徇采。空教奴受艱辛。他未必忘恩義。我這裏自閒評論。他須記一夜夫妻百夜恩。怎做得區區陌路人。唉。只一件。

〔前腔〕他在府堂深隱。奴身怎生進。他在駟馬高車上。又難將他認。我有個道理。若到他跟前。只提起二親真容。天那。又怕消瘦了龐兒。他猶難十分信。呀。他不到得非親卻是親。我自須防仁不仁。

哽咽無言對二真。

千山萬水好艱辛。

見說洛陽花似錦。

只恐來時不遇春。

### 第二十二齣 聽女迎親

〔番卜算〕〔外〕兒女話堪聽。使我心疑惑。暗中思忖覺前非。有個團圓策。自古道良藥苦口利于病。忠言逆耳利于行。昨日女孩兒要和伯喈歸去。同事雙親。自家不肯放他去。卻將幾句言語衝撞我。我一時不勝焦躁。如今尋思起來。他的言語。句句有理。節節堪聽。待要放他回去。只慮他幼長閨門。難涉路途。況俺年老。無人奉侍。如何放得他去。如今有個道理。不免使一個人。多與盤纏。教他徑去陳留。將蔡伯喈爹娘和媳婦都迎取來。多少是好。不免叫孩兒和伯喈過來商議則個。〔生貼同上〕



〔前腔〕〔生〕淚眼滴如珠。愁事縈如織。〔貼〕早知今日悔當初。何似休明白。〔相見介外〕孩兒。你夜來的說話。我仔細尋思起來。都說得有理。我欲待教你同女婿回去。路途跋涉。這一個也難。不如逕使人去陳留。取他爹媽媳婦來做一處居住。你兩人心下如何。〔貼〕這個隨爹爹主張。〔生〕若得如此。感恩非淺。〔外〕院子李旺何在。〔丑上〕頻聽指揮黃閣下。又聞呼喚畫堂前。老相公有何使令。〔外〕李旺。我要差你去陳留走一遭。〔丑〕去做甚麼。〔外〕差你去那里接取蔡狀元的老員外老安人小娘子三人。來我府中同住。〔丑〕如此李旺不去。〔貼〕李旺你去請得來。我重重賞你。〔丑〕夫人。你如今說道重重賞我。只怕取得他小娘子來時。夫人又要和他爭大爭小。到那時節。可不埋冤李旺。那里還肯把東西賞我。〔外〕休閒說。我如今修一封書去相請。外有銀錢與你一路去做盤纏。休得落後了。〔生〕李旺。你去時節。須要多方詢問。若是來時。路途上千萬小心承直。〔丑〕不妨。我出路慣便。自有分曉。

〔四邊靜〕〔外〕李旺。你去陳留仔細詢端的。專心去尋覓。請過兩三人。途中好承直。〔合〕休憂怨憶。寄書咫尺。眼望旌旗捷。耳聽好消息。

〔前腔〕〔生〕只怕飢荒散亂無蹤跡。他存亡也難測。何況路途間。難禁這勞役。

〔合前〕

〔福馬郎〕〔貼〕李旺。你休說新婚在牛氏宅。〔外〕孩兒。便說又待怎的。〔貼〕他須怨我相擔誤。歸未得。只恐傍人聞之把奴責。〔合〕若是到京國。相逢處做個好筵席。〔前腔〕〔丑〕相公。多與我盤纏添氣力。萬水千山路。曾慣歷。〔拜介〕辭卻恩官去。管取好消息。〔合前〕

限伊半載望回音。

路上看承須小心。

但願應時還得見。

果然勝似岳陽金。

### 第二十四齣 寺中遺像

〔末扮五戒上〕年老心閒無外事。麻衣草座亦容身。相逢盡道休官好。林下何曾見一人。自家乃是彌陀寺中一個五戒便是。今日俺寺中建一個無礙道場。不揀甚麼人。或是薦悼雙親。保安身己的。都來這裏聚會。真個好寺院好道場呵。〔內問介〕怎見得好寺院。〔末〕但見蘭若莊嚴。蓮臺整肅。佛

殿嵯峨耀金壁。回廊繚繞畫丹青。千層塔高聳侵雲。半空中時聞清鐸。七寶樓晶光耀日。六時裏頻扣洪鐘。松下山門。紅塵不到。竹邊僧舍。白日難消。阿羅漢神像威儀。如靈山三十六萬億佛祖。比丘僧戒行清潔。似祇園千二百五十人俱。且看旛影石壇高。惟有棋聲花院靜。休提清淨法界。且說嚴肅道場。只見珠幢寶蓋影飄飄。玉磬金鐘聲斷續。龍瓶中插九品紅蓮。開淨土春秋不老。鳳蠟內吐千枝絳蕊。照佛天晝夜常明。齊整整的貝葉同翻。撲簌簌的天花亂墜。旃檀林裏。蒸着清淨香道德香。香積廚中。獻這禪悅食法喜食。人人在十洲三島。個個淨五蘊六根。擊大法鼓。吹大法螺。仙樂一齊奏動。開甘露門。入甘露城。幽魂盡獲超昇。正是寄言苦海林中客。好向靈山會上修。今日寺中建設大會。怕有官員貴客來此遊玩。不免將着疏頭就抄化幾文香錢。添助支費。道又未了。遠遠望見兩個官人來到。〔淨丑扮風子上〕

〔縷縷金〕〔淨〕胡廝啞兩喬才。家中無宿火。有甚強迫陪。〔丑〕我自來粧風子。如今難悔。向叢林深處且徘徊。特來看佛會。〔末〕官人請坐告茶。〔淨〕五戒。你這佛會支費太多。〔末〕便是。官人休怪冒瀆。今日天與之幸。得遇兩位貴客到此。斗膽抄化幾文香錢。添助支費。

則個。〔丑〕五戒。你要抄化。將疏頭來看。錢是儻來之物。那裏不使。那裏不用。〔淨〕兄弟你說得是。俺這般人。那一日不使幾貫鈔。我便捨他五錠。〔丑〕我也捨他五錠。〔末〕如此多謝官人。〔淨〕呀。遠遠望見一個婦人來。且是生得有些意思。〔丑〕真個有一婦人來。背着一面琵琶。到你家姐姐廝像。〔淨〕休胡說。遠觀不審。近覷分明。〔旦上〕

〔前腔〕途路上。實難捱。盤纏都使盡。好狼狽。試把琵琶撥。逢人乞丐。薦公婆魂魄免沈埋。特來赴佛會。奴家且喜已到洛陽。聞說今日彌陀寺中做佛會。不免就此抄化幾文鈔。追薦公公婆婆則個。〔末〕道姑請裏面赴齋。〔旦〕多謝。多謝。〔淨〕道姑。你背着甚麼東西。〔旦〕是奴家公婆的真容。〔淨〕道姑你從那裏來。

〔銷金帳〕〔旦〕聽奴訴與。奴是良人婦。爲兒夫相擔誤。〔淨〕他怎的擔誤你。〔旦〕他一向赴選及第。未歸鄉故。飢荒喪了。喪了親的舅姑。〔旦〕你丈夫既不在家。喪了公婆。誰人與你安葬。〔旦〕苦我造墳墓。〔淨〕你如今來這裏做甚麼。〔旦〕今爲尋夫來到此。〔丑〕你丈夫在那裏。〔旦〕未知他在何處所。〔淨〕道姑。你抱着這個琵琶做甚麼。〔旦〕奴家

將此琵琶彈一兩個曲兒。抄化幾文鈔。就此寺中追薦公婆。〔丑〕元來如此。道姑。你會彈甚麼曲兒。你會彈也兒四麼。〔旦〕不會。〔淨〕你會彈八俏手麼。〔旦〕也不會。奴家只會彈些行孝曲兒。〔末〕道姑。難得這兩位官人在此。你好生彈一兩個曲兒伏侍他。等他重重賞你。〔旦〕既然如此。只怕奴家彈得不好。望官人休責。〔丑〕你只管好好的彈。我重重賞賜你。〔旦〕官人請坐聽着。〔彈介〕凡人養子。懷抱最艱辛。欲語未能行未得。此際苦雙親。

〔前腔〕凡人養子。最是十月懷擔苦。更三年勞役抱負。休言他受濕推乾。萬千勞苦。真個千般愛惜。萬般回護。兒有些不安。父母驚惶無措。直待可了。可了歡欣似初。〔淨〕彈得好。彈得好。〔末〕真個彈得好。〔丑〕錢鈔那裏不使。我且先與你一領好襖子。〔脫衣與旦介〕道姑你再彈一彈。〔旦〕官人請坐聽着。〔彈介〕孩兒漸長成。父母漸歡欣。教語教行并教禮。一意望成人。

〔前腔〕兒行幾步。父母歡欣相顧。漸能言能走路。指望飲食羹湯。自朝及暮。懸懸望他。望他不知幾度。爲擇良師。只怕孩兒愚魯。略得他長俊。可便歡欣賞賜。

〔丑〕彈得好。彈得好。〔末〕真個彈得好。〔淨〕錢鈔那里不用。我也先與你一領好襖子。〔脫衣與旦介〕道姑你再彈一彈。〔旦〕官人請坐聽着。〔彈介〕勤於教道。暮史及朝經。願得榮親并耀祖。一舉便成名。

〔前腔〕朝經暮史。教子勤詩賦。爲春闈催教赴。指望他耀祖榮親。改換門戶。懸懸望他。望他腰金衣紫。兒在程途。又怕餐風宿露。求神問卜。把歸期暗數。〔丑〕彈得好。彈得好。〔末〕實是彈得好。〔丑〕錢鈔是人賺來的。我再與你一領襖子。〔脫衣與旦介末〕元來裏面都是破衣裳呵。官人把襖子都脫了。身上這般寒。甚麼意思。〔淨〕寒由他自寒。不可壞了局面。咱每這般人興頭來了。使鈔慣了。怕甚麼寒。道姑你再唱唱。〔末〕道姑你再彈。且看他再把甚麼與你。〔旦彈介〕孩兒在外。須早回程。忤逆男兒并孝子。報應甚分明。

〔前腔〕兒還念父母。及早歸鄉土。看慈烏亦能返哺。莫學我的兒夫。把雙親擔誤。常言養子。養子方知父母。算那忤逆男兒。和孝順爹娘之子。若無報應。果是乾坤有私。〔末〕彈得好。彈得好。〔淨〕他彈得自好。唱得自好。我沒甚麼與他了。〔末笑介〕可知道。

〔淨作寒介丑〕兄弟。我和你這般的走回家去。成甚麼模樣。〔淨〕我只賴五戒取衣裳便罷。〔末〕呀。你扯我怎的。〔丑〕扯你怎的。你倒妝成騙局。把我每的衣裳都剝去了。〔末〕咳。我幾曾妝局騙你。是你自把衣裳與他。〔淨〕禿驢。你道不會妝局騙我。我看見道姑彈了。喝一聲采。你也喝一聲采。只管攛掇我把衣裳與他。這不是妝局騙我。〔丑〕你不取還我。我扯你到洛陽縣裏去。〔末〕天那。我不曾見這般沒行止的人。道姑。沒奈何了。把衣裳還他去罷。〔旦〕衣服在這裏。拿還他去。既不情願。我要他做甚麼。〔丑〕錢鈔雖則那裏不用。只是寒冷又忍不得。〔穿衣介淨〕道姑。方纔說道你彈得好。唱得好。我如今尋思起來。你彈得也不好。唱得也不好。你不信時。再彈唱一曲看看。〔旦〕奴家也彈不得了。也唱不得了。〔淨〕可知道不敢再彈唱了。〔丑〕兄弟。他既不敢彈唱了。我和你且回家去。〔淨〕說得是。我和你回去罷。〔丑〕五戒。我小子不是豪富。〔末〕枉了教你題疏。你衣裳敢是借的。〔淨丑〕可知道我腿上無個布袴。〔末並下旦〕一斟一酌。莫非前定。奴家準擬今日抄化幾文錢鈔。就此追薦公婆。誰知撞着這兩個風子。攪鬧了一場。如今雖沒東西備辦奠禮。且將公婆真容掛在此。拜囑一番。以表來意罷了。〔掛真容拜介〕

〔賞秋月〕在途路歷盡多辛苦。把公婆魂魄來超度。焚香禮拜祈回護。願相逢我丈夫。〔末丑隨生上〕

〔縷縷金〕〔生〕時不利。命多乖。雙親在途路上。怕生災。〔末丑〕相公。此是彌陀寺。略停車蓋。〔合〕辦虔誠懇禱拜蓮臺。特來赴佛會。〔丑〕道姑迴避。〔旦〕正是在他簷下過。怎敢不低頭。〔慌下失真容介生〕那得這軸畫像。〔丑〕敢是適間道姑遺下的。〔生〕叫他轉來。將還他去。〔丑叫不應介〕去遠了。叫不應。〔生〕既叫不應。且與他收下。左右喚和尚過來。〔淨扮和尚上〕

〔前腔〕能喫酒。會嚙齋。喫得醺醺醉。便去搜新戒。講經和回向。全然尷尬。你官人。若是有文才。休來看佛會。〔相見介〕和尚。下官爲迎取父母來此。不知路上安否。何如。特來三寶面前。祈求保佑。〔淨〕元來如此。小僧先請佛。

〔佛賺〕如來本是西方佛。西方佛卻來東土救人多。救人多。結跏趺坐坐蓮花。丈六金身最高大。他是十方三界第一個大菩薩。摩訶薩。摩訶般若波羅糖。〔末〕和尚你念差了。是波羅密。〔淨〕糖也這般甜。密也這般甜。南無南無十方佛十



方法十方僧。上帝好生不好殺。好人還有好提掇。惡人還有惡鑒察。好人成佛是菩薩。惡人做鬼做羅刹。第一滅卻心頭火。心頭火。第二解開眉間鎖。眉間鎖。第三點起佛前燈。佛前燈。真個是好也。快活我。快活我。諸惡莫作。奉勸世上人。則個浪裏梢公。牢把舵。行正路。莫蹉跎。大家卻去誦彌陀。誦彌陀。善男信女笑呵呵。聽大法鼓。鑿鑿鑿。聽大法鏡。乍乍乍。手鐘搖動陳陳陳。獅子能舞鶴能歌。木魚亂敲逼逼剝剝。海螺響處曠曠曠。積善道場隨人做。伏願老相公老安人小夫人萬里程途悉安樂。南無菩薩摩訶。金剛般若波羅密。小僧

請佛了。請相公上香。通達情旨。(生炷香拜介)

〔江兒水〕〔生〕如來證明。聽蔡邕啓。我雙親在途路。不知如何的。仰惟菩薩大慈悲。(合)龍天鑒知。龍神護持。護持着登山渡水。

〔前腔〕〔淨〕如來證明。鑒茲情旨。蔡邕的父母。望相保庇。仰惟功德不思議。(合)

前

〔前腔〕〔末〕我東人鎮日常懷憂慮。只愁一親在路途裏。孝思誠意感神祇。〔合前〕

〔前腔〕〔丑〕我聞知做會。特來隨喜。饅頭素食多多與。若還不與。我自入齋廚去取。〔合前淨〕我佛有緣蒙寵渥。〔生〕願親路上悉平安。〔末〕因過竹院逢僧話。〔丑〕又得浮生半日閒。〔並下旦復上〕

〔縷縷金〕原來是蔡伯喈。馬前都喝道。狀元來。料想雙親像。他每留在。敢天教我夫婦再和諧。都因這佛會。正是不因漁父引。怎得見波濤。方纔那官人。奴家詢問起來。是蔡伯喈。好也好也。今日也會相見。只一件。奴家慌忙中失去了公婆真容。想必是他收下。且待明日。逕投他家裏去。以乞丐爲由。問取消息。倘或天天可憐。因此相會。也不見得。

今朝喜見那喬才。

真容收去可疑猜。

縱使侯門深似海。

從今引得外人來。

第二十五齣 兩賢相邁

〔十一時〕〔貼上〕心事無靠託。這幾日翻成悶也。父意方回。夫愁稍可。未卜程途裏的如何。教我怎生放下。不如意事常八九。可與人言無二三。奴家自嫁蔡伯喈之後。見他常懷憂悶。廢盡心機去問他。他又不說。比及奴家知道。去對爹爹說。要和他同去奉事雙親。誰想爹爹不肯。被奴家道了幾句。幸喜爹心回轉。教人去取他爹媽媳婦。又不知他行人路上安否如何。爲這些事。教我擔了多少煩惱。又一件。公婆早晚到來。只是要一兩個精細人去伏侍他。我府裏雖則有使喚的。那里中用。怎生得精細婦人。與他使喚方好。院子那裏。〔末上〕書當快意讀易盡。客有可人期不來。世上幾般能稱意。光陰何況苦相催。夫人有何使令。〔貼〕院子。我府中缺少幾個使喚的。便與我去街坊上尋問有精細的婦人。討一兩個來用。〔末〕小人理會得。踏破鐵鞋無覓處。得來全不費工夫。

〔遶地遊〕風餐水宿。甚日能安妥。問天天怎生結果。府幹哥。稽首。〔末〕道姑何來。〔旦〕遠方人氏。〔末〕到此何幹。〔旦〕特來抄化。〔末〕少待。通報夫人。精細婦人到沒有。正遇一個道姑。在門首抄化。〔貼〕着他裏面來。〔末〕道姑。夫人着你裏面相見。〔貼作相見介〕

〔前腔〕〔貼〕梳妝淡雅。看丰姿堪描堪畫。是何人近來問咱。〔旦〕夫人稽首。〔貼〕道姑何來。〔旦〕貧道遠方人氏。〔貼〕到此何幹。〔旦〕特來府中抄化。〔貼〕你有基本事。來此抄化。〔旦〕貧道不敢誇口。大則琴棋書畫。小則針指工夫。次則飲食餼饌。頗諳一二。〔貼〕道姑。你有這等本事。在街坊上抄化也生受。何似在我府中喫些安樂茶飯如何。〔旦〕若得如此。感恩非淺。只怕貧道沒福。無可稱夫人之意。〔貼〕院子。道姑是遠方人氏。須要問他來歷詳細。方可留他。〔末〕道姑。我且問你。你是從幼出家的。還是在嫁出家的。〔旦〕貧道在嫁出家的。〔貼〕院子。從幼出家的。怎麼說。在嫁出家的。怎麼說。〔末〕告夫人知道。從幼出家是沒丈夫的。在嫁出家是有丈夫的。那道姑是有丈夫的。〔貼〕呀。險些兒差了。他既有丈夫的。難以收留。院子。你多打發些齋糧與他。教他別處抄化去。〔末〕道姑。夫人說你有丈夫。多打發齋糧與你。別處去抄化罷。〔旦〕天那。我不合說有丈夫的。府幹哥。貧道非因抄化來。卻是尋取丈夫的。〔貼〕元來如此。道姑。我且問你。你丈夫姓甚名誰。〔旦〕背說介。夫人問我丈夫姓名。若直說出來。恐怕夫人嗔怪。若不和他說。此事又終難隱忍。我如今且把蔡伯喈三字拆開與他說。看他意見何如。再作道理。夫人。貧道丈夫姓蔡名白諧。人人都說道在牛

府中廊下住。敢是夫人也知道。〔貼〕我那裏知道。院子。你管各廊房。有那姓祭名白諧的麼。〔末〕小人管許多廊房。並沒有這個人。〔貼〕道姑。我這裏沒有。你可到別處去尋。休得要誤了你。〔旦〕天那。人人道我丈夫在貴府廊下住。如今既道是沒有。奴家想起來莫不是死了呵。咳。丈夫。你若是死了。教我倚着誰人。〔哭介貼〕可憐這婦人。你且不須愁煩。權住在府中。我着院子到街坊上訪問你丈夫蹤跡。你意下如何。〔旦〕若得如此。再造之恩。〔貼〕道姑。只一件。你在我府中。休要恁般打扮。我與你換了這衣妝。〔旦〕貧道不敢換。〔貼〕因甚不敢換。〔旦〕貧道有一十二年大孝在身。所以不敢換。〔貼〕呀。大孝不過三年。如何有一十二年。〔旦〕貧道公公死了三年。婆婆死了三年。薄倖兒夫。久留都下。一竟不還。替他帶六年。共成一十二年。〔貼〕咳。有這等孝行的婦人。道姑。你雖然如此。爭奈老相公最嫌人這般打扮。院子。你可叫惜春取妝奩衣服出來。〔末〕畫堂傳懿旨。幽閣取妝資。〔丑〕寶劍賣與烈士。紅粉贈與佳人。夫人。妝奩衣服在此。〔貼〕道姑。你且臨鏡改換則個。〔旦〕天那。如何是好。〔照鏡介〕咳。鏡兒。我自從嫁與蔡家。只兩月梳妝。這幾時不曾照你呀。好苦。元來都這般消瘦了。〔二〕郎神。容瀟灑。照孤鸞。嘆菱花剖破。〔貼〕道姑。你不梳妝。且換了衣裳。〔旦看衣介〕記

翠鈿羅襦當日嫁。誰知他去後。釵荆裙布無些。〔貼〕道姑。你不換衣服且帶着這釵兒。

〔旦看釵介〕他金雀釵頭雙鳳朵。奴家若帶了呵。可不羞殺人形孤影寡。〔貼〕道姑。

你不帶釵兒。且簪些花朵。別些吉凶。〔旦看花介〕說甚麼簪花捻牡丹。教人怨着嫦娥。

〔前腔〕〔貼〕嗟呀。他心憂貌苦。真情怎假。只爲着公婆珠淚墮。道姑。我公婆自有。不能設承奉杯茶。你比我沒個公婆承奉呵。不枉了教人做話靶。你公婆。爲甚的雙雙命掩黃沙。

〔轉林鶯〕〔旦〕苦荒年萬般遭坎坷。丈夫又在京華。糟糠暗喫擔飢餓。公婆死。賣頭髮去埋他。把孤墳自造。土泥盡是我麻裙包裹。〔貼〕這道姑好誇口。〔旦〕也非誇。手指傷。血痕尙染衣麻。

〔前腔〕〔貼〕道姑。愁人見說愁轉多。使我珠淚如麻。〔旦〕夫人。你淚下爲何。〔貼〕道姑。我丈夫久別雙親下。〔旦〕他怎的不同家去。〔貼〕他要辭官家去。被我爹爹蹉跎。〔旦〕他家  
有妻麼。〔貼〕他妻雖有麼。怕不似恁會看承爹媽。〔旦〕他爹媽如今在那里。〔貼〕在天

涯〔旦〕夫人何不取他同來一處。〔貼〕教人去請。知他路途上如何。

〔啄木鷗〕〔旦〕聽言語。教我悽愴多。料想他每也非是假。〔背說介〕我且把句言語來試他一試。他那裏既有妻房。取將來怕不相和。〔貼〕道姑。但得他似你能擰靶。我情願讓他居他下。只愁他程途上苦辛。教人望得眼巴巴。

〔前腔〕〔旦〕錯中錯。訛上訛。只管在鬼門前空占卦。夫人若要識蔡伯喈妻房。〔貼〕他在那裏。〔旦〕奴家便是無差。〔貼〕呀。你果然是他非謊詐。〔旦〕夫人。奴家豈敢誑言。〔貼〕你原來爲我喫折挫。爲我受波查。教伊怨我。教我怨爹爹。〔貼〕姐姐請坐。待奴家見禮。〔旦〕奴家怎敢。

〔金衣公子〕〔貼〕一樣做渾家。我安然。你受禍。你名爲孝婦。我被傍人罵。〔旦〕呀。傍人罵夫人怎的。〔貼〕公死爲我。婆死爲我。姐姐。我情願把你孝衣穿着。把濃妝罷。〔合〕事多磨。冤家到此。逃不得這波查。

〔前腔〕〔旦〕夫人。他當原也是沒奈何。被強來。赴選科。辭爹不肯聽他話。〔貼〕姐姐。

他在這裏豈不要回來。辭官不可。辭婚不可。〔旦〕只爲三不從。做成災禍天來大。〔合前貼〕姐姐休怪奴家說。我教你改換衣妝。你又不肯。只怕相公見你這般襪襖。萬一不肯相認。如何是好。我想起來。相公往常朝回時。便入書館中看文章。姐姐既是無所不通。何似去書館中寫幾句言語打動他。那時節我與說個明白。卻不好。〔旦〕夫人說得是。便寫得不好。也索從命。

無限心中不平事。

幾番清話又成空。

一葉浮萍歸大海。

人生何處不相逢。

## 第二十六齣 孝婦題真

〔末上〕爲問當年素服儒。于今腰下佩金魚。分明有個朝天路。何事男兒不讀書。自家乃是蔡相公府中一個院子。我相公雖居鳳閣鸞臺。常在螢窗雪案。退朝之暇。手不停批。閒居之際。口不絕吟。如今將次回府。不免灑掃書館。聽候相公到來。真個好書館。但見明窗瀟灑。碧紗內烟霧輕盈。淨几端嚴。青氈上塵埃不染。粉壁間挂三四幅名畫。石牀上安一兩張古琴。緗帙縹囊。數起看何止一萬卷。牙籤犀軸。乘將來設有三十車。芸葉分香走魚蠹。芙蓉藏粉養龍賓。鳳咮馬肝。和那鸚鵡眼。無非奇。



巧。兔毫栗尾。和那犀象管。分外精神。積金花玉版之箋。列錦紋銅綠之格。正是休誇東壁圖書府。賽過西垣翰墨林。且住着。我相公昨日在彌陀寺中燒香。拾得一軸畫像。不知甚麼故事。相公當時教我收下。我如今也將來掛在此間。我相公博學多才。必然曉得這故事。正是早知不入時人眼。多買胭脂畫牡丹。〔下旦上〕

〔天下樂〕一片花飛故苑空。隨風飄泊到簾櫳。玉人怪問驚春夢。只怕東風羞落紅。階下落紅三四點。錯教人恨五更風。當初只道蔡伯喈貪名逐利。不肯回家。元來被人逗留在。此。奴家昨日抄化來到這裏。感得牛氏夫人收錄。又怕伯喈見我一身襤褸。不肯廝認。教我到書館中題幾句言語打動他。奴家只得從命。來到此間。卻寫在那處好。呀。公婆真容。元來也掛在此。〔哭拜介〕我如今就將公婆真容背後題詩幾句便了。苦。向日受飢荒。雙親俱死亡。如今題詩句。報與薄情郎。

〔醉扶歸〕丈夫。我有緣千里能相會。難道是無緣對面不相逢。鳳枕鸞衾也曾共。今日呵。到憑着兔毫繭紙將他動。休休。畢竟一齊分付與東風。把往事如春夢。

〔題介〕崑山有良璧。鬱鬱璠璵姿。嗟彼一點瑕。掩此連城瑜。人生非孔顏。名節鮮不虧。拙哉西河守。胡不如泉魚。宋弘旣以義。王允何其愚。風木有餘恨。連理無傍枝。寄與青雲客。慎勿乖天彝。

〔前腔〕縱使我詞源倒流三峽水。丈夫只怕你胸中別是一帆風。牛氏夫人見我

衣裳襤褸。怕伯喈不肯相認。還是教妾若爲容。我若不寫詩打動他呵。夫人只怕爲你難

移寵。〔掛眞容介〕休休。縱認不得這丹青貌不同。我的筆蹟兀自如舊。若認得我翰墨。

教心先痛。奴家題詩已了。不免說與夫人知道。待伯喈來看。莫不是天教相逢。在此一遭。也未見得。

未卜兒夫意。

全憑一首詩。

得他心肯日。

是我運通時。

### 第二十七齣 書館悲逢

〔鶻橋仙〕〔生上〕披香侍宴。上林遊賞。醉後人扶馬上。金蓮花炬照回廊。正院

宇梅梢月上。日晏下彤闈。平明登紫閣。何如在書案。快哉天下樂。自家早臨長樂。夜直嚴更。召問

鬼神。或前宣室之席。光傳太乙。時頒天祿之藜。惟有戴星衝黑出漢宮。安能滴露研硃點周易。俺這

幾日且喜朝無繁政。官有餘閒。庶可留志於詩書。從事於翰墨。正是事業要當窮萬卷。人生須是惜分陰。〔看書介〕這是甚麼書。是尙書呀。這堯典道。虞舜父頑母嚚象傲。克諧以孝。咳。他父母那般相待他。他猶自克諧以孝。我父母虧了我甚麼。我倒不能穀奉養他。看甚麼尙書。這是甚麼書。是春秋呀。春秋中穎考叔曰。小人有母。未嘗君之羹。請以遺之。咳。他有一口湯喫。兀自尋思着娘。我如今做官享天祿。倒把父母撇了。看甚麼春秋。天那。枉看這書。行不得濟甚麼事。你看那書中那一句不說着孝義。當元俺父母教我讀詩書。知孝義。誰知道反被詩書誤了我。還看他怎的。

〔解二醒〕嘆雙親把兒指望。教兒讀古聖文章。似我會讀書的。倒把親撇漾。少甚麼不識字的。到得終奉養。書呵。我只爲其中自有黃金屋。反教我撇卻椿庭萱草堂。還思想。畢竟是文章誤我。我誤爹娘。

〔前腔〕比似我做個負義虧心臺館客。到不如守義終身田舍郎。白頭吟記得。不會忘。綠鬢婦何故在他方。書呵。我只爲其中有女顏如玉。反教我撇卻糟糠妻下堂。還思想。畢竟是文章誤我。我誤妻房。書旣懶看他。且看這壁間山水古畫。散悶則

個呀。這一軸畫像。是我昨日在彌陀寺中燒香拾得的。如何院子也將來掛在此間。且看甚麼故事。  
〔看畫介〕

〔太師引〕細端詳。這是誰筆仗。覷着他。教我心兒好感傷。〔細看介〕好似我雙親模樣。差矣。我的媳婦會針指。便做是我的爹娘呵。怎穿着破損衣裳。前日已有書來。道別後容顏無恙。怎的這般淒涼形狀。且住。我這裏要寄一封書回去。尙不能殼。他那里呵。有誰來往。直將到洛陽。天下也有面貌廝像的。須知道仲尼陽虎一般龐。我理會得了。

〔前腔〕這是街坊誰劣相。砌莊家形衰貌黃。假如我爹娘呵。若沒個媳婦來相傍。少不得也這般淒涼。敢是個神圖佛像呀。卻怎的。我正看間。猛可的小鹿兒心頭撞。這也不是神圖佛像。敢是當元的畫工有甚緣故。丹青匠。由他主張。須知道毛延壽誤了王嬙。若是個神圖佛像。背面必有標題。待我轉過來看呀。元來有一首詩在上面。〔讀詩介〕這廝好無禮。句句道着下官。等閒的怎敢到此。想必夫人知道。待我問。便知分曉。夫人那裏。

〔夜遊湖〕〔貼上〕猶恐他心思未到。教他題詩句。暗裏相嘲。翰墨關心。丹青入

眼。強如把語言相告。〔生怒介〕夫人。誰人到我書館中來。〔貼〕沒有人。〔生〕我前日去彌陀寺中燒香。拾得一軸畫像。院子不省得。也將來掛在這裏。甚麼人在背面題着一首詩。〔貼〕敢是常原寫的。〔生〕那裏是。墨蹟尙未曾乾。〔貼背介〕我理會得了。相公。這詩如何說。請讀與奴家知道。〔生念詩介貼〕相公。奴家不省其意。請解說一遍。與奴家曉得也好。〔生〕崑山有良璧。鬱鬱璠璵姿。嗟彼一點瑕。掩此連城瑜。崑山是地名。產得好玉。價值連城。若有些兒瑕玷。便不貴重了。人生非孔顏。名節鮮不虧。孔子顏子是大聖大賢。德行渾全。大凡人非聖賢。能忠不能孝。能孝不能忠。所以名節多至欠缺。拙哉西河守。胡不如皋魚。西河守吳起。是戰國時人。魏文侯拜他爲西河守。母死不奔喪。皋魚是春秋時人。只爲周遊列國。父母死了。後來回歸。自刎而亡。宋弘旣以義。王允何其愚。宋弘是光武時人。光武試把姐姐湖陽公主嫁他。宋弘不從。對道。貧賤之交不可忘。糟糠之妻不下堂。王允是桓帝時人。司徒袁隗要把侄女嫁他。他就休了前妻。娶了袁氏。風木有餘恨。連理無傍枝。孔子聽得皋魚哭啼。問其故。皋魚說道。樹欲靜而風不止。子欲養而親不在。西晉時東宮門有槐樹二株。連理而生。四傍皆無小枝。寄與青雲客。慎勿乖天彝。傳言與做官的。切莫違了天倫。〔貼〕相公。那不奔

喪和那自刎的。那一個是孝道。〔生〕那不奔喪的是亂道。〔貼〕相公。那不棄妻和那棄妻的。那一個是正道。〔生〕那棄了妻的是亂道。〔貼〕相公。比如你待要學那一個。〔生〕呀。我的父母知他存亡如何。我決不學那不奔喪的見識。〔貼〕相公。你雖不學那不奔喪的。且如你這般富貴。腰金衣紫。假有糟糠之婦。襤褸醜惡。可不辱沒了你。你莫不也索休了。〔生怒介〕夫人。你說那裏話。縱是辱沒殺我。終是我的妻房。義不可絕。

〔鐔鍬兒〕夫人。你說得好笑。可見你心兒窄小。我決不學那王允的見識。沒來由漾卻苦李。再尋甜桃。古人云。棄妻止有七出之條。他不嫉不淫與不盜。終無去條。那棄妻的。衆所誚。那不棄妻的人所褒。縱然他醜貌。怎肯相休棄了。

〔前腔〕〔貼〕伊家富豪。那更青春年少。看你紫袍掛體。金帶垂腰。做你的媳婦呵。應須有封號。金花紫誥。必俊俏。須媚嬌。若還他醜貌。怎不相休棄了。

〔前腔〕〔生〕夫人。你言顛語倒。惱得我心兒轉焦。莫不是你把我把咱奚落。特兀自妝喬。引得我淚痕交。撲簌簌這遭。這題詩的是誰。〔貼〕相公。你問他待怎的。〔生〕夫人。他把

我嘲。難恕饒。你說與我知道。怎肯干休罷了。

〔前腔〕〔貼〕相公。我心中忖料。想不是個薄情分曉。管教你夫婦會合在今朝。你還認得那題詩的麼。〔生〕不認得。〔貼〕伊家枉然焦。只怕你哭聲漸高。〔生〕是誰。〔貼〕是伊大嫂身姓趙。正要說與你知道。怎肯干休罷了。姐姐有請。〔旦上〕

〔入賺〕聽得鬧吵。敢是我兒夫看詩囉哞。〔貼〕姐姐快來。〔旦〕是誰忽叫。想是夫

人召。必有分曉。〔貼〕相公。是他題詩句。你還認得否。〔生〕他從那裏來。〔貼〕相公。他從陳留郡。爲你來尋討。〔生認介〕呀。我道是誰。元來是你呵。娘子。你怎的穿着破襖。衣衫

盡是素縞。莫不是我雙親不保。〔旦〕官人。從別後。遭水旱。我兩三人只道同做

餓殍。〔生〕張太公會周濟你麼。只有張公可憐。歎雙親別無倚靠。〔生〕後來卻如何。〔旦〕

兩口顛連相繼死。〔生〕苦元來我爹娘都死了。娘子。那時如何得殯斂。〔旦〕我剪頭髮賣錢

送伊妣考。〔生〕如今安葬了未曾。〔旦〕把墳自造。土泥盡是我麻裙裏包。〔生〕罷了。聽

伊言語。怎不痛傷噎倒。〔生倒旦貼作扶起介旦〕官人。這畫像就是你爹媽的真容。〔生哭介〕

〔小桃紅〕〔生〕蔡邕不孝。把父母相拋。爹爹我與你別時。豈知恁地。早知你形衰老。怎留聖朝。娘子。你爲我受煩惱。你爲我受劬勞。謝你葬我爹。葬我娘。你的恩難報也。做不得養子能代老。〔合〕這苦知多少。此恨怎消。天降災殃人怎逃。娘子。這眞容是誰畫的。

〔前腔〕〔旦〕這儀容像貌。是我親描。〔生〕娘子。路途遙遠。你那得盤纏。來到此間。〔旦低唱介〕乞丐把琵琶撥。怎禁路路遙。官人。說甚麼受煩惱。說甚麼受劬勞。不信看你爹。看你娘。比別時兀自形枯槁也。我的一身難打熬。〔合前〕

〔前腔〕〔貼〕設着圈套。被我爹相招。相公。你也說不早。況音信杳。姐姐。你爲我受煩惱。爲我受劬勞。相公。是我誤你爹。誤你娘。誤你名不孝也。做不得妻賢夫禍少。〔合前〕

〔前腔〕〔生〕我脫卻巾帽。解卻衣袍。〔貼〕相公。急上辭官表。共行孝道。〔生〕夫人。只怕你去不得。〔貼〕相公。我豈敢憚煩惱。豈敢憚劬勞。同去拜你爹。拜你娘。親把墳



瑩掃也。使地下亡靈安宅兆。〔合前〕

〔餘文〕〔合〕幾年間分別無音耗。奈千山萬水迢遙。天那。只爲三不從。生出這禍苗。

只爲君親三不從。

致令骨肉兩西東。

今宵賸把銀缸照。

猶恐相逢是夢中。

### 第二十八齣 張公遇使

〔虞美人〕〔末上〕青山古木何時了。斷送人多少。孤墳誰與掃荒苔。連塚陰風吹送紙錢遶。冥冥長夜不知曉。寂寂空山幾度秋。泉下長眠人未醒。悲風蕭瑟起松楸。老漢曾受趙五娘囑託。教我爲他看管墳塋。這兩日有些閒事。不曾看得。今日只索去走一遭。

〔步步嬌〕呀。只見黃葉飄飄把墳頭覆。廝趕的皆狐兔。〔望介〕敢是誰砍了樹木去。爲甚松楸漸漸疎。〔滑倒介〕咳。甚麼絆我這一倒。卻元來是苔把磚封。笋迸泥路。老員外。老安人。自古道未歸三尺土。難保百年身。已歸三尺土。難保百年墳。只怕你難保百年墳。

我老夫在日。尙來爲你看管。若老夫死後呵。教誰添上你三尺土。〔丑扮李旺上〕

〔前腔〕渡水登山多勞苦。來到這荒村塢。遙觀一老夫。試問他家住。在何所。攢步向前行。呀。卻是一所荒墳墓。〔相見介末〕小哥。你從那裏來。〔丑〕小人從京都來。〔末〕卻往那裏去。〔丑〕奉蔡相公差至此。〔末〕你相公是那里人。差你來有甚勾當。〔丑〕我相公特差小人來請取他的太老爺太夫人和那小夫人。一同到洛陽去。〔末〕你相公叫甚麼名字。〔丑〕我相公的名字。小人怎敢說。〔末〕荒僻去處。但說不妨。〔丑〕我相公是蔡伯喈。〔末發怒介〕

〔風入松〕你不須提起蔡伯喈。說着他每忒歹。〔丑〕呀。他有甚歹處。〔末〕他中狀元做官六七載。撇父母拋妻不采。〔丑〕他父母在那裏。〔末〕兀的這磚頭土堆。是他雙親在此中埋。〔丑〕呀。元來太老爺太夫人都死了呵。不知爲甚的死了。

〔前腔〕〔末〕一從他別後遇荒災。更無人倚賴。〔丑〕這等是誰承直他兩個。〔末〕虧他媳婦相看待。把衣服和釵梳都解。〔丑〕解也須有盡時。〔末〕便是。這小娘子解得錢來糴米。做飯與公婆喫。他背地裏把糟糠自捱。公婆的反疑猜。〔丑〕公婆敢道他背後自喫了。

些好東西麼。〔末〕便是。後來呵。

〔前腔〕他公婆的親看見。雙雙痛倒。無錢斷送。翦頭髮賣買棺材。〔丑〕他那般無錢。如何築得這一所墳墓。〔末〕他去空山裏。裙包土。血流指。感得神明助。與他築墳臺。〔丑〕自古道孝感天地。果然有此。這小娘子如今在那裏。

〔前腔〕〔末〕他如今逕往帝都來。〔丑〕他把甚麼做盤纏。〔末〕小哥。我不瞞你。他彈着琵琶做乞丐。〔丑〕蔡相公特地差小人來取他父母妻子。如今太老爺太夫人既死了。小夫人卻又去了。如何是好。〔末〕你謾着。我與你說與他父母知道便了。老員外。老安人。你孩兒做了官。如今差人來取你到京。同享富貴。你去也不去。〔哭介〕叫他不應。魂何在。空教我珠淚盈腮。〔丑〕公公。你休啼哭。小人如今回去。教俺相公多多做些功果。追薦他便了。〔末笑介〕他生不能養。死不能葬。葬不能祭。這三三不孝逆天罪大。空設醮。枉修齋。你相公如今在那裏。〔丑〕我相公如今入贅牛丞相府裏。

〔前腔〕〔末〕小哥。你如今疾忙便回。說我張老的道與蔡伯喈。〔丑〕道甚麼來。〔末〕道

你拜別人的爹娘好美哉。親爹娘死。不值你一拜。〔丑〕公公。你休錯埋冤了人。他要辭官。官裏不從。他要辭婚。我太師不從。也只是沒奈何了。〔末〕恁的呵。元來他也是無奈。好似鬼使神差。他當元在家不肯赴選。他的爹爹不從他。這是三不從。把他廝禁害。三不孝亦非其罪。〔丑〕公公。你險些錯埋冤了人。〔末〕這是他爹娘福薄運乖。人生裏都是命安排。〔丑〕敢問公公高姓。〔末〕小哥。我老漢不是別人。張太公的便是。當初蔡伯喈臨走之時。把父母囑付與我。如今他父母身死。小娘子又去京都尋他。將近去了個半月日。你如今回去。一路上但見一個婦人。道姑打扮。拿着一個琵琶。背着一軸真容的。便是你相公的小娘子。你把盤纏好好承直他去便了。〔丑〕理會得。小人告別了。

雙親死了已無依。

今日回來也是遲。

夜靜水深魚不餌。

滿船空載月明歸。

第二十九齣

散髮歸林

〔風入松慢〕〔外上〕女蘿松柏望相依。況景入桑榆。他椿庭萱室齊傾棄。怎不

想家山桃李。中雀誤看屏裏。乘龍難駐門楣。自古道人無遠慮。必有近憂。自家當初不仔細。一時間不信我那院子的說話。定要招蔡伯喈爲婿。指望養老百年。誰想道他父母俱亡。如今他媳婦逕來尋取。聞說我女孩兒也要和他同去。不知是否。待我喚院子出來問他。便知端的。院子那裏。〔末上〕紋犀欲下意沈吟。棋局排來仔細尋。猶恐中間差一着。教人錯用滿枰心。相公有何鈞旨。〔外〕院子。說道蔡狀元的父母身死。他媳婦來尋他。我的小姐也要和他同去。你知道麼。〔末〕男女不知。老姥姥必知端的。〔外〕如此叫老姥姥過來。〔淨上〕

〔光光乍〕女婿要同歸。岳丈意何如。忽叫阿奴緣何的。想必與他做區處。〔外〕

老姥姥。見說蔡狀元的父母身死。他的媳婦來此尋他。我的小姐也要和他同去。此事是否。〔淨〕果是。小姐要同去。〔外〕呀。我小姐同去做甚麼。〔淨〕相公。他父母都死了。只是一個媳婦支持。如今小姐要同他回去守服。有何不可。〔外怒介〕我的小姐如何與別人帶孝。〔淨〕相公息怒。聽老奴告稟。

〔古女冠子〕媳婦事舅姑合體例。相公怎不教女孩兒同去。當初是相公相留。住今日裏怨着誰。〔外〕胡說。我不教女孩兒去。卻待怎的。〔淨〕相公。事須近禮。怎使聲勢。

休道朝中太師威如火。那更路上行人口似碑。〔合〕說起此事。費人區處。

〔前腔〕〔末〕我相公只慮着多嬌女。怕跋跣萬山千水。相公只一件。女生向外從來語。況已做人妻。夫唱婦隨。不須疑慮。這是藍田種玉結親誤。今日裏船到江心補漏遲。〔合前〕

〔前腔〕〔外〕當初是我不仔細。誰知道事成差池。痛念深閨幼女多嬌媚。怎跋跣萬餘里。天那。我嫡親更有誰。怎忍分離。罷罷。不教愛女擔煩惱。也被傍人講是非。〔合前外〕老姥姥。你和院子也說得是。只得由他去罷。〔淨〕恰好狀元小姐都來了。〔生日貼上〕

〔五供養〕〔生〕終朝垂淚。爲雙親使我心擦。〔貼〕親墳須共守。只得離神京。〔生〕夫人。且商量個計策。猶恐你爹行不肯。〔合〕若是他不肯。難說道君王有命。

〔相見介外〕賢婿。我聞說你父母背棄。你媳婦來此相尋。此事果否。〔生〕此事果然。愚婿正來稟知岳丈。〔外〕這可是伯喈的媳婦麼。〔旦〕奴家便是。〔外〕賢哉。賢哉。〔貼〕孩兒有一事。拜覆爹爹知道。娶妻所以養親。孔子云。生事之以禮。死葬之以禮。祭之以禮。若姐姐爲蔡氏之婦。生能竭奉養之力。

死能備棺槨之禮。葬能盡封樹之勞。孩兒亦爲蔡氏婦。生不能供甘旨。死不能盡躃踊。葬不能事窀  
穸。以此思之。何以爲人。誠得罪于舅姑。實有愧於姐姐。今特講于爹爹之前。願居于姐姐之下。〔外〕  
賢哉吾女。道得是。道得是。〔旦〕自古道人有貴賤。不可概論。夫人是香閨繡閣之名姝。奴家是裙布  
荆釵之貧婦。況承君命以成婚。難讓妾身而居右。〔外〕五娘子。你今日旣無父母。又喪公姑。恰便是  
我的女孩兒一般。況你身先歸于蔡氏。年又長于吾兒。此實當禮。不必多辭。〔生〕你兩個只做姊妹  
相呼便了。〔衆〕這個說得極是。〔生〕愚婿今日拜辭岳丈。領二妻同歸故里。共行孝道。待服滿之後。  
再來侍奉尊顏。〔外〕賢婿。我其實捨不得你去。今日你爹娘旣不幸了。我也難再留你。〔貼〕爹爹。孩  
兒暫別尊顏。實出無奈。爹爹善保尊體。不必掛牽。〔外哭介〕孩兒。你如今去拜舅姑的墳墓。竟不念  
我。〔貼〕爹爹放心。孩兒此去。不過三年之期。〔外悲介〕苦女兒終是向外。兀的不痛殺我也。〔衆〕相  
公不須煩惱。〔生日貼拜辭介〕

〔催拍〕〔生〕念蔡邕爲雙親命傾。遭不孝逆天罪名。今辭了帝廷。感岳丈慇懃。  
豈敢忘情。痛父母恩深。久負亡靈。〔合〕辭別去。同到墳塋。心感感。淚盈盈。

〔前腔〕〔旦〕念奴家離鄉背井。謝公相教孩兒共行。非獨故里榮。我泉下公婆。死也目瞑。〔外〕五娘子。我女孩兒少長閨門。凡事望你看顧。〔旦〕我自看承你孩兒。不須叮嚀。〔合前〕

〔前腔〕〔貼〕覷爹爹衰顏皤鬢。思量起教人淚零。爹爹我進退不忍。我待不去呵。誤了公婆。被人譏評。我待去呵。撇了爹爹。沒人溫清。〔合前〕

〔前腔〕〔外〕孩兒。此別去。你的吉凶未憑。再來時。我的存亡未審。賢婿。吾今已老景。畢竟你沒爹。我娘沒親生。若是念骨肉。一家須早辦回程。〔合前〕

〔一撮棹〕〔生〕岳丈。你寬心等。何須苦掛縈。〔外〕賢婿。把音書寫頻頻寄郵亭。〔貼〕老姥姥。爹年老。伊家須是好看承。〔淨〕程途裏。各願保安寧。〔旦〕死別全無準。生離又難定。〔合〕今去也。未知何日返神京。〔外〕你三人去。途中須要保重。〔生旦貼〕謝得尊人掛念。

〔哭相思尾〕〔合〕最苦生離難拋捨。未知再會何時也。



女壻今朝已別離。

老身孤苦有誰知。

夫唱婦隨同歸去。

一處思量一處悲。

### 第四十齣 李旺回話

〔柳穿魚〕〔丑上〕心忙似箭走如飛。歷盡艱辛有誰知。夜靜水寒魚不食。滿船

空載月明歸。歸來後。到庭除。未知相公在何處。李旺蒙老相公差去陳留。請取蔡相公

的老員外老安人小娘子。不想他兩位老的都死了。小娘子又來了。教我空走這一遭。如今且未好

對老相公說。先說與蔡相公知道。呀。怎的房門都閉了。敢是蔡相公入朝去了。小姐要幽靜。閉着門

呵。開門開門。〔外上〕

〔翫仙燈〕門外有人聲。是誰來誼譁鬧吵。〔丑〕老相公。是李旺。〔外〕李旺。你回來了。你知

道麼。我小姐和蔡相公都回家去了。〔丑〕蔡相公小娘子曾到這裏不曾。〔外〕我見他了。李旺。我且

問你。蔡相公父母既死了。媳婦又來了。你到那裏。曾見甚麼人。

〔風帖兒〕〔丑〕相公。我到得陳留。逢着一個故老。在他爹娘墳上拜掃。他道他爹娘

呵。果然飢荒都喪了。他媳婦也來到。枉教人走這遭。

〔前腔〕〔外〕李旺。我如今去朝廷上表。奏蔡氏一門孝道。管取吾皇降丹詔。把他召。我自去陳留走一遭。〔丑〕老相公。這個趙氏。其實難得。〔外〕便是。一家都難得。一來蔡伯喈不忘其親。二來趙五娘子孝于舅姑。三來我小姐又能成人之美。一門孝義如此。理當保奏。請行旌表。〔丑〕相公道得最是。

五更三點奏朝廷。

今古難求此樣人。

管取一封天子詔。

表揚四海孝賢名。

第四十一齣 風木餘恨

〔梅花引〕〔生旦貼衆侍上生〕傷心滿目故人疎。看郊墟。盡荒蕪。〔旦貼〕惟有青

山添得個墳墓。〔合〕慟哭無聲長夜曉。問泉下有人還聽得無。〔玉樓春〕〔生〕他鄉

萬點思親淚。不能滴向家山地。〔旦〕如今有淚滴家山。欲見雙親渾無計。〔貼〕荒墳衰草連寒烟。蒼

苔黃葉飛蘋蘩。〔生〕欲聽雞聲來問寢。忽驚蟻夢先歸泉。〔旦〕人生自古誰無死。嗟君此恨憑誰語。

〔貼〕可憐衰經拜墳塋。不作錦衣歸故里。〔生〕夫人。此處便是爹媽墳墓。我和你先拜了雙親。還要  
去拜謝張太公。〔旦貼〕正是如此。〔拜奠介〕

〔玉雁兒〕〔生〕孩兒相誤。爲功名擔擱了父母。都緣是孩兒不得歸鄉故。爹爹媽  
媽。你怎便先歸黃土。乾坤豈容不孝子。名虧行缺不如死。只愁我死缺祭祀。

〔合〕對眞容形衰貌枯。想靈魂悲咽痛苦。

〔前腔〕〔旦〕百拜公姑。望矜憐恕責我夫。你孩兒贅居牛相府。日夜要歸難離  
步。你這新媳婦呵。堅心雅意勸親父。同歸故里守孝服。今日雙親來廬墓。〔合前〕

〔前腔〕〔貼〕不孝的媳婦。恨當初爲我耽誤了丈夫。喫人談笑生何補。我待死呵。  
又羞見公姑。公公婆婆。我生前不能穀相奉侍。何如事你向黃泉路。只一件。我死了

呵。家中老父誰看顧。〔合前生〕呀。只見朔風四起。瑞雪橫空。天氣甚冷。左右且迴避着。〔衆  
下末張太公上〕

〔前腔〕樓臺銀鋪。遍青山渾如畫圖。乾坤似他衣袞素。故添個縞帶飛舞。你躋

踊慟哭直恁苦。那堪大雪添淒楚。事當逆來順受。抑情就禮。通今古。〔合前生〕呀。張太公來了。卑人父母生死。皆蒙太公周濟。正道拜了父母墳塋。就到宅上拜謝。少效銜環之報。何勞太公先降。〔末〕說那里話。蔡相公。你腰金衣紫。可惜令尊令堂相繼謝世。不得盡你孝心。正是樹欲靜而風不寧。子欲養而親不逮。這也是他命該如此。你今日榮歸故里。光耀祖宗。雖是他生前不能享你的祿養。死後亦得沾你的恩典。老夫苟延殘喘。又得相見。僥倖僥倖。你今在此廬墓。老夫合當陪伴。但有牛氏夫人在此。怕不穩便。暫且告別。再來相看。

多謝深恩不敢忘。

稍寬愁緒節悲傷。

親墳共掃添榮耀。

不負詩書教子方。

### 第四十二齣 一門旌獎

〔逍遙樂〕〔生上〕寂寞誰憐我。空對孤墳珠淚墮。〔旦〕光陰撚指過三春。〔貼〕幽途渺渺滯魄沈沈。誰與招魂。〔生〕夫人。你看兩木連枝誰手栽。相馴白兔走墳臺。〔旦貼〕無心動植呈祥瑞。否極應須會泰來。〔末上介〕一封丹詔從天下。忽聽傳聞動郊野。說道旌表一門閭。未

卜此爲何人也。蔡相公外面喧傳有詔書到此。旌表孝義。想必爲足下而來。〔生〕人間孝者亦多。卑人何足稱孝。假如大舜曾參之孝。亦是人子當盡之事。何足旌表。〔末〕你說那裏話。老夫當初也只道你貪名逐利。撇了父母妻室。不肯還家。到如今纔得個分曉。孝經云。孝弟之至。通於神明。光於四海。無所不通。今見你墳頭枯木生連理之枝。白兔有馴擾之性。祥瑞若此。吉慶必來。

〔六么令〕〔末〕連枝異木新。見墳臺白兔如馴。禽獸草木尙懷仁。這一封丹詔必因君。〔合〕料天也會相憐憫。

〔前腔〕〔生〕皇恩若念臣。我也不圖祿及吾身。只愁恩不到雙親。空辜負這孤墳。〔合前〕

〔前腔〕〔旦〕知他假與真。謝得公公報說殷勤。太公空教你爲我受艱辛。今日裏有誰旌表你門庭。〔合前〕

〔前腔〕〔貼〕來使是何人。悶中無由詢問一聲。〔生〕夫人要問甚麼。〔貼〕無由詢問我家君。知他安與否死和存。〔合前丑扮縣官上〕

〔前腔〕勅書已來近。看街市上人亂紛紛。咱每只得忙前奔。備香案。接皇恩。

〔合前相見介生〕何處官長。因甚到此。〔丑〕下官本縣知縣。告大人得知。今日天朝牛丞相親贖詔書。到此開讀。旌表大人一門孝義。加官進職。起服到京。下官特來鋪設香案。迎接皇恩。請大人改換吉服等候。〔生〕卑人孝服未可更易。〔丑〕先王制禮。賢者俯而就。不肖者跂而及。今大人服制已滿。況天朝恩典。禮當從吉。〔衆〕說得是。〔生〕門閭旌表感吾皇。〔旦貼〕孝服今朝換吉裳。〔合〕不是一番寒徹骨。爭得梅花撲鼻香。〔生日貼下外引侍從上〕

〔前腔〕風霜已滿鬢。玉勒雕鞍。走遍紅塵。今日到此喜欣欣。重相見。解愁悶。

〔合前淨〕這裏就是蔡相公廬墓所在。請相公駐節。〔生日貼吉服上〕

〔前腔〕〔合〕心慌步又緊。想皇恩已到寒門。披袍秉笏更垂紳。冠和帶。一番新。

〔合前外〕聖旨已到。跪聽官讀。皇帝詔曰。朕惟風俗爲教化之基。孝弟爲風俗之本。去聖逾遠。淳風日漓。彝倫攸斁。朕甚憫焉。其有克盡孝義。敦尙風化者。可不獎勸。以勉四海。議郎蔡邕。篤於孝行。富貴不足以解憂。甘旨常關於想念。雖違素志。音遂佳名。委職居喪。厥聲尤著。其妻趙氏。獨奉舅姑。服

勞盡瘁。克終養生送死之情。允備貞潔韋柔之德。糟糠之婦。今始見之。牛氏善諫其父。克相其夫。罔懷嫉妬之心。實有遜讓之美。曰孝曰義。可謂兼全。斯三人者。朕甚嘉之。使四海億兆。皆當儀刑斯人。垂範將來。風移俗易。教美化行。唐虞三代。誠可追配。是用寵錫。以彰孝義。蔡邕授中郎將。妻趙氏封陳留郡夫人。牛氏封河南郡夫人。限日赴京。父崇簡贈十六勳。母秦氏贈天水郡夫人。於戲。風木之情何深。式彰風化之表。霜露之思既極。宜沾雨露之恩。服此休嘉。慰汝悼念。謝恩。〔牛旦貼謝恩介外拜墳介生日貼拜謝介生〕荷蒙岳丈保奏。愚婿何以克當。〔貼〕自別尊顏。且喜無恙。〔外〕孩兒。且喜各保安康。再得相見。〔丑末相見介外〕此二位是誰。〔丑〕下官是陳留縣知縣。〔末〕老漢是蔡相公鄰人張廣才。〔生〕卑人父母。多多得他周濟。〔外〕元來就是張太公呵。俺朝裏也聞他仗義高名。賢婿。你今起服回朝。未得展報深恩。我有黃金一笏送與。聊表報答之意。〔生〕太公請收下。〔末〕救災卹鄰。萬古之道。又況你二親不保。實有愧顏。何敢受令岳之賜。〔生〕太公且暫收下。卑人尙當申奏朝廷。還有區區犬馬報效。〔末〕說那裏話。此金斷然不敢受。〔外〕賢婿。張公高義的人。不可再強。老夫回京。當奏請官職俸祿。以酬大恩便了。

〔一封書〕〔外〕我恭奉聖旨。跋涉程途千萬里。吾皇親賢意甚美。因探孩兒并女壻。賢壻。你夫婦呵。數載辛勤雖自苦。一旦榮華人怎比。〔合〕耀門閭。進官職。孝義名傳天下知。

〔前腔〕〔生〕兒不孝。有甚德。蒙岳丈過主維。〔作悲介〕何如免喪親。又何須名顯貴。可惜二親飢寒死。博得孩兒名利歸。〔合前〕

〔前腔〕〔旦〕把真容重畫取。公公婆婆。如今封贈伊。把你這眉兒放展舒。只愁你瘦儀容難做肥。今日呵。豈獨奴心知感德。料你也銜恩泉世裏。〔合前〕

〔前腔〕〔貼〕從別後倍哀戚。況家中音信稀。爲公姑多怨憶。爲爹行常淚垂。今日見公姑無媿色。又得與爹行相依倚。〔合前〕

〔永團圓〕〔衆〕名傳四海人怎比。豈獨是耀門閭。人生怕不全孝義。聖明世。豈相棄。這隆恩美譽。從教何所愧。萬古青編記。如今便去。相隨到帝畿。拜謝皇恩了。歸院宇。一家賀喜。共設華筵會。四景常歡聚。顯文明。開盛治。說孝男。并義女。



玉燭調和歸聖主。

還居墓茨已三年。

莫道名高與爵貴。

何幸丹書下九天。

須知子孝與妻賢。



琵琶記終

中華民國柒拾捌年陸月廿日

贈



國家圖書館



000797826

